

廣西旅行記





---

田曙嵐著

廣  
西  
旅  
行  
記

中華書局印行

---

民國二十四年九月發行

廣西旅行記 (全一册)

◎

定價銀一元五角

(外埠另加郵匯費)



有者准不 著作翻印

著者 田 曙 嵐

發行者

中華書局有限公司  
代表人 陸費逵

印刷者

上海靜安寺路  
中華書局印刷所


總發行所 上海棋盤街 中華書局

分發行所 各埠 中華書局


## 小引

民國二十年，余任史地教職於上海民智中學。春假期間，偕民智校友多人同遊崑山。返滬後，感於我國地理教材，記載多不翔實，因決志辭去教職，周遊全國及全世界，站在史地兩種科學之立場，實地考察各地自然狀態與人文概況，冀有所得以貢獻於社會。但茲事體大，一切計畫，毫無端倪；故動念之始，尙未敢向各友好遽行發表。越一月，計畫粗具，乃商之民智校長徐忍寒先生；當承徐校長多方鼓勵，而余漫遊之志益決。同時決定以『踏遍神州，周遊大地；此身不滅，此志不渝』十六字，作爲誓言。又以『民胞物與，兼愛親仁；世界一家，中國一人』十六字，作爲信條。當於是年七月一日，由上海北站乘同昌車行所贈之腳踏車，按照預定路線，先向浙、閩進發，次及粵、東、海、南，於二十二年五月十五日抵欽縣。計自上海至此，費時將近兩年，歷縣一百有二，計程約一萬六千里。在此期間內，曾於每一省區遊畢之後，即印發行程報告、歷程表及沿途各縣調查撮要一覽表等分寄沿途各界友人。言雖不詳，在區區之忱，以爲如此或可暫壓愛護曙嵐者一時之望矣。然遊踪所至，每於郵局候領之信件中，接讀後方各友好來書，仍紛紛以未知曙嵐之日常遭遇及沿途各縣詳細情形爲憾。且多有囑將調查筆記早日整理付印者。盛意殷拳，殊堪感謝。因此余於遊畢海南島後，


卽擬先行出版一部海南島調查及遊記，以後則陸續發表各方調查紀。然因種種關係，終未能如願。嗣離欽縣，度十萬大山以入廣西，於五月二十二日首抵上思。計經四十縣，歷程六千三百餘里，而於二十三年二月四日由廣西全縣轉入湖南。抵湖南後，復承諸舊雨新知，頻以廣西風土情形見詢。他省友人之知余行踪者，亦多來函相問。余知出版調查筆記，不可再延，因檢取材料，作廣西旅行記，提前出版。非敢自儕於著作之林，聊以慰友人之渴望而已。




江 陽



峯 秀 獨




山 虞




山 波 伏







霞 洞 一



巖 山 巖



嶺 桂



洞 龍 木

# 田曙嵐遊歷廣西路線圖



|    |    |    |    |    |    |    |    |
|----|----|----|----|----|----|----|----|
| 省會 | 省界 | 國界 | 運河 | 伏派 | 河派 | 主峯 | 山脈 |
| □  | —  | —  | —  | —  | —  | —  | —  |
| ○  | —  | —  | —  | —  | —  | —  | —  |
| ●  | —  | —  | —  | —  | —  | —  | —  |
| △  | —  | —  | —  | —  | —  | —  | —  |
| —  | —  | —  | —  | —  | —  | —  | —  |
| —  | —  | —  | —  | —  | —  | —  | —  |
| —  | —  | —  | —  | —  | —  | —  | —  |
| —  | —  | —  | —  | —  | —  | —  | —  |
| —  | —  | —  | —  | —  | —  | —  | —  |

比例尺  
 里百二 里十五百 里百一 里十五 0

# 廣西旅行記目次

序

桂林風景八幅

第一編 由廣東欽縣至邕寧.....

五月十八日至七月二十二日

小引

|   |                                 |    |
|---|---------------------------------|----|
| 一 | 初抵 <u>上思</u> .....              | 一  |
| 二 | <u>上思</u> 的香豬和天桃.....           | 六  |
| 三 | <u>上思縣</u> 概況.....              | 八  |
| 四 | <u>上思</u> 八景和 <u>上思</u> 四奇..... | 一  |
| 五 | <u>上思</u> 的風俗.....              | 一三 |
| 六 | 由 <u>上思</u> 至 <u>思樂</u> .....   | 一五 |
| 七 | <u>思樂縣</u> 概況.....              | 一八 |

目次

八 燕子巢山下的洞與井

九 所謂歌墟

- 一〇 由思樂至明江……………二二三
- 一一 明江縣概況……………二二四
- 一二 明江八景……………二二六
- 一三 明江的風俗……………二二八
- 一四 寧明的特產與勝蹟……………二二九
- 一五 寧明縣概況……………三三一
- 一六 「祖德流芳」與「先鋒爺爺」……………三三三
- 一七 由寧明至龍州……………三三四
- 一八 龍州的勝蹟……………三三五
- 一九 龍州縣概況……………三七七
- 二〇 龍州的蛤蚧酒與桃榔粉……………四〇〇

|    |                  |    |
|----|------------------|----|
| 二一 | 龍州的「要命」與下凍的「拉親家」 | 四一 |
| 二二 | 紫霞洞之遊            | 四三 |
| 二三 | 上金縣概況            | 四四 |
| 二四 | 上金的古甌龍泉與癡瘋巖      | 四六 |
| 二五 | 先爲母後隨夫           | 四七 |
| 二六 | 響水壩的雙雙瀑布         | 四八 |
| 二七 | 女子治外男子治內         | 四九 |
| 二八 | 崇善縣概況            | 五一 |
| 二九 | 崇善的勝蹟            | 五三 |
| 三〇 | 錯過了扶南            | 五五 |
| 三一 | 幾個深刻的印象          | 五六 |
| 三二 | 邕寧的青秀山及其他勝蹟      | 五九 |
| 三三 | 邕寧縣概況            | 六一 |

三四 不重生男重生女

六四

第二編 由邕寧至百色

七月二十三日至九月三日

三五 反過來走一遭

六七

三六 扶南縣概況

六八

三七 扶南的特產

七〇

三八 扶南的勝蹟

七一

三九 男子不得自由歸宗

七三

四〇 道過羅陽

七五

四一 同正的餅山洞及其他勝蹟

七六

四二 同正縣概況

七九

四三 同正的「酸肉」與「哭爺娘」

八三

四四 重返邕寧

八六

四五 半步化的輪船

八七

四六 隆安的白鶴巖及其他勝蹟……………八九

四七 隆安縣概況……………九一

四八 楊灣團的「鬼婚」與隴人的特俗……………九四

四九 由隆安至果德……………九六

五〇 果德的曙光洞及其他勝蹟……………九八

五一 果德縣概況……………一〇〇

五二 果德的特產與風俗……………一〇二

五三 夜襲思林縣與鯉魚蛋石……………一〇五

五四 思林縣概況……………一〇六

五五 思林的勝蹟與風俗……………一〇八

五六 平馬就是恩隆……………一一〇

五七 恩隆的馬鞍山及其他勝蹟……………一一一

五八 恩隆縣概況……………一一二



五九 恩隆的風俗……………一一五

六〇 恩隆士著兩性間的特殊風俗……………一一八

六一 到田州去……………一二一

六二 奉議縣概況……………一二三

六三 奉議的風俗……………一二五

六四 大頸症與白眼症……………一二七

六五 恩陽縣概況……………一二九

六六 恩陽的勝蹟與風俗……………一三一

六七 由恩陽至百色……………一三二

六八 百色縣概況……………一三四

六九 百色的勝蹟與風俗……………一三六

七〇 龍州與百色的異同……………一三八

第二編 由百色至柳州……………九月四日至十月十二日

七一 泗城河畔……………一四一

七二 凌雲的水源洞及其他勝蹟……………一四三

七三 凌雲縣概況……………一四九

七四 凌雲的特產……………一五二

七五 凌雲的風俗……………一五四

七六 凌雲土著的婚嫁風俗……………一五六

七七 凌雲長頭猿的特俗……………一五八

七八 凌雲客民的風俗……………一六一

七九 幽杳的寥隴洞與嵐光洞……………一六三

八〇 隴下洞的發現……………一六六

八一 三門洞的慘迹……………一六八

八二 海亭鄉的慘史……………一七〇

八三 鳳山的穿巖與萬人巖……………一七四

- 八四 鳳山縣概況……………一七七
- 八五 鳳山的風俗……………一八〇
- 八六 新郎不得開桃源……………一八三
- 八七 過泗孟嶺……………一八六
- 八八 東蘭八景及其他勝蹟……………一八八
- 八九 東蘭縣概況……………一九二
- 九〇 東蘭的風俗……………一九四
- 九一 東蘭的「埋蛙婆」與獠人的風俗……………一九八
- 九二 東鳳歌謠的偉力……………一九九
- 九三 由東蘭至河池……………二〇一
- 九四 河池縣概況……………二〇四
- 九五 河池的勝蹟……………二〇七
- 九六 河池的風俗……………二〇八

九七 河池獯苗獨等族的特俗……………二一〇

九八 慶池公路中的跳舞汽車……………二一二

九九 宜山的白龍洞及其他勝蹟……………二一三

一〇〇 宜山縣概況……………二一五

一〇一 由宜山至柳州……………二一七

一〇二 柳州的立魚峰及其他勝蹟……………二一八

一〇三 柳州縣概況……………二二〇

一〇四 柳州的風俗……………二二五

#### 第四編 由柳州至鬱林……………十月十三日至十一月二十三日

一〇五 屈折縈迴的柳江……………二二九

一〇六 象縣概況……………二三〇

一〇七 象縣的特產與勝蹟……………二三三

一〇八 象縣的溺女與招贅風俗……………二三五

- 一〇九 瘴魔又來了……………二三七
- 一一〇 武宣縣概況……………二三九
- 一一一 武宣的勝蹟……………二四四
- 一二二 通挽區婦女的染織業……………二四七
- 一二三 無緣一見斷籐峽……………二五〇
- 一二四 到獠山去……………二五二
- 一二五 獠山風光……………二五五
- 一二六 獠山概況……………二五八
- 一二七 獠人的風俗……………二六一
- 一二八 自獠山歸來……………二六五
- 一二九 桂平的西山及其他勝蹟……………二六六
- 一二〇 桂平縣概況……………二七〇
- 一二一 桂平的特產……………二七四

一一二 桂平的「留命」與「子孫釘」……………二七六

一一三 鬱江船上……………二八〇

一二四 貴縣的南山及其他勝蹟……………二八一

一二五 貴縣概況……………二八四

一二六 貴縣的風俗……………二九〇

一二七 「收買豬精小便」……………二九二

一二八 興業的石巖山及其他勝蹟……………二九三

一二九 興業縣概況……………二九六

一三〇 興業的龍荔果與楓柯桂……………三〇〇

一三一 興業民性的優點與劣點……………三〇二

一三二 興鬱路上的趣劇……………二〇四

一三三 鬱林縣概況……………三〇七

一三四 鬱林的勝蹟……………三一二

一三五 鬱林的「茶泡」與「酒擔」……………三一六

第五編 由鬱林至平樂……………十一月二十四日至十二月二十八日

一三六 往北流去……………三一九

一三七 北流的勾漏山及其他勝蹟……………三二〇

一三八 北流縣概況……………三二四

一三九 北流的特產……………三二八

一四〇 北流的風俗……………三三一

一四一 南山之遊……………三三一

一四二 容縣的真武閣及其他勝蹟……………三三四

一四三 容縣概況……………三三六

一四四 沙田柚與沙田筍……………三四〇

一四五 「一爐分兩柱香」……………三四一

一四六 由容縣到岑溪……………三四三

|     |            |     |
|-----|------------|-----|
| 一四七 | 岑溪縣概況      | 三四四 |
| 一四八 | 岑溪八景       | 三四七 |
| 一四九 | 岑溪的爭訟與贅壻風俗 | 三四八 |
| 一五〇 | 由岑溪至蒼梧     | 三五二 |
| 一五一 | 蒼梧縣概況      | 三五三 |
| 一五二 | 蒼梧的桑寄生酒與嘉魚 | 三五九 |
| 一五三 | 蒼梧八景及其他勝蹟  | 三六一 |
| 一五四 | 蒼梧的風俗      | 三六四 |
| 一五五 | 撫河舟中的消遣    | 三六六 |
| 一五六 | 昭平縣概況      | 三六九 |
| 一五七 | 昭平八大產業     | 三七四 |
| 一五八 | 昭平的勝蹟      | 三七五 |
| 一五九 | 昭平的風俗      | 三七八 |



一六〇 聯想到伏爾加船夫曲……………三八〇

一六一 平樂的昭山及其他勝蹟……………三八三

一六二 平樂縣概況……………三八六

一六三 平樂的風俗……………三九〇

第六編 由平樂至全縣……………十二月二十九日至二月四日

一六四 平陽舟中與陽朔的風俗……………三九三

一六五 陽朔風景(一)……………三九五

一六六 陽朔縣概況……………三九九

一六七 陽朔風景(二)……………四〇二

一六八 桂林道中……………四〇四

一六九 桂林的七星巖與獨秀峯……………四〇七

一七〇 良豐之遊……………四一〇

一七一 風洞山虞山與伏波山……………四一二

一七二 月牙巖龍隱洞與象鼻山……………四一四

一七三 桂林其他諸勝蹟……………四一五

一七四 桂林縣概況……………四一七

一七五 桂林的特產……………四二二

一七六 桂林的風俗……………四二五

一七七 由桂林至靈川……………四二六

一七八 靈川縣概況……………四二七

一七九 靈川的勝蹟……………四三一

一八〇 靈川的風俗……………四三四

一八一 過大溶江……………四三七

一八二 興安的穿巖與乳洞巖……………四三八

一八三 湘桂運河的歷史與地理……………四四四

一八四 湘灘同源辯……………四四六

|     |                  |     |
|-----|------------------|-----|
| 一八五 | 興安縣概況·····       | 四五〇 |
| 一八六 | 興安的風俗·····       | 四五三 |
| 一八七 | 興安五排及各邊隘的民族····· | 四五五 |
| 一八八 | 不是「兄弟」是「小姪」····· | 四五七 |
| 一八九 | 全縣的湘山及其他勝蹟·····  | 四五九 |
| 一九〇 | 全縣概況·····        | 四六三 |
| 一九一 | 全縣的械鬪·····       | 四六八 |
| 一九二 | 西延地方的風俗·····     | 四七〇 |
| 一九三 | 別矣廣西·····        | 四七一 |

# 廣西旅行記

## 第一編 由廣東欽縣至邕寧

……………五月十八日至七月二十二日……………

### 一 初抵上思

五月十八日，天晴。上午九時，將所借馮樹業堂之欽州志送還，仍返天涯旅店。由店夥雇到挑夫一位，洋五元，以送到上思縣城爲止。據挑夫云：『須先付半價，作爲定洋，以便供家中妻子數日之生活費。』余以爲無他，且彼往返數日，家中用費，亦所必需；乃畀以洋二元，餘則待至上思再付。十一時，與胡君壽山偕同挑夫同向上思進發。離欽縣後，循邕欽公路之欽黃段路基（由欽縣至黃屋屯）前進，因係新築，故尙未通車。一路風光，亦甚平常。約行三十餘里，渡魚洪江，登岸即黃屋屯。爲時尙早，本可再行一二十里；惟以是日所雇挑夫，態度鬼祟，若再前去，恐中途有所不便；正在趑趄不前之際，此挑夫反欲速行，使余疑慮益甚，乃覓一較爲

妥當之客棧宿焉。

五月十九日，天陰晨起，與胡君商議爲預防萬一計，決定以大寺墟爲是日之終宿地，沿途小心防範。早飯後，乃出黃屋屯北行，度一長嶺，以後復經數里之山道，至柳頭，道旁有賣糕、餅、米粉、稀粥等之零食舖一家，因入內午餐。餐後復前進，經草墟而抵大寺，計自黃屋屯至此，凡五十五里，沿途挑夫雖復有可疑之表現，然以防範綦嚴，幸尙無事。是晚余等所宿之客棧，人頗衆多，且係通房，益以可疑之挑夫，乃盡將行李等件置於牀上，以備不虞。又恐藏之愈密，愈易啓人之垂涎，以爲此中必有可取者在，因不時揭開行篋，故意亂翻，以示此中並無貴重物品。有之，不過表格、地圖、書籍、照片之類而已。此種物品，在余雖爲不可少之物，而他人得之，則毫無用處也。飯後，挑夫復藉故向余索借洋六毫，余復予之一宵無事。

五月二十日，大雨晨起，不見挑夫在棧，意其出外購物，因靜待之。飯後，仍未見來，乃詢諸店主人，始知此君已逃去矣。不禁爲之一驚。因彼所應走之路程，僅及三分之一，而彼所取之工資，則已達二分之一。且余之損失，不僅此而已，中途臨時雇人，又必受第三者之敲詐，故意高抬工價。繼思此君心懷叵測，若繼續同行，恐亦非福；差幸昨日已示以底細，使彼失望而去，又不覺爲之欣然色喜。乃置之不究。同時以天雨太大，決定勾留一天，明日再行。

五月二十一日，天仍雨，但較昨日爲小。早飯後，復雇得一挑伕，交涉結果，仍需洋四元，始能送至上思城。余諾之，囑卽起程。臨行時，伊亦索定洋若干，並云當地通例如此。余卽應曰：『抵上思時，余尙能不給汝之工資耶？』復經店主人告以昨日之事，彼乃默然，惟置之一笑而已。遂起程。出大寺墟後，往西北行，以雨後道路，非常溽滑，自忖將不免一跌，因此時時警惕，同時並囑胡君特別小心。而於上下山坡時，尤注意全身之重心作用。如此小心翼翼，一路經屯光、平利、大路、那統諸村，直至貴台墟，始略用點心充饑。時已二句鐘矣。蓋沿途一帶皆無物可購以充食也。稍憩片刻，涉貴台江，前進二十里，地勢愈趨愈高。至那旺村，投宿一無名伙舖。余等洗面濯足，更換鞋襪，忙甚。濯足後，出門採辦菜蔬，但僅購得酸芋苗一大碗，和新鮮甕菜一大把而已。復取出銅元十餘枚，託店主人代購油鹽，以便炒菜。店主人答以此處無油可沽，余爲之愕然。復託其轉向住民張羅，亦遍求不得。於此可想見當地居民生活之艱苦矣。不得已，乃將甕菜及酸芋苗白炒佐飯。二人對嚼，皆覺風味特殊，忍俊不禁。飯後，與胡君閒談，言及一日之間，一行三人，過行七十里滑路，皆未曾滑倒，深爲慶幸。揭視蚊帳，呈深褐色，細驗之，知爲粗麻布所製成。上有不規則形之白色塊十餘處，以手捫之，知係用紙糊以補破穴者。牀上無被，余等因是日天雨，雖在嶺南之初夏，亦頗感清涼；因向店主人借被，以禦夜寒。店主人唯唯而退。有頃，店主人移梯登樓，自其貯藏櫃中取出蓋被一條，摺成一團，形式並不甚大。伊自樓上向下遞給胡

君；胡君仰手欲接，以過重遂墮於地。余頗爲驚異，趨前舉之，果奇重，略加審察，乃知係用小麻繩爲經，各色破布條及破舊棉絮等剪成條狀爲緯所織成，如普通草鞋底之擴大者。戲以手秤之，當在二十斤以上；因戲呼之爲「千斤被」。後以其顏色之多也，又戲改爲「千錦被」。同時胡君歷數今日一天之經歷中頗饒風趣者數事，使余笑不可仰。

五月二十二日，天陰，午後轉晴。晨起，三人復前進，一路皆係山道，約行二里許，卽入廣西境，有高山阻於前，蓋卽十萬大山之正脈也；據挑夫云主峯還在西面，距此約有二十里。余等登高山，遙見對山高處，有苗人住屋點綴其間，頗欲趨前親近一番，但以囊橐有限，殊感未便。且事前絲毫未作準備，故決計直趨上思。至那勒墟，路旁有支廠賣飯、菜及稀粥者，入內就座，叫大頭菜及白煎游魚、豆干等各一碟（因不加油故云白煎）。用米湯伴飯食之。白煎游魚一物，余與胡君皆不甚食，余之購此，不過爲滿足挑伕之慾望而已。飯畢就道，西行三十里至龍門村，夾道有連蓬大廠一座，內有賣粥及糕餅等零食者數起；余等復憇而食焉。又二十里，至蓬樓墟，自此去上思城，僅三十里矣。蓬樓爲上思縣東部較大之墟市，設有鄉公所，息訟委員會及改良風俗委員會等。余等恐中途枵腹，無法應付，因又於食舖內各盡米粉一碗，始行。六時餘，抵上思城，寓縣正街郵政局斜對門之某客棧。

五月二十三日，天陰。早飯後，持沿途各縣調查表往見蘇縣長伯強於縣政府。寒暄後，卽出調查表託伊代爲填述。上思縣風土情形，承蘇君贈余以上思縣草圖一幅，並借到上思縣志作參考。乃辭出，繼訪教育局局長葉君懷青及地方財政局局長梁君熙猷、周君作師等。數君皆一本至誠，指示當地風土情形甚詳；余甚爲感謝。午後，天雨，居斗室中，披閱志籍，跬步未離。

五月二十四日，天仍雨。晚飯後，仍在客棧中翻閱縣志。少頃，有土人某君倚余門側探望，略帶笑容，觀其態度，似欲入室而不敢前者；以事前未取得余之同意且未知余之態度也。余知其必無惡意，因延之入室。伊略事寒暄後，自言曾從軍過湖南衡州、寶慶、長沙等處，且曾到過余之故鄉——醴陵；盛稱湖南人之優點。余略與攀談，則知係曾受過湖南民衆熱烈歡迎之北伐壯士而今爲自食其力之農民也。俄頃，復有三人，在房門口探望，復延入，互通姓名。一爲瑞貞記經理江奇瑞君，一爲來興號經理黃振寶君，一爲陸捷興號經理陸邦基君。三君與余均素昧平生；然此日一見，如遇故知；斗室中頓添歡洽空氣，破除旅中寂寞不少。繼詢以當地風俗情形，並承竭誠見告，余甚爲欣感。伊等說話時，每二、三句輒於語尾附帶一『噉』音，頗與湘、漢一帶口調相似。南寧府志載『語音近荆、楚』洵非誣也。坐談約一小時，彼等卽興辭而出。



## 二 上思的香豬和天桃

五月二十五日，天陰，早飯後，江、黃、陸三君復來，並出請酒帖邀余赴宴。余力辭之，不獲。三君去後，檢點上思縣志，送還縣政府。回經菜市場，見有賣生蘭豆者，爲他處所未見。其形略似豌豆，而有褐色麻紋，頗爲美觀。以銅元十枚，購得二合。據賣者稱：『此豆可烹豬脚，食之益人。』午後至縣商會，晤該會主席盧茂松君，談及該縣商業情形，據云在民元以前，尚不失爲廣西西南一大市鎮。民元以後，地方不靖，商務日漸蕭條，近年來受邕、龍通車及政治鬭爭之影響，該處商業更一落千丈，迥非昔比矣。三時返寓，江、黃、陸三君之催客使者已隨至。余以時間尚早，復將前、昨兩日所作之上思縣概況、勝蹟、風俗等篇，校勘一遍。事未竟而使者復來，乃隨同前往。三君設座於來興號，除余外，尚有來賓數人。談坐片刻，即就席。三君情意隆重，肴饌甚豐。十萬山中特產之香蕈，亦於席中嘗之，其味香美，勝於別處。因此談及上思縣之特產。據陸君云：『以出自百讀村之香豬爲最著名。土民以村中池井之水飲豬，其肉分外香美，非他處所及，稱爲「上思香豬」。惜余事前未憶及此，故未去辦。倘先生不嫌疎慢，多勾留一天，明天準可辦到。』余曰：『一之已甚，未敢再擾，弟已決定明早起程。對於特產一項，聞名足矣，不必一一都嘗試也。且爲我而殺生，尤非余心之所安。惟對於先生之盛意，甚爲

感謝。次言及蛤蚧、紅龜及烏骨絨毛雞等物，亦頗爲特殊，特分述於下：

蛤蚧 偶蟲也，與蜥蜴同類異種，長四五寸，首如蟾蜍，體頗肥大，背具彩色錦紋，極爲美麗。縣屬弄懷巖多有之，走如激箭，不易捕，入夜常鳴，如云：『蛤蚧！蛤蚧……』人因此名之。其鳴聲先高而急，次低而緩，最後則漸微而漸息。據醫書所載：『最爲補藥上品，其毒在頭，其功在尾。』云。

紅龜 亦名「紅邊龜」，形與普通龜無異，惟周邊皮膚及其脚、爪等，皆呈紅色。

烏骨絨毛雞 一名「太和雞」；又名「十相雞」。舊以入藥，稱爲補益品，今猶有重之者。所謂「十相」者：一係白毛；二係絨毛；三係烏肉；四係烏骨；五係烏舌；六係重冠；七係綠耳；八係著褲；九係戴鴛；十係十爪是也。惟矜貴難養，不易蕃衍——每至夜，必須以幃障之，否則受蚊虻之嚙嚼，多病盲而死。又宜獨處，不可與家雞混雜，蓋不能與之爭食也。若同畜一處，則多不能生長。

席罷，與江君等一行數人，同作郊外之遊，出南門，至明江河邊遠眺，承各好友先後指示四方之名山，某也爲三台，某也爲獨秀，某也爲弄懷，某也爲鳳凰，並歷數明江、金印潭等之故事。適余等所立處有高樹數株，云爲天桃，亦上思之特產也。黃君等投石擊之，落下數顆，遞余，余察其形色，嘗其氣味，酷似廣東之檬果。但檬果較大而色深，天桃較小而色淺，檬果樹葉較大而疏，天桃樹葉較小而密，檬果樹枝較稀而散，天桃樹枝較

多而斂；椽果樹較矮而少正幹，天桃樹較高而幹大至數抱。由此可知天桃與椽果顯然是兩種果實，未可混爲一物也；有人云：『天桃即椽果，』誤矣。又據陸君云：『天桃，春天開花，夏至時熟，味極香甜，泡酒至好。但此樹純屬陽，山陰不產；凡人患病及饑餓時皆忌食之。』此則又不若椽果之可治船暈也。遊憇片刻，折至西門外，道旁有高二、三尺之小番桃樹多棵，皆結實如拇指大。江君指以問余：『湖南有此種果實否？』余答以『無』。伊繼云：『此桃七、八月熟，味美可食。』既入城，道經中山公園側。江君笑曰：『先生周遊全國，亦曾見有比此更大之公園否？』蓋反語也。余應之曰：『弟曾見數處公園，大小與此彷彿，但設置較爲完備，故覺較大。此園若能將體育場移至別處，再加以點綴，亦可供縣人士之憇息也。』江君云：『敝處財力單薄，恐不易辦。』即此雛形，尙係民衆自行建築，應景而已。』繼至瑞貞記江君處，稍坐，即興辭而出，回至寓所。胡君謂有外籍人某君笑稱：『縣屬某村，特產一種植物，取其皮熬膏，剪製如「青天白日」形（或云「六國封相」，言其多角也），可以作房中藥，實爲上思特產之尤者。』云。

### 三 上思縣概況

上思地居廣西省之西南部；據左江東源明江之上游，東南以十萬大山山脈界廣東之欽、防二縣；北鄰

邕，綏西接思樂。面積凡一千八百七十五方公里弱。縣城位於明江上游之北岸；東南距廣東之欽縣城約二百六十餘舊里。

考縣境古爲荊州之外徼。漢爲合浦郡及鬱林郡地。六朝時，沒於蠻。唐天寶初，始置羈縻上思州；隸邕州都督府。五代屬南漢。宋屬左江道。元屬思明路。明弘治十五年，改土歸流，屬南寧府。清因之；光緒十五年，改爲直隸廳。民國元年一月，升爲府；二年，廢府、廳、州制，改爲上思縣。

又遷隆峒地，在遠古不可考。宋皇祐中，始置遷隆州。明初屬思明府；洪武二年，以失印降州爲峒，改隸南寧府。弘治十五年，上思改流，始歸上思承審。清因之。民國十七年，奉令裁撤彈壓，歸併上思縣。

縣屬氣候溫和——夏無酷熱；冬無嚴寒。因雨暘而爲寒燠。四境皆山，且多洞壑；易以興雲致雨。故動植之物，亦易生長。惟遷隆峒屬極邊，山荒土薄；歲常暑熱。夏、秋之間，嵐瘴更甚；草木鬱鬱，蛇、蟲伏毒。大抵夏天最高氣溫，約在華氏表九十五、六度；冬天最低氣溫，約在華氏表四十度上下。全年雨量，以夏、秋兩季爲最多；冬季較少。

縣屬住民，多爲漢族。據最近調查：『全縣有男三萬七千二百六十一丁；有女二萬七千零一十八口；男女合計共六萬四千二百七十九人』。城區住民約占二千餘人。此外接連粵邊之千萬大山中，有獠人（亦

有云係苗人者）約五十戶，人數未詳。

縣屬物產，以穀米、豬仔、生牛等爲大宗。穀米分粳、黏、糯三種，每年出產約二千九百三十萬斤。除本縣自給外，常能有餘銷流於廣東之欽、防二縣。豬仔出境年約四萬餘隻，生牛出境年約二千餘頭。其銷售地方，與穀米同。次爲番薯、花生、豆類、蔗糖、八角、雜糧、雞、鴨等，出產亦多。除自給外，間有輸出鄰境者。再次爲芋頭、南瓜、藍靛、菜菔、池魚、煙葉、竹筍及其他蔬菜等，出產亦不少。

縣屬四面皆崇山峻嶺。東南與廣東欽、防二縣爲鄰，有十萬大山綿亘全邊。貨物往來，全恃肩挑。登高下坡，道路崎嶇；橫溪越澗，鮮有橋梁。東北連接邕、綏兩縣，亦有天然嶺界，運輸維艱。中部地勢雖較低窪，然邱陵起伏，仍非完全平坦之區。現政府雖勘定縣公路東段擬越過十萬大山，以與邕欽公路相啣接，西段擬越過與思樂分界之大嶺，以與邕龍公路相啣接，然以工程之浩大，與上思人民財力之單薄，兩相比較，欲望全部成功，恐尙有待也。

河流有明江，源出縣南之十萬大山，曲折東北流，至天成墟，乃折往西北流。至縣城南門外，計長約百餘里，皆水淺灘多，湍流甚急。由此復西行十餘里，有一高灘，水從懸巖流下，望之如垂簾。下游船行至此，卽不能上。水盛時，上游船則能下而不能返；縱下亦甚危險，故言上思水上交通者，皆以此爲終點。

郵電在縣城則設有三等郵局及三等電報局各一所；在妙墟則設有郵寄代辦所一所。

縣屬文化，截至現在，有縣立師範講習所一所，完全小學六所，初級小學八十二所，代用學校十九所，公園，有中山公園一處，規模極狹小，尙未竣工。公共體育場，與中山公園聯繫在一處，北面開一門，上署『上思中山公園』等六字；東面開一門，則署『上思縣公共體育場』等八字；其實一而二，二而一者也。縣中無專營書業者，書籍、文具等，多由各商店附辦。內中規模較大者惟陸捷興號一家。除文具、書籍外，尙有教育用品、運動器具等可購。

#### 四 上思八景和上思四奇

上思勝蹟，以八景與四奇爲最著名，茲分述如下：

1. 三臺拱翠 三臺山，在城北里許，山頭突起三臺，形如覆釜；樹木陰翳，翠拱縣城。登巔四顧，羣山羅列；村落人家，瞭然在目。

2. 弄懷奇石 弄懷巖，在城西二十里，巖內怪石層疊，勝狀最多；清泉湍流，深不可測；奇草異卉，四時具焉。遊人執炬而入，百端離奇，莫可名狀。

3. 明江晚照 明江，在城南半里，有一深潭。相傳：「常於日入後臨江一望，日影猶映潭中；故名「明江」。後有人將江中大石削壞，以致潭移堤崩，日影已不復如前矣。」

4. 秀嶺開祥 獨秀山，在城南十七里。山頂突起一峯，尖削如筆，與諸山異。

5. 鳳凰霧帶 鳳凰山，在城南三十里。脈從十萬山來，突起峻嶺，名頂篩山；再分兩大支，如鳳凰展翼，直向縣城。

6. 印潭迴波 金印潭，在城南七里。相傳：「明成化間，土裔黃富、黃盞，兄弟爭襲；其母忿恨，棄印於潭，砂石團結成一小印星於潭中，永不崩沒。」

7. 應天晴嵐 應天池，在城西四十里界嶺之上。池水四時常清；雨多不盈，旱多不涸。

8. 溫泉晚眺 溫泉，在城北十五里奮蘆山左偏。泉從石中湧出，其氣薰蒸，四時常煖。

A. 高灘魚卜 魚卜灘，在城西七十里；即百龍村灘。灘下春水汜漾，恆有魚窩。其魚應氣候而來，並不愆期。鄉人每以魚窩多少，卜年收豐歉。

B. 東沼蓮芳 蓮陂池，在東門外真武廟前。池中土泥與別處不同，最宜栽蓮。所產藕節，中心微黃。名曰「沉香蓮」，芳香異常，食味特別。

C. 銅柱崖銘 漢馬援平交趾後，立銅柱於分茅嶺上，爲漢夷界。相傳云：『銅柱歪，交趾衰；銅柱折，交趾滅。』交人懼其歪或折也，故常以土培之。

D. 官井常清 官井，在城西三里許。井上有兩巨石，交加如門。水從石中滲出，氣味甘淡清涼，用以煮茶，歷久常鮮，且其質特重於別水，因名『官井』以貴之。

此外有鳳凰山，在城西南四十里，山上特闢一平陽地，廣袤十餘里，田土肥沃，中有三十六村，四圍壁立，兩邊僅有一路可通。昔人避匪，羣集立寨，一可當百，不啻桃源仙洞，別有天地也。今僅存十餘小村而已。

獅頭山，在十萬山中，最高。登山之頂，望見東京灣，水波茫茫，上思全縣，即在眼底。山上有池，四時不涸；水清無底；四圍生有龍鬚草；游魚多且大，出沒不常。欲遊此山，必待秋冬之時，始能遠望。否則雲霧迷濛，無所見也。

通天巖，在遷隆峒治東淥索村左邊。其巖空洞，由中仰望通天，故名。內可容千數百人，極其寬廣。昔人遊覽其間，多有題詠。

## 五 上思的風俗



上思風俗淳厚，民性謙和，耕農之家，男女共同力作，親友酬酢，崇尚禮節，接待遠客，一見如故，有「天下如一家」，「四海皆兄弟」之風。服飾尚樸素；大多用土布裁成短衣小袖，猶類吾鄉民國初年之時尚。婦女則多喜以白花巾蒙頭，飲食城中較爲考究，而以來往小商人爲尤甚。日常投宿各客棧伙舖，雖僅二三人，亦必肉魚滿桌。一日所獲，多耗於此。鄉村人較儉約，僻遠村莊尤爲窮苦，且有不用油調味者。

縣屬住民，無論城、鄉，性皆好酒，幾有無人不提壺之勢。婦女尤好吸煙，出入常口啣旱烟桿，如吾鄉之男子然，頗不雅觀。房屋矮小，鮮有樓臺；大抵多用生磚或泥土築成，較富有者始用熟磚。

俗尚溺斃小孩，而以女孩爲尤甚。全縣平均計算，每三人中必有一人無妻；每夫婦養育小孩最多不過二人；多則溺斃之。此則風俗之鄙陋者，宜痛革之。

少年婦女，最重禮教；居常概不接見賓客。二八遣嫁後，非遇年節，亦少得歸甯。婚姻多論門第，嫁女爭誇粧奩。婚後兩家姻親，以禮相待；一逢年節，則壻家必餽岳家以應時禮物——如正月送以方粽，五月則送以尖粽。女人聘價，孀婦多於處女；以爲不如此不足以自高其身價。

凡初生子者，外家必餽以雞黍，隨涓吉日，密縫襁褓衣服等以與之。親戚則用雞及香蕉相贈。遷隆峒有喪之家，無論停柩、開弔及送葬之日，親戚眷屬畢集，夫婦小孩俱來赴席，無定數。勢將使富者變貧，貧者使之

停不能葬；未知取義何在，亦陋習也。

至若時序習尚，每逢舊曆元旦清晨，民家各提甕汲水，與吾鄉元旦忌動水土者，恰恰相反。蓋吾鄉係取「安謝水土」之意，而此則係取「滌舊取新」之義也。五更前，先烹茶，次燃香燭，列大粽、年糕、米花、果品等物，獻奉祖先；然後各燃爆竹，換桃符，虔拜先靈及父母尊長。三月三日，染五色糯飯，宰牲備酒，拜掃墳墓，補新土，掛紙錢，隨就墓前醉飲而歸。或以既失怙恃，有生不如醉死之意歟？四月八日爲「浴佛辰」，採野艾數種，取氣味辛香能避瘴解毒者，和以糯米及糖，春搗作粢團，舉家食之，謂能却病。重陽重拜掃墳墓。十月一日祭祖先，製紙衣詣墓前焚之，謂之「送寒衣」。冬至日，民間以月糍（圓形之糍餅，糯米做成）供奉先祖，敦請親朋，并相餽送。

此外相傳十萬大山中之苗族，有一最特殊之風俗，卽苗人對於初到之客，每喜以大蚯蚓一碗敬饗之。漢人中如有知其俗者，勉強食下，彼卽待如上賓；否則彼卽視爲大辱，必怒而毆之，亦異聞也。

## 六 由上思至思樂

五月二十六日，上午天晴，八時由上思起程，出西門，向思樂進發。是日所雇挑夫，體力甚健，步行極速，有

如脫羈之馬——余自雇挑夫以來，未有若是之速者。余等爲防萬一起見，亦緊步隨之；沿途多邱陵，迴旋起伏，甚爲不平，故不見有任何車輛之通行。雖間有正在起築之公路路基橫越其間，但零零碎碎，片片段段，尙未聯成一貫。在各邱陵上，不時發現長至尺許之大蚯蚓，橫陳道中。因此聯想到十萬山中苗人用大蚯蚓饗客之傳說，幾欲爲之作嘔。料此種事實，不過傳說而已。如果真有此種風俗，則余寧願被毆而不願食蚯蚓也。十一時，抵昌墩墟，除中途購粥充飢外，復憩於墟西嶺頭之茅廠內，略用點心。稀粥以止飢渴，再前進二十餘里，余因貪看道旁風景，任胡君等前進。頃刻之間，胡君等已繞一大灣，趨至對面山上。余觀其地形，改由右側小道直趨該處，意欲縮短路線，以便追及胡君。不意進至半里餘，山勢忽轉向右折，小路亦如之；欲達彼岸，須橫越一小隴，且有一小溪經流其間。余至此，大悔剛纔之多事，不得已，繞道趨之。結果，較之大道，反多行半里餘，真所謂「弄巧反成拙」也。既至山上，尋得大道，乃兼程而進。復約二里許，見前面山坡下，有茅廠二座，意胡君等必在此處等候，且行且眺，近之果然。在廠中復略用稀粥解渴。已而大雨如注，余等乃移行李等於廠中避之。據挑夫云：「自此至在妙墟，尙有三十里。」云。少頃，雨霽，復前進，登一土嶺；因雨後土濕成泥，恐致滑倒，故舉步極小心。行二十里，至一處，道旁有支茅廠賣涼米粉皮者，余等復各盡一碗，始就道。五時餘，抵在妙墟；所見客棧，皆係通房——一室之內，多至十餘舖位相連，少亦數位。余欲覓一較小之單房間，以備不虞。連

至數家，詢以「有房間否？」伊等多答稱曰「有」，及隨之入內，則以米湯相饗。蓋該處土語稱米湯爲「飯漿」，與國音之「房間」二字極易相混，而余所操者係國語，此與在海南醫院時之誤「報紙」爲「包子」及在三亞港時之誤「信套」爲「薑頭」，同一可笑。最後房間終未覓到，不得已投宿於曾經飲過飯漿之客棧之通房中，行裝甫卸，卽往外講辦菜蔬——以供卽夕及次早佐飯之用。在妙墟爲上思縣西部最大之市鎮，設有郵寄代辦所一處，明江下游之舟楫，多止於此。

五月二十七日，天晴，早飯後，由在妙墟起程，西行四十里，至與思樂交界之大嶺，一路風光無殊。在各邱陵上，亦間有零碎片段之公路基發現，但此種路基，亦僅至此而止；以後入思樂界，便不復見矣。度大嶺後數里，至一山嘴，有用亂石砌成之住屋二家，內備有煑熟之豬肉及肉糲等可買。余等乃購肉糲數枚用作午餐。餐後，稍感疲憊，夾胡君緊隨挑夫前進，余則緩步而前，約行數里，胡君等已去遠，早爲山林所遮蔽。路遇鄉人數輩，余叩以至思樂縣之里程，渠等竟茫然不知所對，後有一較機警者，作醒悟狀，始云：「思樂縣卽海淵墟，由此再往西去，尙有十里許。」余於此不禁有感焉：計自思樂設縣至今，已十餘年，而至今鄉民尙祇知有海淵墟而不知有思樂縣，對於當地之地名，尙且蒙昧如此；其他更堪問耶？再前進，至明江岸，見胡君等已渡河矣。余既達彼岸，急趨至茅廠中，購飲飯漿二碗，同時廠中案頭陳有糕、餅、甘蔗、稀粥等物，余等亦略嘗之。廠主

人爲女性，年約四十餘歲，齒黑唇紅，旁一婦人，手持扇條，似爲過路憩息者，年亦如之；口中似含有物，正在咀嚼不停；二人皆頗引起余與胡君之注目。事後調查，始知該地有染齒之習。某婦所咀嚼者，卽係荻葉、熟煙、血藤之類也。約行四里許，道經思樂中山公園及公共體育場側，觀其面積狹小且無甚設備，僅具雛形而已。由此百餘武，卽至思樂縣（海淵壩），寓居新街客棧。

五月二十八日，天晴。上午九時，逕至思樂縣政府投刺入，見莫縣長、莫君、岑溪人，服飾極樸素，絲毫無時下官僚習氣。寒暄之餘，卽以思樂風土情形，並出沿途各縣調查表請爲代填。據云：「此間原爲土思州與思陵土州之地，風氣甚爲閉塞；諸事皆落人後。關於氣候之測量，物產之多寡，向無確實統計。最近始由廣西省建設廳分發風、雨、氣溫等測量表給縣政府應用；現在僅可得出約數而已。」旋承贈以思樂縣地圖一幅，並借予廣西行政視察報告彙編及其他志籍以供參考。乃辭出，回至客棧。是日適爲舊曆端午節；明江中有鑼鼓聲喧，疾至河干，視之，僅見有小舟二艘，各坐數人，間以鑼鼓遊行上下而已。實無所謂「競」之表現也。卽旁觀者亦不甚多，無甚可觀。因卽返寓，繼續閱書。

## 七 思樂縣概況

思樂地居廣西省之西南端；北部跨明江南、北兩岸，南部與安南接界，東鄰上思，西接寧明，北連崇善，東北界綏濠，西北界明江，東南一小部分界廣東之防城縣，面積凡二千五百五十二方公里，縣治位於明江中流之南岸；東距上思縣城約一百五十舊里。

考思樂在唐爲羈縻思明州地，隸邕州都督府。宋仁宗皇祐初，狄武襄公破儂智高於邕，部曲黃善璋從征有功，奏授成忠郎，於思明州設永平寨，使之世襲，縣地屬焉。元改永平寨爲思明路，明又改爲思明府，縣地俱屬之。清初仍明制，雍正十三年，始於縣地置土思州。民國五年，改土歸流，將思州改爲思樂縣，遷治於海淵。又思陵土州沿革，在遠古不可考。唐時始置羈縻思陵州，屬安南都護府。宋屬邕州左江道。元爲思陵土州，屬思明路。明直隸廣西布政司。清屬太平府。民國五年，歸思樂縣承審。十七年，廣西省政府議決，廢除省內各土屬，因併入思樂縣。

縣屬地在熱帶，燠多寒少，盛暑時最高氣溫，約達華氏表九十八度；冬天最低氣溫，約達華氏表三十八度。至若雨量，據當地人士稱，僉云夏天最多，冬天最少。

全縣住民，多爲漢族，據最近調查：有男二萬三千五百九十二丁，有女二萬零三百一十五口；男女合計共四萬三千九百零七人。城區住民，約占二千餘人。外有苗族約五百餘人，雜住東南山中，以墾山爲業。

思樂物產，以穀米、蔗糖、花生油、茴油、瓜子、大麻等爲大宗。穀米每年出產約二千五百萬斤；除供給全縣外，尚有餘裕接濟龍州、上金等處。蔗糖年產約七十萬斤；花生油年產約三十萬斤；茴油約一萬斤；瓜子約十萬斤；大麻約一萬斤。家畜、竹木、草蓆、雜糧、大頭菜等次之；間亦有出口者。家畜一項，以豬、牛、羊、雞、鴨等爲主要；鵝、犬次之。縣屬礦產，蘊藏頗富，聞有數處俱產煤，但均未開採。舊五區東雜鄉有石膏，西南與越南交界處之公母山有金鑛；聞越界所產者，業已開採，惟屬之中國者，尙係處女地也。

縣屬東西交通，尙稱便利。邕龍公路，橫貫北部，東北通邕寧，西通龍州。河流有明江，由上思縣之在妙墟曲折而來，可通民船。再由縣治北門外至北江墟，繞一大灣，始西出明江縣，以達寧明、上金、龍州等處；夏天水盛時，可通輪船。至於南北交通，殊欠便利，而以南至越南之道路爲尤甚——山嶺重疊，往來全恃挑運。其情形正與上思縣之至廣東欽防二縣相同。

縣屬文化，全縣平均識字者，不過百分之一；無中學及與中學同等程度之學校。小學計有完全小學二所，高級小學三所，初級小學八十九所。至中山公園及公共體育場，雖各設有一處，然亦面積狹小，僅具規模而已。聞莫縣長對此業已擬具詳細計劃，極力加以整頓云。

## 八 燕子巢山下的洞與井

思樂勝蹟，以燕子巢村後之洞及燕子巢山下之井爲最著名。

燕子巢村後有一處，四山圍合無縫，中有一洞，僅容人牛出入，入其中，平坦寬敞，可容數百家；有畚池可墾。咸豐初年，盜賊充斥，彼村中人，悉遷其家入內，搭棚以居，再以石堵其洞口，賊無由入，村人竟得無恙。

燕子巢山下有一井，行者距井數里，即聞鐘鼓鏗鏘之聲，蓋山下有伏流，水石相激而成聲也。村人不知，以爲神怪，有問及者，輒搖手使勿言，相傳：『每江水漲，則此井亦溢，溢出高下之度，亦如江漲之度；然必江漲消後，此井始溢。』云云。井溢後，有魚隨出，狀略似鼠，味甚美。土人每值井溢時，家家舉網捕魚，多者至百斤，食有餘，則投熱釜中，亦不去腸雜，煎取其膏，以代豬油。又井溢後，極難消，溢愈多，則消愈遲。光緒辛巳年八月中秋大水，至次年正月井始消盡云。

曹爛山 在治西七十里，四面高山，中有平峒，田可耕，泉可飲，能容百餘人。

摩天嶺 在治西九十里，接明江界，又名摩雲嶺。元陳孚有度摩雲嶺至思陵州之詩。

此外無甚著名之勝蹟，惟西南區接近安南之沿邊一帶，有清末蘇宮保元春所建築之礮臺四座，扼險



築臺以防法人。一在內南區之髻普山，一在副南區之寶蓋山，一在副西區之牛頭山，一在副西區之觀音山，四者皆高敞堅固，千百年後，或亦成爲有名之勝蹟也。

## 九 所謂歌墟

縣屬風俗習慣，大概可分爲土著與客籍兩種，土民性情而好訟，客民差勤而迷信，好訟者多係中訟棍之毒；迷信者尤以客籍之僂人爲尤甚——往往因頭暈肚痛，卽延道士作符咒，而信藥者絕少。民雖窮苦，然三、五年必捐款打齋建醮一次，以期超度亡魂。每次費用，常在二千元以上。衣著尙樸素，城鄉來往，不見有盛裝華服者。男子好飲酒，婦女嗜食萋菜，食時和以灰水、熟烟、血藤等咀嚼之。食之既久，齒黑唇紅，甚爲不雅；而土人以爲美觀，且云「可以保齒」。房屋矮小，多以竹篾、樹枝等織成方格，然後以泥及麻筋等敷之；用熟磚者甚少。縣屬西南區一帶，距縣治較遠，當地土著，殊習頗多。淫風亦盛，有名「歌墟」者，於每年春季時，少年男女，千百成羣，擇定村邊坡地，晝則男女席地而坐，互相歌唱；夜則各作桑間濮上之行。又中區客籍之蔗園人，及西南區之土著，其婚嫁風俗有不落家之習。凡初嫁女子過門三朝後卽返娘家，俟生男、生女後，始歸夫家，成爲正式夫婦。縣屬姦拐命案特多，未始不基於此。莫縣長蒞任未久，對以上兩種習俗，極爲注意，業已明

令嚴禁，務於最短期間掃除淨盡云。

## 一〇 由思樂至明江

五月二十九日，天陰。早飯後，將昨日所借參考書送還莫縣長，返寓僱就挑夫，偕胡君向北江街進發，十里至思州故城，又五里，渡明江，即抵北江街，逕至汽車站，探問車期。据李站長云：『此間車期尚未確定，有無早遲，完全取決於南寧方面，今日午後一時左右，或有車來，不妨在此稍候。』旋延入座，并款以茶煙。嗣有某君爲余談及廣西全省民族、物產、交通、文化等項，略有所得。候至二時餘，忽有一小蓬車自南寧方面急駛而來，余欣然色喜。詎車中載客已甚擁擠，只能再容一人，余商諸胡君，囑彼先去，余留此再候一日。胡君既行，余乃覓一客棧，由車站遷往。棧中枯寂難堪，至市場閑遊，市中所陳多係菜蔬，乾鮮俱備，余略購數樣以備佐膳。

五月三十日，天陰。午前十一時，有郵車一輛駛至，因搭車往明江，行九十里，於下午一時餘抵城，車停城中，時胡君已在站候余，助余攜取行李，同至客寓。

五月三十一日，上午九時，逕至縣政府，據通報云：『縣長尙未起床』，約余十時再去。因折往教育局，局長植啓基君懇勲接待，繼出妍糕（卽年糕）及灰水糰等以饗余。灰水糰係用石灰水浸糯米製成，外形特

長而大，以小繩作方格裹之，頗似特別放大之螞蝗，有長至尺餘者，與他處之成三角形者不同。妍糕係用糯米磨粉做成，濕而軟，表面敷以芝蔴、花生等物，亦不若他處之年糕較乾而硬也。旋有客來見局長爲余介紹，知爲馮君提綱，馮君先代爲山東益都縣人，隨狄武襄公征儂智高而來落籍者。伊對當地風土民情，知之甚詳。既而余向彼等借閱縣志，但局內並無此書；馮君聞余言，允爲余借之。蓋明江縣志尙屬底稿，并未印行也。暢談約一小時，余始辭出，復至縣政府，投刺入，當由祕書某君延入會客室，寒暄後，卽出調查表託渠填寫，旋返旅舍，稍頃，天雨，承馮君冒雨送縣志稿本來，甚爲感謝。入晚，余披覽縣志摘要紀之。

## 一一 明江縣概況

明江地居廣西省之西南部，跨明江南、北兩岸；東、南、北三面，俱與思樂縣接壤，西以交趾河與寧明分界。面積凡一百二十六方公里，弱爲余出發以來沿途最小之縣分。地勢西北石山錯雜，東北與東南，則土山橫列，中間則一坦平陽，田疇一碧，明江貫之。縣治位於明江之北岸，東距思樂縣城約一百零五舊里。

考縣境在唐爲羈縻思明府地，隸邕州都督府。宋仁宗皇祐初，黃善璋從狄青征蠻有功，奏授成忠郎，於此設永平寨，使之世襲；奄有今思樂、明江、寧明三縣地。元改爲思明路，仍由黃氏世襲；世祖時，三征交趾，皆於

此駐師明洪武二年，改路爲府，黃氏世襲如前。清爲明江分府；宣統三年，改爲撫民府。未幾，民國成立，遂改爲明江縣。

縣屬氣候，四季多燠，冬無冰雪，雨後則涼。五、六、七月盛暑，溫度最高在華氏寒暑表約一百度；冬季最低在華氏表三十八度。雨量以三月至八月爲最多；十月至次年一月爲最少。據父老相傳：『占歲之法，謂今年寒多則明年豐稔；燠多則反是。又以十二月雷鳴爲豐年之兆；正月次之，二月又次之，三月則旱，頗多效驗』云。

住民概爲漢族，老籍多係山東益都縣人，宋皇祐初，從狄武襄公征蠻而來落籍者。據最近調查，全縣住民，有男八千四百七十八丁，有女八千三百七十六口；男女合計共一萬六千八百五十四人。不但爲余出發以來沿途面積最小之縣分，亦一住民數量最少之縣分也。城區住民，男女共計二千五百一十八人。

縣屬物產，以穀米、豬、雞爲大宗。穀米每年出產約六百餘萬斤；除自給外，稍有剩餘接濟龍州、上金等處之糧荒。豬年產約二萬三千一百隻；雞約十二萬隻。番薯、包粟、豆類、甘蔗、花生等次之。魚、牛、竹、木、辣椒、蔬菜等更次之。但此二等俱僅供本地人食用，鮮有出口者。此外有後山茶，出沿山諸村，味頗佳，惜所出不多。紅石膏，爲縣中特產，出縣東那關把、笛村，煨成細末，置秧田或稻田，可增加生產；如係紅泥水衝田尤宜。惜縣中農人

未知利用耳。煤礦出琴力村邊，但未經測量，不知多少。

縣屬陸上交通，有邕龍公路，橫貫東西，東北至邕寧凡四百五十里，西至龍州凡一百九十里；在縣境者，長約五十餘里。縣道自城內北至浦楞村，長約三十餘里，通思樂縣之牛墟；南至蕃葆嶺（即飯包山）長約四十里，通思樂縣之三哨。但工程潦草，未能完固。水上交通有明江，橫貫東西，東通思樂，西北下寧明、上金等縣。江面寬約二十丈，每年三月至八月，天降時雨，水深丈餘，可通小輪船。若冬、春兩季，水深僅二、三尺至五、六尺不等，來往船隻，俱須先扒沙，方能前進。郵政僅於城內設郵寄代辦所一處，每日有郵車來往。至電報電話，皆沿公路設有電線，東與思樂西與寧明相啣接。

縣屬文化，計至現在，有縣立師範講習所一所，完全小學六所，初級小學三十一所。縣中無專營書業者。學生需用書籍，概由圖書轉運處代辦；該處附設於教育局內。至若公園及體育場，俱在籌備建築中。

## 一一一 明江八景

1. 太子清泉 在縣治西亭府村前。相傳元太子征蠻時，馬足陷落而泉湧出，故名「太子井」。明解縉爲廣西參議時，曾寓明江書院，院距井不遠，嘗題詩有「見說馬蹄真異事，渥注原自產龍媒」之句。清乾隆

時，知府牟銓易名「杯玉泉」，亦取解縉詩有「太子泉甘玉一杯」之句也。

2. 楓門峻嶺 在縣治北十餘里，高約三十丈，嶺下西邊有鞏門，用石砌成，儼如城門，門上有「雄鎮西南」四大字，相傳：「前朝交趾入貢，於此嶺交點禮物」，故俗呼爲「交貢嶺」。至今鞏門巍然尙存，遊客蒞止，當有不勝今昔之感。

6. 明江夜月 相傳：「洞廊村尾灘水中有石堆，水流激石，潺潺有聲，中有一石平正，月映波心，波翻而影不動；後土府鑿取此石，月影遂渙散，非復舊觀」云。

4. 將臺夕照 在縣治峙洞村後，有一土坡建築將臺，祀雷沙大將軍（卽土府官之子），昔時景致，頗有可觀，今已無存矣。

5. 蓮塘夜雨 在縣治西門，今已變成稻田。

6. 掛榜明燈 掛榜山，俗名「叢珥囊」，在縣南二十餘里，山中古木輪囷，一水縈繞，山椒有洞，素無居人，而黑夜望之，如燈光然，所謂「榜山光燄」也。山多草藥，習草藥者多往採取之，據稱「其餘各草，多不知名，與原隰草類不同」云。

7. 偏桃濃蔭 在縣治南窰頭村邊，係前土官栽培，今已寥落，祇存五六十株。

8. 龍蟠壘嶂 在楓門嶺下，昔時土官種柯十餘里，樹林蔭翳，自高而下，望之如龍；今一樹無存，遍地蒼草而已。

此外勝蹟，有思明土府始祖黃善璋墓，在縣北鹿鳴街外三里許，有石人、石馬、石坊等，規模雄偉。

### 一三三 明江的風俗

俗尚儉樸，古風猶在。飲食不求珍美，衣服不好奢華。惟民性奇懶，以謀生爲恥，偷安之風，成爲習慣；故有『土沃民貧』之稱。婦女勤耕織，或負販手工，出門力作。其夫之懶惰無能者，多賴以生活。雖跣足垢面，嫌於粗野，然此乃爲風俗習慣之良好者，未足爲病也。縣屬琴力鄉喜植扶留（卽葉菜），婦女多嗜食之。食時參以石灰水、烟葉之類，混合咀嚼；其液體流露於唇齒間，積久齒黑唇紅，視爲美觀。其實此種混合物汁，有礙健康；現政府已設法勸導民衆，禁植扶留和咀嚼此類食物，聞已不復如前此之風靡矣。

寡婦再醮，索聘禮頗奢，須銀一百元至二百元，尙需金飾若干，以爲不如此不足以表示其身價。

縣屬招贅之風，由來已古。有女無子者，招男入贅；家產與應繼者均分。城外之人有子女者，女亦招男入贅。家產子與贅婿均分，然往往因爭產涉訟，致不相和睦。

婚禮，下定時，用檳榔、扶留、糯飯、香糕四色，並代首飾銀二元。下定後，每逢年節，以各年節所備之食物餽送之；亦有下定時用香糕四盤，銀二、三十元折免各年節餽送禮物者。喪禮，貧者於七日殯葬，富者則遲至一月或兩、三月始葬。

至若節序，舊曆新歲，家家以糕餅過年；烹鮮以薦祖考。清明，上巳，重陽三節，皆上塚，掛楮幣行墾祭禮。祭品以雞及糯飯。中秋節，除以月餅相餽遺外，並以魚膾相招邀。十二月二十三日，以雞或鴨祀竈神。

#### 一四 寧明的特產與勝蹟

六月三日，天晴，早餐後，囑店主代僱挑夫，送至寧明縣，費時良久，始獲一人，索價甚昂，物不過五、六十斤之重，路不過十餘里之遙，竟索洋至一元五、六角，否則甯肯閒居，晏然晝寢，故不果。後復得一人，亦如之；再三交涉，終以一元代價成行。出西門沿公路行十餘里，抵甯明縣，寓一小客棧中。午膳後，見張縣長毅於縣政府坐談有頃，即出調查表，託其代填，繼赴教育局，因局長外出，當由李督學延見，詢余旅途情況頗詳，並款以當地特製之灰水糴。此糴形式大小與明江縣所製者略同，名曰「涼糴」；但顏色較深，質體較硬，氣味較純耳。據李君云：「此種涼糴，可留至月餘不變。」炎炎盛夏，凡含有水分之食物，隔宿即多敗味，而此獨能持久，竟



至月餘不變，其製法實可謂極精緻也。旋借得甯明州志一部，乃辭歸。

六月四日，天晴，午前在棧，披覽志書。午後偕胡君遊覽縣城四郊，郊外多池塘，水色碧綠，多用以畜魚。各村落間多以茶油樹及碧珊瑚樹等作圍籬，日光閃映，蔚爲奇觀。茶油樹與他處名同而質異，刺之有白汁；樹老則汁紅。一枝三四毬，一毬五六果，果大如彈丸，皮色青，將落則黃黑。一果內有三核，核狀如米而殼黑；去殼榨其仁出油，以之燃燈，甚亮，但不可食。碧珊瑚樹，以形似珊瑚而色碧，故名。海南昌江、感恩一帶，生產極多。而海北一帶，則不曾入目。今復於此間見之，亦一異也。該地特產除上述兩種外，尚有下列數種：一、后山茶，出那略后山，味頗佳，年產約千餘斤。二、起力村冬瓜，出起力村，瓜小質實，勝於他處。三、蚊子樹，相傳此樹實熟則自裂，出蚊子，蚊去則殼空。四、四季棉花，野生，四季開花結實。五、白薯蕷，似薯蕷而色白。六、紅葦蘆，似葦蘆而色紅。莖正直，小兒傷風，取葉烘火使溫，覆小兒頭上，良效。七、龍鬚菜，出嶠中諸山。二、三月間上市，縣人多爭買之。以米粉雜臘肉絲、木耳炒食之，可蕩滌腸中食積。八、稜羅菜，食法與龍鬚菜同，惟炒時甚臭，已熟則香，食亦可口。且不聞其臭，亦奇物也。九、聾狗與聾豬，聾狗狀如小狗，聾豬狀如小豬，惟皆耳聾，食之可已風濕。此外，有藤名狗屁者，未知取義何在。

縣屬石山頗多，較爲著名者有：白馬山、珠峽山、和象伏嶺等。白馬山，在城西南二十五里，石壁雲花燦爛，

隱約如白馬狀；故名。山中穿一洞，有流泉從洞中出，夏冷冬溫，洞上石罅有滴水，水滴泉鳴，自成琴韻，因名曰「鳴琴洞」。珠峽山，在城北二十五里，近江，爲縣治鎮山，象伏嶺，在明江西十里，石下有象跡，旁有泉，交趾河，卽小溪，源出越南高樓州之公母山，經六團、四寨入縣界，流入明江。

## 一五 寧明縣概況

寧明地居廣西省之西南部；跨明江下流東北和西南兩岸。北鄰上金，南界安南，東之北界明江，東之南界思樂，西之北界龍州，西之南界憑祥。面積凡四百五十一方公里，弱。縣城位於明江之西南岸，東距明江城約十五里。

考縣境在秦爲百粵地，漢爲鬱林郡地，唐爲羈縻思明州地，隸邕州都督府。宋初因之，皇祐初年，於思明設永平寨，縣地屬焉。元改永平寨爲思明路，縣地亦屬之。明改路爲府，另於縣中置思明州，爲縣地立州之始。清初因之，雍正十三年，改土歸流，稱爲寧明州。民國成立，廢州爲縣。

縣屬氣候，與明江縣同。間歲亦有嚴寒者；最低氣溫，約在華氏表四十度以下；五、六、七月盛暑，最高氣溫，約在華氏表九十五度以上。維時有班麻症（卽發痧），患此症者，大多係肩挑勞苦之人，想係在盛暑之下，

不知衛生，任意多食冷水、冷粥之故，又多迅雷，人畜間有震死者。秋間多霧，則病瘡者多。雨量以夏季及秋初爲最多，冬季最少。

全縣住民，概爲漢族，老籍多係山東益都縣人。隨狄青征蠻而來落籍者。據最近調查：「全縣有男一萬一千一百三十丁，有女一萬一千四百一十三口，男女合計共二萬二千五百四十三人。」城區（連附近各村在內）住民，共五千二百一十五丁口。

縣屬出產，以穀米、包粟爲大宗。穀米年產約九百餘萬斤，除自給外，尙可輸出一百餘萬斤。接濟龍州及下游各縣。包粟年產約二百餘萬斤。黃豆、大麥、落花生等次之。黃豆年產二十餘萬斤，大麥年約十餘萬斤。落花生年約八、九萬斤。番薯、蔗糖、小米、芋頭、八角、茶葉、草蓆、竹篾、蔬菜等更次之。除自給外，間有輸出鄰境者。家畜以豬爲最多，運銷安南及上金等處，年約萬餘頭。雞、鴨、鵝等次之。縣城內外，多有魚塘，以從前習魚花業多獲厚利故也。瓜蔬，以蕆菜爲最多，縣屬塘中多種之一塘之菜，年可獲洋數十圓。

縣屬陸上交通，有邕龍公路自明江來，經東南城外，由此搭車東北至邕寧約七小時可達，西北至龍州約二小時可達。水上交通，有明江斜貫縣境東北部，上至明江、思樂，下至上金，再東轉崇善或西上龍州，四時俱有民船來往。若遇六、七月江水盛漲時，亦間有電船航行，由下游開來可上通思樂。郵政，城內僅設代辦所。

一、電報電話，俱沿公路設線。

縣屬文化，計至現在，僅有完全小學七所，初級小學三十九所而已。學生需用書籍，亦由教育局附設之圖書轉運處代辦，另有福年商店一家，雖附辦書籍文具，然規模很小。

## 一六 『祖德流芳』與『先鋒爺爺』

縣屬民性，男子勇於從軍，婦女多勤苦，負販力作，若夫、若子、若女，多賴以生活。服飾尚樸素，不愛奢華；布衣短服，饒有古風。男女並重，不惑風水，故從無溺女及爭訟墳山之陋習。年前婦女篤信女巫，病家則誤信雞鬼，青年男女則於舊曆二、三月間喜趁歌墟，東區女子出嫁後，間有不落夫家者。今已逐漸革除。

婚俗，下定後，男家每逢端午節，餽女家以灰水糰及沙糖，中秋節餽以月餅，過年則餽以大糰及年糕；如是者凡四、五年。

喪俗，重久殯，至速亦在五月外始葬。若葬在十日內者，衆必誚其幸親之死。但一葬之後，即不復遷葬；故棺必用好木，就中以香紫櫛爲最貴，枏木次之，水櫛木、旱櫛木、波羅木、紅槿木等更次之。若楓木、木棉樹等，則惟貧家始用之。若稍有餘之家，年在五十以上者，即自行置備，不以預凶爲嫌。此則頗與吾鄉相同。

至若歲序風習：每於新歲家家門外，設一祖翁神位，或書『祖德流芳』四字，並無諱號。供過年糕餅等物，亦烹鮮以薦之。至上元節後乃撤。如此設置，究不知祀誰何之祖先也。除夕多豬肉會，其法先於歲初釀錢生息，至年底統計本息，共得錢若干，殺豬而瓜分之。故過年所需之豬肉固無須沾於市也。

又該處習俗，家家門外，或屋角，或後園皆立有「先鋒爺爺之神位」，奉祀惟謹。但不知神之姓名，或係指宋狄青征儂智高時死事之先鋒卒也。其薦以犬或豬、雞、魚等；惟禁不得用鴨，未知何故。

## 一七 由寧明至龍州

六月五日，天晴。晨起檢拾行裝，早飯後與胡君同至南門外明江岸，趁長途汽車道經白馬、下石等處而至那堪，沿途多雞皮果樹，公路鑿自山腰，斜度頗大，彎曲難行，險峻堪驚，由此可知該路工程興修之不易也。下午三時，抵龍州，寓居尙武街元泰客棧。晚飯後與胡君踱步江邊，兩岸居民濱河而居者多於河邊用熟磚立脚，高達二、三丈，然後鋪以木板以與河岸相平，再於其上建屋，下臨深淵，勢甚高危；然從遠地觀之，却饒別趣。繼至中山公園，曲水環抱，風景天然。園中多小石山，遊息其間，心神爲之一爽。

六月六日，上午天晴，午後二時天雨，至地方財務局借閱縣志，詎該局不肯借出，申言至再，未獲允諾，無

已，攜文具往局，摘錄至晚始返。

## 一八 龍州的勝蹟

六月十日，天晴晨餐甫罷，遊興復生，出西門外里許至鳳凰山。山凡二，突立平地，東西相向，故又名雙鳳山。緣鳥道至山頂，有古寨一，傳爲明時所築。身臨其上，環視四周，則遠山綿亙如鋸；俯瞰全城，則林屋錯雜，雙溪如帶，林屋錯雜之中，間以池塘，澄綠可愛，距此六七里，有山曰障山，磴道隱約，頗饒佳趣，惜因種種關係，未能前去，一餐景色，誠所謂失之交臂也。嗣遊仙巖、清風閣諸勝。至若雙溪、花橋、鐵橋、文塔諸勝，則幾與之朝夕相對者也。茲特分述於後：

1. 雙溪 龍江之源有二：一爲廣源（一名牧馬河，又名高平河），自安南高平省之牧馬，流入縣境西北水口關，經下凍行一百五十里至縣治前，與七溪河相會。一爲七源（卽七溪河），自安南諒山省之七溪州，流入縣境西南平而關，經憑祥縣境，亦行一百五十里，至縣治前，與牧馬河相會。廣源水清，七源水濁，兩河相會後，二、三里之間，清濁猶不相混，大有涇渭分流之意味。

2. 青龍橋 在南門外龍江之濱，古名「花橋」，建築甚古，有二溪水自北而來，至此合而爲一，每屆夏

令，溪水驟至，居高臨下，湍流甚急，有巨石橫其前，激響甚洪，橋於其上，饒有水石之趣。

3. 鐵橋 龍江鐵橋，在南門外偏東，橫跨龍江兩岸，有若長虹。月明之夜，邑人來橋納涼，憑欄望江，舉頭看月，清光在水，涼風襲襟，夜景殊勝。但因年久失修，已有動搖之勢，現邊防對汎督辦公署業已明令嚴禁載重車輛及列隊團體來往，並特派崗警守護，禁止遊人在橋上留連。

4. 文塔 在城外尙武街，竹樹環生，人家四繞，每當夕陽西下，返射塔影，臨江盪漾，頓呈奇觀。

5. 仙巖 在城東二里，省立七中之後，小山聳然獨秀，頗似人工造成，然察其結構，實係天工而非人力所能砌成者。巖上有亭，可供遠眺，名曰『可思亭』。巖下有玲瓏石洞，深二丈許，寬可八尺，夏時宜於避暑。距洞口數步，有石山一座，若屏障然，此山截然爲二，若似二石壘成者。

6. 清風閣 在城東里許，臨江瀕水，景緻清幽，閣前古木參天，濃陰滿地，鳥語磔格，塵囂盡闕。其左有冷孝子祠，以無人管理，久已荒廢矣。

7. 獨山 又名金雞山，在縣治東八里，山頂有塔，作筆形，名曰『文筆塔』。

8. 贊山 在中山公園附近，山石培塿，曲徑蜿蜒，上有鐵亭，今翼然尙存，石壁刻有「鴻雪」二字，頗蒼勁。重陽節屆，來此登高，亭中翹首，四野蕭然，秋色滿目，精神爲之一爽。

9. 古寨遺祠 在城東岸數百復步，相傳馬援曾駐軍立寨於此，後人就地建祠，俗名『伏波廟』。今則舊址模糊，寒烟深鎖，遺祠已渺而憑弔無從矣。

10. 龍元洞 一名保元宮，俗稱小連城。在城西隔河之障山（一名榜山）。距城約八里許，由山麓歷三百餘級石磴至山之半腰，即抵洞門。洞內寬約畝餘，廳堂樓閣，結構宏麗，爲前清提督蘇元春所建，上有漏洞，顏曰『天闕』，稱爲一縣之勝境，登此遙望，龍州一覽無餘矣。

此外有歌墟嶺，在縣東北十二里，舊俗每年四月十一及二十一兩日附近各村少年男女，遊集歌唱於此，行歌互答，極爲熱鬧，故名。又有秀嶺，在縣西南六十里，脈自安南諒山省七溪州扣襠嶺蜿蜒而來，至俸村突然隆起，聳入雲際，高莫與倫，嶺上樹木，周年常青。

## 一九 龍州縣概況

龍州地據左江之上游及廣源、七源二河之下游，南鄰憑祥，北連上金，東南接寧明，西部與安南犬牙相錯，關隘重重，實邊防之要區也。面積凡九百六十八方公里，強縣城瀕龍江之北岸，當廣源、七源二河之會口。考縣境在秦爲象郡地，漢爲龍編縣地，屬交趾郡。唐武德四年，於龍編縣置龍州，屬交州都督府。貞觀元



年，省龍州，以龍編縣屬安南都護府。宋皇祐四年，趙鼎隨狄青征蠻有功，世襲斯土，稱爲羈縻龍州，屬邕州。永寧郡。元大德中，升龍州萬戶府，屬太平路。明洪武二年，復爲龍州。九年，隸太平府。清因之。民國二年，改爲龍州縣。

又縣屬之下凍地方，在遠古不可考。元爲上，下兩峒地，屬龍州萬戶府。明洪武元年，置上下凍州，隸太平府。清因之。民國二年，歸龍州承審。十七年，廣西省政府議決廢除省內各土屬，因併入龍州。

縣屬地在熱帶，多暑少寒。四時皆如春，夏晴熱雨涼，向不降雪，雖在隆冬，亦不過草上屋頂，稍有微霜而已。是時最低氣溫，約在華氏寒暑表四十餘度。盛夏之時，鄉間山嶺之區，頗有煙瘴，溪水飲之，易生疾病。是時最高氣溫，可達華氏寒暑表九十八度。雨量以四、五兩月爲最多，便於農時。秋天少雨。

全縣住民，概爲漢族。據最近調查：『全縣有男三萬一千二百七十七丁，有女三萬零一百七十三口；男女合計共六萬一千四百五十人。』城區住民約占一萬五千六百餘人。

縣屬出產，以穀米、包穀、豆類、八角油、蔗糖、茶葉、材炭等爲大宗。米每年出產約一千萬斤，然求過於供，不足自給，全賴思樂、兩明或安南等處接濟。豆類年產約二十餘萬斤，蔗糖與八角果年各約十餘萬斤。薯類、麥類、梅、李、花生、使君子、木棉花、牛皮、鴨毛、瓜蔬等次之。使君子、木棉花、牛皮、鴨毛等項，每年出口頗多。再其次如

蛤蚧、砂仁、薯蕷、桄榔粉等出產亦不少。家畜以雞、鴨、豬、牛等爲最多。縣屬礦產，向無確實調查。金、錫、鎂、煤、鐵等，所在多有。

縣屬邊陲，山嶺重疊，陸上交通，極感不便。前清蘇元春督邊時，始築龍安路以達靖西，龍南路以達鎮南。關至水口、平而、龍崇、邕龍各路，亦略加修築。惟因山川阻隔，工程不良，仍屬崎嶇難行。至民國九年始興築龍水路，民十二復興築龍南路，均通行汽車。民十五，鎮南公路總局成立，積極進行築路，現邕龍路業已全路通車，龍邊路（由龍州至鎮邊）亦在計劃建築中。獨惜縣道無人過問，羊腸鳥道，聽其自然，尙有待於修築耳。

縣屬水路交通，全恃龍江，自昔航行均賴帆船，至宣統間始有電船來龍。自是而後，電船來往邕、龍者益多。夏間水漲時，由龍至邕，不過二十四小時，由邕至龍，亦不過五十小時，便可達到。至溯龍江而上，由牧馬河可經下凍、水口、關以至安南之牧馬（即高平），由七溪河可經鴨水灘、平而、關以至安南之七溪州，均可通帆船。如夏令水漲，由龍州上溯至水口，可通小輪船。郵政有二等郵局一所，設在尙武街兩湖會館附近。水口、下凍兩處，則設有郵政代辦所。電政有二等電報局一，設在縣政府內，三等電報局二，分設於水口、平而、二關、電話、西通、水口、鴨水灘、南通、憑祥、鎮南、關、東南、通、兩明、東北、通、雷平、養利、靖西、崇善等處。

縣屬最高學府，爲廣西省立第七初級中學，設於東門外約二里許。地址寬敞，空氣清潔。小學教育，有完

全小學九所，高級小學一所，初級小學八十二所，民衆小學二所。報社，有龍州民國日報社一家，設於城內義倉街，日出一小張。書店，有英光書店、振亞公司、消費合作社等三家。公園，有中山公園一處，在龍江西南岸，曲水環抱，風景天然。

## 二〇 龍州的蛤蚧酒與桄榔粉

1. 蛤蚧酒 以附近各縣所產之蛤蚧去其頭浸酒，云可補氣血，遠近馳名。

2. 桄榔粉 以桄榔樹舂碎取粉製成，大者可出粉至數石，形色、氣味皆與藕、蕨粉無異，難以分辨。食之能消暑解熱，止渴生津，且可治紅白痢、水瀉等症云。

3. 雞皮果 出產頗多，以果皮似雞皮，故名。

4. 馬連鞍 係藤本植物，有紅、白二種，紅者以其地下莖煎食，可治痧症，相傳「昔有客患痧症，鄉人以此醫愈之，其人感激，以馬連鞍贈之」，故名。

5. 使君子 爲治小孩寄生蟲之良藥，縣屬出產頗多。

6. 腌喃李 縣屬各處多產李，以出腌喃村者爲最佳。

7. 血藤 生深山中，纏繞樹間，極長，外形略成三角形而曲，與廣東仁化縣丹霞山所產之圓而直者，稍有不同，以之包豬脚，亦補血。

8. 跳子 出下凍地方，色紫黃，不花而實，越三、四年結一次，性滑味淡，凡採掇者，拍樹呼其名，則殼自裂而子跳出，故名。

9. 小猴 高尺餘，產深山中，人每畜之，以供玩好。

10. 地虎 一名「地老虎」，係熱帶毒蟲，形似蜘蛛而腹長，大倍之，足短而有爪，遍體生毛，性最毒；多伏草根及木節內，人畜或踐之，即咬其足，若知係被此物咬時，不許飲水，速以旱煙筒尿擦於舌底，或急用雄雞冠血塗患處可救，否則必死。

11. 雞頭鴨脚鳥 以形名，取其皮墊睡，能愈瘡疾。

12. 烏身白面猿 遍體皆黑，惟面部及四足近趾處獨白，尾長至二尺餘，亦係黑色，力大於猴，猴類多懼之；故有猿之山必無猴，有猴之山必無猿。

## 二二 龍州的「要命」與下凍的「拉親家」

龍州俗尚淳樸，重氣節，惟地域觀念較深，非本地人即鮮與之交接，商家賣貨，亦多喜欺生，物價常超出二分之一以上——如本地人僅需洋一元者，對於外省、外縣人，則需洋至一元五、六角；此則應極力打破者也。衣著尚樸素，婦女喜帶腳鐲；如福州之「蠻婆」。男子好飲酒而恥言生產，家常便飯，除其他暈素外，喜以南瓜苗等炒熟佐食，婦女喜食蕒葉，食時和以熟煙、石灰及血藤之類咀嚼之，與思樂、兩明相同。房屋四周，多用熟磚砌成，中則間以板壁。

婚俗，鄉村於議婚之始，則以肉一方憑媒請於女家曰「要命」、「命」者，即年庚之謂也。女家不許，則不領肉，亦不留媒人飯，許則領肉留媒。訂婚時，男家以豬肉若干，白米若干，送於女家曰「出籃」，女家領禮曰「食籃」。娶之時，男家具豬肉、白米、粉瓷、銅珥、旨酒各若干，小吹以迎，不用輿，女家亦不備嫁粧，惟女眷數人伴新人步行至男家，登堂拜祖，訖，女眷伴新人留宿於男家一宵，天明即同新人復回女家，并不合歡。自此以後，每年四、五月間，田工忙時，則新婦回夫家工作三、五天，名曰「幫工」。如是者三年或五年，俟有孕，女之父母始製帳被，送新婦回男家偕老。現此風已於最近革除矣。

下凍地方，親家有喜慶事，則為親家者，又邀其他親家恭賀，例如乙與甲為親家，同時又與丙為親家，若甲有事，則乙邀丙，丙邀丁，丁又邀戊，互相邀引，多至五、六桌，少亦三、四桌，各具儀物赴飲，名曰「拉親家」。

城內喪俗，以金、銀器含於死者之口，男剃頭，女梳髻，沐浴更衣，執事者燃燔報死，家屬舉哀送終，請道公唸佛經，擇吉時，孝子肩刀，親友左右扶之，鞠躬哭泣，赴河請水，水貯於盆，盆置手巾，汲水歸，孝子以巾拭死者面，卽入棺，家屬憑棺而哭，各盡哀戚，謂之『大殮』。死者逝時，若值「重喪」或「三喪」則祕不發喪，不得舉哀。否則於家屬子孫不利云。至於喪期則久暫不一，有經年不葬者。至若鄉村，其親死，則請道公唸佛，請水收棺，經三、五、七日而葬，謂之『血葬』。惟近安南之羅回村下有一部分，其親死，則舉而焚之，以其餘燼葬之，名曰『火葬』。今此風已不復見。

## 一一一 紫霞洞之遊

六月十二日，天晴，早餐畢，卽偕胡君趁民生輪，在船上候至午後四時始啓旋。因旅費及其他關係，商請胡君先去南寧，余則仍赴沿途各縣依次考察。胡君首肯未至時，已夕陽西墜矣。既抵上金，船泊江心，暫別胡君，雇小舟登岸，時屆上弦，星月無光，幸攜電筒，始辨途徑，沿途荒涼沉寂，越里許，見路側有中山公園，知離縣治已不遠，繼登一小山，見前面燈光閃爍，急向燈光而行，復約半里，抵縣治，寓一無名之簡陋客棧內。

六月十三日，天晴，午前，分謁縣政府暨教育局，徵詢當地風土情形。午後，出城外視察，便渡明江，遊紫霞

洞在明江西岸之廂山上，地屬龍州，但距上金縣治僅四里許，極負盛名。余由山麓而上，抵半山亭，稍憩，繼行至洞。磴道兩旁，草木叢生，枝葉掩映。洞內石壁題刻及懸掛匾額極多。供觀音大士像，乳石高掛，觸目皆是。水自石隙出，僧人散置數鉢承之，名石漿水，以之烹茶，味美且香。洞之內進復有小洞門一，封以石塊，據云深長至十餘里，中甚危險，故閉之。旋導往乾元洞，該洞較紫霞洞尤大，深達數層，大至數畝，極幽靜。僧燃燈導入，外進供北帝真君等神像。內進乳石四懸，形狀各異，或如落筆，或如吊桶，或如鳥獸人物。愈進則愈黑，地勢凹凸不平，旁有深坑一，稍一不慎，即有隕越之虞。僧前行，頻呼『小心翼翼』不置。洞之極內進，兩洞分歧之高處，有天成白衣觀音像，以火照之，隱約可觀。出洞後重返紫霞，略事休息，酬僧銀數角，乃歸縣城。

## 二二二 上金縣概況

上金地居廣西省之西南部，地形狹長，東南部跨左江南、北兩岸，西北部與安南接界，北接雷平，東鄰崇善，南界龍州與兩明。面積凡一千一百四十平方公里。縣治舊名窰頭墟，居明江下流之東北岸，西距龍州約四十五舊里。明江自東南曲折而來，至此作一S字形，始與龍江相合。

考縣境原爲上龍土司與金龍峒地合併而成，其沿革各不相同，茲分述如下：

上龍土司，在秦爲象郡地，漢爲交趾郡地，唐屬羈縻龍州，五代屬南漢，宋仍唐制，元屬龍州萬戶府，明屬龍州，清因之，民國二年，屬龍州縣，十七年，與金龍峒合併，置上金縣，設治於窰頭墟。

金龍峒，在古時難以稽考，清光緒初，爲安南調琅峒，蘇元春督邊時，峒人不堪法人之虐待，請於元春，願歸於中國，與法國幾經交涉，至光緒十三年，始入中國版圖，改名金龍峒，二十一年，屬安平土州，宣統元年，改屬龍州，民國十七年，與上龍土司合併，設立上金縣。

縣屬氣候，熱多寒少，夏天最高氣溫，約達華氏寒暑表九十五、六度，冬天最低氣溫，約達華氏表四十一、二度，雨量，以四、五、六月爲最多，十一、十二兩月爲最少。

縣屬住民，概爲漢族，據最近調查：『全縣有男二萬一千二百九十三丁，有女一萬九千三百零九口，男女合計共四萬零六百零二人。』城區住民僅六百五十人，爲余出發以來，人口最稀少之縣治。

縣屬物產，以包粟（卽玉蜀黍）豆類、花生、蔗糖、天然李等爲大宗，包粟每年出產約一千萬斤，豆類有黃豆、黑豆、綠豆、飯豆等四種——黃豆一項，年產約三百萬斤，花生年約八十萬斤，蔗糖年約三萬斤，天然李年約二十餘萬斤，大、小麥、芝蔴、桄榔粉、涼粉子、元肉、木耳、環草、蛤蚧、缸瓦、京炭（卽木炭）等次之，穀米很少，多仰給於思樂、兩明等處，礦產亦無確實調查，惟上龍之芭湯場、隴永場等處，產白硝，每年可出五、六萬斤，多



由響水墟出口。

縣屬陸路交通，殊欠便利。響太公路（由響水墟至雷平縣屬之太平州）長約七十里，純由民衆築成，現已完成十分之六，大概不久可以通車。水路有麗江斜貫南部，明江環繞西南部，四時俱有民船來往，春夏天水盛時，俱可通行電輪。郵政於縣城內僅設有郵務信櫃一隻，傳遞信件，縣東四十五里之響水墟，商業較爲繁盛，設有郵政代辦所一處，長途電話，上通龍州，下通邕寧。

縣屬文化，全縣有高級小學五所，初級小學七十八所，中山公園及公共體育場各一處。中山公園設於縣治西郊，中有火成巖石數座，稜角崢嶸，表面呈灰黑色，驟視之，酷似綏遠之藍炭。當地人士於此截長補短，取凸填凹，砌成磴道，建以亭閣，架以橋梁，使彼此相通。如此設計，頗爲善美，然有一、二處似覺求之過當，有失其自然性，未免可惜。縣中無營書業者，學生需用書籍，專往龍州各書店採辦。

## 二四 上金的古甌龍泉與痲瘋巖

古甌山 在上龍墟北十里，樹林茂密，山上有巖如龍，名曰「龍巖」。有最高最長之巖，曰「巖嘯」。山麓有水噴出石罅，其口如甌，名曰「古甌龍泉」。水淺沙明，游魚可數，爲一縣之勝景。

瘋瘋巖 在上龍墟西南八里，以染瘋瘋者相率羣居於此，故名。清末陸榮廷統領邊軍時，欲除其害，月給若輩口糧，按期給發。如是者數月，患瘋瘋者不知其爲計也。一日，屆發口糧之期，陸先使人預伏草莽中，俟患瘋瘋者羣出列坐畢，卽舉槍齊擊之，大小盡斃，無一脫者。旋以火油燒化之，立碑巖前，至今無瘋瘋形影云。

寶劍山 在鄧勒村河邊，高數十丈。山之近頂處，有小巖，相傳『昔時巖口有物，直立高五六尺，每當朝日上昇，船經其下，遙望之，有如劍形欹斜在內，實爲黃巢寶劍。民國十年四月，忽然不見』云。

盤龍山 在金龍墟東北里許。山中有洞，名龍潛洞，內祀觀音大士，景頗優勝。又有龍泉，街民及附近各村人民悉飲之。惟「水內含有一種毒質，外客飲之，多不相宜」云。

## 二五 先爲母後隨夫

俗尙樸實，民性淳厚。雖五六旬翁媪，童心尙在，說話與行動，猶有幼稚氣概。服飾簡陋，女尙短衣花袖，並喜染齒。飲食，城內多食米粥，鄉村多以包粟爲糧。住屋多作兩層：上一層用板鋪滿，人口居之；下一層安置牛、豕等物，雖糞穢薰蒸，亦不覺其臭，蓋習慣使然也。

人民好招婿入贅，雖有親生之子，然如女多於男，必留一女令人入贅。其有女無男者，則更不待言也。出

嫁之女子，多不落家，必先爲母然後入夫門。現政府正在設法嚴禁，並規定「凡有男子控訴女子不落家者，立即拘該女子到案候訊。同時並傳該女子父母到堂，勒令刻日送女歸夫家，並具切結。否則收押，押至願回夫家時爲止。」

至若各鄉村男女青年，往往於廢曆年宵及三、四月間，同赴歌墟或歌會，對唱淫歌，甚有年老婦人隨往作歌師，男備餅餌，女備糯飯，唱到興高采烈時，互相拋擲，彼此搶奪，以搶得最多者爲有體面。同時有好事之徒，亦前往參加，互相調笑，因此而發生糾紛者，時有所聞；現亦在開始嚴禁。

## 二一六 響水墟的雙雙瀑布

六月十五日，天晴。上午九時，往縣府索回昨交之調查表，即雇挑夫，離城啓行。經大岸至渡口，購得稀粥兩盅，權充午膳，鄉人童心未失，純樸可愛。此後渡河數次，煞費周折，實則仍係一流，不過因路途曲折故耳。沿途多鬼桐油樹，及番桃樹，嗣經亭消、鏊廠、馱板等村市，遙見響水墟，峙立江干，欣然色喜。已而漸行漸近，忽聞有水聲甚洪，響激雲霄，惟因路側樹林掩蔽，不知出自何處，又前行，始發現一瀑布，經流於一極繁密之草莽中，其上中央有巨石劈瀑布爲二道，余因名之爲「雙瀑布」。繼沿瀑布旁之小道，陟至高處，再往前進，見右

側有小橋，以爲此或係至響水之捷徑也，因卽渡橋，越過小橋後，始發現乃一四圍皆水，出路斷絕之小洲，知已迷路，乃折回覓得原來之小橋，過橋後，改向前進，得一大橋，逕趨響水墟，抵墟寓於響水小學校中，校長嚴承芳君款待殊懇，飯後導往參觀全墟，據云：『此地特產有名黃草者，生於峭巖陡壁之上，採取匪易，然縣屬出口乾貨，年約在千斤左右，計每百斤約值洋八十餘元，趁電輪運往南寧，再由南寧轉運國外，但不知作何用處。』繼云：『此草富於麻醉性，以之燒成灰，置於食物內飼蠅，皆立斃。』或卽醫書中之石斛草也。街之右側亦有一瀑布，分爲二派，其形式與前者略同，所不同者，一在深密之草莽中，鮮有人過問，一在麗江之岸，凡趁舟往來於麗江之間者，皆得見之。余因併稱之爲雙雙瀑布，墟名爲響水，蓋卽取義於此。旋返校中，與該校教職員坐談，至十一時餘，始就寢。

## 二七 女子治外男子治內

六月十六日，天晴，晨八時，由響水趁小火輪，沿途風景，甚爲秀麗，岸壁陡峻，河身彎曲，山水錯綜，蔚成壯觀。船行其間，如在山中穿行，同船旅客攜帶猿猴等動物頗多，蓋左江一帶，多崇山峻嶺，此種野獸均爲其特產也。就中尤以狸類及烏身白面猿等爲他處所罕觀。艙之頂繫有一小猴，玲瓏姣好，與人嬉戲，作種種動作，

酷肖童稚，雖不能言而馴服有趣，殊足解旅人寂寞也。十一時，至崇善縣，寓居城內西街中和客棧。午後二時，趨縣政府，由關縣長接見，談及當地風俗人情，頗多足資記述者：

縣屬人民，四鄉多係土著，城市多外省人，而以廣東人爲尤多。大抵皆崇尚儉樸，婚、嫁、喪、葬，力從簡單，不尚浮華。凡屬讌客，無須用錢雇廚，概由親友幫助。女子致力耕樵，肩挑負販，終日勤勞不息。家庭經濟，全恃彼輩維持。而男子惰性根深，什九好閒，若輩生活，反全依賴於女子。男與女之任務，適與他處相反，故其見解亦與他處別趣，以爲某一女子不能養活其男子及負擔其家庭之生活者，則視該女子爲一無能之女子，某一男子不能享到其妻之供應者，則視該男子爲一賤男人，如此，不僅爲朋儕所諷刺，亦爲當地社會所不齒。此種風俗，誠屬外間罕見也。土人迷信鬼神觀念亦極深，遇有疾病，多不服藥，而仗神巫邪術解除。近以厲行改良風俗，此風漸革。又每當清明前後，鄉村男女，均好趁歌墟，一年一度。屆時男女互相對唱，其情形亦與思樂、龍州、上金等縣略同。此風去年猶盛，今年雖經政府明令禁止，無如積習相沿，牢不可破。故距城僻遠之區，聞尚有舉行之者。至於女子不落家之習，亦與龍州、上金等縣略同。政府對此，曾懲辦若輩之父兄。現此風亦漸革。

辭縣長出，赴教育局，由局長何學詩君接見，關於當地風土民俗，言之亦詳。特產中以圓肉爲最有名，所

謂圓肉者，卽係龍眼之淨肉而去其外殼與內核者也。價格極廉，每斤不過三四角。嘗承何局長以一撮請余嘗試，味果異常腴美。

## 二八 崇善縣概況

崇善地居廣西省之西南部，跨麗江（卽左江）東南和西北兩岸，東界綏濠，南界思樂，西界上金，西北界雷平，北界左縣，東北界扶南，面積凡一千零八十九方公里弱。縣城瀕麗江北岸，西距龍州縣城約一百八十舊里。

考崇善在秦時尙爲蠻地，漢爲臨塵、雍雞縣地，屬鬱林郡。自晉至隋，復爲蠻獠所據，唐置羈縻思誠州，初屬桂州，景雲元年，改屬邕州都督府。宋仍爲羈縻思誠州，屬左江道。元時始置崇善縣，治今土地墟，與思誠州同屬太平路，明屬太平府。嘉靖十九年，縣治自土地墟遷至今城。清初因之，雍正十一年，省思誠土州入於縣。民國初年，廢府留縣，屬鎮南道。十七年，復併江州土州及羅白土縣而爲今之崇善縣。

土江州，在宋時始置羈縻江州，屬邕州左江道。元屬思明路，明洪武初，屬思明府。二十年，直隸廣西布政司，清屬太平府。民國十七年，併入崇善縣。

羅白土縣，係明置。先屬思明府，後屬土江州，清改屬太平府。民國十七年，併入崇善縣。

縣屬地卑土薄，四時皆燠。時或陰霧四塞，厲風透肌。一日之內，氣候屢變。春夏多淫雨，五、六、七月，濕熱之氣尤甚。几榻間如風霧薰蒸。秋無清涼之氣，冬季雨量較少，深山密菁，蟲蛇、草木之毒，鬱蒸成瘴，谿壑間如絲如縷，如霧如雲，或香酸，或飯氣焦臭，皆瘴也。惟縣城附近，煙火相望，瘴氣較少。夏天最高氣溫，約達華氏表九十八度，冬天最低氣溫，約達華氏表三十五度。

縣屬住民，概爲漢族。據最近調查：『全縣有男二萬五千五百六十七丁，有女二萬三千三百四十一口；男女合計共四萬八千九百零八人。』城區住民，約占一千六百餘人。

縣屬出產，以包粟、穀米爲大宗，包粟年收約一千七百萬斤，穀米年收約五百萬斤。黃豆、蔗糖、花生油、元肉、粟米、木薯、番薯等次之。特產有蛤蚧、白花蛇、環草（卽黃草）、山黃皮、香魚、鱸魚（出龍門江）、烏蛇、硃砂（出恩城）、金不換、大蜈蚣、螂蛆等。金不換係木本植物，生於石罅，高不過三尺，葉厚而三叉，性涼，味苦，筋閃挫，熱酒濃磨敷之，立瘥。且可治喉、牙等症。螂蛆亦名蜈蚣，狀若水蝦，小至一寸，大至數尺，其尾閃閃有光。山中修蛇無故死者，皆其所傷。蛇腐後，又復化此，蓋以蛇腹爲卵育之地也。

縣屬交通：水路有左江自上金曲折而來，經古坡至縣城南，東北流，出左縣，扶南兩縣界，四時可通電輪。

其他小河，概無舟楫之利。陸路有崇板公路（由縣城至板利墟）正在建築中，預定一九三三年底完成，以期脚踏接邕龍公路。郵政於縣城設有三等郵局一所；土地墟與江州二處，則各設有郵務信櫃。

縣屬最高學府，爲省立第六中學，次爲縣立師範講習所，全縣完全小學共十二所，初級小學三十四所。書業，有時興書店一家，社會教育場所，有中山公園、崇善縣立圖書館、崇善縣公共體育場各一處。

## 二九 崇善的勝蹟

1. 白雲山 在縣城東北十里許，穹崖高展，下削如屏。山上有七洞相連，大小不一，而以白雲洞（一名白雲巖）爲最勝。洞內石壁上，頗多名人題咏，雕工亦佳。洞口懸石，叩之作鐘聲，下有白雲泉。

2. 鼇頭山 俗名『雞籠山』，在縣城東北四里，屹立江心。春、夏水漲，波濤衝激，有聲如雷。明太守李友梅建塔三層於其上，名爲『鼇峯塔』。清康熙間，續建四層，至今崔巍改觀。俗名『水寶塔』。

3. 金櫃山 在縣東一里，瞰江峙立，山形如櫃，其中虛明可容數百人。登其頂，對颺江城，瞭然在目。此旅行先哲徐霞客先生所謂『若晰鬚眉於鏡中』者也。山腰有小徑，闊三尺許，可以橫度。明御史毛伯溫討安南還，勒『元老壯猷平交偉績』八字於其上。



4. 將軍山 在金櫃山東環城諸峯之特聳者，以此爲最。片崖立峯，頭迎麗江，先哲徐霞客先生遊此，謂「有千城趵趵勢」。

5. 青蓮山 在縣城北十餘里，以峯巒矗立，青翠相連故名。山陽有青山巖，高廣奇勝。巖中之土，可以熬硝。山北有廣濟泉，深不可測。昔土官趙暹甃石爲階，往來行人多飲之。

6. 碧雲洞 在城西北三里許。石峯突兀，洞穿峯半。洞內有寶盆、盤龍窟諸勝。洞外景亦清奇。先哲徐霞客先生曾遊此，有記。

7. 銀山 在縣城對岸。有洞深黑，內多窒素。昔有人秉炬方入，未數步，悶極而返。

8. 鐘鳴巖 在縣北六里。俯瞰麗江，可容數十人。巖中有懸石，叩之如鐘鳴。明總督張嶽書「鐘鳴洞」三大字於石壁。

9. 太平寨 在城東北三十里。元爲太平路治，至正間，爲上思曾黃英衍所據。因遷治於馱廬。明洪武二年，改路爲府，徙治於今城。

10. 崇善故城 在城西北六十里。古地名崇山，相傳爲「舜放驩兜處」。明嘉靖十九年，徙入今城，故址猶存。卽今之土地壩也。

11. 佈巖山 距舊江州半里，泉自巖中流出，巖前盡栽青松、丹荔，傍有長塘旋繞，夏日荷花盛開，香聞數里。

12. 唳鳳山 一作弄棒山，四面峭絕，一徑入山，內皆平地，中有村名弄棒，有天然石樓洞。

### 三〇 錯過了扶南

六月十八日，天晴晨起理行裝，赴江岸望江樓前之小亭候船，良久未至，乃購食黃皮果等以資消遣，該亭四柱係以熟磚砌成，中有石桌一可以置物，四周有寬廣之石櫺，可睡可坐，苦候至午後四時，船始來，登船後又二時方啓行，本擬至扶南上陸，惟船行殊緩，至中夜，仍距扶南甚遙，余疲憊殊甚，不覺入睡。

六月十九日，絕早，自夢中醒覺，船暫停於江心，有旅客雇艇登陸者，詢諸水手，已抵龍頭，超過扶南已二十里矣，無已，乃決定直赴南寧，下午二時，抵岸，在未至南寧之前，即由船主散發旅客登記表，囑各旅客逐項填妥，否則即不得登陸，余見登記表中，除姓名、籍貫、年齡、性別、職業、來此何事等等外，并有「抵埠後寓居何處？」一項，余以初到南寧，人地兩疎，對此頗難下筆，決計空留此項，既抵岸，持表至稽查處申述理由，據稽查云：「此間命令森嚴，非填不可，君果無熟地，不妨先書「明德街泰安棧」，如有遷移，留條該棧，以便稽查可

也。』余唯唯始行，觀此可見該地對旅客往來盤查之嚴厲也。余爲防患未然計，因卽如法泡製，先抵泰安棧，閱門首旅客名牌，知胡君亦寓居於此，甚爲驚喜，想亦係爲稽查所介紹也。急奔往見，胡君聞余至，亦倒屣而出，彼此皆無限欣慰。

### 三一 幾個深刻的印象

六月二十日，天晴，下午二時，逕至共和路南寧民國日報社，見總編輯王揆一君，與談沿途經過，甚爲和洽。並承王君給予精神上許多安慰，余甚感之。繼至廣西省黨部，由常務委員黃鈞達君接見，余以旅途情狀相告，並請求黨部方面予以物質上之援助，黃君極表同情，並囑余作一書面報告，以便提交常委會討論，結果甚佳，欣然返寓。

六月二十一日，天晴，在客棧中瀏覽志籍，忽聽差來告：『有電話至。』余甚爲詫異，急趨電話室，而電話中人又故作惡劇，不肯吐露名姓，強余尋猜，余百思不得，窘甚。嗣經自介，不禁欣喜欲狂。斯人果誰？乃余之故友胡日明君也。余與伊自滬濱別後，業已二年又半，初不料伊先我一年而來南寧。伊在電話中約晚間來寓訪余，余亦以幽默語答之，蓋報其方纔之相窘，而冀其早臨也。二時許，至省政府、財政廳等機關一行。五時後，

胡君日明來，相見之下，互有出嫁女兒驟見娘家兄弟之感。坐定後，天南地北，滔滔不絕，談至九時餘，胡君始辭去。

六月二十二日，天晴。上午八時，致函省黨部，報告兩年來情況，並附以旅行照片，預定路線圖，一、二次行程報告及沿途各縣調查撮要一覽表等各一份。午後二時，見民政廳廳長雷殷先生於其會客室。雷先生精明勤慎，和藹可親，服飾尤爲樸素，堪稱爲「布衣廳長」。時室中已有二客在座，余乃就坐於左列之第二席。雷先生首詢余對於中國前途之感想，僅及數言，又二人來訪，雷先生亦延之入座。繼復與余續談，但不數言，又有訪者來，雷先生復延入如前。如此者頻數，大有應接不暇之勢。一時會客室中座爲之滿，余以來客頗多，未便獨與主人談話，故每添一次客，余卽默而不語。但雷先生除當客人入室時稍稍起立示坐外，仍繼續與余傾談，承詢關於沿途考察之成績，如沿革、氣候、住民、物產、交通、文化、勝蹟、風俗等項，余皆有扼要之敘述。惟對於所詢中國政治現狀及趨勢一層，則直謝以不敏，蓋此不屬余之考察範圍，且非旅行者所敢言也。雷先生於談話間曾示意願留余在邕工作，余以全功未竟，婉辭謝之，惟均弦外之音，而未曾明言耳。雷先生對於余此次僕僕征塵，備嘗艱苦，甚表同情，且加慰勉，爲余出發以來所遇各高級官吏中之最知心者，懇摯慰勸之熱忱，令余不勝感佩。臨行時，除贈余以各種參考書籍外，復頻頻語「祝你成功！祝你成功！」旋握手而別。

晚間胡日明君復來，從此來無虛夕，給余慰藉不少。

六月二十六日，天晴，下午二時，到廣西統計局，由該局職員潘載生君接見，導往各科辦公處，司員寄宿舍，及消費合作社等處參觀，對於局內組織情形及統計工作等，指示頗詳，末承贈各種統計材料不尠。

六月二十八日，起草第三次行程報告，描寫敘述，多出以該諧之文字，與前兩次行程報告體裁，截然不同；非敢故作變調，實亦興之所至，不能自己也。至若工、拙、毀、譽，在所不計。

六月二十九日，整理歷程表第三號——廣東之部，總計在廣東境內遊歷實程：步行二千五百五十二里，利用腳車二千零八里，利用汽車二千六百三十四里，利用輪船一千二百八十三里，利用火車七百七十六里，利用民船四百四十里，全共九千六百九十三里。至於遊歷城郭附近往返在十里以內者，尙不在內。六月三十日，起草海南島的概況，內容略分位置、沿革、氣候、住民、物產、交通、文化、勝蹟、風俗等九項。

七月一日，整理廣東沿途各縣調查撮要一覽表之二，計得二十五縣，與前次所發表之二十五縣合計，在廣東境內共歷五十縣。

七月二日，各稿俱竣，心神一快，下午五時，與兩胡痛飲於迎賓樓酒菜館。

七月五日，晨六時許，有人敲門甚急，且頻呼余名，余自夢中驚醒，辨其音，似爲好友顏若愚君，亟披衣啓

視，果係顏君，不禁大喜。顏君湘之衡州人，於去年七月間相識於廣州旅邸，繼成莫逆，且曾與余共患難。嗣因種種關係，遂致勞燕分飛。別後念念不忘，深慮他日見面無期，不料今年今日，竟在此重逢，中心愉快，非言可喻。互談別後經過情形，約一小時餘。旋伊因事他往，約午後再來。余即往印刷局，校對付印之稿件，校後歸寓。午後二時，顏君復來，並云已賃屋於中山路一七七號，邀余同住，婉辭再四，不獲，乃遷居焉。

### 三三一 邕寧的青秀山及其他勝蹟

七月十四日，天晴。上午九時，與胡日明君及其令郎雄湘同遊青秀山。出南門，往東南行五里許，至陸軍醫院之建築工程處，由胡君先行，逕入籌備處監督工程主任劉君室中坐談，稍憩，承劉君派人至河岸探得有民船二隻，即將開向下行，因決定趁民船前往。十五里，達青秀山麓，捨舟登山。山上設有火藥庫，軍警駐守其中，戒備森嚴，禁止遊覽，苟非胡君示以總司令部副官之符號，必將虛此一行也。山腰有寺曰青秀寺，余等一行三人，正往前進，忽遇暴雨，因入寺暫避。俄頃雨止，遂登至青山塔。塔建於山頂，與青山寺同爲明萬曆間所建，塔原有九級，因年代悠遠，風雨剝蝕，無人修葺，頂已圯，今僅餘七級，改名中山紀念塔。聞青山寺左上方約數武舊有龍涎井，泉味甘冽。明嘉靖間有人鑿石爲龍頭接之，泉自龍口出，今已湮沒不見。自青山塔下，又

雨，復避入青山寺內，延至二時餘，雨霽，始下山，沿小徑步行返城。按青秀山爲南寧最著名之勝蹟，此外尚有  
下列諸勝：

1. 崑崙山 在縣城東北一百二十里，山勢峭拔，窄狹難行，古設關於山頂以控蠻峒，名曰「崑崙關」。宋皇祐四年，狄武襄公大破儂智高於此，關上有臺，名曰「崑崙臺」。今爲邕賓公路交通之孔道。

2. 羅山 在城北二十里，山上有寺，即名「羅山寺」。因年久失修，現已無僧侶居住。寺前有小澗，附近村民，導以灌溉田疇。

3. 五象嶺 又名「武號山」，在城南十里邕江下流南岸。山勢雄峻，五嶺排列如象，故名。今設象嶺林場於此。

4. 望仙坡 在城北二里，形勢雄麗，俯瞰江城，青羅二山，左右環抱。宋皇祐間，狄青、余靖、孫沔等，平儂智高，營於上，後郡守陶弼即其地建亭，以祀狄、余、孫三公，因名爲「三公亭」。後增祀蘇絨、王守仁、莽吉圖等三公，乃改名爲「六公祠」。年久祠毀，民國八年，改建鎮寧炮臺。

5. 寶林寺 在城東十里浪邊村第四甲，創建於宋皇祐間，歷代俱曾爲之重修。寺前有古樹三株，濃綠蔭翳，形如張蓋。前對青秀山，後顧望仙坡，風景清幽。

6. 晉興古城 在城南二里。唐武德中建築，屢崩，今改爲中山公園，並修建洗心亭、五卅亭等。五卅亭者，以紀念上海五卅慘案而名也。

7. 王文成公講學處 在縣城內共和路，今改爲省立第三女子中學校。

8. 三疊石 在城南十里，一石凡三疊，每石高闊約三丈餘。

9. 豹子石 在城南十里，石形似豹，故名。下有石如牛，值水漲時，其勢湍激。

### 三三三 邕寧縣概況

邕寧地居廣西省之正南部，稍偏西南。據左、右二江之會口及邕江南、北兩岸，地勢頗平坦，堪稱「南寧平原」；惟東南境多山，地勢較高，與廣東之靈山、欽縣爲鄰，全縣面積凡四千一百一十一平方公里，縣城瀕邕江之北岸，居北緯二十二度五十三分四十秒，東經一百零八度又三秒，高出海面一百二十二公尺。

考縣境古爲駱越地，周末爲百粵地，秦屬桂林象郡，漢爲領方縣地，屬鬱林郡，隸交州。三國因之，東晉元帝太興元年，於縣地置晉興縣，爲晉興郡治。宋、齊、梁、陳俱因之。隋開皇十八年，改名宣化縣，屬鬱林郡。唐武德五年，置朗寧縣。乾元後，復開山峒，置封陵縣，俱屬邕州。五代初，屬楚，後屬南漢。宋開寶中，廢朗寧、封陵二縣，並



入宣化，爲永寧郡治。元至元十三年，立安撫司。十六年，改爲邕寧路總管府。泰定元年，改爲南寧路。明爲南寧府治，隸左江道。清因之。民國元年，縣廢入府。十月，自桂林遷省治於此。二年六月，廢府爲南寧縣。三年六月，更名邕寧。

縣屬原隰平曠，兩江環流。桃李亂開，蝮蛇不蟄。地勢爽塏，瘴癘絕少。春初至小滿，天氣和煦，芒種後漸熱。三伏燄蒸頗盛，最高氣溫約達華氏寒暑表九十八度。霜降後，氣始肅。冬不甚寒，最低氣溫約在華氏表四十一、二度。全年雨量以夏季爲最多，冬季最少。

住民，概爲漢族。據最近調查：『全縣有男二十二萬一千零六十五丁，有女一十七萬九千一百一十二口。男女合許共四十萬零零一百七十七人。』城區住民，男女合計約占八萬六千餘人。

縣屬物產，以穀米、苞粟、紅薯、花生、蔗糖等爲大宗。白米每年出產約六千七百餘萬斤。苞粟年產約二千萬斤。紅薯年約一千二百萬斤。花生年約一千萬斤。蔗糖年約二百五十萬斤。家畜以豬、牛、雞爲最多，鵝、鴨、狗、馬等次之。工業品則以皮革、銅鐵器具、紙炮、藤器等爲大宗。

縣屬交通，向稱便利。水路，有右江，自西北百色經恩陽、奉議、恩隆、思林、果德、隆安諸縣曲折而來，至縣屬之三江口，與自西南龍州經上金、崇善、扶南諸縣曲折而來之左江相會，俱可通行淺水電輪。下游經永淳、橫

縣、貴縣、桂平、平南、藤縣以達蒼梧，再由蒼梧東行以達廣東之肇慶、廣州、香港等處，俱有輪船來往。

陸路有邕賓、邕龍、邕武三公路，俱已通行汽車。邕賓公路，自邕寧東行經二塘、四塘、五塘、大陸、八塘、崑崙關以至賓陽，全長共二百六十五里，在縣境者約一百八十里。邕龍公路，自縣城對河亭子墟西南行，經吳村、蘇墟而至綏濠，再經明江、寧明以達龍州，全長共六百四十里，在縣境者長約一百二十餘里。邕武公路，由縣城北行經二塘、腰塘、三塘、高峯隘以達武鳴，長一百二十里，在縣境者長約六十里。此外有吳大公路，自吳村經塘報、那陳以至大塘，長一百二十里，全在境內，亦已通車。

縣城爲廣西省治，故郵電設置，甚爲完備。廣西郵政管理局，設於城內民生路，管理全省郵政。若石埠、楊美、蘇墟、良慶、蒲廟、長塘等墟市，則設有郵政代辦所。廣西電政管理局，設於城內明德街，管理全省電政。電報局，卽附設於管理局內。廣西電話管理局及無線電管理局，俱設在民生路。民衆俱樂部，至便利。城市住民俾夜作晝者，則有南寧電燈公司，設在南國街。

縣屬交通便利，且爲省治所在，故其文化較爲發達。中等教育，有廣西省立第一高中（在師範街），廣西省立第一初中（在經文街），廣西省立第三女中（在共和路），邕寧縣立初中（在雲亭街），私立平旦初中（在桃源路），邕寧縣立鄉村師範（在亭子區平南第四鄉），遷龍師範講習所（在蘇墟外），職

業學校（在東門外）等共八校。小學教育，在城區有完全小學八所，初級小學五所，鄉村計有完全小學三十九所，高級小學三所，初級小學四百一十八所。新聞事業，有南寧民國日報一家，爲省治唯一之日報，日出三大張（逢星期日則僅出一大張）。此外有民衆三日刊、民衆畫報、民衆週刊、民衆園地月刊等，俱係由廣西省立民衆教育館出版。廣西省立民衆教育館，設於南門外中山路。內部組織分爲教學、出版、展覽、生計、康樂等五部。公園有四：一爲中山公園，在公共體育場東南隅。二爲臨江花園，在中山路統計局前邕江之濱。三爲民衆俱樂部，在民生路旁。中多楊柳，綠蔭蔽天。四爲西園，在縣治西四里許，與縣治隔河相望。圖書館有省立第二圖書館一處，設立於青雲街。藏書約一萬四千餘冊。運動場，有公共體育場一處，設於南門外中山路側。一切設備，頗爲完全。有游泳場二處：一名精武，一名樂羣，俱設於中山路邕江之濱。娛樂場所，有中華大戲院、新明星戲院二家，俱映中西有聲影片。至若商會後院，亦不時假作臨時各種游藝之場所，但不固定。書業，有強華書局、大夏書局、文海樓書坊（以上三家俱設在興寧路），三管圖書局、軍用圖書社、文智書局、麟經閣（以上四家俱設在民生路）等七家，大抵皆係轉運國內各處出版之圖籍書報等發售，無自行出版者。

### 三四 不重生男重生女

縣城爲廣西省治，五方雜處，交通漸繁，西南一大都會也。然風俗淳厚，民性溫和，不若滬、漢、粵（專指廣州）各大都市之欺詐堪虞。外客旅此，有如在浙之杭州和閩之福州，亦美俗也。服飾，男子尙樸素，女子則多趨時髦，『摩登摩登』之聲，不絕於耳。飲食，鄉村農民，每日三餐，多屬濃粥素菜，並有雜食薯、芋、苞粟者。城市則食白飯、魚、肉，且嗜食酸味，故加醋之菜肴，較各處爲多，差可擬於山西人之普通嗜好（按山西人多喜吃醋）。住屋，城市及其附近，多仿粵式及新式建築，高至數層，惟屋內間牆，則喜隔以木板。鄉村農舍，則較爲矮小，多爲泥磚及土築成，有瓦屋、茅屋之別，村外多圍以荆棘或土牆，以資護衛。

俗尙早婚，鄉村間爲父母者，每慮其子將來娶婦維艱，故乘有餘資時，便預爲其未成年之子娶媳，並不計及其本身一切利害。婚嫁禮節，頗爲隆重，消耗金錢，常在三、四百元以上，且女家嫁女必索聘金，自一、二百元至四、五百元不等，此則又行同買賣矣。

鄉人有病，多不事醫藥而求鬼神，致有一病而不起者，則諉爲天數。喪尙浮屠，祭祀之品，隨所有而陳設，無一定之數。

鄉村人民，男逸女勞，農村生產，不出於男而多出於女，致社會風氣，有「不重生男重生女」之趨勢。縣屬心墟鄉，距縣城西北不過三十里許，其地凡遇婦女分娩，若生子則家中老幼以及近鄰，多視爲不幸，而親

戚故舊聞之，並不前來訊問。若係生女，則近鄰反羣來道喜。戚友等亦備辦禮物——如紅蛋、薑、米之類來道賀，而產婦亦洋洋焉自得。且該鄉娶妻，有不落家之風。每年中最多不過相聚三、四天，其餘皆在娘家工作，俟生小孩時始回夫家。

年前各區鄉市村場，每有青年男女，混雜唱歌，詞極鄙野，行屬姦淫，往往因此釀成姦拐、爭鬥、殺害等情事。女子出嫁，亦多有不落家者。今此風已漸熄。

### 廣西風土詩四首

明徐問

北風旋頑陰，風急便成雨。月無三日晴，蝸牛上臺廡。  
山石不出雲，空巖樹根貼。未知秋去時，春風下黃葉。  
青草瘴連天，夷獠窺斷口。盡日不逢人，孤軍避還守。  
山上結茅廬，山下舊溝洫。農人不在田，獠人且耕植。

## 第二編 由邕寧至百色

.....七月二十三日至九月三日.....

### 三五 反過來走一遭

七月二十三日，天晴。午前十時，整理行裝，與兩胡及顏君作別登輪，承三君盛意，堅送至輪中，船行有待，更予余等以話別之機。惟時近正午，炎威炙人，余不欲重苦三君，數次催促，彼等回寓，仍不肯去。迨至十二時，渠等始歸，獨坐船上，抽書閱讀，而心緒不寧，起而盤旋船舷，引吭高歌，以資消遣。至午後五時餘，船始開。

七月二十四日，清早，抵扶南縣，喚小艇登陸，宿一不潔而又狹隘之小棧內。飯肴均須親自燒作，其簡陋可知。飯後，赴縣政府，謁會縣長耀曾君，性情和藹，對余此行，深表同情，力邀余遷居縣府，且遣勤務兵往搬行李，因即遷住署內，與警衛隊副隊長蒙克滌君同住一室，蒙君招待亦殷，常出購黃皮等水果款待。下午，在縣署參閱關於風土記載之文獻史籍。

七月二十五日，天晴。在縣府瀏覽志書，暇則環遊各街市，該縣街道甚為狹隘，污穢不堪，牛、豕等牲畜，任

意闢放，以致牛溲豬糞，舉目皆是。尤以製造藍靛之水缸，羅列街道兩旁，臭氣薰天，最不可耐。街頭竟作工場，婦人多係烏手（因此項工作皆係婦女所操），非特有礙市容，抑亦非衛生之道也。

### 三六 扶南縣概況

扶南縣地大部在左江之東南岸，東北一小部分，跨至左江之北岸。北接同正，南連綏祿，東鄰邕寧，西界左縣與崇善，面積凡一千一百二十一平方公里。縣城位於左江南岸約半里許，東北距邕寧縣城凡一百三十五舊里。

其沿革在隋以前不可考，大抵皆桂林、鬱林郡地也。唐爲羈縻西原州、黃峒及羈縻武黎縣地——西原州隸於安南都護府，武黎縣則隸於邕州左江道。宋爲羈縻武黎縣及申峒地，隸邕州。元爲羈縻武黎縣，改屬思明路。明隆慶六年，置新寧州，屬南寧府。清因之。民國元年，改州爲縣，三年，更名扶南。

縣地處桂省西南之隕，氣多陰噎，陽燠少而陰淋饒。三冬冰雪罕見，四季木葉常青。自春徂冬，蒸濕強半。夏雨則涼，俄晴即暑。冬陽則暖，尋風即寒。一日之間，四時備焉。大抵夏天最高氣溫，在華氏寒暑表九十餘度，冬天最低氣溫，在華氏寒暑表四十度。平均雨量，以夏季爲較多，冬季較少。

縣屬住民，除漢族外，原有獠、獯二族，今已與漢族完全同化。種族之分，渾忘形迹。此固絕好現象也。據最近調查：『全縣有男三萬四千三百五十丁，有女三萬二千四百九十五口。男女合計共六萬六千八百四十六人。』城區住民，約占一千七百餘人。

縣屬出產，東部多產穀米，西部多產包粟、黃豆、芝麻。中、南二部則穀米與包粟相等。穀米每年出產約五千六百餘萬斤。雜糧年產約二千八百餘萬斤。豆類約一百萬斤。糖約五十萬斤。花生油約三十萬斤。麻油約十萬斤。此外有木薯、大小芋、葛薯、黃麻、藍靛等，皆爲出產大宗。豬、牛、羊、雞、鴨、白菜、瓠菜、蘿蔔、西瓜等次之。絲瓜一物，在縣屬有三名：曰『天羅』，曰『紡線』，曰『水瓜』。

縣屬交通：水路有左江，自崇善來，環繞縣境西、北二部，東出邕寧縣。計長一百八十里，通電船及民船。陸路現擬派民工由縣城修公路直至邕寧縣屬之蘇墟，以與邕龍公路相啣接。郵政，於縣城、龍頭、哱窰、渠黎等四處，各設有郵寄代辦所一所。長沙一村，則設有郵務信櫃。鄉村電話，現已通話者凡七處，在架設中者三處。縣屬文化，計至現在有中等學校一所（原爲縣立師範講習所，後擬改辦縣立中學，建新校舍，現又奉廣西教育廳令改爲職業學校，但因種種關係，迄今尙未招生）完全小學五所，高級小學二所，初級小學一百四十九所。



扶南縣公立圖書館，原係獨立，現因籌設縣立民衆教育館，將該圖書館歸併於民教館內，大概不久即可開館。至公園、公共體育場及娛樂場所等，俱在籌辦中。

### 三七 扶南的特產

1. 十姊妹 鳥名，大如鶺鴒，有紅、黃等數種。春初以十成隊，故名。
2. 鳩鳥 其種有二：一大如鴉，黑身赤目；一大如鸚，毛紫綠色。據扶南縣志稱：「頸長七、八寸，雄名「連目」，雌名「陰諧」，聲如羯鼓，遇毒蛇則鳴聲「邦邦」然。蛇入石穴，則作禹步法，石裂蛇出而啄之。秋冬解羽，蟄穴薰之出走，應弦而斃，以銀爪甲取置銀瓶中，否則指爛。鳩矢著人立死，鳩羽瀝酒，則犀角立解」云。
3. 熊 多力，性輕健，能攀援。原有人熊、馬熊、豬熊、狗熊等四種。縣屬除人熊外，其他三種俱備。
4. 風母 一名風狸，似兔而短，棲息高樹下，候風而吹至他樹以食果。其屎如乳，甚難取，人獲養之，乃可得。
5. 山羊 與普通家畜之山羊名同而物異。出西區深山中。此物見人則決驟而去，跳躍風迅，非人足力所能及，須密布繩於草間，絆其足，始能生獲。刺取其血，乾而藏之，可治撲跌、損傷及諸血症——以一分許調

酒飲之，神效。惟價甚昂，因不易得也。

6. 過樹龍 蛇名，過樹如飛，但極少見。

7. 天蛇 如筋而扁，長三四寸，黃赤色，生幽陰之地，雨後則出，粵人深畏之。澆之以醋則消，或以石糝之亦死。遭其螫復爲露水所濡，則遍身潰爛，惟以秦皮煮汁一斗，悉飲，可保無患。

8. 報冤蛇 相傳：『人觸之，越三五里，能隨身卽至。若殺一蛇，則百蛇相集，以蜈蚣自防，可免。』云。但極罕見。

### 三八 扶南的勝蹟

1. 獨峯山 在城西南五里，聳然獨立。登其上，城市民居，歷歷可數。江流環轉如帶。上有獅子巖，廣十餘丈，平坦似琢，門踞一石如獅，氣象猙獰。稍入則隙透光，下有釣魚臺，注水一泓，其深莫測。又有數洞，清淨幽雅。中爲元天洞，洞後有門，通凌虛洞，山後有窟，僅容一人。進則寬闊平坦，可設數十席。夏則南向薰風，冬則氣候溫暖。扶南佳景，以此爲最。無極洞在凌虛洞右，山下又有龍王洞，洞內皆水，中浮一石，上供龍王香火。

2. 青雲山 在城西北三里，隔江山周四十餘里，巍峨矗立，爲縣巨鎮。峯巒嶺壑，互呈奇峭。中爲筆架峯，

面水一方特秀，頂峙三尖，宛如筆架，左爲神童峯，右爲丹詔峯，後爲望仙峯，皆稱絕勝。

3. 門雞山 在城東五里，一峙江左，一峙江右，二山隔水相對，如雞鬥然。

4. 飛鳳山 有二：一在城東五里，與門雞山相連，中有小峯平列爲印山，一在城西北五里，張開兩翅，其

頭嘴朝陽，若飛騰之象。

5. 金雞巖 在筆架峯腰，昔傳：「有金雞出入其間」，巖內供奉花王及金雞娘娘，敷設甚盛，今已剷除

無遺。

6. 文字水 在定淥江（卽左江）埠頭，波流縈繞如文字，與筆架峯相映帶，謂之「筆山文水」。

7. 班氏廟 在西門內西塘西岸，祀漢班氏女，相傳：「交趾女子徵側，徵貳負固反叛時，有班氏姊妹二

人：一從徵側，徵貳反，其一避居山谷，不肯嫁人，多種薯芋雜糧，春粉爲磚，以砌牆壁。適漢伏波將軍馬援征交

趾，乏糧，班氏自獻其屋，得以濟衆，旣而身死，英靈顯著，鄉人念其功，建廟祀之。」云。

8. 獅子嶺 亦有二：一峙新莊村右，在城東十八里，一在新莊村左，在城東二十四里，雙獅對峙，形狀如

生。

9. 畫山 在城東二十里舊莊村，有泉石松林之勝，風景如畫，晚來尤美。

10. 金印山 在城南四十里，土名『隴髻』，高廣秀麗，頂有方石似印。

11. 龍蟠洞 在隴鉢村右，距城五十餘里，相傳：『洞中屢有青龍上天』。入洞約半里，近龍堂處，另有矮窄洞口，一人匍匐可入，時有大風吹出，聲響如雷，過此數武，不聞風聲，可以明燈，由此漸進，其中廣闊高朗，即土人所謂『龍堂』也。

12. 響水 在城西南一百里，源出舊土江州清水河，流入大河處，勢如瀑布，響如雷霆。

13. 五團啼 距渠篤村二里，有山一座，山脚有一大潭，深不可測，游魚以億萬計，潭旁一洞，任行不盡，山腰有巖，巖內有棺三副，棺小而色紅，中藏骸骨，任人揭開，其骨殊不似人骨，或云狐骨也，相傳：『咸豐以前，三年一換，換時山巔起雲霧，圍繞巖口，遠聞悲哭鼓樂之聲，改日視之，則已換新棺矣。自太平天國亂後，其棺即不復聞更換』云。

### 三九 男子不得自由歸宗

縣屬人民多窮苦，俗尚儉約，衣服惟事布素，不尚華綺，飲食以包粟、薯、芋、雜糧為主，即較富有者，日常亦不過二粥一飯，餘則日啜稠粥或稀粥（所謂稠粥或稀粥，即用包粟、雜糧等，參以極少數之米而煮成者）。

而已。住屋較富有者則用磚木，貧窮者則多用竹。外此則茅簷土壁，甃牖而居，古風猶存也。道路多不潔，豬牛多闖放，遺糞所在，臭氣薰蒸，令人不耐。每屆夏令，居民釀取藍靛，所散發之阿母尼亞氣，充滿街衢，尤不堪聞。城區內此種任務及其他農事，多以婦女主之，而男子晏如也。鄉村則男女分工合作，有夫唱婦隨之義。

喪葬之俗，日趨簡單而切實。富而年老之喪，自入殮成服後，停喪數日，親戚朋友，咸來致奠，始行出喪。約用喪費一、二百元。中等以下之家，則百元左右。無所謂風水，亦無須堪輿道巫也。蓋此種不必要之舉動，已經迭次禁絕矣。惟求神、賽會、問卜、擇日、算命等事，在現政府迭次申禁之下，尚有行之者。

婚俗，男女訂婚，先由媒妁向女家父母徵求同意，如得其許可，即將女子八字交媒人帶返男家。男家父母再以男八字併交課命者合之，即行納采，名爲『小禮』。禮金約五十元左右（此數係指十歲左右之女子而言，較大者當不在此例），並酒、雞、豬肉等。統計約需六十餘元。迨女子十七、八歲時，男家即着媒人徵求女家婚期。如得同意，男家即於婚期前一月，送治粧費約六、七十元於女家，以資購辦嫁奩，名曰『大禮』。婚期既屆，男子至女家親迎，新婦至，而婚事告成。惟西區尚有招贅之風，如女子鍾愛某男子，乃借媒人之力爲之周旋，如經雙方同意，男子略具禮物，即到女家上門，即日結婚。但此種婚姻，非得女家許可，男子不得自由歸宗。該區之熙良團，至今猶有『歌墟』之舉。東北保安和安二團，尚有早婚（男女僅十一、二歲即結婚）

及不落家之習。雖經迭次嚴禁，仍有陽奉陰違者，但不如前此之盛行矣。

#### 四〇 道過羅陽

七月二十七日，天晴早膳後，由縣署代雇挑夫，送往同正縣。是日絕早，曾縣長因公下鄉，未及握別，去時曾留四字贈余，文曰『陸地行仙』。甫出發間，縣立民衆教育館館長盧典君來，請余至該館作公開講演，以行旅匆迫，時間限制，婉辭之，並檢出沿途各縣調查撮要一覽表一份贈與該館，留作紀念。既離扶南東行十里許，至長沙村，略購糕餅果腹，又東行五里，渡麗江北行，途多石山，突立平地，不相聯屬。又二十里至一地，據挑夫云：『此地不甚安靜，時有土匪出沒，先生其慎之！』余曰：『不妨！余一遊士耳，所攜皆非珍品，他人得之，毫無用處，且所謂『土匪』，皆係破產農民窮而無告者，其目的不過在攫取金錢，藉以謀生而已。此種人亦極可憐，余苟能盡力，亦必樂爲之幫忙。不過旅中囊橐有限，果彼等真來，余亦無力救濟，徒呼奈何而已。至於危險，諒亦無慮，余與彼等素無仇恨。』天下一家，四海皆兄弟，身無可取之資，雖殺余何益？挑夫唯唯，余之出此言，蓋實有深意存焉。又行約十里，至羅陽。羅陽原係土縣，民十七年，廣西省政府議決廢除全省土屬，因併入同正縣。由挑夫引入一民家稍息，向之購得粟米稀粥以止飢渴。該地民間窮苦，無米爲炊，恆以粟

米稀粥果腹，粥以玉蜀黍磨粉做成，中無粒米。時值炎夏，過午即變宿味。但在旅中，飢腸轆轤，匆匆已罄數盅，不暇辨其味也。後再北上二十里，始抵同正縣城。挑夫逕奔縣政府，蓋彼意以爲余乃縣府之上賓也。時爲五時餘，縣長封國奇君及其屬員等，正在院中納涼，當即延入，就詢旅況，留宿署內，與警衛隊長某君同室。

七月二十八日，天晴，早飯後，向封縣長借得同正縣志稿本以作參考。因即在縣署東齋內摘錄該縣重要風土人情，整日翻閱，跬步未離。

七月二十九日，天晴，仍在署中披覽縣志。晚飯後，封縣長導余往署內後進參觀新葺屋舍，據謂「縣署房舍，朽敗不堪，歷任縣長俱存五日京兆心理，不加修理」云云。繼至一院落，院內有桃樹數株，果已成熟，縣長飭役採摘，款余數枚，此桃每枚自尖至蒂，皆自然裂一長縫，甚爲勻整，亦屬罕見也。

#### 四一 同正的瓶山洞及其他勝蹟

七月三十日，天晴，晨起，整理行裝，並請封縣長飭人代雇挑夫。縣長問：「君欲何之？」余以「往隆安」對縣長云：「隆、同交界地方，甚爲不靖，匪勢頗熾，勸君勿往，如必要前去，可先回南寧，再由南寧趁輪上溯，較爲妥當，且行旅裹足，雇夫困難」云云。余謂：「余不過一遊士耳，對於軍事政治，概不涉及，諒無妨礙。」且不

欲更動原來路線，堅持欲行。縣長復力勸，並云：「君如去南寧，余可派人並借君以馬，送至下楞墟；否則非余所能盡力也。」余見縣長意殊懇摯，盛情難却，乃決定再留一日，藉遊同正最負盛名之瓶山洞。洞距縣城約三四里。午前十一時，出南門，先至青龍塔，塔高三級，原有欄柱，可資憑眺。今塔頂與欄柱皆已圯毀，僅存塔身。其周圍藤蘿遍繞，一片青色，甚爲秀麗。離塔後，越甕江橋，曲折西南行，約二里餘，至那耍村，乃抵瓶山洞。瓶山矗立平地，四無倚傍。山半前後俱有洞，後洞之下係絕壁，不可登。前洞之下有磴道，迤邐而上，抵洞口，洞門關閉，呼無人應，試以手推之，門未拴，豁然大開。中供偶像甚多，皆不成形，蓋自廣西省政府提倡破除迷信，禁止道巫以來，全省景從，遂令洞內神像俱遭刖足斷手之禍也。兩洞相隔不過兩三尺，今已開鑿互通；然門小僅容一人進出。至後洞，下爲絕崖，險陡異常，俯瞰崖下，心爲之悸。遠眺縣城及附近諸勝，盡入眼底。旋回至前洞，洞外左方橫過數十武，有巖泉，春冬不竭。洞前稍下丈餘，有一石坪突出，可坐十餘人。下山後，意欲取捷徑直趨縣城，經行阡陌間，忽阻於綠甕江，不可涉。乃沿綠甕江而下，誤入果樹林中，四無去路，所幸多係柑、橘，是時尙未成熟。不然，瓜田李下，將不知要招幾許嫌疑也。空勞一場，復返原路。中途遇大雨，衣盡濕。至縣府，盡易之。稍頃，雨霽日出，曝衣於院中，爲之一笑。除瓶山洞外，尙有下列諸勝蹟：

1. 清暑洞

在城東南三里邕耶村後。山半有洞，頗寬敞，可容一、二百人。山多危巖，不易攀陟。民國十四



年，邑人由山前修砌石級，上達後洞。

2. 壽星洞 在城北八里坡只村，石路曲折，繞山麓而入古洞，窿然可容數百人，中間石乳所滴，或成蓮臺，或如楹柱，洞後幽邃，巖氣凜然，有穴可通山後，昔村人嘗避盜於此。

3. 筆峯塔 在城西六里，嘉慶時建於一石山之頂，高約二丈，形削如筆。

4. 西山 俗名「岵茂山」，在縣西一里，西溪與甕江合流之間。

5. 綠甕江 簡稱甕江，發源於城西北五十里之蔑崩嶺，東南流，經縣城西南，出扶南界，流入左江，全長一百餘里。

6. 綾紋泉 在城南二里，甕江之側，泉味清甘，滌洄數十步，潞爲一潭，潛流入甕江。

7. 南樓 縣城南門上有樓，可全覽一縣之勝，四時之景咸宜，此樓在咸豐亂時已圯，同治間重建。

8. 南橋 一名「石隄」，爲出甕江之路，左右兩塘，水木清湛，俯視明月，則與潭水共澄鮮焉。

9. 巖和洞 在縣城東三十里巖和村背，其山懸巖峭壁，勢極雄峻，山脚與水塘相連，無路可入，惟山腰略有小徑，纔可通人，此處有一大石洞，洞口臨塘，洞內有潭，水頗深，爲村人行汲之所，惟無光線，行汲者須燃炬以入，春、夏水漲時，或溢而流出洞外，以注之於塘，行汲者則可於外層取之，由洞之內層再入，曲折縈迴，長

達數十里，有廳堂、牀几、人物之像。好遊者須備火炬外，尚須用石灰沿路撒放，以作標識而免出時迷路云。

10. 隴壘洞 在縣城西三十里隴壘村之西，爲往那隆之孔道。山址有洞，中間頗暗，曲折而進，至於後洞。山頂有石，形如獅子，又有小洞，中立一石如人，值雨水時，溪水貫洞而出，入寬淥之址而去。

11. 青旂山 又名青峯山，在舊六區東哨村背，聳然特立，亦無倚傍。石罅遍生樹木，葱蘢可愛。有小徑通山頂，登臨其上，可以總覽諸勝。晚來夕陽斜照，風景尤佳。

12. 伏兔山 形如伏兔，在舊六區北哨村南約四五里，由平疇中突出。山下有一石洞，近人頗加整飾，以糶子爲欄，一門出入，外多修竹。附近又有松林，每屆夏令，邑人避暑其間，清風徐來，松韻竹聲，頗饒清趣。

13. 仙巖 在城西一百里之上峙村。山半土半石，其面如削，上有小洞，高約十餘丈，溪水潑於其址。洞旁石灰巖石，分裂成紋，自下望之（其實亦可望而不可即也）。儼若小棺數十具堆集其間。俗傳：『七月十九日爲母鳳死期，翌日羣鳥舁之於此，其棺卽係母鳳之棺』云云。

## 四二 同正縣概況

同正地居左，右二江合流之間，沿兩江之岸，均係鄰境，有間接之通津，而無直接之口岸。全縣面積凡九

百五十二方公里強。縣城位於左江支流甕江之東北岸。東至合江鎮（卽三江口）約八十餘舊里。東南至左江約四十舊里而強，東北至右江約五十舊里而弱。

考縣境古爲百蠻舊壤。溪峒深邃，號爲巖疆。秦爲象郡地。漢初屬南越，後爲鬱林郡地。東漢光武建武十九年，始置陀陵土縣，屬交州鬱林郡。唐貞觀元年，隸邕州管。開元二年，於縣地置思同土州。咸通三年，隸安南都護及邕州都督二府。五代屬南漢。宋開寶四年，以陀陵土縣隸古萬寨。思同土州隸太平寨。皇祐五年，復置永康、羅陽二土縣，均隸遷隆寨。元隸太平路。明洪武初，四土屬俱歸附襲官。隸太平府。成化八年，永康改流，萬歷二十七年，思同土州歸併永康縣，升爲州，遷今治，仍名永康。清初隸太平左江道。康熙二十八年，陀陵土縣亦併入州。民國元年，改州爲縣。三年，改名同正。十七年，將羅陽土縣併入縣屬，縣境乃定。

同正地處熱帶之北，暑多寒少。然冷暖亦無定時。每當烈日炎蒸，黑雲忽起，大雨沛然，乃如涼秋。若夫天高嚴寒，夜霜凝瓦，晝轉晴燠，有如陽春。往往調攝偶疎，易致感冒。其最熱時，多在三伏。處暑之間，謂之『爭秋』。是時汗流浹背，坐臥不寧。最高氣溫約在華氏寒暑表九十餘度。至於冬月，無冰雪之凍結，間有凝霜盈寸者，然不多見。非淒風苦雨，不必披裘。最低氣溫約在華氏寒暑表四十度。雨量，在二、三月間，多陰寒霖霖之雨，連綿不休。三月下旬，往往有狂風暴雨，挾冰雹以俱來，拔林木而倒灌屋瓦。六月時，天氣薰蒸，則鬱而爲雨。

之後稍涼，數日後則必極熱，熱之甚則又雨，如是者數次，則年成可望豐收。若熱極而仍不雨，則呈旱象矣。七月初間，有名「瀆衣紙雨」者，多淋浪數日，始見晴霽。至九月初間，亦常有雨。

縣屬多山嶺，濕熱之氣易生，往往晨起清明，忽而浮霧四塞，咫尺莫辨。其氣觸鼻辛辣，日漸高則收散無跡。是日必增炎熱，此後牲畜或多瘟疫，人感之亦多生病。當四、五月時，新水方生，挾澗谷之泥土而來，食之多腹痛泄瀉，或感冒暑濕，鬱爲痧症，使人四肢沈困，倦於行坐。此卽所謂「黃梅瘴」也。至九、十月，則天氣收斂，每變爲瘧疾，寒暑往來，或延至年終不愈，此則所謂「新禾瘴」也。

縣屬住民，多係漢族——先後自他省他縣遷移而來。其古來土著之人，則爲獠、獠二族——原多住在嶺峒中。其男女面貌，皆與漢族無異。男子服裝，亦與漢人同。惟婦女則髻插多簪，耳穿大環，佩以頸圈，繞以銀鍊，黑齒而赤足，衣袖短窄，僅及肚臍，下裳之外，復以青布撩亂圍之，垂可至膝。近數十年來，因屢爲窮極無聊者所侵掠，多從山內徙居山外，且漸與漢人通婚，形將與漢人同化矣。據最近調查：『全縣有男一萬八千二百五十九丁，有女一萬八千四百六十三口；男女合計共三萬六千七百二十二。』城區住民（連附近鄉村在內），男共一千一百七十二人，女共一千一百七十一人，男女相差僅一人，爲余出發以來男女數量最相等之城區也。

縣屬農產物，東南部多產苞粟，中、西二部多產穀米，餘則穀米、苞粟各半。統計全屬苞粟，每年出產約九百餘萬斤，穀米年產約七百餘萬斤，以上二者皆爲出產大宗。次爲花生豆、白豆、黑豆、綠豆、芝蔴、穆子、三角麥、狗尾粟、膏梁之屬。此外如大薯、芋頭、蔗糖、竹、木瓜、果、蔬菜等，出產亦不少。家畜以雞、鴨、豬、牛等爲主；馬、犬、貓次之，羊則頗少。礦產距城西二十餘里之淥泓、淥谷、淥旺、淥石（縣屬凡是土山，俗皆名爲「淥」，石山則名爲「岬」），距城西北三十里之淥井及距城二十里之吞岬、白等處，俱產鉛砂。縣屬北部之天巡嶺，聞有金礦，但尙未證實。至若土硃、紅泥、陶土、硝土、礦石、石灰石等，所在多有。

縣屬居左、右兩江之內陸，純係旱縣，故水路交通全無。至若陸路交通，有邕同公路，在縣境者長約四十餘里，本已早告成功，但因邕屬方面尙未築成相銜接，故無從通車。迄今境內通行之交通器具，僅牛車一項，由縣城東行通至邕寧屬之下楞墟而已。郵政於城外東關墟設有郵寄代辦所一處，羅陽墟設有郵務信櫃一隻，電話擬由縣城架設一線，經羅陽、昌平二墟以通扶南，卽將開始興工。

縣屬文化，計至現在，全縣學校教育有縣立師範講習所一所，完全小學三所（第一校在城內，第二校在羅陽墟之北哨，第三校在那隆墟），各區立初級小學四十一所。民衆教育，有縣立民衆教育館一所，將前縣立圖書館歸併在內，縣立公共體育場一所，設備尙稱完全。

#### 四三 同正的「酸肉」與「哭爺娘」

縣屬俗尚儉樸，頗有古風。服飾普通多短衣闊袴，從前純係用土布裁成，自外貨侵入以來，已多改用洋布矣。飲食普通用稀飯，而多以苞粟粉和之，暑熱時或和以紅粟粉，較富有者或朝粥而夜飯，然亦甚少，惟每月過節則必用乾飯耳。肉食除豬、雞、魚、鴨之外，近二十年來，且多食牛及犬、貓等肉。若會客則以海味爲上，但男客坐高席，女客則分坐竹簾，此則甚爲不平等也。

距城市稍遠之山村，不嗜茶，卽客至，亦僅請其飲稀粥解渴而已。西部山麓諸村，遠隔市塵，每合數村，共宰一豬，將分得之肉和糯米粉生貯罈中，越十餘日取食，並不須烹煮，經久更佳，名曰「酸肉」。又有將鮮肉藏竹筒內，密封其口，沉溪流中，月餘不變者，村人恆製之以備不時之需。

住屋可分作三等：上戶用熟磚，中戶用泥磚，下戶則用土築，除下戶多蓋茅草外，其餘則皆蓋瓦。房屋形式，大門兼倒廳或兩邊橫廳，正座三間，門口兩楹，入後則廚房矣。至鄉村養牛者，則須與人同居，蓋防盜也。

婚俗，城區重親迎，但新郎不獨行，必一二人同往，謂之「伴爺」。到時女家亦有名「儂相」者出而延入，坐定上茶，旋入席，席罷，新郎行拜家先禮，禮畢，立於堂中，面向門外，女家乃覓親友中之有福澤者，插花掛

紅，新郎昂然而出，伴爺亦辭行，儼相則送之門外而返。迨至挨晚，女家乃將禮物，奩物擺於抬桌，庚書一通，拜帖一盒，其雞全還，豬、羊均砍取一邊，檳榔則取出填以穀子，此外裝餅之盒，亦均全收而還以糯飯，其抬桌之多少，全視男家所送來者而定——多者十二抬，少者四抬，此乃貧富之不同也。

新婦出門時，穿大紅衣，著大紅鞋，梳髻之時，留髮一穗於頸後，再以青布蓋於頭上，垂於前後，手持花扇，鍼之使亮，蔽於面前，而以大兒子負之入轎，轎旁掛雞一對，蓆子一卷，然後隨抬桌之後而往。及至男家，搬齊禮物，乃以有福之老婦人持火把，繞花轎一匝，然後掀簾扶出，至堂中拜家先，乃入新房，收其青中，付與新郎用足踏之，意取其降伏也。新婦挨坐牀角，羞愧不言，無所謂「合巹」也。

又女家請族中之雙全而有福德者，送過男家，謂之「送嫁爺」。男家亦用代東以相宴酬，新郎則於席半奉酒致敬，彼如還敬焉，飲至二更而退。

次早，新婦艷妝出而「拜堂」。「拜堂」時，新婦與新郎同拜，焚奉先鞋、巾等物，然後行「夫婦交拜禮」。禮畢，則翁姑及長輩等行「見而禮」。早膳後，新婦乘轎歸寧，謂之「回門」。

至若貧寒之家，慮將來不能娶婦，則買一年紀相若之幼女為童養媳，俗名「夾雞對」。至長成時，始擇吉日令其子合房，又有寡婦為有子女不願再醮，取得翁、姑之同意招夫上門，以養其翁、姑、子女者，其上門之

夫亦認婦之翁姑爲父母。距城較遠之西北各村，有結婚之日不親迎，但於未娶之前在年初即預請其壻上門者。

又南部諸村，女子出閣前半月，每晨起必哭，謂之『哭爺娘』。不善哭者，其父母乃倩人教之。吉日請女友伴送新婦，執傘跳足隨行。男家於新婦到時，令新郎暗立重門內，俟謁祖先畢，以摺扇三拍其背，旋又使匍匐從跨下過。俗謂如此即能降伏其婦。至夜，女友陪婦宿，新郎不得近前。

喪俗，當死者沒時，其家人婦子先爲之洗抹，然後加以衣衾。若係預置棺木，則請木工加以修飾，再以油灰糊其合縫，或熔松香於四角，或再輔木炭，始行殯殮，停於中堂，三日成服。開弔之日，其親戚故舊之來祭奠者，孝子則在幃內叩謝。來弔者爲男子，則拜跪；爲婦女，則以哭。人多時，往往有濫芋者。近來婦女弔孝，已稍稍改用拜跪而不用哭矣。

大抵少壯之喪，不過三、四日即出殯；老喪則一「七」以至五、六「七」不等，或竟停至年餘者——以覓吉壤始葬故也。在閉喪時，其家人於五更天必哭一次，謂之『醒喪』，冀死者之知也。出殯之日，以長白布牽於兩旁，死者之家人，男左女右，哭而挽之。其至親者亦以次執紼。

葬後，孝子即在堂前席地而寢，蓋『寢苫枕塊』之意也。如此百日，始可入房。在百日之內，孝子不剪鬚。



髮三「七」之夜則燃燭、燒香，以細草灰鋪於籓箕，貯靈臺之前；謂之「回煞」。次早視之，或有鳥跡抑鼠跡，如有鳥跡則吉，謂其魂靈已升天堂也。

其葬式，大抵權厝者多而大葬者少。權厝者，棺不甚堅牢，三年之後，則起出檢骨貯於瓦罈中，俟有吉壤，再行遷葬。大葬者，生前已備有好棺木，且已覓得吉壤，故一葬之後，即不復遷葬。但葬法又各有不同：有用三合土築實挑開金井，然後下棺者；有先下棺然後用漚水石灰而以破碗白而砌之如鱗者；亦有四旁砌磚然後下棺而以桐木橫於其上，乃加土者。其俟覓吉地或待利方然後葬者，則停於家中，或於近郊蓋一小房貯之，然亦甚少。

#### 四四 重返邕寧

七月三十一日，天晴，清早，封縣長遣勤務兵備馬二匹，一供余騎；一供護送者某君之用。當即辭縣長向下楞墟進發。出城後，馬行頗疾，余以騎術不精，落後。迨行二十里許，路旁有數樹參天，某君已憩於樹蔭下待余，余遂亦下馬稍息。繼前進，約五里，路側有一小池，馬停思飲，余任之，但未離鞍。馬飲水後，逕往池中行，余亟勒韁使返，乃此馬不但受指揮，反向池心臥倒，余駭極，急躍下，下裳盡濕。此畜亦太惡作劇矣。已而曳馬登

岸續前行，又二十餘里，抵下楞墟。沿途非常荒蕪，不見居民，間有石山屹立于荒草中而已。抵下楞墟後，購稀粥及糕餅數事止飢，稍憩。某君則將鞍馬寄託店舖，轉送縣府。嗣偕余渡麗江，既渡，步行八里，至一村，道旁樹蔭下有擺攤售賣稀粥者，又各進粥兩盅。復十餘里至大同墟，登墟渡船（嶺南鄉村市鎮，皆數日集市一次，名曰『趁墟』。墟期商賈雲集，熙往攘來，頗形熱鬧。否則甚爲荒涼，可以羅雀。而所有墟渡船隻，均按墟期開行。此種墟渡雖仍係普通木船，然因划槳船夫多至五、六人，故較一般民船爲速）。船中滿載雞、鴨等家畜，穢氣撲鼻。時天氣酷熱，雞、鴨等率皆張口向水欲飲，而主人不顧也。余思若輩禽類，徒供饕餮，身罹殺斬之前，復受斷飲之苦，亦大可哀矣。同船旅客中有攜波羅蜜出售者，余擬購取一、二顆，但憶及昔在海南島時，不耐聞此種香味，乃止。船行六十里，於斜日欲墜時，重抵南寧，登陸後，逕往中山路一七七號顏君處投宿。顏（若愚）胡（壽山）二君見余重來，又驚又喜，即詢其故，余以同正縣長所言相告，並以電話邀胡日明君來寓，胡君亦甚驚奇，暢談別情，至九時餘始散。

#### 四五 牛步化的輪船

八月三日，天晴。上午十時，離邕城，兩胡及顏君復送余登興泰輪，在船勾留數小時乃去。船至下午五時

始啓旋，行甚遲，殊出意外，踱步機器間，則機間內引擎僅以柴火推動，不用煤力，固難怪其牛步化也。聞同艙者言，該輪乘費係此地諸輪中之最廉者，而亦即諸輪中之駛行最緩者。偈處船中，殊覺鬱悶，乃閱書消遣，苦未多帶，瞥見旁坐某君，攜書盈篋，中有民政廳出版之民政季刊第二期，尤使余注目，因向之索借，某君首肯，就詢余姓氏略歷等，萍水相逢，一時竟成知心，堪解旅中寂寞。季刊中關於廣西民情風土等記載，不少重要者，觀此亦可略知廣西之梗概，旋倦入睡。

八月四日，天陰早起，閱民政季刊竟，又換書數冊，有時出艙散步，眺覽景色，藉舒心懷。惟自啓輪以來，深以機輪無力，船行過緩爲憾。晚間十時，始達隆安縣。先是由某君介紹，得識隆安縣立中學教員李心君、李君乃一熱情青年，一見如故，且允到隆照拂一切。迄船抵達目的地，天色漆黑，偕李君登岸，導寓於城外中興旅舍，李君旋別。

八月五日，天晴，午前，見謝縣長佩西於隆安縣政府，謝君桂之永福人，曾任廣西民政廳視察員，秉性和藹，蒞任未久，對隆安情形尙不深悉，就所知者咸舉以告，談約一時許，余興辭而出。臨別，謝君復遣人伴余至省修志局，隆安縣采輯處，借得縣志四冊，歸寓參考。午後，謝縣長來緘，約余翌日上午九時過府同往白鶴巖一遊，下午一時並在巖內聚餐云云。末註「天雨改期」四字，余裁箋答之。

## 四六 隆安的白鶴巖及其他勝蹟

八月六日，上午天晴，九時，應謝縣長之約，逕至縣府，時謝君暨其眷屬與祕書姚君等均束裝待發，茶話片刻，即同向白鶴巖進發，行二里許，白鶴巖山頂之亭已遙遙在望，巖位於縣西四里，巖前有訪鶴亭，係今年春間所建，抵山麓，憩息亭中，俄而進洞遊覽，洞深約二十丈，廣約二丈，高亦如之，四旁石乳結成楹柱、鐘、鼓等形，中立一石，形略似鶴，巖即以此得名。稍進，上有一竅通天，作橢圓形，再進即達後洞，由此紆陟數十武，便達山頂，有樓建其上，名白鶴樓，亦春間所建；然察其構造，殊不堅固，中空，蓋特留巖中窟窿通光之用。環行樓之四周，頗具戒心，有如臨深淵而履薄冰也。繼返白鶴亭，而盛筵早設矣。一行男女十餘人分坐兩席，觥籌交錯，各盡其歡；顧此爲謝君蒞縣後之第一次出遊也。飲半酣，天微雨，迨雨止返城，已鐘鳴六下，余逕返寓中，查此巖爲隆安名勝之一，此外尙有下列諸勝：

1. 陽明洞（見四九節——由隆安到果德一篇）

2. 掛榜山 一名金榜山，俗名曰「邕雅」，在城東南二十里，山勢橫列如榜，四面皆然，故名。峭壁聳拔，有三層崖，可容千人，頂有天然石池，其南麓一谷，尤奇絕，從麓拾級而升，中有玉女井，上有明和洞，三層極幽

邃，再上爲雷壇，雷壇深處爲飛雲谷，白袁崖，橫煙障，香爐峯，諸名勝，崖石四塞如城，內有蓮花塔，座踞一石人，俗呼爲『希夷先生』。明嘉靖中，邑令姚居易題曰『第一洞天』。相傳：『縣諸生陳汝興嘗在巖中習先天道，所有一切花果，皆其所種，至今猶存。厥後時隱時見，莫知所終，人皆以爲仙去』云。

3. 噴珠崖 在縣西四十五里，巉達隘旁，壁立十餘丈，春夏洪水自崖上流下，形如瀑布，遠處視之，則如噴珠。明嘉靖間，縣令姚南涯鑄『噴珠崖』三字於其石壁上。

4. 息耕石 在楊墟後，距縣西三十八里，一巨石伏田中，農人工餘，多憩息於其上。縣令姚南涯於其上鑄『息耕石』三字。

5. 榜山文塔 在城東六里東獨秀山之頂，係光緒二十年建，孤塔矗立，高插入雲，遠近望之，勢極雄偉，有橫掃千軍之概。

6. 清風巖 在南區喬建墟後山上，山峯秀拔，頂有一洞，卽名清風巖，中立魁星閣，爲縣屬名勝之一。

7. 朝霞山 在南區馬村，時有彩霞籠罩，景色奇妙，對面有石山，中通一洞，洞口作豎方形，遠望如鏡，俱

爲邑中名勝。

## 四七 隆安縣概況

隆安地跨右江下流東北和西南兩岸，西南至北緯二十二度二十七分，北至北緯二十三度二十五分，東至西經（北平子午線）七度四十二分，西至西經八度五十九分，東西長約一百七十舊里，南北廣約一百三十五舊里，以緯度論，全境尚在熱帶圈內也。全縣面積凡一千五百五十八方公里強。縣城瀕右江之西南岸，位於北緯二十三度一十分，西經八度二十分半，東南距南寧市凡二百四十五舊里。

考隆安，在商爲西甌（卽駱越）地。周末屬於楚。秦爲象郡地。漢爲增食縣地，屬鬱林郡。三國吳改增食爲懷安，晉又改名增翊，仍屬鬱林郡。劉宋以增翊縣改屬晉所分置之晉興郡。齊、梁、陳三朝俱因之。隋爲鬱林郡。宣化縣地。唐武德五年，析宣化縣地置朗寧縣；乾元後，開山峒置思籠縣，並屬邕州。五代屬南漢。宋開寶五年，省朗寧縣入宣化（卽今邕寧），省思籠縣入如和（卽今扶南）。景祐二年，又省如和縣入宣化。治平四年，撥宣化之朗寧廢縣地入武緣（卽今武鳴）。是時縣境乃爲宣化、武緣二縣地，隸邕州都督府永寧郡。元仍爲宣、武二縣地，隸南寧路。明嘉靖十二年四月，析宣化、武緣二縣地置隆安縣，屬南寧府。清因之。民國初，屬南寧道，十七年，廢道制，直隸於廣西省政府。

縣屬尙在熱帶圈內，一歲之中，寒少熱多；正月陽氣卽蒸，鄉村俱藝包穀。二月播早稻。三月種田蒔。四、五月，天氣溽暑，嵐瘴爲瘡，人多熱疾。最高氣溫約在華氏寒暑表九十餘度。立秋後，暑氣漸殺，白露後，稍臻涼爽，寒露後，夜間甚涼。十月雷鳴，人多病瘧。十一月朔風頗冷，有霜無雪，草木凋零，可以圍爐著裘。最低氣溫約在華氏寒暑表四十四度。雨量，以夏、秋兩季爲最多，耕農之家多利賴之。惟有時亦多霰、雹，玉米往往受害。冬天雨量較少。

住民，多爲漢族，土著甚少。土著住於西南兩區邊界重疊山隴之中，性愿謹，縣人稱之爲「隴人」。——據其所居之地而名之，實卽獠、獯之遺裔也。此種人多聚族而居，村之大者，數達百餘家以上。其姓氏以梁、趙、黃、隆、農等姓爲多。人口比漢族約占百分之十，歸入隆安縣編戶已久。凡納稅、訴訟、服役等事，均歸隆安縣政府管轄。而政府之待遇其人，亦與漢族無異。同化程度，已達十分之八、九。據最近調查：『全縣有女四萬七千七百八十九口，有男四萬六千二百三十八丁；女、男合計共九萬四千零二十七人』。若單以城區而論，有女一千六百八十二口，有男一千四百七十丁，女、男合計共三千一百五十二人。

縣屬出產，以穀米、包粟、大豆、黑豆、花生、麵麥、番薯、蔗糖等爲大宗。穀米分早稻、晚稻、冬穀、旱穀等四種。早、晚二稻，又各有秈、黏二類，每年出產共約二千一百五十餘萬斤。包粟年產約六百萬斤。大豆及花生豆年約

二百餘萬斤，麵麥及番薯年約一百餘萬斤，蔗糖年約二十萬斤，次爲高粱、穄子、脂麻、元肉、藍靛、酒餅、瓜、菓、蔬菜等。至於方村所產之煙葉，右江中所產之無鱗鱖魚，通行較遠之細草蓆及紗紙、蒜頭、葛仙米等，俱可稱爲縣屬之特產。

縣屬水路交通，有右江自西北斜貫東南，在境內者計長一百四十六里，週年有淺水電輪來往，民船載重自四、五千斤至三萬餘斤不等。東區可瀘江（卽武緣江）亦通民船，大船可通至縣屬之玗璫墟，小船則可通至武鳴縣。陸路交通，東南部地勢頗平坦，如玗璫、白馬、那桐、那重、橋建、古潭等墟，俱可通牛車。現在由縣城南至南墟，由南墟轉西北經楊墟、留德墟而至下顏墟，及由南墟轉東南經橋建墟至古潭墟，再由古潭墟轉北經那桐墟而至玗璫墟等處，俱已修有公路，不久即可通行汽車。郵政於縣城及下顏墟兩處，各設有郵政代辦所一所，橋建墟則設有郵務信櫃。電政於縣城北門城樓，設立電報支局一處，上通百色，下達南寧。至若長途電話，正在興工架設中。

縣屬交通尙便，文化亦頗有可觀。最發達之區，首推東區，如那重一帶人民，大多不甚富裕，而對於遣送子弟入學，則極踴躍，甚有變賣產業而充作子弟膏火之資者。舊日之文廟，其規模之宏大，冠於右江各縣；今已改辦爲縣立初級中學校。外有完全小學十二所，初級小學一百五十四所，分設於城市及各鄉村。社會教



育，有中山公園及公共體育場各一處。縣立民衆教育館，設在新街，就原有之觀音廟改頭放面，正在修葺中，尙未竣工。書業，有文德書局，喬南書局及隆安圖書轉運局三家。

#### 四八 楊灣團的「鬼婚」與隴人的特俗

縣屬俗尙儉樸，民多謹愿，富於保守而鮮進取。至奉公畏法，尤爲縣屬人民之特長，卽封建時代盤據各處之士豪劣紳，亦爲鄉民所最崇拜者。服飾尙樸素，普通衣服，大多用土布裁成，頗古野。飲食大抵從儉，以米爲主要食料，而輔以雜糧。普通住戶，早粥夜飯，肴無兼味。貧者惟食稀粥、蔬菜，每逢墟期（三天一期）纔吃乾飯一頓和肉一餐而已。且不重衛生，日常吃剩之菜肴，常遞至數餐，仍以之充食，雖在盛夏亦然。至於山中農夫，則終年吃玉米粥，不知粒食爲何物也。房屋，富者砌磚爲牆，敷瓦於椽，不施樑柱。次者有樑有柱，以板爲壁。貧者則編竹塗泥，僅蔽風雨而已。鄉村之屋，多結柵架樓，上層住人，下豢牛豕。蓋昔時地多狼、虎，用以護衛人、畜，乃相習既久，沿之弗改。於此亦可見其保守性之濃厚也。

女家擇婿，最重知識階級，所謂「書香之家」也。男家則擇門第年齒相若者，先倩媒妁通言，取兩造年庚。今日者評其生尅，合則擇吉下聘，以檳榔、鹽、糖、指環、首飾等物——亦有用聘金者，憑媒送至女家，名曰「

報好』亦曰『下定』。女家則報以布鞋、手巾、荷包等物。

欲娶之先一二月，婿家備辦餅食、檳榔、鹽、茶、豬、羊，擇定吉日，遣媒送諸女家，名曰『報日子』。貧人則僅送豬肉七、八十斤或折送市錢十餘千以作聘金禮。女家則將牀、桌、幃、帳、奩具贈於女。其物之豐儉，均視家之貧富爲轉移。

過門時，不親迎，惟以媒妁及小閨女護禮前往迎娶。近日新郎，亦有於婚前一日上門拜謁女家父母，宴畢即返者。彩輿至，由女眷扶掖新婦登堂，與婿及其父母爲禮。三朝始謁拜宗祖。近十餘年來，縣屬楊灣團一帶，忽產生一種「鬼婚」的風俗，頗爲別致。凡男子無妻而夭折者，其生父母必爲之尋一別姓之女骸，與之合葬，家中始得平安。否則必朝夕作祟，擾攘不寧云云。其實皆巫者欺騙之詞也。而愚民不察，遽信以爲真，由是造成一種特殊之風俗。至若貧寒之家，亦間有娶童養媳者。

父母終堂，男則號泣蹙踊，披髮徒跣，女則除去簪珥，用碎布條周綴於麻帶之上，當即延倩僧、道開路，然後捧屍入棺，設立神主。七日外方擇良辰成服。是日仍延僧、道來家誦經，每天哭祭三次。迨扶襯安葬後，即將靈位供於中堂，朝夕焚香上食。至大祥後，隔一月，仍延僧、道，超度焚化。近政府嚴禁僧、道，但民間仍時有請若輩到家私作功德者。嗣後每逢忌日，俱以酒醴牲飯獻祭。三、九兩月，則男女子孫，羣往葬處拜掃，插白紙錢標

於墓頂焉。

縣屬隴人的服飾，男子與漢人無異，惟婦女則與漢婦不同：衣長僅及腰，袖甚窄，以五色布條旋繞之以爲飾，穿裙，裙之四周不垂下而撩起，外以布一幅圍之，名曰『圍裙』。耳環極大，圍徑寸以上，頸帶項圈，黑齒。但近數十年來，已逐漸與漢族婦女同化矣。隴人的婚姻，在定婚之後，即請姑爺（即新婿）過門，名曰『新婿登門』。迎娶之日，並無彩輿，女家宴飲後，新婦腰帶鈎刀，頭戴斗篷，先走出門，隨有戚族男女數人送至男家。飲宴後，仍隨送嫁人回家。此後每逢大節氣或種玉米時，則來男家住一、二日，旋復回母家。待至生子始歸男家常住，今此風猶未盡革也。隴人無子而有女者，必招婿入贅，或有子不幸而死，遺媳年少，則招一異姓之人入贅。此兩種入贅之人均得繼承其嗣，遺產亦歸入贅者所有。

#### 四九 由隆安到果德

八月七日，天晴。余還志書於采輯處後，回寓稍停，李心君來訪，邀往參觀街市。是日恰值隆安墟期，先至市肆較爲繁盛之新街一帶，嗣至民衆教育館，館址係由一觀音廟改建，尙未竣工。沿街多展竹篋，晒圓肉於其上。據李君云，該縣出產圓肉頗多，價亦不昂。云午後本擬搭船赴果德，因不值船期，仍勾留於此。

八月八日，天晴。上午候船未至，乃決趁墟渡至下顏，船價頗廉，惜不直赴果德耳。下午五時，至下顏登岸，息一小棧中，棧內湫隘不潔，且無單獨房間，僅通房一個，甚爲嘈雜。出棧往商於區公所，所中委員乃潘二君，極表歡迎，乃遷寓區公所內。晚間，潘君與余詳談至中夜，始就寢。

八月九日，天晴。早餐後，承區公所派人送余至墟渡船上，數小時後，船始開行，沿途風景頗優，兩岸懸巖陡峭，多石灰巖，經風雨之剝蝕，石多洞穿，呈各種異狀，尤以河水有自山底噴出者爲最奇。河水本濁，而山底冒出之水則極澄清，名曰伏流。右江兩岸之水，於混濁中常見有一團一團之清水存在者，即係此種伏流噴出之口也。下午四時，抵果德縣治（即馬頭墟）寓於第一鄉公所。委員黃恆顯、蘇鼎超君等接待頗殷，臨時炊飯款余。晚間承蘇君告余以當地風土情形頗詳。

八月十日，天陰。午前九時，至縣政府調查當地情況，十時返寓。與蘇鼎超、陸儀勝二君同遊陽明洞，先至河干雇舟渡江。中渡，天雨，抵洞前，舍舟入洞，洞在右江南岸之河壩上，地屬隆安，原可容數百人，但因歷年江水盛漲，被泥沙冲塞過半，余等由洞口直進，須爬泥沙，始克抵洞內；但僅十餘武，不能再進，略事觀賞，即行退出。洞口上刻有『陽明洞天』四字，相傳爲明嘉靖年間，王守仁征撫思田時，曾泊舟於此所刻，並有征撫思田功績文，亦爲王公所刻。洞口左側石壁鐫有「神武不殺」四字，爲清康熙甲子重九，左江使者三韓王毓

賢所題其旁有『千羽流徽』四字，則爲邑令盛國俊所題云。既而返，登舟回至北岸，遊中山公園，小徑曲折，亂石嶙峋，更有亭臺三座，可資遊覽。

## 五〇 果德的曙光洞及其他勝蹟

出園後，又往遊曙光洞，洞在縣治西側馬頭山下，直穿山腹。余等先由西口而上，沿途雜草叢生，尋徑而上，抵洞口下右側，爲一峭巖所阻，下臨深壑，攀行頗險，捨此則不能入口，余等躊躇至再，最後決定脫去鞋襪（以防滑也），鼓勇攀登，援壁而上。洞雖寬闊，但稍進則暗黑難行，且多岔道，出電筒探視，奈蓄電將罄，光力微弱，又無火炬，遂中止前進。據蘇君云，中有仙人床、几、田、池等形之石乳特奇，遂以無法獲覽爲恨。出洞，攀巖緩下，至山麓，有泉水井一，并作螺旋形，水極清冽。折返果德，復探東口，由山麓直上約數十武，卽抵洞門，鞠躬而入。入後漸低漸暗，余持電筒蹲步前進，約十餘武，下一高蹬，卽可直立。內洞頗大，黑暗無比。因蓄電不足，未敢再進，取道返城。此外尙有下列諸勝：

1. 倉一山 在縣北四十里，山腰有一巖，遺下古棺數具，其頭顱大如拳，腿骨長尺許，於今猶存，訪查時代，杳不可知云。

2. 岑澹塘 在縣西二十里河岸莊周村。其水永不涸，塘前坡有岑澹廟一所。塘內多魚而難食，相傳屢出爲祟，偶有褻瀆卽致病斃命云。距今五十年前，該村住民遷居塘岸，人畜之氣穢漸侵，今已不聞妖祟矣。

3. 三流灘 灘岸上游有一穴，極深，昔有村人誤入穴中，數日不返，家人以爲必葬於穴內，因刻木招魂仗道殯送，方出喪，其人由穴回家謂『穴內可容人數百，儼如仙洞』云。

4. 奇泉 在縣西五十里山心墟之觀音閣下獨石灘上，河干石隙有小泉流出，牧子樵夫臨而玩之，呼之流則流，呼之停則停云。

5. 九龍山 一名九兒山，在縣北二十里，山勢巍峨，其尖峯有九樹木葱鬱，爲禽獸藪，人跡罕到，周廣三十餘里，爲縣中諸山之冠。

6. 圭山 一名歸峯山，在縣東北二十里，峯巒秀拔，石壁陡峻。

7. 獨石山 在果化墟下十里江中，孤峯聳峙，二水中分，卓然砥柱，上有一寺，今已圯。

8. 邕百合 卽花頂峽山，在果化墟上游十里，與思林之擔杆沙相對，沿河一帶，蜿蜒而上，臨江陡壁，峻峭巍峨，勢若摩天，時有山巔之猿相挽倒掛，飲水於河，如掛百尺垂藤。

9. 波鏡山 在縣北八十里左右環抱，挺秀異常，左山近巔，忽開一圓洞，通出山外，遠望光圓如鏡。

10. 感懷潭 在縣北舊城墟南十五里，昔多怪及魚蝦，水長流去十里許，入坎潛行地下約十里，復出。

## 五一 果德縣概況

果德縣境，大部在右江的東北岸，一小部分伸至右江之西南岸，東北界那馬，東界武鳴，東南界隆安，南界鎮結，西北一帶界思林。全縣面積凡二千一百五十一方公里強。縣城偏居縣境之東南部，瀕右江之東北岸，面江背出，舊爲馬頭墟，隔江仍係隆安屬境。

考縣境，古爲百粵地，漢爲鬱林郡地，唐屬邕州都督府，宋熙寧中，置羈縻歸德州及羈縻果化州，屬邕州。元爲歸德、果化二州，屬田州路。明初屬田州府，嘉靖間，王守仁征思田，復置白山、都陽、舊城三土司，與歸德、果化二土州，同屬思恩府武緣縣。直至清代末葉，相沿不改。民國五年，始將歸德、果化二土州及白山、都陽、舊城三土司地合併，置果德縣。

縣屬大部在溫帶圈內，一小部分尙在北回歸線以南，氣候陰晴無常，乍寒乍熱，加以山嶺重疊，樹木差盛，夏、秋之季，地生嵐瘴，染其氣者，易致疾病。夏天最高氣溫，約達華氏寒暑表九十餘度，冬天最低氣溫，約達華氏四十度，雨量以夏末、秋初爲最多，冬時少雨。

住民分漢、獠二族，而漢族又復分爲客籍和土著兩種，今俱已逐漸同化。據最近調查：『全縣有男二萬七千九百九十一丁，有女二萬七千四百七十七口；男女合計共有五萬五千四百六十八人。』城區住民，男女合計不及千人。

縣屬出產，以苞粟、穀米、豆類爲大宗。苞粟每年出產約八百餘萬斤，穀米年產約六百餘萬斤，豆類共約七百餘萬斤。大麥、小麥、高粱、花生油、蔗糖、粟米等次之。大、小麥、高粱各約二十餘萬斤，花生油、蔗糖、粟米各約十餘萬斤。番薯、芋頭、龍眼、棉花、竹、木、瓜、菓、蔬菜等更次之。畜類以豬、雞爲多，牛、鴨次之，馬、羊、鵝較少。間有養鴿者。礦產，縣西第六鄉那靴有硃砂礦。清光緒中，曾有人集資開採，但以礦區四圍皆係高石山盤繞，礦苗少而工程大，以致倒閉。

縣屬水上交通，有右江橫貫縣境南部，上自花頂峽經果化墟順流而下，經山心墟、坡洪村以達縣城至馱灣村止，水程約一百里，可通輪船及民船，週年來往不絕。夏期水深，冬期水淺，船隻載重自三、四千斤至五六萬斤不等。其他小河，概無舟筏之利。陸上交通，一由縣城北至龍馬墟，一由果化墟沿山西南行至鎮結縣界，一由果化墟經光墟至隆安縣屬之復隆墟，俱修有公路，但未通車。郵政於縣城及果化墟，各設有郵寄代辦所一處。電報局設於果化墟珊瑚鼎街，長途電話正在架設中。



縣屬文化，肇始於民五立縣以後，初設有縣立高小三所（一小在縣城，二小在果化，三小在舊城），鄉村小學二十餘所。中經衰落變遷，是以文化程度甚低。計至現在，全縣在中、外大學及高等專門學校畢業者，尚無其人。教育界有初中畢業資格者，不及百分之五。學校設有縣立師範講習所一所，完全小學六所，初級小學七十所。社會教育，有中山公園一處，設於右江河岸，內有亭臺三座，可供游玩。

## 五二 果德的特產與風俗

果德特產，有下列數種：

1. 鮑魚 出城東七、八里之鮑魚洞，背呈青黑色，腹白，頭尖、口肥，肥部味美，每年冬至前後三天，由洞中成羣而出，約可出數千斤，夏則由外面陸續藏入洞內，如在此時網獲，味較冬至時所捕獲者為尤美，但此時不可多得，以係散居在外面故也。

2. 黑米 產舊城墟一帶，分粘、糯二種，裏外皆呈黑色，可以充糧，亦可以製酒。

3. 黃精 產石山中，地下莖形略似薑而圓，且較薑為大，皮色白而帶青，剖開肉如白玉，掘出後，洗淨煮熟，九蒸九曬，為補藥中之上品，亦製衛生酒所不可少之材料也。

4. 蛇瓜 長一、二尺，色青而有白色斑紋，左右彎曲，望之如蛇，故名。可充蔬食，味似絲瓜。

5. 古子瓜 形、色、氣、味，俱類冬瓜而小，但四周光滑，無芒及白粉。

6. 藁 芋屬也，莖葉俱略似芋，高三、四尺，莖中有無數小孔，葉上脈絡較芋粗而突出，地下莖亦略似芋。分野生與家植二種：家植者可煮熟食，野生者廣東仁化縣之丹霞山亦產之，不可食。

7. 馬鞭草 出石山，運出國外，獲利頗多，但未知作何用，想亦係藥品中之重要材料也。

8. 苦登茶 產於新墟，樹最高，三月間，採其嫩芽煎飲，味甘，經數日不變，老葉泡久之味，亦同嫩芽，無甚

泡製之法，惟曬之而已。

9. 毛薯 種於新開墾之荒地，莖藤四方，分紅、白兩種：莖葉白者薯亦白，莖葉紅者薯亦紅。每莖產薯一、二、三枚，重一、二斤不等。薯之四周有小鬚如毛，頂端尤多，故名曰毛薯。

10. 山薯 卽淮山藥，野生，苗如番薯，有班點，葉圓如錢，地下莖多至四、五根；每根長一、二尺，粗如手臂，去皮切成片，煮溶取食，可以救饑，今年春夏之交，縣屬大饑，居民相率掘以充饑，賴以不死者以萬計。

11. 芒薯 亦係野生，產石山裂縫中，莖有刺似長針，葉如鳳尾，地下莖呈圓形，略似南瓜，小者五、六斤，大者十餘斤，亦可救饑。

12. 黎峒薯 莖、葉、氣味，俱略似毛薯，惟無毛鬚而大至數倍，須二、三年或四、五年始可一收，故種者很少，以難於久待故也。

至於黃草、蛤蚧、脚魚、山瑞、黃鸞、葛仙米、穿山甲等，縣屬俱產之，此外特產尚有么鳳、孔雀，但今極罕見。

果德俗尚誠實儉樸，民性昔多強悍，今半皆返樸還淳，無迎神、賽會、蓄養童媳之事。饒富之家，買婢爲使，及笄卽嫁，間有爲饑寒所迫，不能自養，不得已而行典鬻者，如今年（民國二十二年）春、夏之交，米價騰貴，因除借不得，無論男女，俱有發賣者，惟乏團結性，故屬中無任何會社之組織，亦無教育、職業、救濟、慈善等事業之團體。民國十二年，雖曾合力組織商會一所於果化墟，然未及十年，亦於去冬停辦，迄今尙未改組。衣料多用土布，食米及雜糧，貧家三、五日或一旬，始吃乾飯一餐，餘皆吃雜糧稀粥。住屋多用板壁，次爲生磚及泥壁，墻屋用熟磚者很少。普通道路多不修整，言語有平話、白話、客話、撞話等數種。至於婚、喪等習尚，與隆安縣略同。自國內盛倡男女自由平權之說以來，離婚之事，時有所聞，在某種意義上說，固係一良好現象也。間有早婚及女子不落家至生育子女始歸家實行與夫同居者，中、下兩區，好男女對歌，上區坡利村一帶，好作不用本錢之買賣，蓋自受國際帝國主義經濟侵略以來，一般破產之農民，尙未找到相當之出路故也。

## 五三二 夜襲思林縣與鯉魚蛋石

八月十一日，天陰，握別所內諸君，至河岸，入一小艇中，候上水輪，歷六時未至，殊感沉悶。適有桂軍四十五軍某副官來艇，渠往百色，恰與余同路。渠知余將赴思林，特邀余同至伊等之差船上，先放船下行。至下顏再候，因果德地方灣急水險，入夜不便上落船也。余領之，艇行二十里許，輪鼓浪來，某副官招之停，偕余登輪。至十一時餘，抵果化。果化特產黃皮、龍眼等水菓，有挑來輪上兜售者，索價每斤不過銅元六枚，余以其廉，各購數斤，閑食不少。次日午前二時，船泊思林，由艇登陸，船夫代余肩送行李。時街道寂靜，萬籟無聲。抵正街，崗警高呼「口令！」余亦高聲應曰「老百姓」，詎渠未聆悉，復呼「口令！」余仍以「老百姓」答之，渠繼詢余深夜來自何處，答自南寧，始得放行。由船夫引余至一小伙舖，敲門投宿，舖內祇有通房，雖設木床，而無蓆被，余疲憊萬分，乃以衣作被，以篋作枕，稍合眼即起。飯後，逕至縣政府，縣長蒙儒輝君延見，出調查表略談，旋往廣西省修志局思林縣采輯員楊君處坐談。據楊君云：「此間特產一種鯉魚蛋石，頗著名，此種蛋石，多係橢圓形，中心空，因又名「中空石」。以作水池儲水，經久不腐。」旋出示一顆，余見其徑不及寸，四周附黏各種小石粒，有如炒米團。楊君又云：「此係小者，出產較多，價亦較賤，大者長至一、二尺，有結成各種水族形者。」

價值極昂，但極罕見」云。

## 五四 思林縣概況

思林縣境，大部位於右江中流之東北，南方一小部，跨至右江中流之西南岸，東連果德，西接恩隆，北鄰都安，西南一部界奉議，南界鎮結與向都，全縣面積凡九百二十七方公里，縣治舊名上林，位於右江之東北岸，東南距果德縣城約一百一十舊里，西北距恩隆縣城約八十舊里。

考縣境在唐以前爲蠻地，宋爲羈縻田州地，元置上林縣，屬田州路，明初屬田州土府，嘉靖七年，府降爲州，並析州地置下旺土司，與上林土縣同屬思恩府，清初因之，光緒元年，改歸恩隆縣承審，屬百色廳，民國七年，改土歸流，以二土屬合併置思林縣，屬田南道，民十七年，廢道制，直隸於廣西省政府。

縣屬地處邊陲，水土漸惡，春夏之交多鬱熱，三秋之時多煙霧，山嵐瘴氣，四時皆有，旅行者至此，除須厲行日常衛生諸方法外，更有三事須注意者：第一曰：『戒早行』，以早行多瘴霧也；第二曰：『戒午睡』，以午睡易致頭痛也；第三曰：『戒食生冷』，以食生冷易致腹疾也。以上三戒，係右江流域一帶之特殊情形，久客於此者，皆能道之。此旅行者所不能不慎者也。大抵夏天最高氣溫，約達華氏寒暑表一百度，冬天最低氣溫，

約達華氏寒暑表三十九度。雨量以夏、秋兩季爲最多，冬、春兩季，雨水很少。

住民，除漢族外，尚有獠族頗多。獠族亦有少許，散處縣屬北部各隴峒。食惟山薯、芋、粟，墾種以外，別無所事。女知紡織，多植木棉。衣裙青色，誇銀飾以多且重爲貴。老少寢處無異室。今已逐漸與漢族同化。統計全縣住民，有男二萬八千六百零四丁，有女二萬八千零二十二口。男女合計共五萬六千六百二十六人。城市住民約占九百餘人。

縣屬出產，以稻穀、包穀、豆類爲大宗。各種稻穀每年出產計約四百九十三萬斤。包穀年產約一百八十八萬斤。珠豆、黑豆、竹豆等共約一百五十餘萬斤。次爲桐油、果肉年約四十餘萬斤。大、小麥共約十餘萬斤。其餘如花生、芝麻、山薯、木芋、蕎麥、棉花、藍靛、蔗糖、東瓜、南瓜、龍眼、黃皮、桃、李、柑、橙、荔枝、扁桃、石灰、磚瓦等出產亦多。此外特產如動物類之野狸、穿山甲、瑞魚、蛤蚧，植物類之黃精、黃草、春砂仁、金銀花、九層榴、雷公菜、木棉花，及礦物類之鯉魚蛋石等出產亦不少。

縣屬交通，除右江斜貫南部可以通行電輪外，其餘各處交通至不便利。對於公路，亦尙未修築。東北至那馬、都安、南至向都、鎮結，皆係崎嶇小道，窄狹難行，所有貨物，除用馬馱外，多賴人工挑運。郵政，僅於縣城設有郵寄代辦所一處。電政，尙未設局。如欲拍發電報，須往果德縣屬之果化電局，始能拍發。

縣屬文化，亦肇始於民七立縣以後，計至現在，僅有縣立師範講習所一所，高級小學四所，初級小學四十六所，民衆學校四所，及縣立民衆教育館一處而已。

## 五五 思林的勝蹟與風俗

思林勝蹟之最著名者有四：

1. 觀音巖 在舊一區養半段附近，距縣治約二十里，廣闊約五十餘方丈，巖內分前後二座及左右兩廊，多奇形怪石排列其間，四壁光閃奪目，巖頂有石鐘乳密佈而向下垂，後座兩旁有石笋排列，略似十八羅漢，坐立其間，有高至二丈左右者，更有石梅數株，枝枝花放，鮮明如生，尤爲生色，爲縣中第一名勝。

2. 蓬山 在舊二區那海墟（即舊下旺土司治）附近，距縣治約百里許，係一石山，形如雄獅，正面壁立巍峨，高數十丈，如立鏡然，山中有小廟，名曰觀音廟，壁上刻有「蓬山」二字，大約數尺，頗古，爲縣中第二名勝。

3. 哭泉 在舊三區榜墟附近，距縣治約一百六十里，亂石巉巖中有泉湧出，每日三潮三汐，相傳「遊客蒞止，若佯作哭聲，高呼口渴，同時以石擊其泉上之石，泉即湧出，故名哭泉」，爲縣中第三名勝。

4. 風洞 亦在榜墟附近，距縣城約一百七十里。洞中常有薰風徐徐吹出，故名。爲縣中第四名勝。

縣屬俗尚古樸。衣服多用土布。簪環、首飾，由各自愛。舊二、三兩區，地瘠民貧，習趨儉嗇，素稱耐寒，單袷可以終歲。其實亦環境有以使之然也。今則更不堪國際帝國主義之經濟侵略，致使民生日敝，而多從事於不費本錢之買賣矣。如果帝國主義不能打倒，民生問題不能澈底解決，欲挽頹風於既倒，誠屬難事。有人諡之曰『刁頑』，余意固未敢盡同也。飲食以玉米粥爲主，惟逢墟期或朔、望，始食白米飯一頓。城市住屋，前面或用磚砌，或用土築，或用板壁，後面則多用竹片編成籬笆藩之。北部鄉村多結棚而居，上設茅屋，下豢牛豕，穢氣上升撲鼻，不可向邇。而慣居之者，視若無事。取火，或用火盒，或用火鏢刀。

婚俗，在男未成童、女未及笄之前，卽行聘定。唯父母之命是聽，媒妁之言是從。女子出嫁時，必於先期數夜，請其同羣姊妹來家唱歌，互表離情。直至出嫁之夜，其男家亦請善歌女子數人，到女家門前鬪歌。須俟男家方面所請之女子鬪勝，始啓門許新婦上轎。出嫁後多不落家，迄生育子女，始實行與夫偕老。其他如遇吉慶哀弔事故時，亦喜倩僧道舉樂唸經，興土歌，或三五成羣，或一男一女，上山對唱以爲樂。其好對歌有如此者。居鄉人民，多信巫鬼。凡有疾病，不求醫藥而重祈禱，及服食符水等，死而無悔。



## 五六 平馬就是恩隆

八月十三日，天晴。上午九時，縣府將調查表送來客棧，即整行裝，至江干候輪於小艇中。不意鵠待終日，船竟不至。艇主對余頗親暱，爲余購食充飢，并謂『夜間或有船至，不妨在艇中宿夜。果有船至，余當爲先生招呼』。余諾之。迨至晚間十一時，余夢方酣，艇主來呼，謂輪已至，因即收拾行李，盪至中流以待。登輪時，余特優給酬金以報，伊頻頻領首稱謝不置。俄而查票人來，詢余將往何地，余告以恩隆，渠似不知其地然，余言之者再，且示以所攜地圖，渠始曰：『往平馬耳。』余曰：『否，余欲至恩隆耳，豈至恩隆時不停輪乎？』蓋平馬與恩隆據圖中所載，相距當有十餘里也。渠笑對曰：『先生只會讀書看圖，卻不知恩隆就是平馬，平馬就是恩隆。』其譏余爲書獃也，明甚。余卒無言以對，惟報之一笑而已。

八月十四日，天雨。晨六時許，船抵平馬，寓一小客棧，該棧房舍頗多，惟均暗黑無光，且少桌椅，不便寫作，然此尚係該地客棧中之規模較大者，勉任其中，購菜自炊。飯罷，至平馬兩日報社，見社長陳秀學君，陳君任黨務工作與報館編輯有年，相見如故，知此間客棧大多簡陋不便，邀居社中。余聞之喜，即遷往。十一時，至縣政府，適黎縣長抱恙在床，由祕書某君接見，余向之索閱縣志，乃該縣以立縣未久，縣志未修，特介紹余於民

衆教育館館長某君，旋赴某君處，承告以當地情形頗詳。返社後，寫作筆記，并整理沿途各縣調查資料，逕寄南寧民國日報發表，自是數日，均未外出。

## 五七 恩隆的馬鞍山及其他勝蹟

八月十八日，天微雨，午後，出東門，向馬鞍山進發。以連日陰雨，道路甚滑，稍一不慎，卽虞墮仆，一路小心翼翼，徐步前行。沿途多稻田，葱蘢一片，山位於城東五里，兩峯隆起，中較低凹，形以馬鞍，故名。民十九年，護黨救國之役，滇桂兩軍曾鏖戰於此，雙方死亡達數千人。山上戰壕遺跡猶存，峯頂建有烈士墓及紀念亭，無他風景，遊人至此，唯有憑吊唏噓而已。旋返報社，據連日調查所得，尙有下列諸勝蹟：

1. 魚梁灘 在城東三十里，近林鳳墟。以石形似魚梁，故名。其下有砧板、薄刀二灘，勢皆奇險。清咸豐時，有劇賊名「大鯉魚」者，自下游率衆上犯百色，至此廢然而返，以其名不利也。
2. 棋盤灘 在舊二區小河中，距縣城約九十里，有石分立作棋盤形，故名。
3. 蓮花山 在城西北百里許之潒架村外，高峙雲表，四山重疊，狀如蓮花。
4. 大小泥城 在舊一區祥周鄉，距城西十二里許，爲太平天國時石達開部所構築，衆志成城，一夕告

竣，以此防禦清兵。

5. 十里蓮塘 在城西八里許，塘形狹長約十餘里，中多魚族，捕之不盡，年可出數千斤，又其中多蓮子，味與湘蓮相埒，相傳此塘原爲田州土府官所有，其時有葉姓者從府官運籌帷幄有功，特賜與之爲永久管業，至今塘主猶爲葉姓子孫云。

## 五八 恩隆縣概況

恩隆地居右江與紅水河之間；東界思林，西鄰百色，南接奉議（偏東一部，以右江與奉議分界），北部毗連鳳山，東北以紅水河界都安，全縣面積凡五千一百一十二方公里，強縣城偏居縣境南陲右江之北岸，舊爲平馬墟，今普通仍稱曰平馬，東南距思林縣城約八十舊里。

考縣境古爲百粵地，唐隸邕州都督府，宋爲田州地，屬邕州橫山寨，元爲田州路軍民總管府地，明初爲田州土府地，嘉靖間，府降爲州，縣地仍爲田州土州地，清初因之，康熙三年，隨田州改屬思恩府（今武鳴縣），隸右江道，雍正十年，隨田州歸百色承審，光緒元年，田州改流，以其地之大部置恩隆縣，屬百色廳，民國初年，屬田南道；十七年，廢道制，直隸於廣西省政府。

縣屬氣候，在春末、夏初，人多袒裼科跣，如內地伏暑氣象，最高氣溫，可達華氏寒暑表一百零四度。冬季和暖如常，罕見霜霰。若風雨連陰，其寒轉甚，最低氣溫，達華氏寒暑表三十六度。雨量以夏、秋兩季爲最多，冬季很少。『地恆苦風：夏月暑雨，天昏如夕，東北疾風，揚沙走石，此一候也。天黑無雨，西北風駛，其聲如雹，竟日而止，又一候也。天容澹澹，日光漸現，無雨而風，旋起旋變，又一候也。夏秋之交，日光明滅，四風挾雨，不電不雷，以視濱海之颶風不少異。作時亦拔木發屋，人難安宿，損稼敗舟，其禍彌酷。然或屢歲一見，或數十年一見，蓋亦非常之變也。』

住民，除漢族外，有苗族約數百人，住居西北一帶山中，以墾植爲業。漢族又分爲客民、蔗園人、土著三族。客民，多住居城市如平馬、舊周、林鳳及沿河各埠，故一名城市人。內以粵籍居多，占城市人口十分之八、九，南寧籍占十分之一、二。蔗園人，亦係客籍，但較城市人遷來爲早，多住居大河沿岸，分立村莊，以種蔗、種菜爲業，俗名爲蔗園人。土著，原係漢、唐移來之客民與獠、獞民混合同化而來者，多住居山村務農。據最近調查：『全縣有女六萬三千六百四十八口，有男六萬零九百六十六丁；女、男合計共一十二萬四千六百一十四人。城區住民，有女四千五百四十三口，有男三千八百六十四丁；女、男合計共八千四百零七人。』

縣屬出產，以粘米、粳米、玉米（卽玉蜀黍）等爲大宗。粘米每年出產計約二十萬斤，粳米年產八百萬

斤。玉米年約六百萬斤。次爲蔗糖、番薯，年產各約五十萬斤。芋頭、豆類、桐油果，各約三十萬斤。落花生、小麥，各約二十萬斤。統計全縣糧食，除自給外，尚有米約二百餘萬斤，玉米約十萬斤，可供輸出。桐油果則全數運至邕寧轉運國外。家畜，以牛、馬、豬爲主要，但多供自用，鮮有出口。鑛產，東北部如牛墟、峒老一帶多產錒，蘊藏頗富。此外尚有蛤蚧，年可捕獲約二千八百尾，山瑞約一千斤。

縣屬交通，水路，南有右江自奉議曲折而來，至舊周，緣縣境南邊（隔河爲奉議縣屬）經平馬至林鳳而下入思林界，緣縣屬邊境者長約五十里，四時可通淺水電輪，及載重十萬斤以內之民船。東北有紅水河自鳳山、都安界曲折而來，緣縣境東北邊界（隔河爲都安縣屬），經姜墟、六合、江州，轉入都安境，緣縣屬邊界者，長與右江緣邊界者相埒，但祇能通行民船而不能通電輪。陸路，有百平公路，上通百色，全長約一百六十里。在縣境者長約二十里，本已通車，後以路基不固，全路被大水冲壞數處，因復停頓。至若天平公路，其起訖與所經路線，原不在縣屬範圍之內，僅由天保沿歸順江而下至平馬之對河（屬奉議縣）而止。但若該路完成，對於平馬商業上之發展，將有極大之裨益。惜此路至今尙未興工修築。其餘縣屬各鄉村，道路多不修整，窄狹難行，祇可用馬馱或人工挑運。郵政於縣城、中山街，設有三等郵局一所，於舊周、林鳳二墟，則設有郵務信櫃。電報局亦設於城內、中山街，上通百色，下達南寧。

縣屬交通不甚便利，故文化事業，亦不甚發達，然在田南方面，亦略佔重要地位。查全縣學校教育，有縣立師範講習所一所，完全小學一所，高級小學十所，初級小學一百七十二所。

報社，有平馬兩日報社一家，設於中山公園內。中山紀念堂，每隔一日出石印四開紙一張。書業，有啓華書局、志成書局、文海樓書局等三家，俱設在城內中山街。中山公園在舊縣署遺址，略具花木亭臺之勝。縣立民衆教育館，亦附設於園內中山紀念堂內。

## 五九 恩隆的風俗

縣屬俗尚誠樸，民性淳厚，不好爭訟，不喜械鬪，乃其所長。性情固執，不求進取，除蔗園人較爲勤勞，習尙增加田畝和生產量外，其餘大多男子好惰，棄置地利，不求增加生產，以致荒地童山，觸目皆是，則其所短也。衣服形式及布料，與沿右江各縣略同。飲食一項，城市人較爲講究，頗近粵俗，葷素菜飯，比諸下游思林、果德、隆安諸縣爲優，但飲酒之風，似不及上述各縣之盛。鄉村則終年八、九常食粥，而苞粟且居全年食量之半數以上；僅逢節氣或客至時，則食米飯。又間常僅置食鹽少許於野菜中，雖無油葷，亦可作狼餐虎嘍，若遇瘟豬、瘟牛，且視爲佳饌，恣情而大食，其他不顧也。住屋多以竹片或薄板爲籬，蔗園人則例以一顛三連爲普通，中

間前截爲廳堂，後截爲廚房，左右兩連，一爲臥房，一爲牛欄，溲氣漫溢，亦居之安。土著所居，則多有樓，樓上居人，樓下豢牛、豕，穢氣升聞於樓，令人欲嘔，其不重衛生，尤甚於蕉園人。縣屬方言大別爲三，卽白話（卽粵語）、平話（卽蕉園語）、土話是也。此外尙有山湖廣話（卽湖南話）及藍靛貉話二種，但操之者極少。

城市人結婚，名義上雖重門第，然其實祇注意聘金禮物之多寡。其聘禮、期禮及迎娶時之豬、羊、酒、米、聘金等，合計常在五、六百元以上，否則卽無法娶妻，故在三十以上之男子猶無室家者，所在多有。甚或經媒妁向雙方議定，但臨時禮物稍不滿意，以致彼此爭吵，視若寇仇，親家變成冤家者，尤數見不鮮。娶時不尙親迎，祇用彩輿、笙、鼓，往接新娘，迨新娘到門，門外預置樓梯一架，新郎以一足翹踞其上，手持紙扇或蕉類等一柄，使新娘行過其下，作爲入門時之當頭棒。此種儀式，極不平等，幸此風近已稍殺矣。厥後生子或生女，並不歧視。此恩隆一帶之人口，所以女性常能多於男性也。至女家之送襁褓，男家之湯餅會（三朝、十二朝均有）、彌月酒、百歲酒（俗謂嬰兒自出世日至百日爲百歲）、對歲酒、啓蒙酒等，紛至迭來，所費亦皆不資。蕉園人則尙親迎，禮物、聘金，亦不及城市人之多。娶時女家有一人送來，名曰『送嫁』，新娘抵家入房後，稍事休息，卽日返回父家，至三朝，始回夫家住二、三日復返。以後一月或兩月，始回夫家一次，每次居住三、五、七日不等，習以爲常，及有生育，始永住夫家。

喪俗，居喪之家，貧者多朝殮晚葬，草草了事，使費頗簡單，所耗不過二、三十元。若殷實之家，則招致道士多人，日夜鑼鼓喧天，或二、三日，或五、七日不等（年來政府禁止巫覡，此風已除。）凡五服內之親屬，無論男女，如係逝者晚輩，每人均須給以白布二幅，每幅四、五尺不等，葭葶親每人亦可得一幅。親戚朋友，多來食齋，甚有非親非故，亦可朝夕來食齋。最可異者，如係年老及兒孫滿堂之喪，出殯之日，赴齋之婦女於其飯畢後，咸將其碗、碟、匙、箸取去，僞云做花婆香爐及花柱之用。故居喪之家，於喪事終了之後，除開各種耗費外，還須賠償碗、碟損失之費若干。齋薦完後，即移棺於郊外，就官山埋葬。葬不擇地（間亦有惑於風水而擇地者，但爲數甚少），經過數年或至十年，俟其肌肉化淨時，掘墓開棺，取其骸骨另放於瓦罈內再葬之。墳墓立碑者少，不立碑者多。

城市人居喪時，上祭之婦女，例須四人至八人，多非瓜葛而係由鄰居拉攏而來者，不但不服縞素，而且裝飾入時，渾身香氣，並以年少貌美者方爲合選。既抵喪家，祇見其春風滿面，毫無戚容。有人謂爲趁機賣俏，所言未免過譴，然亦紀實也。蔗園人則不然，其婦女如往親戚家弔喪，手持白巾，或身衣素服，羣向靈牀，噙啣大哭，但不數聲，有人勸解立止。

城市人遺產之承繼權，重長子不重嫡，至分產時，長子例占多數，女子則絲毫無承繼權。蔗園人任父母



鍾愛某子，則與某子同居，另有養老田業，春耕秋收，咸由數子輪流管理。此種田業，專供養老，如父母壽終，則以養老田估價，充作喪葬之用費。城市人與蔗園人當清明之後，穀雨之前，無論貧富男女老少，莫不興高采烈，彼此預約聯羣結隊，挑攜食物祭品，到先人墓前拜掃，怡悅之態，恆流露眉宇間，不但毫無戚容，且猶有以此爲樂事者。

## 六〇 恩隆土著兩性間的特殊風俗

縣屬土著女子出嫁後，亦有不落夫家之風。但新娘過門後，例須過三朝方回母家，不似蔗園人之卽日而去。所最特殊者，卽有所謂「頂夫」、「擱樓梯」、「夫死改醮仍認夫家」以及「拋繡球」、「趁風流爐」等習俗是也。所謂「頂夫」者，以己不滿意其夫，欲稍落家，則心實有所不願，欲永不落家，則情又有所不忍。處此進退維谷之中，便不得不另覓出路。因此，或返回昔日所受男家之茶禮，俾夫婿另覓他人作伴，或購買一人代替己身，與夫同甘苦，自己則別抱琵琶。此卽謂之「頂夫」。所謂「擱樓梯」者，卽入贅之別名也。凡是閨女，雖有兄弟姊妹，倘父母年老，不能從事田畝時，可招致一外姓或同姓而不同族之男子入贅。入贅時，女家門外張燈結彩，鼓樂喧闐，邀朋請酒等事，一如男家結婚之形式。該女並不羞怯，靚裝盛服，在外招呼。

一切，令人將新衣服全套往迎贅壻。贅壻抵家，須向女家祖先位行跪拜禮。禮畢，再向女家諸親屬行見面禮。贅後男子改本姓從女姓，命名亦由女家定之。其排行與女家之兄弟同派，但財權無份過問。所有種植事宜，由彼一人負責；家人及其婦幫助與否，聽其自便。其情形實與奴僕無異。不過待遇方面稍優而已。有時夫妻因事決裂，女卽下逐客令，贅壻惟有兩袖清風，捆起包袱滾蛋，另往他處謀生。倘有作魯仲連者出而勤解，亦仍可重作伴侶。若已生有子女而與婦反目時，贅壻亦可挾其子女以去。同時其婦亦可向之追問，如遇婦之兄弟分析家產各立門戶時，贅壻夫妻亦可占家產之一份；但其主權仍操諸女子之手。若貧苦人家，父母無人依靠，其女子招致男子入贅以備瞻養者，亦恆有之。但家內事權，終覺稍遜於女子。以上皆係閩女招贅之情形。若青年孀婦，無論有無姑嫜或子女，照例亦可招致男子入贅。其待遇情形與上述無異。惟贅夫之名，不必另換，全襲婦之前夫之名以爲名，不過一化身而已。所謂「夫死改醮仍認夫家」者，以夫死後，無論有無子女，不甘寂寞，改醮他人，改醮後，再擇日備辦雞、米、豬肉等物，挑往故夫之家，與昔日之姑嫜叔嫂相見，其稱謂一仍其舊。其姑嫜見之，亦喜悅非常，親熱之態，尤逾於往昔，且殺雞爲黍，並以布疋等酬答之。此後彼此如有婚、喪事件，無不攜男挈女先期蒞止，以便幫忙一切。究其意義，據云：「橋雖斷而泥尚在，不得不爾」。蓋喻夫爲橋，喻夫之親屬爲泥也。所謂「拋繡球」者，其事亦至有趣。每屆新正，自初四至十五，野外曠地，青草如

茵，青年男女，羣集其間，東西對向，引吭對歌，女子則爲本村人，男子則係自鄰村來者。男隊中多帶有三絃、琵琶、月琴等樂器，隨聲調節以和其音。旁立男女老幼多人，圍觀如堵，歌詞中如夾有諷語或不中節者，鼓掌聲、笑謔聲，響徹遐邇。唱畢，乃正式拋球爲戲。球由女子備辦，稍大於拳，係扁圓形，內充滿棉子，球面以土布爲之，前繡花朵，四旁密綴各色紅綠小帶，後繫棉繩，長約二尺，以爲用力丟球之需。至時男女兩方仍對向，由男女兩隊中各一人出場對拋，其餘之人，均散在球場四周。先由女子拋起，勢若流星，風聲虎虎；男子見球勢過猛，料難接到，便讓過一邊。是謂「和解」，兩無勝負。若男子一時魯莽，伸手亂接，抓捺不得，球墜地下，卽算爲輸。被輸之男子拋球還給女子時，例須將翠類或銀類之戒指一二只，縛於球旁帶上，作爲「罰品」，以答女意。女如鍾情該男子，則不取該戒指將原物拋還，男子會意，默認爲「同年」。彼此退出球場，站過一邊，讓別人入場。倘男子不愜意於女子時，將球連戒指仍拋回女方，卽作爲不滿意之表示。若女輸時亦然。有時男女球勢均佳，抓捺並無失手，而兩情怡悅，無由達其情懷者，則故意佯輸以達其目的。迨雙方男女循環拋演畢，另由該村之男子平日與該幫拋球之男子熟識者（村例：甲村男子好與乙村男子結爲同年或案兄弟，是以多係熟識），介紹於該女子之前，使其互相認識。此後逢中秋及年節，男用糖、餅、綢巾等物送於女，女則以衣服、鞋帶等物酬答之，而男女同年之事於以完成。此卽謂之「拋繡球」。風流墟盛行於距城較遠之村莊，與

拋繡球不同當入春後二三月各墟市皆每年舉行一次，在未到期之先，預定日期，鳴鑼告衆，准於某月某日作爲風流墟墟期，屆時紅男綠女，靚裝豔服，紛集墟中，聯唱山歌，歌聲與樂器聲，仰揚頓挫，別饒風韻，唱至空氣緊張時，爭將枇杷果等亂擲，斯時衣履雜沓，笑聲大作，箇中景況，非過來客難以形容云。

此外縣屬土著之特俗，尙有遺產承繼權與用魚祭竈二事，土著續娶帶來之子女與前妻之子女待遇相同，子得產業，女得嫁奩，一如親生之子女，卽自小買來之奴僕，至分產時，亦得有自食其力之生活基金，此舉頗重人道，非號稱寬懷大度之「謹脫爾墨吾」所能同日而語也，又有爲父母者，不願與子同居，擇一適宜地點，蓋搭小屋，僅容牀竈，兩老同居其中，詢其用意，據云：「留故居與子，望其撐大門楣，不願以將就木之身礙其出入」亦一異聞也，臘月二十三日，無論貧富，家家必買魚一尾以祭竈神。

## 六一 到田州去

八月十九日，天陰，九時餘，別社長陳君赴江干簾船候輪上行，鑒於前此在果德、思林一帶久候之苦，乃於簾中出資闢一小室，續作筆記，下午五時，陳秀學君來，知未行，請余返社夜宿，余辭謝，購雪梨、香蕉等水菓以款之，並留彼在簾中晚餐，不果，陳君去，余復整理筆記，至九時就寢，並囑咐茶房：船至卽代爲招呼，次早天

未亮，忽室外嘈雜聲起，茶房亦來招呼，余知船已到，因即起床登輪，枯坐至天明，船始上開，道經龍凍、舊周、那板等墟。下午二時，抵田州江岸，江岸距城約三里許，雇女伕荷行李，步行抵城，寓維新街某店。三時至奉議縣政府，與縣長謝承霖君談話，旋出調查表，託縣府填述一切。嗣至省修志局奉議縣采輯處，見易孔修君，易君與余略談後，因事須出外，約以翌日來余寓詳談。

八月二十一日，天晴，在寓續作沿途筆記，寄往南寧，午後，易居來訪，由易君口述當地情形，余則執筆爲記。余對奉議縣之各項調查，得力於易君者頗多。據云：該地特產一種山茶，俗呼爲「咄咄茶」，產於第三區石山之上，茶葉尖如柳，光而無毛，每年六、七月間，鄉人連枝葉採之，曝之使乾，無須製造，即可烹茶；味甘而微辣，頗似薄荷，且泡後水極清冽，並無雜色，亦與泡薄荷水相同；惟出產很少，至於該地勝蹟，則以春曉岩爲最著名。春曉岩，位於縣城東南約二十五里，在一石山上，風景清幽，每年三月初七、八、九三日，附近青年男女，多集於此對歌，彼唱此答，頗極一時之盛。相傳『如某人不上此巖對歌者，則其田穀必不豐登』云。但近六、七年來，因地方多故，已漸無形廢棄矣，此外則有極幽靜之蓮山寺（在城北約三十里）與八山相連之八面山（在城西北三十里，二塘墟後）在縣屬亦頗有名。

## 六一 奉議縣概況

奉議地跨右江南、北兩岸，東連思林，西接恩陽，南界天保，東南界向都，北界恩隆，西北界百色。全縣面積凡一千七百二十三方公里弱。縣城位於鵝江（即右江）之北，距河岸約三里許，遠山環抱，彌望平坦，爲邕、色間所僅見，東距平馬約七十五舊里。

考縣境在五代以前尙爲蠻地。宋皇祐初，始置土田州（在大河北岸，州官姓岑）及奉州土司（在大河南岸，土司姓黃）於其地，屬廣西經略安撫司。元置田州路軍民總管府於河北，明興升田州爲府（仍由岑氏世襲），升奉州土司爲奉議掌印州判（仍由黃氏世襲）。嘉靖間，田州府降爲州，清初因之，雍正年間，鄂西林爲七省經略使時，奉議州與鎮安府（即今天保縣）同時改流，以奉議隸鎮安府管轄。光緒元年，田州改流，以其地之大部，另置恩隆縣，一部歸百色，以中田一里，撥歸奉議，改爲奉議州。民國成立，廢州爲縣。十三年，自舊城遷治於田州。

縣屬氣候，與恩隆縣略同。秋中酷暑，嵐瘴特厲，行旅畏之。最高氣溫，亦達華氏寒暑表一百零四度。冬天則較恩隆稍暖，最低氣溫，常在四十餘度。雨量以五、六、七月間爲最多，十一、十二月間爲最少，亦恆苦風。

住民除漢族外，原有一部分獠人和獞人，但大部現已與漢人同化。其尙未同化之獠人，住於縣屬東南境第三區之百臘鄉山中。據最近調查：『全縣有女六萬一千七百四十八口；有男六萬一千五百二十二丁；女、男合計共一十二萬三千二百四十人。城區住民有女二萬零七百一十三口；有男一萬八千九百二十六丁；女、男合計共三萬九千六百三十九人。』

縣屬農產物，以穀米、苞粟、甘蔗、花生、桐果、桐油等爲大宗；黃豆、綠豆、木薯、番薯、芋頭、蓮藕、三角麥、高粱、小米等次之。其餘如白菜、菠菜、蕓菜等，應時而出，皆在不少之數。穀米年產約二千萬斤，蔗糖年產約五十萬斤，多產於沿河一帶。苞粟則無論近山或近水，全縣皆有，年產約千餘萬斤。花生油約五十萬斤，桐油約六十萬斤。黃豆多產於中、西、南區近山一帶。糧食平年僅足用，豐年間有輸出。油糖亦然。惟桐果、桐油則完全運至邕寧，轉輸國外。藥材以黨參、首烏、黃精爲最著名。家畜以牛、豬爲主要，馬次之。礦物以沙金、錫、煤三種爲最多。沙金多產於中區稍南之石山中。現已有數公司領地招工挖掘，將所得分爲二份，公司與工人各占一份。因獲利無多，現時尙無大規模之鑛業。錫多產於東北部，煤多產於西區那坡一帶。餘如石膏、生鐵（即鑄鐵）等，蘊藏亦頗富。

縣屬交通，水路有右江，自百色、恩陽交界而來，直至那坡，爲縣屬與恩陽之界水，以後全入縣境，經縣城、

百育之南而下，再下則爲縣屬與恩隆之界水，更下乃入思林境。總計右江自百色界至思林界，緣繞縣境及通過縣屬者，全長約一百八十餘舊里，四時可通行淺水電輪，其支流南有歸順江，由平馬上溯至作登，長約五十里，北有練村河，由河口上溯至練村，長約三十里，俱可通行載重二、三千斤之小船。陸路有百平公路，橫貫北部，由縣城上通百色，下通平馬。全路業已通車，在縣屬者，長約六十里。郵政於縣城及那坡墟（分轄於奉議、恩陽二縣），各設有郵寄代辦所一處，百育一墟則設有郵務信櫃。電報上經那坡通百色，下經平馬、果化、隆安等處而達南寧。長途電話分爲四路，一通百色，一通平馬，一經那坡、波洪而至天保，一由縣城北出經恩隆、百色兩縣境而至鳳山。

縣屬文化，學校教育，有縣立鄉村師範學校一所，完全小學三十一所，初級小學九十五所。縣立民衆教育館，設於縣政府之對面，所陳列之新聞報紙，除邕色兩地民國日報外，尙定有港滬京津等大埠之大報，以供衆覽。書業有道南書局與奉議書局二家，俱設於維新街。

### 六三 奉議的風俗

縣屬風俗，可分爲河南與河北兩種：在大河以南，原爲奉州土司地；俗尙儉樸，勤苦耐勞。地多石山，山半



以下，多已開墾，種黃豆、苞粟、南瓜、桐樹之屬。在大河以北，原爲田州地，習尙輕浮，惰風很盛，地係平陽，宜於種稻，謀生較易，惟近數年來，民心已稍有轉變，全屬衣料，多用土布，獠人服飾，男子與漢人相同，惟女子則異，其袖端喜鑲花邊，寬約寸許，袖口窄小，衣長僅及腰，腰中束黑布帶，著裙，喜用黑布包頭，分左、右兩方垂下，兩端皆繡花，手鐲以銀爲貴，亦有用銀、銅、鐵三種絲條交合成鐲者，耳環極長而大，以銀質製成，略如S字形，再於其下繫以絲縗，臨風招展，殊屬別致，全屬飲食，以稻米、苞穀爲主，稻米爲飯，苞穀作粥，各約半數，獠人則以苞穀爲主，住屋，或磚、或泥、或用板壁，或結柵而居，與隆、果、思、恩等縣略同。

婚俗，由男家請媒人往女家請求八字，女家僅於口頭告之，媒人卽記住在心，轉告於男家，男家乃用紅紙書其八字，置於宗祖神龕之香爐下，如在七日內，家中並無任何變故發生，則婚事可諧，於是再請媒人並備辦雞、米、豬肉及聘金二十元至四十元（以家之富貧而定聘金之多寡）送於女家，正式向女家索取紅紙書面「八字」，用紅布或綢（約五尺長，係由女家備辦）包好帶歸，與男方「八字」照例仍交給課命者合定，其實婚事成功與否，早已取決於用紅紙書女方八字置於香爐之下，以下休咎之時，此時實不成問題也。訂婚之後，每逢正、七兩月，男家須備辦雞、米、豬肉等物送於女家——每次費用約需四、五元之譜，直至結婚前之正月或七月爲止，至結婚前一、二月，男家備辦雞、米和生豬一隻（生豬至少須在八十斤以上）。

並聘金毫洋六十元至一、二百元不等送於女家。娶時城市人不親迎，蔗園人則否。並且蔗園人之通婚，避同宗而不避同姓。其女子出嫁時，女子之同年姊妹多相偕送，一面送行，一面唱歌。送至男家門前，再唱一牌歌而返。新娘則由前門進拜宗祖後，即由後門而出。此後每年回夫家一、二次或三次，每次僅一、二日即歸。俟有孕，始歸夫家生育，正式與丈夫同居。

喪俗，縣屬喪禮頗簡單，死者去世後，不待終日即葬，此乃吾鄉所譏爲「即死即埋」者也。最久者亦不過殯三、五天而已。

## 六四 大頸症與白眼症

八月二十三日，天晴，早膳後，託縣府劉科長向仁代雇挑夫，向恩陽縣進發。出城里許，路側有穿戴整齊之男子數人，捕捉蚱蜢等蟲類，逗飼飛鳥，而田野勞作，胥由婦女操持，觀此，使余益信左、右兩江之習俗，確係男惰而女勤也。沿途公路，路基雖已勘成，但尙未鳩工修築，凹凸難行。二十餘里，達右江河岸，渡江至那坡。那坡爲奉議、恩陽兩縣所共轄，背後山產煤甚豐，而土人多患大頸症。患者頸部大瘤隆起，有在耳側，有在頷下者，或係飲礦水所致；以療醫乏術，聽之。旋購餅、粥等充飢，小憩，繼續前行。又十里，路旁有擺攤售賣稀粥者，買

得兩盞，充作飲料。再行十餘里，始至恩陽縣城。距河岸約三里許，交通甚爲不便，卽右江河中輪船過此，亦不停泊入城，以無伙舖，寓於一民家。嗣抵縣政府，見梁縣長，坐談有頃，承梁君介紹，往晤熟悉當地風土情形之鄉紳韋乃中君。抵韋府，投刺，由韋君之戚潘友夔君及其公子方伯迎入。韋君年五十餘，爲一邑之賢俊，惟雙目失明，甚爲可惜。余述明來意後，承韋君等將當地情形，一一見告，興辭而出，歸返民家。其地多白眼症，未知係水土惡劣使然，抑係遺傳有以致之。余所寓之民家，老幼男女，一共四口，皆係獨目。且所白者皆係右眼，亦奇事也。嗣散步街道，採購菜蔬，往來行人，亦多係獨眼之龍，惟左、右不等耳。飯後，閒居室中，燈光微弱，明暗不定，爰出洋蠟燃之，燭光之下，瞥見室中貼有祖先祀位，審視之，殊多特別處。左旁書曰：『清故顯考公□□老大儒人（嵐按：「儒人」當係「孺人」之誤）位』。及『清故顯妣公□□氏老大儒人位』。右旁則書曰：『清故顯考父□□老大儒人位』。蓋左則爲其「顯祖」及其「顯祖妣」之位，右則爲其「顯考」之位也。既「考」矣，而又曰「公」，曰「父」，曰「孺人」，既「妣」矣，而又曰「公」，曰「儒人」，如此「考」、「妣」不分，「儒人」、「孺人」不別，驟視之，幾不知其所祀者，究係其父抑是祖父，係其母抑是祖母，是男人抑是女人也。其他亦大多類此，該地文化，於此可見一斑。

## 六五 恩陽縣概況

恩陽地處廣西省西境邊陲，西北與雲南省之富州縣爲鄰，北接凌雲，東北隣百色，以鵝江爲界，東南毗連奉議，西南界靖西與天保，屬境萬壑連綿，谿峒幽邃，全縣面積凡二千三百二十七方公里，強縣城偏於東隅，鵝江之西南，北距河岸約三里許，距百色城約六十二舊里（水路約九十舊里），東距田州凡五十三舊里。

考縣境在隋以前，尙爲蠻地，唐爲田州地，隸邕州都督府，宋爲羈縻田州地，屬邕州橫山寨，元爲田州路軍民總管府地，明爲田州土府地，嘉靖間，府降爲州，縣地仍屬焉，清初因之，乾隆七年，析置陽萬州，屬思恩府，光緒五年，改土歸流，置恩陽州，屬百色廳，民國成立，廢州爲縣。

縣屬深山密菁，氣候多乖，四時不和，陰陽失正，溪峒深邃，草木翳翳，巖依穴處，類皆鱗鱗蛇蝮，雨過萬壑交衝，沫淫毒螫，混雜其間，加以上霧下潦，烈暑燒空，人若貪涼飲冷，卽爲所中，大抵縣城夏天最高氣溫，爲華氏寒暑表九十六度；冬天最低氣溫爲四十五度，雨量，以夏季五、六兩月爲最多，冬季十一、十二兩月爲最少，住民除漢族外，尙有獠人數百人（有云約三百餘人），住居深山及山頂上，以種植包穀、藍靛爲業，據

最近調查：『全縣有男四萬四千八百六十三丁，有女四萬二千六百一十七口；男女合計共有八萬七千四百八十人。』城區住民約占八百餘人。

縣屬出產，以苞粟、稻穀兩種爲大宗，薯類、豆類、麥類、菸類、甘蔗、八角、花生、果屬等次之。苞粟年產約四百餘萬斤，稻穀分粳、黏、糯三種，年產約三百七十餘萬斤，薯類以木薯爲最多，番薯次之，年產共約七十六萬餘斤。豆類以黃豆爲最多，綠豆次之，年產共約二十五、六萬斤，麥類有大麥、小麥、三角麥等三種，年產共約十餘萬斤。菸葉頗繁夥，甘蔗亦榨汁煎鍊爲糖，八角生植亦極繁盛，粵東商人多販運之。八角油，一名茴油，分市泰西諸國，其值頗昂，惟近年來因價值低落，農民灰心整理，生產漸衰。果屬如黃皮、龍眼等皆多產之，其價值僅及百色城四、五分之一。家畜以豬、牛、雞、鴨爲主，運至百色銷售者頗多。鑛產至今尙無多大發見，惟與奉議縣分轄之那坡墟背後一帶山，多產煤。

縣屬西南部萬山重疊，谿壑幽邃，無通車之陸路，亦無可通民船之小河，水陸交通，殊不便利。惟北部及東北緣邊一帶，稍有航行之利而已。輪船自下游來經那坡緣邊直至百色；在縣屬內並不停船。民船則由百色上溯西洋江，經縣屬北境可通至雲南富州縣之剝隘墟。其餘貨物或用馬馱，或用人力挑運，郵政僅於縣城設有郵政代辦所一處，至那坡之代辦所，則與奉議縣共之。

縣屬文化，亦如縣屬交通之不景氣，而以西南部爲尤甚——人民大多目不識丁，東北一帶，交通較便，故識字人亦較多，學校教育，僅有完全小學四所，高級小學五所，初級小學六十三所而已。其分配形式，與縣屬交通成正比例。

## 六六 恩陽的勝蹟與風俗

縣屬地處邊陲，舊爲蠻荒土官之地，山多木茂，稱爲嵐煙瘴霧之鄉，非名人屐齒所經，自無名人題詠所及，故勝蹟絕少。茲查在縣屬較爲著名者有下列諸勝：

1. 馬武山 在縣西北河洲墟，與百色屬之岑彭山相遙對，相傳漢馬武曾駐兵於此，語近無稽。

2. 東凌巖 在縣境中部之東凌墟外，層巒峭壁，其高插天。

3. 飛來石 在縣境北部楊墟南之達康村，相傳同治初年，其地多虎，忽一日有石飛來，高可四尺，周圍圓潤，村人祀作觀音像，虎患始安云。

4. 八角山 在舊陽里三都，以產八角著名。

5. 小灘 在陽里那巖村前，四時飛浪，高三、四尺。

6. 七星灘 在縣境北部平墟下，浪高水急。

7. 坡村泉 在萬里坡村，冬溫夏涼，其水清冽。

此外有萬山與曼洞山，俱在縣境南部，範圍極廣，峯巒層峙，谿壑連綿，達數百里。

縣屬俗尚儉樸，民多魯鈍，衣服多用土布，頗饒古風。飲食沿河一帶，以米爲主要食料，玉米次之，且多有以米磨成粉而煮食者，其形式非粥亦非飯也。西南一帶多山，則以玉米爲主要食料。住屋與沿右江各縣略同，鄉村亦用柵樓，至不潔淨，猿人居處，多在深山及山巔，男女老少，寢處無異室。婚俗近於買賣，下定時，除酒、米、雞、豬外，殷實之家須用定禮二、三十元，貧寒者亦須八元或十元。結婚前，殷實之家須用聘金四、五百元，貧者亦須一、二百元，始得魚水成歡。喪俗頗簡單，先日逝世，次日即葬，即富有者停喪在堂，至多亦不過六、七日。節序習尚，元旦舊重拜賀，令此風已廢，惟放爆之舉，尙未少減。三月清明攜肴菜酒飯等數樣，至墳前拜掃畢，就地露餐，且多邀親朋共食。五月端午食羊角糰，從無競渡之舉。中元尙十四，重陽亦掃墓，餘與各處略同。縣屬風流墟，前頗盛行，今俗猶存，但不如前此之風靡矣。

## 六十七 由恩陽至百色

八月二十五日，天陰。上午八時，離恩陽向百色進發。東行三里許，至右江岸，渡河，遵陸而行，數里，達一高山。迴顧右江，曲折如帶。自此多係山路，凹凸不平，經行三十餘里下山，循百平公路西北行數里，道傍有粥廠數椽，慰足廠中，購粥飯充飢。此種粥飯，係由稻米磨粉煮成，視粥濃，較飯稀。粥乎？飯乎？余無以名之。恐前途無止息處，故憇此頗久。嗣循公路再行，至午後三時許，抵百色對岸，渡泗城河口入城，寓於接龍橋甘達昌客棧。

八月二十六日，天晴。上午九時，見張縣長廷瑞於百色縣政府。張君湖南祁陽人，官此有年。據云與余族兄田良驥君甚爲友好，一時愈覺投契。後承告以當地之風土情形甚詳。余照例出調查表請填，旋辭返寓，整理最近所歷數縣之調查，仍寄南寧民國日報發表。

八月二十七日，天晴。上午十時，張縣長來寓，邀余午後至縣政府聚餐，余再四推辭，不獲，允之。縣長去後，余仍繼續整理工作。迨下午三時餘，張縣長飭役來催，乃趨縣政府內員司，濟濟一堂，殊形熱鬧。席間菜肴，多置辣椒，饒有家鄉風味。五時餘返寓。

八月三十日，天晴。下午三時，余因事至電燈公司訪潘友夔君，時百色民國日報社記者梁君澤文在座，知余係旅行者，叩余以沿途經過情形，及特殊民俗，余因尙有他事待辦，略述數事告之，語焉不詳，甚以爲歉。



## 六八 百色縣概況

百色地居廣西省之西部稍北，與恩陽縣同扼右江之上流。東接恩隆，西界凌雲，北連鳳山與東蘭，南隣恩陽與奉議。全縣面積凡一千六百五十五方公里。強縣城偏於縣境之西南隅，當寒江（卽右江之上流）與澄碧水（俗名泗城河）之會口。位於北緯二十三度五十五分，北平子午線西十度十五分。西至雲南界凡二百四十五舊里，東南距南寧市陸路約六百八十餘舊里，水路則較長約一百里。枕山帶江，形勢最爲險要。

考縣境古爲百粵地。漢屬交趾郡。唐隸邕州都督府。宋爲土田州地，屬邕州橫山寨。元爲田州路軍民總管府地。明爲田州土府地。嘉靖間，府降爲州，縣地仍屬馬。清初因之。康熙三年，隨田州改屬思恩府（卽今武鳴縣），隸右江道。雍正七年，遷理苗同知於百色，次年建城。又二年，承審田州（今恩隆縣及奉議縣之一部）。上林（今思林縣）下旺（今思林縣之一部）定羅（今那馬縣之一部）都陽（今果德縣之一部）等土屬命盜事件。乾隆七年，析田州地置百色。光緒元年，田州改流，復割其一部分屬百色，升爲直隸廳。民國元年，改爲府。三年，廢府爲縣。

縣屬地處邊陲，四時皆瘴。春夏之交，鬱熱薰蒸，至七八九月，新禾黃茅，諸瘴繼作，風色峭厲，烟霧常昏，水土惡劣，且一日之內，氣候常多變更，一歲之中，寒熱錯雜不齊，窮臘久晴，或至揮汗，長夏連雨，輒畏科頭。地使然也。氣溫，城市附近與東北邊陲，大不相同。城市附近，夏天最高氣溫，約達華氏寒暑表一百零三度，東北一帶多高山，僅約九十餘度。城市冬天最低氣溫，約達華氏表四十餘度，東北部則低至華氏表三十餘度。雨量，以夏季及秋初爲最多，冬季及春初爲最少。秋季且多大風，發時摧枯拉朽，至足驚人。

全縣住民，概分爲漢、獠、苗、回五族。就中以漢人爲最多，有城市人、蔗園人、土著人三種。獠人次之，苗與獠更次之。獠人有紅頭獠、藍靛獠、盤古獠三種。回人最少，全縣不過三、四十人而已。統計全縣，有男三萬三千九百一十九丁，有女三萬二千零二十五口。男女共計六萬五千九百四十四人。城市住民，男女共計約一萬七千四百餘人。

縣屬出產，以穀米、苞粟爲大宗。稻穀產額年約三十餘萬石。苞粟約三萬三千石。茶油、桐葉、蔗糖、小豆、菸葉、番薯、芋頭等次之。龍眼、黃皮、扁桃、南瓜、冬瓜、蔬菜、生藥材等更次之。家畜以牛、豬、雞、鴨爲主要，但供不應求，尙仰給於凌雲、恩陽二隣縣。東北部山中特產雲耳、香蕈。

縣城附近一隅，交通尙便。陸有百平公路，由縣城東門外對河起點，東南行經田州直達平馬，長約一百

六十里，可通汽車。水有西洋江自雲南經恩陽縣境而來，繞縣城南爲縣屬與恩陽之界水，東南出奉議。自縣城以下，四時可通淺水電輪及民船。惟冬、春兩季水淺時，電輪自邕寧來此，備極艱阻，上下來往，俱需一旬左右。若自縣城溯流而上，至雲南富州縣屬之剝隘，因灘多水急，僅可通行載重約二千餘斤之民船。郵電於縣城設有二等郵局及三等電報局各一所。電話處附設於田南公路局內。上通凌雲，下通恩陽、那坡，而由百色至平馬之長途電話亦已完成。

縣屬最高學府爲廣西省立第五中學，設於縣城內。小學教育，全縣共有完全小學五所，初級小學三十所。社會教育，設有民衆教育館一所和中山公園一處。報社，有百色民國日報一家，設於興寧街。日出一大張書業，有文化書局、啓智書局、大有祥書店等三家，俱設於東門外大街。

## 六九 百色的勝蹟與風俗

1. 探鵝嶺 在城後座，原名「湯鵝嶺」，緣每年六月六日，土人例宰鵝於此以禱山神，粵音呼「宰」爲「湯」，識者以縣城名「鵝」，改以避之，因名曰「探鵝嶺」。

2. 石龍渡 在城東十三里捫村墟前，四山皆土，岸邊突起一大石，寬約數丈，長百餘步，上高下低，插入

水中儼若游龍欲渡江然，土人呼曰『石龍渡江』。

3. 聚水巖 在龍篆里截村山，高數百丈，巖口高二丈，廣三丈，容納衆水於此，匯流出燕峒，凡四十餘里。

4. 邕馬山 在城東北一百八十舊里，接東蘭界，峭壁上一微徑，有石穴十二，清泉湧出，山極高峻，盤旋而上，相傳唐羅隱曾遊此，石上有蹇驢跡。

5. 黑巖洞 在龍篆里哩村，其口廣丈許，洞深而曲，達巖後幾二里。

6. 天橋山 在龍篆里江洲村，兩山相向，高數十丈，其巔石接成橋。

7. 南閣 在縣城東岸，距城約五里，依山臨水，舊有南角亭，建自何年，不可考，咸豐亂時盡燬。光緒五年，同知陳如金循民意重建，上下三重，規模宏壯。民國七年，復增修之，十八年被燬於火，今僅遺危墻四扇，雜樹數株而已。

8. 鳳凰山 在城西二里許，以形似故名，即土人所謂「鳳凰單展翅」者也。

9. 北閣亭 在城北里許，舊有北角亭，建自何年亦不可考，與南角亭同時被燬。光緒十六年重建，改名「北閣亭」。

10. 歡喜石 在城東南南閣下江中，相傳昔有自下游來者，舟至南閣下轉彎處，望見街市，喜不自勝，致

使舟誤觸石，後人因呼此名，以昭炯戒。

縣屬人民，士客各半。客人住近縣城，多慕浮華，士人散居四鄉，崇尚節儉。但地域觀念頗深，無論士、客，鮮與外界相往來，地方風氣，酷似龍州。迷信亦深，神權猶大，病不服藥，祇延巫覡爲之禳除災害，風氣閉塞，可見一斑。服飾，尚樸素，短裝便服，普及士女。飲食，從節儉，而以鄉農爲尤甚。住屋，城市喜用板壁，間有以馬口鐵皮代瓦者。縣城附近濱河而居者，其臨河屋脚，大多用大竹支撐，勢之高危，尤甚於龍州，有高至三、四丈者。

婚喪祀典，多採舊制。出嫁女子，多不落家。城市住民，每當清明掃墓致祭，多請親友同臨墓前，紅男綠女，席地而飲，喝拳猜枚，如設筵宴，互相酬酢，旬日不絕，家家皆然，頗形熱鬧。至穀雨節後，拜掃完畢，便即寂然，亦俗之特殊者也。

## 七〇 龍州與百色的異同

1. 龍州據左江之上游，當越、桂交通之要衝，爲左江流域第一大市鎮。百色據右江之上游，當滇、桂交通之要衝，爲右江流域第一大市鎮。

2. 廣源水清，七源水濁，二河相會於龍州之西南隅，自此以下，名曰『龍江』。澄碧水清，寒江水濁，二河

相會於百色之東南隅，自此以下，俗稱「鵝江。」

3. 龍州在盛夏之時，一雨生涼；鄉間山嶺之區，頗有煙瘴；溪水飲之，易生疾病。百色在春夏之交，鬱熱薰蒸；至七八九月，鄉間新禾，黃茅諸瘴繼作，風色峭厲，煙霧常昏，水土惡劣。

4. 龍州住民約一萬五千六百餘人；全縣住民約六萬一千四百餘人。二者數量俱與百色相若，所差亦不多。百色住民約一萬七千四百餘人；全縣住民約六萬六千一百餘人。二者均略多於龍州。

5. 龍州穀米出產，不足自給，全賴思樂、兩明、或安南等處接濟。百色糧食及家畜等出產，供不應求，須仰給於凌雲、恩陽等鄰縣。

6. 左江輪船交通，以龍州爲終點，夏季水盛時，可上溯至水口關。右江輪船交通，以百色爲終點，夏季水盛時，亦可上溯至剝隘。（註一）

7. 龍州郵政，係二等局；最高學府，爲廣西省立第七初級中學，此外並無其他中等學校。百色郵政，亦係二等局；最高學府，爲廣西省立第五初級中學，此外並無其他中等學校。

8. 龍州住民，地域觀念頗深，非本地人即鮮與之交接；商家賣貨，尤多喜欺生。百色住民，地域觀念亦深，無論土著或客籍，俱鮮與外界相往來；地方風氣，酷似龍州。

9. 龍州城市住民，濱河而居者，其臨河方面之屋脚，多用熟磚砌成柱形，高達二、三丈，勢甚高，然自對岸觀之，卻饒別趣。百色城市住民，濱河而居者，其臨河方面之屋脚，多用大竹支撐，勢之高，尤甚於龍州，有高至三、四丈者。（註二）

10. 龍州及其附近各縣之住民，多迷信『雞鬼』。百色及其附近各縣之住民，多迷信『蠱毒』。

註一：一九三三年，有三江利電船於七月十二日下午四時，自百色上溯試航至剝隘，共用三日半行程，抵達目的地；該地民衆歡呼若狂，商戶均燃炮歡迎；該輪於十七日下午一時許轉回百色，宣告試航成功。

註二：他處城市住民，濱河而居者，亦多支木爲礎，但用磚砌者很少；至用竹者尤鮮；並且均不及龍州與百色二處之高。

## 第三編 由百色至柳州

.....九月三日至十月十二日.....

### 七一 泗城河畔

九月三日晚，由潘友夔、韋方伯兩君代余往城北里許，雇到熟識之挑夫一位。蓋此間風氣不甚佳，行旅所雇挑夫，常有中途逃跑之事，客棧主人不敢負責代雇；今如此則較爲妥善也。定明早登程。

九月四日，天晴，因事延至十時始離百色，沿泗城河西岸北行。五里，至東坪，有護路崗警二人在焉。又十里，至渡口，沿途多千層鏡樹。該樹本爲海南黎山中之特產，余自離海南以後，所經之處均未獲睹，而今復在此間重見，頗爲驚奇。中途遇皮貨商十餘人，皆口操湘語，詢之，爲衡州籍，他鄉相見，倍覺親密。又五里，至三岔路，所謂三岔路者，一至百色，一至凌雲，一至邏里也。又十里，至飯樂（俗名營盤街）時天色尙早，原可再多行一、二十里，因恐前途無適當安宿之地，乃宿於此。有頃，諸皮貨商人亦先後而至，中有數人，與余同寓，促膝牀上，互吐鄉談，頗不寂寞。



九月五日，離皈樂北行，十里，至坡脚。小憩後，繼登天馬嶺，益進益高，直至坡頂，回視來路，不見邊際。百色諸山，一齊俯首，頗爲壯觀。凌雲、百色兩邑，氣候不同，皆以此嶺爲分界。將來百凌公路興修至此，必大費工程也。在山上盤旋曲折，過行十里，至芭蕉灣。道旁有小攤出售稀粥者，購食之。再前行，駐有護路團警，商旅經此，每人須出銅元數枚，以充團費。泗城河水從渡口至此，河身斜度頗高，水流激湍，聲震遐邇。曩昔岑西林曾擬疏濬該河，以利輪行，以此觀之，實非易舉也。自芭蕉灣啓行，十五里至丫坑，又十五里，至百票村，沿途多野生番桃樹，果已熟，不時採食，味尙可口。又十里，至憐站。是晚即宿於此地之小伙舖中。憐站民家牆壁，多係茅桿編成，上覆茅草。余所宿之伙舖，構造亦同。其中固不乏新鮮空氣，惟值此秋夜，氣候轉涼，風自頂壁襲入，寒氣侵入，而伙舖中又無被蓋，余殊苦之。繼見該地居民無不如此，其窮苦可知。

九月六日，晨起收拾行裝，見屋外大霧迷漫，甚爲濃厚；余憶及前在途中曾有告余百色一帶晨多瘴氣，不宜冒霧而行者，因予室中以待。早餐後八時餘，雲霧漸散，始敢起程。行十五里，至沙坳村，稍憩。又十五里，至西漚坡。此地有石山數座，甚爲秀麗，亦一無名之勝景也。前有小溪，溪水清澈，因戒生冷，未敢嘗試，略進稀粥而行。繼經各漏塘至汾州，相距各約十里。汾州濱於泗城河岸。此間河流與皈樂街、芭蕉灣一帶之河流，截然不同。碧綠澄清，平靜無波。查此河原名曰澄碧水，名實實相符也。是日恰值墟期，貉族婦女來此趕墟者不

少，彼等胥圍長裙，有彩色條紋綴於其上，裙之左右兩側，則撩之腰際，與漢人迥異，一望即知。過汾州，半里許，見一木橋橫跨於澄碧水上，綠河之兩岸，相距稍寬，木板既不能達，而河床復深，中心不便立撐，乃於兩岸各撐以長柱二，斜約四十五度，靠岸之一端深埋土中，且以重石培之，另端則垂以繩索，下繫橋身（橋身係以長木縱列作底，其上橫架短板而成），使不致中斷，頗費匠心。又行十里，至大路，再數里，憩息於河濱，是時有二青年在河邊垂釣，各置釣竿三四，插於石縫中，側坐靜候，久不得，忽一竿浮動，某青年急舉竿，頗重，乃一大魚也，因曳近河岸，力舉之，鈎脫魚逸，二人甚爲懊喪。又十里，至凌雲，住城內某客棧，因連日步行，甚爲疲憊，經沐浴後，身心稍舒，嗣用晚膳，主人備菜頗豐，味亦可口，乃沽酒獨酌，酒味亦佳，不覺多飲，略有醉意，即寢。迨醒，不知東方之既白矣。起牀後（九月七日），店主來告：『封縣長昨晚曾派祕書、科長等來寓探視，因君醉臥，不欲驚動，旋留名刺而去。』余聆之，不禁赧然。早飯後，見封縣長承理於凌雲縣政府，封君精幹廉明，夙著政聲，承詢余之旅程經過，並告余以當地情形甚詳，余甚爲感謝。臨辭，余笑謝昨晚失迎之罪，乃返寓。

## 七二 凌雲的水源洞及其他勝蹟

午後一時，出北門，循澄碧水東岸北行，時沿岸有捕魚者數人，行二三里，見前面一山隈，樹木陰翳，頗爲

清秀，余思水源洞必係此地。仍沿河岸曲折行，至山麓，荒墳纍纍，其左爲曠野，童稚三四，牧牛其間，時正啓其所攜飯筐，圍坐共食。再前至洞之下方，有橋跨於河岸，登橋稍憩，捨級而上，入寺門，至洞。洞甚高敞，巖石玲瓏，日光透入，明亮清爽，壁間鐫刻遊人題詠頗多。洞內禪房依傍石壁，竹木掩翳，濃翠欲滴。左側有巨流自洞中出，洞之名卽以此。濱水處砌有低牆，可當欄杆，憑牆而望，水流湍急，其聲淙淙，牆盡處有門，入門，稍暗，燭以電炬，則靠岸兀立二石，中隔一縫，可以出入。又進，復寬廣如巨室，兩壁石乳，結構古老，折而右，經一仄道，其前忽露微光，再前進至一地，有仙人田，田腔光潔，傾斜而下。壁間小洞，觸目皆是，惟均不可通。此地石乳，則較入洞時所見爲細，結構亦較奇。左進，地勢稍高，中有大石柱，徑至丈餘，石之四旁皆可通行，上側凹進成一洞，地勢則向底傾斜，行十餘步，將抵邊緣，以電洞燭之下，爲絕壑，余駭然而退，蓋虞跌仆其中也。至壑中是否貯水及有無異狀，余亦不暇審視。嗣出，至一石臺，一望豁然。臺上平曠，有佛像數十尊。據守者稱：「每逢正月開春，土人朝山拜佛者極多。」云云。下石磴兩重，回至前洞稍憩，循原路返城。

九月八日，晨起霧作，附城諸山，悉蔽不見。九時許，尚未全消。十時赴修志局，局內僅住書記某君，余陳明來意，請見局長，當蒙某君派人往請。稍候，局長王舜琴君至，余向借縣志一閱。據王君云：「該縣縣志，歷受時局變遷之影響，全境所有，散失無存。今方續撰中，雖欲覓一舊本以供參考，亦不可得。」願王君對於當地情

形頗爲熟悉，囑余規定範圍，由彼供給若干材料，余遂出調查表示之，旋興辭歸寓。嗣聞店主言：「縣城西南隅之五指山下，有一大洞，洞中深遠幽邃，暗黑非常，脩約數里，內有渠一，寬約丈餘，深不可測，以獨木橋跨之，橋之彼岸則有金銀磚、萬年燈等奇珍異品，蘊藏頗豐，惟從未有敢過橋而取金銀磚者，縱有膽大者冒險越過此橋，竊取寶類，亦必迷途不返。」云云。余聞之，雖覺荒誕可笑，但亟欲一探究竟。適同寓此棧之皮貨商中，亦有爲好奇心所驅使而願與余偕往者四人，遂結伴攜二電筒而往。過大橋西南行約半里，抵五指山麓，自此而上，亂石縱橫，雜草叢生，且間以荆棘，絆足牽衣，咸稱「難行」。俄而覓得一鳥道，荆棘較少，乃披草捫蘿，爬至洞口，再下數十武，始抵洞門，門上石乳排列如牙，形同獅子口，稍進，陰森寂靜，令人凜然生畏。左側有大窟窿，高廣數丈，入其中愈前愈暗，中有二道：首由左側之道沿巖壁直上，可至洞之最高處，其盡處左旁礮上復有一洞，高不可攀，自下視之，隱約有光，並聞有鳥類啾啾之聲，發自洞內，或係蝙蝠、鶻鳥之類棲止之所。嗣回至大窟窿口，再由右側之另一道沿巖腳前進，路頗崎嶇，且較深長，惟時上時下，忽大忽小，其中逼窄之處，僅可通人，低窪之地，須匍匐而行，且其中多卵石，當春、夏水盛時，或係流水經過之所，外間稱有深不可測之渠，或係指此也。然遍覓各地，則所謂金銀磚、獨木橋，以及不明不滅之萬年燈等，均杳不可見。卽稍類似者，亦不可得，因相與一笑而出，仍返縣城。此外尙有下列諸勝蹟：

1. 石鐘山 在城西三里土坡之上。巖堆積，中空而多竅，扣之噌吰如鐘磬之聲，聞於遐邇，故名「石鐘山」。冬季巖阿積雪，結晶玲瓏，瑩光四射，自遠望之，宛如銀山。

2. 迎暉山 在城西北隅。山勢崔巍，崖壁峭峻，赤白斑斕，與東隅凌霄山兩相對峙。山下有迎暉寺，其創建之始，殆不可考。據廟碑所載，寺內舊時有匾額，刊有「宋太平興國二年重建」等字，並有鐘重千餘斤，係明朝天順二年所鑄。相傳宋仁宗時有蛋子和尚（一名彈子禪師）知兵法，佐大將軍文彥博平河北有功，受封「護國禪師」。其出身實產於此。蓋邊徼佛刹，實以此寺為最古也。每常晨鐘韻歇，初日高臨，晴嵐碧照，天際霞光，蒼翠澄鮮，互相輝映，景致佳絕。

3. 凌霄山 在縣治東隅。層巒排峙，高聳雲表，為城中諸山之冠。山巔三峰峙立，山石間有峒，俗呼為「古礮峒」。在昔未立縣治以前，恆呼此地為古礮峒。以此峒口軒敞，其中虛明，通於山後，內有石乳融結，垂懸如柱，瑰奇萬狀。夏時山頭積雨，滲透乳水，滴流不絕。

4. 雲臺山 在城外西南隅四里許。陟石磴而上，山路行曲，登至絕頂，有佛刹數間。刹旁隙地，竹木交蔭，濃翠之色，撲於眉宇。仰臥石床上，涼爽侵襲，幾不知身在塵寰也。憑欄遠眺，附郭山川，恍然如畫。山下流水潺湲，紅蓼花疎，每值霜天月落，山寺鳴鐘，寒鴉夜啼，烟色緲茫，兩岸漁燈明滅，奇景頓生。唯唐人楓橋夜泊句，得

其彷彿。

5. 笑天龍 在城北四里。山勢高峻，峰頂盤旋突兀，形如螺髻。崖壁間有巖穴，開闢通明，中積砂土甚厚。相傳泗城府土司墳塋，葬於巖內。山下有奧谷，人一高呼，則迴聲相應。

6. 玉液山 在縣南崖石聳峭，與掛傍山、五指山環列對峙。縣治位於兩山峽中，形勢極稱鞏固。泗水潺湲而下，忽爲羣山封鎖，宛然如無出路。尤爲奇異。山上有石窩，夏時藏貯雨水，碧色清瑩，尤爲雅致，稱爲「天池」。據土人云：天池所在之處，地甚僻隱，人尋訪之，實難得見，惟無意中往往而遇。雨後河水混漲，市人常承山麓瀑霽，爲最清潔飲料。

7. 後龍山 在縣署後。坡阜突兀，頑石槎枿，上有蠻王舊城，盤旋而上，四里許，抵山岬隘口，雄關峙立，復循山徑而入，至巖阿上，地稍平夷，有苗、獠茅舍數間，皆蠻王舊時遺民。有泉水自石罅瀆出，停舊石井，泓澄清冽，井旁修竹成叢，蒼翠濃陰，清爽宜人。從山蹊而進，抵蠻王內城，以石條鑿成目門，入內卽見蠻山衙署，堂階地基，盡砌石板，屋宇軒敞，規模雄壯。

8. 仙人橋 在縣城東北一百六十里。自哢亭東北行，約二十餘里，大河流當青山夾列之間，至新亭交界谷盡處，山勢益迫，兩岸對峙，忽有懸崖伸越跨江，聯拱作飛虹之形，白石峭壁，衝渾無隙。其環穴高度，距平

沙水面殆二十丈而弱，深、厚如之而超橫，乃長至四十餘丈。平頂上亂石叢木，兩端峰巒，聳矗千仞，莫能攀越，故俗名『仙人橋』。橋下虛穹，喧風震耳，碧水深泓，竹筏經過，榜人撐篙擊石之聲，或相呼咳嗽，魚躍水面，皆鏘然噲噠，迥異凡響。山外隔溪，有二、三烟火，曰『卡陽村』。

9. 點朱崖 在縣東南九十里，弄林村之河濱，崖壁陡峭，山下有洞穴，高深而幽渺。泗水自入彩村洞穴，潛行山下四十餘里，復從此瀉出，流入憐站坡壘村，相傳此山崖壁，每年當二、三月間，有硃色塗點現於石壁間，以驗其年漲水高低之度數，經十餘日即漫滅無痕云。

10. 老山 在縣西北一百二十里，山脈出雲南省蒙自，折向東北入西林，爲登苗嶺。至西隆爲壩達山，更蜿蜒而入凌雲境，突起爲老山，山中岡陵起伏，叢林密樹，濃翠參天，出產富饒，山禽野獸，木材藥品，無不藏貯其中。民十七年，中央政府派員採集博物標本，皆入此山採取，爲凌雲森林出產富饒之區。

11. 泗水 發源於青龍山：一出谷外村，名宿牙河，一出久咪村，名覽沙河，流至百敢村，兩河相會，經丹村，名曰丹村水，南流至頭臺坡山，麗與靈洞水匯合，環繞城垣，復有西溝村水，匯入，流至鎮午門，更與發源於凌雲山下之澄碧水合而爲一，因名泗水。蓋指丹村水、靈洞水、西溝水、澄碧水，合而爲四也。舊時稱府治爲『泗城』，殆即指此。泗水順流南下，至汾州墟，與作里水合流，抵彩村（在縣南六十里），旋穿入洞穴行山下，八

里，又瀉出成河流，行二十里，至浩昆村，復入山洞潛流十餘里，水復出現於坡壘村，逶迤南下，流入百色縣。於此，土人祀若神明。

12. 元武備將軍王國賓墓 在縣南一百五十餘里之那弄山上。將軍征蠻有功，鎮守塘興地方，沒後葬

此外如縣南三十里之釣魚磯，縣西北一百八十里之三穿洞，縣北三百六十里之分潤泉及韓文公、劉瓚、祖良範、馮曼子、岑天章等之摩崖與望眉老人、濡峭山人之石刻等，皆爲縣屬之勝蹟。

### 七三 凌雲縣概況

凌雲地居廣西省之西北部，北以紅水河界貴州，東北一小部分隔紅水河而望南丹之西北部（舊爲那地土州地），東連鳳山，東南鄰百色，南接恩陽，正西連西林，西之北接西隆，西之南界雲南之富州縣。全縣面積凡一萬零八百三十八方公里，弱爲全省九十四縣中面積之最廣大者。縣城位於泗水上流之東北岸，四面石山環逼，圍障天際，城於其內，如處蓮花心中，形勢險要。

考縣境在周末爲南越地，秦入象郡版圖，歷漢、唐、迄五代，皆爲蠻族所據。宋時始置泗城州，屬邕州橫山寨。元因之，隸田州路。明洪武二年，置土官，直隸廣西布政司。清順治十五年，升爲府，尋改爲軍民府，隸思恩府。



雍正五年，改置流官，仍設府治，隸右江道。乾隆五年，添置凌雲縣，九年改隸左江道。民國元年，裁縣留府，置府長。二年，廢府復縣，仍名凌雲。

縣屬地勢高亢，萬山林立，氣候較涼，嚴冬略見霜雪。四時山嵐瘴氣，較百色一帶爲尤甚。縣城附近，衆山環峙，高峻叢菁，雲霧迷漫。雖天晴，亦必已午二時，始見日色。外省人旅此，切戒早起，尤忌朝行，必俟晨霧退盡後，始可出發。雖生長此間者，若旅外多年，仍回本土，亦覺故鄉水土太惡，而不敢夙興夜寢矣。夏天最高氣溫，約達華氏寒暑表九十四度，冬天最低氣溫，約達華氏表四十度。雨量，以仲夏至秋初爲多，兩期，冬春之交較少。

全縣住民，有男八萬七千一百三十五丁，有女八萬三千一百七十二口，男女合計共一十七萬零三百零七人，分漢、獠、獞四族。漢區本籍，外籍——亦別客土，占全縣人口百分之九十五。獠則有藍靛、獠（約七百戶）、紅頭、獠（約五百餘戶）、長頭、獠（二百餘戶）、盤古、獠（約百餘戶）等四種。至若獞、獞二族，未與同化者，則總共不及百戶也。

縣屬土地生產，以穀米、狗尾粟、番薯、苞粟等爲大宗；芋頭、糝米、蕎麥、黃豆、豌豆、飯豆等次之；大麥、蠶豆、蕎米等更次之。穀米分田穀、山穀兩種，年產共約五千餘萬斤。狗尾粟年產約五千萬斤。番薯年產約四千餘萬

斤苞粟年產約三千餘萬斤。芋頭約三十萬斤。糝米、蕎麥、黃豆各約二十萬斤。豌豆、飯豆各約十五萬斤。至若大麥、蠶豆、薏米等俱不過數萬斤而已。此外竹、木、藥材（就中尤以通花一物爲最著名）、桐、茶、烟葉、八角茴、五倍子、乾筍、胡桃、木耳、蜜糖、芸草、艾粉、薯粉、草紙、火炭等，亦多有運出，但產量不詳。家畜以牛、馬、豬、雞、鴨等爲最多。縣屬農村，石山地方多養黃牛，土山地方多養水牛。養馬者多用以馱貨。至豬、雞、鴨三項，除自給外，常能有餘運至百色發售。礦產，縣屬采村產硝，隴逢村、隴洞村一帶產水晶、銅、鐵、錫等礦。八村一帶產鐵、錫。飯東、半坡產煤、硝、鐵、水晶等。昔年已有人試辦，成績頗佳。

縣屬水路交通，北有盤江（卽紅水河），緣縣境北界，經百樂、百朗、安凝、邏西而出南丹縣境。西南有路城水，自西林縣境曲折而來，經邏里、汪甸、理墟而入寒江，皆能通小舟。南部有泗城河（卽澄碧水）自憐站而下，經飯樂以至百色，可以通筏。

陸路自縣城北經甘里、安凝以入貴州，西經汪甸、邏里以通雲南，爲馱商大道。南經憐站、飯樂以至百色之旱路，雖間有顏廬山（卽天馬山）、涼風坳諸山之險峻，然販夫絡繹，路面較寬，仍不失爲人行之大道。惟東經邏樓、謀隘、平樂以達東、鳳之山路，因石山重疊，鳥道險巇，頗感行路艱難。其中謀隘至平樂一段，行人極稀，道尤荒蕪，寬不容尺，而兩旁茅草夾立，高與人齊，道經其中，須持棍分茅而進，有『撥雲尋古道』之感。郵

政，僅於縣城及邏里二處，各設有郵寄代辦所一所。電政，於邏里設有三等電報局一所，西北通舊州，東南經飯樂以通百色。電話局設於縣政府內，接線有二；一設在憐站墟，一設在飯樂街。

縣屬文化，截至現在，全縣學校教育有縣立鄉村師範一所，完全小學四所，初級小學八十一所。社會教育有縣立民衆教育館及公共體育場各一處。此外有荷花池在公共體育場左近，佔地約十畝，舊有聽荷軒、三楹、水亭一間及桑柳園等，皆久廢。刻下正擬修復，改建公園。據當地人士言：現已籌有的款，本年秋後即可興工云。

## 七四 凌雲的特產

1. 陰沉木 出縣屬北路各區。大雨冲崩土山時常有發現。長八尺至一丈，徑約一尺至二尺不等，無枝葉，兩端鈍圓。其質似油杉而香過之，色黃褐，性耐濕。埋土中永不朽，故有千年木之稱。最合棺槨材料，每具售價在二百元以上。又木屑煎湯，可愈風濕。

2. 花樟木 產縣屬楞平老山，爲長綠樹之一。葉與樟略同。百年以上，老幹結瘤臃腫，切面徑有至四五尺者。肌理甚緻，紋呈水雲旋轉狀，宜作檯几、玩具、面版之用。最美觀，值頗昂。

3. 天縱 產石山者爲貴，其質較普通縱堅重，蟲不能蛀，爲建築良材。

4. 馬力光 產各石峒，幹高丈餘，徑僅五、六寸，色淡紅，質堅韌如棗樹，宜作器用柄軸之用。葉略似榕，熏火繫狗身，可去跳蚤。

5. 細黃草 似馬鞭草而小，產懸崖人跡罕至之處，價貴。每輸出外域，不知何用。但土人取其葉或梗少許搗碎，和殘粥置案上，蒼蠅舐之立斃。

6. 巖松 產石山崖隙中，葉如松而細短，高不盈尺，根壯厚，有香氣，可浸酒治跌打傷。

7. 土狗根 產於汪甸一帶土山，小草類，細莖軟葉，夏、秋間開小白花，生肥土者其莖扁圓，生瘠壤者則變三角稜，作用在根，形似土狗，壯者大如拇指，曬乾蒸熟似洋蓐，浸酒可壯元陽，補氣血，采須及時，若秋節後，莖、葉萎落，頗難尋辨。

8. 辟蠱木 多產石山，高尋丈，粗如腕，皮皴，葉互生，其梢有芒，木質黃色，味苦，用爲箸可辟蠱毒，爲窗櫺、器柄、杖策等亦美觀，色經久不變。

9. 一度紅 小草類，生陰濕崖版蒼苔中，一葉一花，葉作圓蓋垂覆，有細茸毛，秋時有小莖自梗間直出，開五瓣胭脂色之小花，其根如香附，可治咯血症。

10. 八爪龍 生土山深林，爲蔓草類。其葉掌狀，作八叉者曰八爪龍，五叉者曰五爪龍。其根淡黃有鬚，含之能解喉痛，浸酒壯筋骨，爲跌打要藥。

11. 四面針 藤本，圓徑至寸許。枝葉均有刺如針芒。質皮曬乾，皆灰黃色，輕鬆，味兼辛苦。勞動者常貯節段於行篋中，遇感暑氣、急痧等症，切一片置舌中，輒愈。

## 七五 凌雲的風俗

縣屬客、土異俗，漢、獠殊風，有共通之語言，而無混雜之居處，僅互市而不通婚媾，因而禮俗異趣，風尚別途。大抵漢俗醇樸樂易，民性溫良，至諸獠以次，以囿於山居，文化未開，故俗亦較爲獷野。

服飾，尚樸素，普通多短裝便服，並無特殊色樣。飲食，城市人及住居平地之富農，多食米飯，山居之人，無論漢、獠，皆食苞粟粥。甚至有終年不見粒食者。民性嗜酒，大多以苞粟爲之。住屋，分磚砌、土築、茅籬三種。上戶用磚砌瓦蓋——磚有火磚和土磚二種。中戶用土築，蓋以瓦或茅。貧則編茅桿以爲籬，鋪茅草以爲蓋，棲於其中，晚風襲人，未足以言蔽風雨也。

鄉俗重穀神，於插秧前及收穫後，必羣集致祭釀飲。清明掃墓，多請客席地爲饌。城區老幼，皆喜唱山歌，

有人謂縣屬『無論城鄉，男女交際，俱有歐美之風概。』

縣屬女權亦盛，舊制各鄉村，多有女保正、女亭長、女頭人之目。

獠民婚聘，約須銀二十元。娶時應具送酒、肉各八十斤，粟米約五百斤，以能敷女家請客之用爲度。惟紅頭獠嫁女，例先適母族之家，據云「返還其種」。若母族之家無相當匹偶，始准適別姓。又有某姓與某姓不得通婚之忌避，卽適別家，仍由母族舅父等主嫁，而全受其聘禮。親生父母僅得預酒肉之宴而已。長頭獠娶婦聘金略減，其詳細情形，另見第七七節。藍靛獠婚事，皆大酒肥肉，視諸獠頗繁費。但女子天姓，依戀母家，不喜與他人共同生活，故父母許婚極祕密。嫁時迎娶，女子號泣，不肯脫離父母，須以包頭帕蒙首，由兩人舁送至離母家較遠，不辨識歸路始解。然嫁後却又篤於恩愛，不喜歸寧。再醮之女，必耳綴雙環，謂一環爲前夫所貽，誌不忘也。盤古獠罕與外人交際，故其俗不詳。據謂二、三十年前，飲食之器，尙用木葉，今始易以陶瓦。夫婦敦倫，必於郊野。女子嫁後，不得登樓，謂避祖先神明之咎。殆爲原始土著之族也。

土著喪事，衣衾多用土布。普通皆有棺無槨，惟殷富之家於下殯日，另備良好木材四塊，安置穴內四周，其中置棺，與槨無異。又亡人於死後未入殮時，先請道士誦經約半小時，名「打頭經」。入殮後，招待弔客，均用齋素。至發殯日，始能動量。在未出殯之前一夕，家人舉行奠別，備大瓦罐及酒杯各一，俟全眷大小及親朋，

均於靈前行禮後，奠以酒，盛於瓦罐內。次早，隨殯出發。下葬之時，將罐埋置墓門之前。葬後三日或五日，用雞黍致祭，名曰「復墳」。

## 七六 凌雲土著的婚嫁風俗

縣俗舊制擇儷，必男齒較長，年同則分月。其結婚均在明、清定制成丁以上。又發動議婚，悉由男方親屬，物色當意，先遣熟人探取女庚，更丐星術勘察，陰陽兩造，不大冲尅，認爲男女緣合，即行「下定」。僻遠鄉村，缺乏星算，則密書女庚置祖先香案底，三日無凶兆，即私計以爲有夙緣，始正式憑媒下定。自此以後，凡值佳節，須送「節禮」。以三爲度，類皆食品。節禮既備，乃另諏吉「納采」。應再具什錦雲片香糕每百二十事，其數有至三、四百者，上戶也。金銀臂環，其質量以貧富爲差。酒肉視節禮倍之——雙雞、雁；雁則代以家鳧。女家收領，始將女庚書授媒人，並將所受香糕分贈戚友，明其女之已許字也。此項庚書，有書於紅摺者，有鐫于支八字於銀薄版者，俗亦謂之「取八字」。

至請期已近——約在兩、三月前，方納聘金，約三、四十元至百元不等。仍略備酒肉，名曰「報期」。有不受聘金但須酌給女子衣飾費者，則女家可不備辦妝奩。至婚期前一日，男舁什物，女運傢私，交衢而過。壻家

備酒、肉、白米各百二十斤，鹽、茶、檳榔、菓葉各雙盤，烤豚、燒鴨、喜燭，皆以雙計。復請匹偶雙全之女賓二人，押送至女家。女家過還，是卽陪嫁之物——視聘金以爲豐齋。服飾、帳、被之外，有牀、榻、檯、椅、銅錫器具等。殷實遣嫁，並賸以使婢、牛、馬。故諺有『上等之家，嫁女將女；中等之家，將女嫁女』之語。

親友賀儀，通以貨幣，一元者爲單客，倍之則爲雙客。男女兩姓，均於過禮之日設宴申謝。女家例不請男客，惟至戚不在此限。又有『女不請不賀，男不賀不請』之例。

入夜約二鼓，兩家各於堂中置十盞燈饌一席。席之兩隅植蠟炬，延有德望之二老各燃其一，並口占四言韻語各二句，如唱斯和，謂之『發燭讚』。兩方新人，皆以橘、柚、香卉作湯沐。先拜天地，次祖先，然後升堂。再由二老之一爲之安席，曰『坐醮』。杯箸凡三舉，隨進飯麵各一盂，必安席者親授。逐件都有讚頌之詞——不拘長短句，或雜以土歌。且密置金指環藏諸飯內，令坐醮者舉箸撥取，納於指上。殆取「寶中得寶，美滿稱心」之意。

至二鼓後，爲迎娶時期——鄉村則在白晝。男家備花轎一，後插弓箭三枝，銅鏡一方，通書一本，以爲壓邪之用。新郎偕陪郎二，迎婆一人，分乘騎馬，直往女家迎接。女家亦請陪婆一人，陪公一人。陪婆先請迎婆入，設席招待。次由陪公揖請新郎、陪郎分坐中堂。進茶後，設席爲禮，由陪公安位。酒至三巡，內高呼『吉時到』。



陪郎陪公一齊辭退。新郎肅立中堂，由女家尊長簪以金花，掛以彩紅，迎婆扶新郎出，齊立堂中。時女家於大門限內，先鋪草蓆一床，上置白米一小堆，安燈盞一，兩頭點燈，用竹枝紮成梯形，長約二三尺，架設梯上。新郎新婦拜祖後，出至置燈之處，用脚越燈上而過，土名爲『晒利發』。意謂從此登梯直上也。登輿後，鼓樂前導，火把後隨，沿途燃炮直至男家。進門須準吉時，若吉時未到，男女均於門外暫候，有候至來朝日出始進門者。

貧家有娶童養媳及招婿入贅者，城鄉皆有，而以南路之龍川、皈樂、塘興、馬巖、邏里、利州一帶爲最盛行。

## 七七 凌雲長頭搖的特俗

長頭搖，以頭留滿髮故名。散居縣屬平山一帶山地，建茅屋山間，聚族而居。現僅有五十餘戶，共約二百餘人。耐勞苦，守本分，日作夜息，務農爲業。與他族不通婚媾。凡私人轆轤，從不經官，頗有太古純樸之風。嗜酒，以玉粟爲主要食品。食時用手替箸，猶未脫野蠻氣習也。

婚俗成年男子，由父母作主擇配，請村中有福老年夫婦爲媒。先由女媒向女家探意，得允可後，回報其夫（卽男媒）復由其夫正式到女家問定，隨由男家備辦雞、肉等禮物送至女家。當日女家卽遍請親族赴宴，宣布女已字人，而男女撮合之局遂定。迎娶前，男家擇定吉辰通知女家，并備送聘金、法洋數元及鷄、肉、酒。

米等禮物。迎娶時，男家選派青年男女賓各三人，攜帶新女帽一頂，草鞋一雙，前赴女家迎迓。新女帽係用白布裁成三角形，塗桐油於其上，曬乾後即呈黑亮色彩，蓋於頂上，以髮盤繞之，故又有「黑殼搖」之稱。出發時，請男巫一人同行，沿途喃喃誦咒，祓除不祥，及抵女家，送致帽、鞋、妝飾於新娘。另由女家所請男巫在堂前誦咒作法畢，命新郎叩辭祖先，即由來接之女賓挾持而去。途中女家添派男巫護行，行時最忌新娘之帽爲風所吹落，故護持維謹。及抵男家，依吉時入門拜堂。是日男女兩家，均各請新友宴會。未開席前，凡百客到門口呼「糯米」者，即以所備糯米飯團餉之，以表歡迎來賓之意。

最奇者，入夜客散後，男家遴請妙齡未字人之女賓二人，陪伴新娘，另請青年男賓三人就窻旁列坐，高歌互答，逸興過飛，直至夜闌人靜，即就窻旁各擇其偶，席地互抱而寢。新郎是夜則反避匿他所，詰朝，新娘偕新郎回母家拜親，母家設宴款待，旋邀請岳父母及親族等，同回男家赴宴。是夜新郎與新娘始得完房。

喪俗與漢人略同，惟帶孝則僅男子行之，以白布包頭，窮戶當日或次晨，即行出殯，富室約多停留二三日，喪期專宰豬、羊，欲待親友，不設齋食。葬後次日，即邀親友拜新墳，餘無他異。

俗篤信社王，於村邊建茅屋一小間，屋中毫無陳設，即謂爲社王所居。村民凡有祈禱，均請男巫向神前卜之。疾病災難，向不信醫服藥，一唯神意是依。每年除夕，舉行祭禮，極爲隆重，闔村推舉緣首數人主持其事。

其祭物每家備具死鼠，死鳥各一隻，及用糯米做成之糰糰等，並聯合醱資宰牛一隻，在社前設案供祭。屆時無論女、男、老、幼，均須親臨虔誠膜拜。祭畢，由緣首分派胙肉，每組一份，有若干緣首，即分若干組，各組皆由緣首領之，各就社前開竈架鍋煮食之，直至醉飽始散。

正月初三日，就社王前曠地，架木懸鐘及鼓，聚齊村中老少，輪流擊鼓、鳴鐘。擊時左右跳躍，大有自樂其樂之概。當日並醱資會飲，不醉不歸。二月初五以後，即舉行拜掃，無清明踏青之俗。五月中，農事告畢，擇日宰牲供祀牛欄，謂之『洗牛蹄』，頗爲重視。中秋、重陽、冬至各日，概不過節。

長頭猺男女間，每當農隙時，輒約赴桑間濮上，高歌相答。歌詞皆用土音，無非相慕相悅之意。其因野合而懷孕者，發覺後由村老執行處罰，男罰牛一隻，女罰布一疋，充入社王作常粟。如已有夫，當視其夫之意旨爲轉移，願合則可仍返夫家，繼續同居。願離則另行改嫁，或即責令野夫娶之，而酌還禮物於其原夫。至私生子女，概行拋棄，從無收養者。

又喜成羣結隊，四出獵取禽獸爲樂，甚有遠至二、三日程，流連至旬日以外者，每年無慮十餘次。

至若遺產之承繼權，有子則歸子，無子則歸族。女子出嫁後，無過問之權，其有因招贅而承繼者則不在此例。招贅之手續，與娶親略同。先憑媒妁徵得男家同意，即擇定吉辰，由男家親族送贅夫入門，是日女家遍

請親族宴會，以誌喜慶，自後贅夫即寄居女家，必待同居數月或一年後確查贅婿品格端正，且與已女性情相合，始行諫吉「合香」，其儀式亦與娶親略同。

## 七八 凌雲客民的風俗

九月十日晨起，霧霧濃密，籠罩大地。九時，決定冒雨起程，前赴鳳山。承封縣長遣派勤務兵一位來寓，且持有縣府溜單，以便沿途通知民團及關津駐警，作余嚮導及護送之責。封縣長關懷旅人之切，措置周到，令余不勝銘感。時天雨滂沱，水瀉如注，延至十時左右稍止，始登程。出北門，行三里許，即登山，山脈綿互，間有起伏，惟皆係石層，行十餘里，至三台坡，山石尤爲崢嶸險巖。至嶺巔稍憩，繼往前進。又降大雨，未幾，乃霽霖霖。再行二十里，雨又轉厲，沿途石山林立，巖石嶙峋，石隙中多種有玉蜀黍，此種景色，爲余出發以來所僅見。冒雨又行十餘里，已近下午五時，而向所經過之處，均無民家，欲行至安水壩投宿，恐非今日所能走到，乃詢之挑夫，叩以附近有村莊否。挑夫對曰：『附近村落雖有，但恐不納客耳。』余曰：『不妨前去一試。』遂決繞道至白馬村。村位於半山之上，僅有民家兩椽，抵一家，申明來意，主人某君，極表歡迎，延入室中稍坐，急溫水供余濯足，並燃木炭取煖，炭盆式樣，頗類荆楚，繼見壇前供有墨書『天地君親師位』之紅紙一方，亦與兩粵

沿途各縣所見不同，而所用方言，亦略近兩湖。詢之主人，始悉彼爲客家，先世自湖北遷來者。由此接談愈密。該地頗窮苦，無米爲炊，主人問余：『包谷可能下咽？』余對此本早有準備，應曰：『在凌雲起程時，曾攜有白米數升，置於布袋內，曷取炊之。』並出資備辦酒菜，該地因不產米，所熬之酒，係用玉蜀黍釀成，與普通米酒相似，惟味較淡，而略帶有苦味，余稍用之。飯後，有客自鄰村來，亦係客籍，談話中，余叩以該地客籍之生活風俗等情形，據云：縣屬客民，來自湘、鄂、川、黔等省，占全縣居民中之次多數。散處縣北路各區明山、石山間，喜長齋念佛，修橋補路；至其風俗，多因沿舊習而略有變遷。惟與當地土著迥不相同。一關於婚嫁方面：客民訂婚，結婚均甚早，男女僅三五歲，卽已議婚。議定，男家具酒、脯、糖、麪、首飾、衣帽等物，由媒人到女家登堂燃香三柱，植神龕香爐中，名曰『燒定準香』。婚事遂諧。正月，門婿須攜豬腿、糯米糍、雞、糖、麪等，往岳家拜年。岳家則以鞋及花紅酬門婿。若已燒定準香而未曾拜年，猶不得視爲完滿之訂婚。且喜訂年齡大於兒子之女子爲媳，甚有大至八、九十歲者。迎娶時，請通達事理夫妻雙全者兩人（皆係男性）爲押禮人，另雇人肩抬糕、餅、糖餌及烹熟之豬肝、豬肚等，抵女家陳列之。女家亦派知客向押禮人以客套語相詰難，俟押禮人勝，然後撤去。宿一夕，雖男女同村，往返不須一日夜者，亦必一宿。媼婦多不願改醮，例可配夫弟爲妻，名曰『轉房』。二、關於喪葬方面：行年四、五十，卽預爲營謀生壙，購備冥錢等。生壙以石板排砌成墳，葬時不復穿穴，上蓋以大石。

板以棺由墳頂縋下者，曰「吊棺」，由側面推進者曰「槎棺」。諷吉豎碑，親朋致賀讌客，冥錢之數，或五百，或一千，以備將來道場焚化，卽五百已重至三四擔矣。云來世可吃著不盡云。或有享高壽者，紙至舊蝕不可復用，死者殮而不封，親友來弔，啓棺向死者拊循贊歎，意謂極生榮死哀之至也。將葬之前一夕，孝眷鄭重視察棺中，以免子孫將有盲跛之患云。柩抵葬所，子孫以孝帕鋪地，槨夫踏之而過，如某子孫之孝帕污損，則羣羨其異，日必富且貴也。白孝帕在三年服闋，然後捨去，在三年內，每經一二月，孝帕污垢，必具酒肴延福壽人代洗之，名曰「洗孝帕」云云。

## 七九 幽杳的寥隴洞與嵐光洞

九月十一日，天陰，下白馬村，折循故道前行，十餘里，至角犁墟（客家呼爲犁角墟）僅存敗廠數椽，闕無居民。據土人云：「在十餘年前，每屆墟期，遠近來趁墟者，每次亦達數十人，厥後因地方多故，商旅裹足，遂致數十里內僅有之定期墟場，於無形中荒廢矣。」繼至安水壩，壩之四周皆山，中爲凹地，天旱時，泥土拆裂，遇雨則山谷之水，聚滙成一小湖，再由湖底滲漏成諸水源。廣西西北一帶河流，多難尋其源者，職是故也。再行至大石坂，天色轉晴，繼進約七八里，山側有一小井，水甚清涼，當地土人過此，輒趨飲之，余因戒生冷，不敢

一噉，而挑夫護兵均以手捧之解渴，再行約數十武，護兵遙指一小叢林示余曰：『黑巖洞至矣！』（黑巖洞爲寥隴洞之俗名，又有呼爲萬人坑者。）余嘗聞諸王舜琴君云：『萬人坑係一山巖洞穴，深陷百餘丈，幽杳不見其底，鄉人捉獲匪盜，或匪盜謀害行旅，輒拋棄窖中，遂不可救。路距洞口約二丈許，人僅在路上行，而不敢走近洞口，膽怯者且多伏行而過，蓋懼其石薄下空，有崩潰之危也。以故無人能到洞口一觀究竟者。』云云。余至此乃作「孤注一擲」計，徐行至洞口，洞口寬約兩丈，長約三丈，而內部尤空大，頗類茶壺口之外狹仄，而內寬廣者，洞口環生小樹，年久月深，余度其或較爲堅實，乃用手牢持一小樹，探首下瞰，深果無比，殊爲幽暗可怖。時當正午，盡目力之所及，略見洞底平整，呈褐黑色，但不甚分明。底之四周，復有三、四小洞口，較巖壁尤黑，雨水入洞，或即從此而去也。洞內石壁極陡而黑，酷似一深長之鐵甕，甕口收集如壺口，有古石乳垂焉。繼往前進，約二十餘武，右側又有一洞在焉，口大而敞，邊緣繞生荆棘雜樹，余自樹枝罅隙而窺，中較明亮，與上述之洞，適相反焉。故當地土人咸呼此爲陽洞（一名公洞），而呼彼爲陰洞（一名母洞）。再前進，地勢逐漸下降，至隴村前下山，計自出凌雲以後，沿途皆係石山，所見農產物，多係玉蜀黍。至此始稍見有土山（俗稱曰明山）及稻田，又數里，抵邏樓，護兵導余巡至團局，局長歐陽酬光君款待甚厚，是晚即寓於此。承歐君指示臥處，被褥尙稱潔淨，在此窮鄉僻壤之地，頗屬難得，惟未設枕，余以手提皮箱代之。甫寢片刻，忽覺

有物噬余頸，以手搔之，旋睡，然未及數分鐘，頸癢又起，且及於肩背，余疑之，起以電筒照視，則箱上臭蟲廣集，蟲見電光，紛避箱內，余急捕殺數隻，乃取鑰啓箱，大舉搜捕，此時雖欲不殺生，不可得矣。少頃，余手五指悉爲血污，奇臭難聞。時歐君寢於室內對面，兩榻相距不及三尺，驚以叩余，余告之故，伊輒加解釋，恐係旅中帶來，余不禁嗤然一笑，倒頭復臥，不久復如故，但不如前此之厲害耳。復捕捉數次，始勉強入睡。

九月十二日，天雨，自邏樓啓程，團局加派團丁一人護行，向謀隘（謀字土音讀若妙）進發，行經弄峒、碗廠、麻峒至一處，（距邏樓約二十餘里）遙見道右村內山巔，有一洞口，形如獅子口，甚爲幽暗，因呼團丁詢以該洞名稱，團丁以「不識」對，余欲趨往探視，團丁知余意，告曰：「此無名之洞也，諒無奇蹟可覽，」勸勿往，余不聽，令挑夫返入村內，村名曰隴下，有民屋數椽，入一家，憇足，見主人某君，略一接談，余聆其語，聞有湘音，叩之，果係客民，自湘西麻陽遷此，已二十餘載矣。余詢渠洞內之情形，而渠亦云：「余等來此雖久，從未聞有異景，且洞口荆棘密佈，無路可入，故亦從未去過。」云云。余聞之，益欲前往，一探究竟，並向之借得鑷刀一柄，帶一團丁而行，一小童，年甫十齡左右，尾隨余後，亦爲好奇心所驅使者。自山麓沿鳥道以登，未及山腰，鳥道已盡，攀附藤蔓，猱身而上，迴顧小童，亦跟踪至矣，其猱攀之敏捷，令余不敢小視之。然前此不上，今乃隨余而行，或亦有所激而然也。山勢至此，陡峭愈甚，雜草荆棘既深且密，余始信斯誠人跡罕到之處，團丁出鑷



刀，刈之，略堪爬行，再上，抵洞口，荒草更深，高達尋丈，余與團丁，猛力闢徑，輪番剗削，始克入洞，洞內亂石縱橫，斜度頗高，穿石而下十數武，前面左側，黝黑較甚，恐藏野獸，投石探之，不聞回音，再投之，側耳靜聽，約數秒鐘，始聞劈拍之聲，旋又寂然，再歷數秒，又聞劈拍有聞，如是者凡三四次，始已，余殊驚奇，稍趨前，以電筒燭之，知洞內地勢凹低，再下，恐遭隕越之殃，不敢復進，繼又投入大石，亦如前狀，不過響聲較宏耳，余度洞中必呈螺旋形，石擲其中，遇阻而墜，墜而復阻，又折而下，如是方使洞中音響停而復聞也，召團丁至，告之，且以石試投，渠亦爲之駭異，照余投石，屢試不爽，而洞之深殊難測也，乃折回出洞，尋徑而下。

## 八〇 隴下洞的發現

團丁見發現如此奇洞，爲之興高采烈，而隨行之小童，因素未來此，一旦睹此，亦歡躍萬分，告余曰：「對面山下，尙有一洞，較此『更好！』」語未竟，而該童頓覺失言，面有赧色，余催詢之，彼乃支吾其詞，不肯再吐，余觀此狀，亦未再強，惟記於心底，既返民家，詢於主人某君，詎渠亦不肯告，且諱言無之，余向之再三解釋：「余乃一旅人，不過尋幽訪勝，欲飽眼福而已，即告余亦無妨礙，」並以鄉誼動之，渠至此，始允導余往，繞其家後，至山麓稍高處，即抵洞口，口架一木廠，廠內兩旁實以柴草，廠後有一寬約兩尺之小溝，中涸無水，以獨木

橋跨之，越橋而入，愈行愈暗，余擰開電筒前進，洞門頗窄狹，僅容一人出入，門壁長可一丈，高可五六尺，內部開闊寬廣，惟甚幽黑，余燭以電筒，不見其頂，高度難測，前進數武，得一石乳結成之石檯，高可二尺，檯面極平而圓，幾疑爲人工磨成，檯面之下，中惟一脚，其餘四周，石乳亂垂，酷似一圓面獨脚之摩登檯棹，敷以棹毬而繚絲四垂者，余賞玩至再，流連不忍捨去，洵爲余生平所見之第一奇蹟，再前進至巖脚，有仙人田池十餘坵，較他處所見爲逼肖而可愛，折往右行，時闔丁與主人於峽口燃一臨時所扎之火炬至，余因與俱，經一峽口（係黑暗世界中之峽口）入右洞，洞內乳石甚多，呈各種奇形異狀，尤奇者爲一渾圓之石柱，柱之下端，自地面至高約六七尺之間，較上節爲大，可數圍，四周有石乳結成之靈芝無數，其大如拳，疏密有致，柱之上部大半節較下端爲小，四周光滑，毫無贅疣，間有凸紋，作龍蛇環繞狀，亦極雅緻，與下端截然呈兩種不同之結構，造物之奇，至此而極，沿途各縣，志巖洞之奇者，每競以有石柱、石檯、仙人床、仙人田、玉桌、玉几等相誇，然以余實地考察之經驗，從無如此檯，此柱，此田之逼肖者，柱前一大窟，斜度頗峻，欲下恐滑，導余之主人亦止於其旁，而不敢下，窟之低處有水瀦焉，乃折而返，循原路出洞，總計是日余所發現諸勝，不徒爲余旅行以來所僅見，且爲遊客所從未到過者，卽以此洞而言，據領導主人謂：該洞爲彼等避兵匪災禍之地，除本村數家居民知之外，對其他人均守口如瓶，不使得知，而彼前之不肯吐實者，亦以是故，渠並請余保守秘密，有『勿

爲外人道』之概。余思山水風月，原非私有，此種奇蹟，安可不表而出之，以供天下人之共賞。歸返民家，復承烹茗解渴，余殊感激，爰略酬以金，出隴下村，由大路而前途中，余以探獲奇洞，得覽絕勝，心曠神怡，意頗自得。惟思二洞俱無名稱，不足以傳播其勝，急欲得一雅稱以名之。山巔之洞，嵐氣迂迴縈繞，曙嵐何幸，得以登臨，特仿西人探險以己名名地之例，爰名其洞曰「嵐光洞」。既符實景，又得藉留紀念，世之人或將譏余爲效顰乎？洞於村側者，余雖不欲爲之播揚，然其中之景物，若石柱、石桌、仙人田等，皆爲絕構，與他處徒博虛名者，不可同日語。余既有緣遊之，奚可不留紀念，擬以「曙遊洞」稱之。約十餘里，至爬壁村，稍憩於鄉長家，鄉長派人導遊山腰之白雲洞，洞中建有廟宇樓閣，供觀音大士像，內住一尼，其旁尙有民家一椽，洞口高敞，左側凹進較深，石乳結構，挺秀古老，略憩出洞，逕向謀隘進發，經一崇嶺，其下則臨溪澗，澗之兩岸復有稻田，涉澗水而過，登山直上，約二里許，至鄉長唐君家投宿，唐君亦係客民，原籍湘西辰州，是日鄉長本人因事遠出未歸，由其弟接見，頗以賓禮相待。是日晚餐備有糯米飯及臘肉、臘雞等，其他菜中亦略置辣椒，饒有家鄉風味。

## 八一 三門洞的慘迹

九月十三日，天雨，早餐後，由唐君遣邏樓團丁返，而另派嚮導一人護送，乃辭行，循昨日舊道下山，山下

有稻田數百畝，道出田塍，繼登山坡，道路窄狹，僅可容趾。冬茅夾道，高與人齊，如無嚮導，幾不信其爲由凌雲至鳳山之大道也。山坡斜度初尙低微，乃愈上愈峻，側顧其右，則山谷奇陡，殞越堪虞，時雨亦傾注不息，道傍茅草積雨，打入身際，衣爲之濕。緩登山嶺，稍憩樹底，繼續前進十餘里，下山較來路爲險峻，且係土山，時虞滑倒。旣而雨止，將至山麓，終因滑足踏地，深慶未滑至右方谷中，否則不堪言矣。起視余衣尙未沾泥，蓋適爲余背負之箬笠所護也。而余之背幸未跌傷者，亦賴有此笠焉。旋至山麓，而平樂至矣。由護兵導入黃局長金貴君家，黃局長款待殷切，命余浣足更衣，令家人洗濯之；晚間且沽酒宰雞相待，出金銀飯食之。所謂金銀飯者，乃以米與玉蜀黍粉滲和炊成，其法，先於鍋中盛水，迨沸，入米其中，米熟，卽散佈玉蜀黍粉其上，從此事者須二人：一人持鏟攪鍋，一人頻頻加入，迨紛熟，舀出，成濃粥，以米白粉黃，二色相間，故名金銀飯。飯後，黃局長命家人挑水，挑水器形頗特別，係以直徑兩三寸之大竹筒製成，每副二隻，各長約三尺，中刳其節，繫繩於其稍上之腰，再以扁挑橫穿其中而挑之，蓋彼等飲水，須往山下汲取，而桶之上下山坡，不若筒之便利也。是夕與黃局長談及當地情形，悉該地曾遭慘絕人寰之兵燹一次，係由距此八里之海亭鄉所波及。今慘迹猶存，歷歷可觀云。言罷，歛吁不置。

九月十四日，天陰，早飯後，偕同縣府所派來之護兵與平樂練勇二人，同去遊三門洞。經數田塍，傍山麓

前進，沿途雜草，高與人齊，鳥道掩沒不可復辨，洞口雖在望，但不知從何而上，幸於半山之中，遇一獠人，練勇某甲轉請渠作嚮導，從草叢中爬至洞口，首先映入吾人眼簾者，則爲骷髏一具，其旁制錢一串，散佈於地；余觀此景，不禁心爲之酸！然余既爲實地考察而來，應將洞中慘迹，一一調查，安可從此却步，故仍奮勇前進，而凌雲縣府派來之護兵，與平樂練勇某乙，及獠人等，皆止於洞口，不肯復進；從余入洞探視者，僅平樂練勇某甲一人而已。余偕某甲自左側依次而下，只見白骨散播四地，東一塊，西一片，令人不忍回想！復次，有孩骨一具，長不滿二尺，裹以衣巾，兩手外露，手指猶依稀可辨，余意鐵石人睹此，亦必爲之心酸也。再下，則馬、牛、人骨混成一片；由此可以想見當日池魚之慘矣。將抵內洞，其洞口外臥有大小孩骨數具，似爲母子兒女同死一處者，其旁且遺有蔑織籃筐等物，令人不忍卒視，余至此亦不敢復進。據某甲云：『內洞極大，尙有骸骨百餘具，牛、馬骨亦極多』云。余俯躬致悼，默禱此若干幽魂變爲厲鬼，向賊索命，而稍慰於泉下。既而轉往右側，經過一大石旁，見其下臥一骸骨，頗爲端正，似爲一老者，其後尙有髮辮在焉。由此種種，證明該洞之死者，全係無辜之老百姓無疑。繼出三門洞，循故道回至大道，直趨海亭鄉。

## 八二一 海亭鄉的慘史

抵海亭鄉時，由練勇逕導余至鄉長黃君煥家。時黃局長金貴君已先余而至，座中復有警衛隊長廖熙源君等，當由黃局長爲余一一介紹。嗣有數鄉人來，詳告海亭鄉兵燹慘史之經過，據云：「慘劇發生於前年（卽民國二十年）舊曆正月十二、十三兩日。先是十九年冬，×軍×××部被東鳳紅軍奪去槍械多枝，並殺死連長一人，×軍卽以此爲藉口，大興問罪之師，率軍越境而入廣西之鳳山，大有與紅軍不共戴天之勢。紅軍聞訊，卽化整爲零，散之四方。因此×軍部隊洶湧而來，竟找不到對象，忿無可洩。時凌雲第七區有著名士劣×××等，素與海亭民衆積不相容，銜恨至深，屢思報復，缺少機會，至此竟喪盡天良，向×軍進譖言曰：「殺害×部連長劫奪槍械者，皆係海亭鄉一帶峒民所爲。」且復誣指爲紅軍。×軍正苦無處洩其牢騷，遽聞此言，不假思索，逕向海亭進發。消息傳來，鄉民爲之大駭。一時呼喊連天，扶老攜幼，有藏入山洞者，有避走他鄉者，亦有膽量較大，自以爲居心無愧，而安居如故者。惟敵處頗多自然之山洞，大者可藏人數百，以至數千，小者亦可藏數十人，故避兵者仍以藏居山洞爲多。不意×××部隊一至海亭，不分青紅皂白，將未走避者，一律拘禁，已藏居山洞者，則多方威逼利誘，使之復出，亦有莫卜吉凶，寧全尸首，而不願作斷頭之鬼，始終不出山洞一步者。延至二十年舊曆正月，避居山洞者，先後因斷水斷糧，渴餓而死。×××部隊乃於舊曆正月十二、十三日兩日，將拘禁之鄉民全數殺死，然後收隊而去。噫！是誠慘絕人寰之浩劫矣！」余聆之，中心

爲之酸楚者良久。繼承該鄉人爲余作嚮導，參觀×軍××部屠殺所謂紅軍之場所。首至福財村前田壩，見有方丈之地未種稻，據該鄉人云：『此處殺死男女老幼共一百七十四人，迄今鄉民於此尙留有方丈之地不種稻者，一蓋不忍，一爲留紀念耳！』繼至海下村前田壩，亦留有方丈之地未種稻。據謂『此處殺死男女老幼亦八十餘人。』嗣至牛尾洞，洞位於山麓稍高處，洞口有煙火薰燒之痕迹，猶赫然在目，惟內洞直下，非梯莫入，且黝黑無光。據謂：『洞內被×軍用火薰死避難男女共四十七人，燒時非常殘酷，係用辣椒、煙葉等物燃薰。』余聞之，不禁爲之打一寒噤，不忍再入，蓋卽入而尋究之，想亦不過白骨纍纍而已。復次，至神洞原爲闔村積存義穀之所，經此次事變，義穀悉爲×軍載去，顆粒未留。由神洞至那弄村旁山麓，該地殺死婦女十七人，後卽葬於此。由那弄村西下，左右兩旁田中共殺死男女老幼一百三十六人，靠山脚處殺死二十餘人。此外，蓮花山殺死三十餘人；仙洞內餓死三人；仙洞下尙有老人墳一座，亦係被難而死者，死時年已八十餘歲云。其餘零星殺死或投之巖壑而死者，難以枚舉。總計×軍××部隊，此次屠殺海亭無辜良民共達九百餘人，一鄉元氣，爲之盡喪。迄今生幸存者，不及當年三分之一。當地居民，言及此事，每聲淚爲之俱下。旋返鄉長家中，該鄉人復往召當時被殺未死之鄉婦，以作此悲痛事變之鐵證。旋一鄉人謂『當×軍屠殺之時，有婦女數人，被刀砍入頸部大半，而未傷及食氣二管者，有被刀刺入腹背，而未損及肚臟者，彼等倒地後，

忍痛不啼，且抑制動彈呼吸，佯爲已斃，入夜由尸堆中逃出，始得復生，今猶健在者凡數人，又該軍對於小孩，其屠殺之狠毒，亦屬空前。殺時不用刀刺，持其一足，猛擲於地，其擲而未死者，今亦有數人。」言未竟，有孩童婦女數人來門前，鄉人卽指以示余，余視之，彼等頸項傷疤猶宛然可見。一婦苦笑對余曰：「先生！你看我的命長不長？」言時，語音淒楚，並以手拍其頸上刀痕，指其腰背曾被斫傷之處以示余。劫後餘生之孩童中，其一頗活潑，並不畏人，俊秀可愛。其一由一婦負於背上，一見生人，卽掩面而嚎，似大難猶在目前者。噫！亦可哀矣！是日下午，余本擬繼續登程，經鄉長、局長及隊長等堅決留住一宵，致未成行，寓黃鄉長家內。鄉間肉食不便，蒙黃君宰雞沽酒，盛筵相待，殊感不安。

九月十五日，清晨，由廖隊長邀余至其家中早餐，餽饌亦豐。飯後，辭別黃、廖諸君，由廖隊長派二武裝練勇伴送，往鳳山縣進發。道經浪村，至猛羅。猛羅爲一小村，位於山上，山路愈趨愈高，繼至一山峽之口，峽爲鳳山與凌雲交界之處，由峽口而望，前面石山如林，由平地突出，如春筍競秀，于成龍與友人荆雪濤書中，有『山如劍排』之句，殆可爲此寫照也。出峽口下行，數里至甲良村，據練勇云：『由此逕至鳳山，沿途甚爲安靜，無須置慮。』云云，余遂遣之去。小憩後，同凌雲護兵及挑夫又前行，至太平，有設攤出售油炸糕糰者，乃購與挑夫等充饑。繼經衡里、弄狼，始至鳳山縣城，寓一無名之小客棧中。



## 八三 鳳山的穿巖與萬人巖

九月十六日，天晴，早餐後，遣挑夫及護兵各返凌雲，時有客來寓，叩余姓氏及來意，余告之，並轉詢伊名姓，渠示以名刺，始悉爲鳳山縣民團司令部參謀鍾堅君，余亦報以名片，延之坐，略談沿途經過情形，渠極力邀余寓居縣政府，並謂『岑縣長刻已下鄉，由岑祕書負責代行，曷先往縣府與岑祕書一晤？』余頷之，卽與鍾君同往縣政府，當由岑祕書啓沃接見，並爲余介紹該府科長黃君劍平，黃君東陽等，一一相見，岑君等亦邀余遷寓縣政府內，余諾之，遂遷居縣府內，與鍾參謀同居一室，旋承岑君爲余搜集鳳山參考資料不貲，下午四時許，卽進晚膳，飯後，與鍾、黃諸君出縣政府，經通濟橋，沿溪水西岸北行，約一里餘，至穿巖，巖作半月形，洞穿全山，酷肖船中之篷，洞頂光滑，間懸零碎乳石，如篷之下懸有什物者，洞高約七八丈，寬約十餘丈，入內可百餘武，直通山後，故有穿巖之名，洞內右側有溪水一，寬占全洞三分之一，溪水頗深，緊傍巖壁，人不能往，是時水色澄碧，淵深莫測，洞內北極近出口處，有石乳結成鷹狀，頭頸翎羽宛然，栩栩如生，旋卽憩息於溪水岸畔，鍾君告余云：『每屆雨水盛時，上流洪發，溢出河牀，則洞中浩淼一片，直貫全洞而出』云云，少頃，天色漸晚，相與言旋，回經通濟橋，稍憩橋頭，卽回縣府。

九月十七日，天晴早餐後，鍾黃諸君因有公務，余不便邀約外出，乃隻身往遊萬人巖。巖在縣府後側山上，故又名「後龍巖」。出縣府，至山麓，沿鳥道而登山，勢陡峻，有牛十餘頭，散立於其上，余殊爲之奇。蓋牛不收於平野，而放逐於巖壁間，亦爲他處所罕觀也。洞口高敞，作張口怒吼狀，土人於其脣緣，聚石作寨，以避兵匪。左側有石門一，中置木框，裝有門板，洞內極幽靜，石乳亂滴，陰森逼人。余此時忽憶及遊三門洞時，尸骨狼藉之情形，歷歷如在目前，不禁毛髮悚然。且事前鍾君等曾言及此洞在兩年前，曾有無辜良民數人，餓斃於此，余益爲之不寧，因此未敢深入，徘徊一匝，旋即下山，改遊鴛鴦湖（俗名「公母塘」）。湖位於縣治東北約三里之地，湖分爲二，兩湖相距僅十餘武，湖水一清一濁，永久不變。二水出塘下流，約二、三十武，乃合而爲一，以清源勝於濁源，故會流之後，仍水清如鏡。其流自源頭至縣城三、四里之間，成天然九曲，爲鳳山八景之一，名曰「淵源九曲」云。

九月十八日，天晴，是日適值鳳山縣墟期，余遂至街中遊玩，遠近鄉村來此集墟者甚多，而街市亦頗熱鬧，交易物品，多爲當地土產，以薪米等爲最多。晚飯之後，余忽憶及鍾君等曾告余穿巖洞中特產方解石，余欲採作標本，頗思再往，商於鍾君，渠願偕行，故又重作穿巖之遊。抵穿巖後，循前日故道，由南口直至北口，尋覓此石，杳不可得，乃折沿巖壁而行，以鍾君進行較慢，回抵洞中，見鍾君手持一石，與地下石對擊之，徐言曰：

『此是矣。』余急趨前尋之，得大者數方，石作斜長方形，故均不成直角，戲擲之，易碎，取視，亦呈同樣形式之零塊，再三擲之，雖至細粒，其形亦不稍變。余取較小者十數方，以巾裹之，持出。既出南口，鍾君回頭指洞口外石壁上一穴，笑謂曰：『君曾注意此穴否？乃一羞形也。若與兩膝峰並看，愈遠則愈肖。每遇天雨，常有水自穴中流出。』余聆之，不覺爲之捧腹，鍾君亦忍俊不禁。此外尙有下列諸勝蹟：

1. 文筆山 距城約一里許，聳立雲間，形極幽秀，爲鳳山八景之一，名曰『文筆高輝。』

2. 雙鳳山 距城約二里許，有地面突起，極似雙鳳：一由北向南，一由東向西，縣名『鳳山』以此。且爲鳳山八景之一，名曰『雙鳳朝陽。』

3. 雷峯古寺 雷峯，在縣署對面，距城約二里許。宋時建寺於峯上，壯觀秀麗，歷代人士悉以此爲臨時晚眺，及重九登高之所。迄今該寺巍然尙存。

4. 涇渭雙流 有清水、濁水二河，相會於城之西南隅，形成涇渭，亦爲鳳山八景之一。

5. 水雲寺 舊時就巖設寺，佈置宏麗，閤城婦女，每屆朔望，多前往供香禱祝，遷客遊人，亦多集於此。

6. 篆溪 正源發自縣屬中部之崩里，經霞里、速惰、喬音、巴磨、九架、舊州、音里諸地，穿入巖洞，至弄隨峒出現，過穿巖，經縣城西南角，合公母塘之水，至恆里，穿入巖洞，至巴里出現一段，復穿洞至暗河出現一段；又

穿洞，在地下合波心水共出現於坡葉墟，始名篆溪。

7. 波心河 源出凌雲縣屬之平樂地方，穿洞而至波心巖出現，流經波心、飄里、月里，復穿巖洞，在地中合篆溪之水至百色縣屬之坡葉墟出現。

## 八四 鳳山縣概況

鳳山地居廣西省之西北部，東連東蘭，西接凌雲，東北界南丹，西南鄰百色。地形東西狹而南北長，外有盤陽、鳳凰兩區，孤懸於東蘭、都安、恩隆、百色四縣交錯之間，長約百餘里。全屬地勢西北多高，而東南稍低。土山、石山，縱橫交錯，土山陡峻，斜度不一，丘陵起伏，溝壑櫛比，其面積約占全縣十分之四。石山則屹立稠密，仄逼人面，其面積約占全縣十分之六。間有空隙之處，名曰「峒場」，然地土絕少寬平。全縣面積凡一千八百四十五方公里強。縣城位於紅水河西部支流篆溪上游穿巖水之東岸，西距凌雲縣治約二百五十舊里。

考縣境在五代以前尚爲蠻地。宋爲羈縻蘭州地。元明爲東蘭土州地。清初因之。雍正七年，東蘭土州改流，劃分鳳山、長里、芝山、本農、選喇、泗苟等六哨地爲土官世守，改爲鳳山土州；仍歸東蘭承審。民國成立，改選喇爲盤陽，改泗苟爲鳳凰，同時並改六哨爲六區。民國八年，改土歸流，稱爲鳳山縣。

縣屬氣候，尙稱溫和，然因西北與東南地勢不同，故氣候亦可分爲兩部：西北部地勢多高，因而多冷，東南部地勢稍低，因而較暖。每屆冬季，遇有風雨，西北山頂，冰雪盡白，東南一帶，則終年鮮見冰雪，或高山稍見，亦不及西北之厚。故西北之農民，多撒秧於立夏，過時則穀不滿漿。東南部之高處，亦與西北部同，惟低處則撒於小滿，究其成熟則係同時。至若寒暑氣溫，每因雨晴而驟變，雨則涼，晴則暖。大抵夏天最高氣溫，在西北部不過華氏寒暑表八十餘度，東南部則達九十二度。冬天最低氣溫，在西北部降至三十餘度，東南部不過四十一、二度而已。全年雨量，以三、四、五月及秋初爲最多，冬季則多亢旱，而以冬末及春初爲最少。雨煙瘴四時常有，六、七等月尤盛。屆時晨起四望，漫村迷野，一片混沌，濃厚之處，咫尺不見。待旭日漸高，煙瘴始散。俗稱之爲『日照』。

縣屬住民，除漢族外，有獠族雜處山間。漢族分爲本地人與客人兩種。本地人遷來較古，多住平地鄉村，如互相交談或與獠人對話，則操土話，與客人交談，則操官話。客人後至，原先較好之地，已被先入者佔去，因多住於峒場，語言則操普通官話，但此種官話，又與現在之國音稍異，略似湘、鄂之音，故俗又名之爲「湖廣話」。獠人多居山間，除同種交談相習其獠語外，對於官話、土話，均能學習，因其常與客、土往來故也。客、土、獠三族之間，多互市而不通婚，間有通婚者，僅客人與土著而已。據最近調查：『全縣住民，有男二萬四千三百

八十九丁，有女二萬三千四百四十七口，男女合計共四萬七千八百三十六人。』城區住民約占一千二百餘人。

縣屬羣山環列，田地甚少，土地生產，以穀米、苞粟、紅薯、小麥等爲大宗，茶油、桐油等次之。至於藍靛、棉花、芋頭、蔗糖、蘿蔔等類，則惟少數而已，並無出口。穀米年產約七百五十餘萬斤，苞粟年約三百餘萬斤，紅薯、小麥，各約百餘萬斤，茶油年約三十餘萬斤，桐油約五萬餘斤。其中茶油一項，多運往百色、田州等處發賣，糧食僅足供縣民之食。在一九二四年以前，縣屬盛產牛、馬，每年由東蘭販出河池者頗多，自國共兩黨分裂以後，縣屬與東蘭同爲兩黨爭持最烈而最久之區，致此種出產，頓行減少，迄今幾有絕種之虞。其他雞、鴨、豬、羊等生產，亦甚減少。鑛產，舊第六區產鐵，該處有鑊廠數間，但近年出品日見減少，其原因與上述牛、馬相同。穿巖內特產方解石，雖鎚成細粉，亦呈方形，此外特產，有蜜糖汁和藤扇二物，馳名遠近。

縣屬萬山林立，巖壑幽邃，河流溪澗，時伏時現，故陸不通車，水不通船，交通之不便，較之凌雲爲尤甚。至若人行道路，由縣城出發，東經長峒以至東蘭，西經太平以至凌雲，南經波心、月里、盤陽以出田州，北經九架、橋音、文里、老柵以通天峨，俱須翻山越嶺，臨巖度壑，始能抵達目的地。然在縣屬仍稱之爲四大道，郵政於縣城設有郵寄代辦所一處，餘則須專人投送。長途電話：一由縣城南出經波心、波月（百色屬）、盤陽、巴馬（

百色屬、燕峒（恩隆屬）以達奉議（田州）一由縣城東出經長峒（以下皆東蘭屬）、泗孟、蘭木以達武篆，再由武篆東北達東蘭縣城，南則經江平復至縣屬第五區之賜福，以達百色屬之巴馬與由縣城南出之線相會合。

縣屬文化，肇始於民八改流立縣之時，中經迭次政變，教育事業，極受影響，計至現在，全縣學校教育僅有完全小學、高級小學各一所，初級小學四十四所而已。社會教育，亦僅有縣立民衆教育館一所，縣立公共體育場及民衆俱樂部各一處，此外更無其他文化事業可言。

## 八五 鳳山的風俗

縣屬俗尚淳樸而勤儉，在昔神權頗大，官廳審案，有遇互相欺騙而無證據之案件，常藉神威以補法律之所不及，民心多存畏懼。民國以來，破除迷信，加以政局無定，變亂相循，民心因之大變。衣服，在鄉村山峒之農工，多穿本地婦女所自織自染之青藍色土布；稍有餘裕者，則喜購買機織各色之斜紋布，上海灰，大成藍，以及一切人造絲麻織品之類，年中此項利權外溢，爲數亦不少。飲料，在城市及平地鄉村之居民，有河溝溪澗泉源等流水，以供飲料，質清而淡，隨時隨地均可飲用。山峒居民，既無河流，復少泉水，平年所用，各自挖掘

泥塘備貯天雨之潦水，以供飲用。此種塘水頗混濁，在夏秋多雨之候，尚可敷用，但一至冬、春亢旱之際，天久不雨，則塘水乾涸，必須下山出峒外挑運，每日二、三次，僅作煮食之用，無可洗濯，亦云苦矣。食料，在城市及平地鄉村，多食白米，以苞粟蕎麥爲副糧。上中之家，每日三餐，通常多以濃粥。蔬菜供餐，其能飯粥參半者，不過十之二、三而已。魚肉則居城市者常買，鄉村則僅逢墟期（六日一期）始得一嘗耳。下戶與赤貧之家，除逢節季亦煮飯買肉隨衆應節外，餘則日食兩餐，類皆稀粥。蔬菜，而一到荒月（三、四、五、六、七等月）且多有掘野薯、野菜和米熬作稀粥，日食一、二次以充饑者。山峒居民，以苞粟爲常糧，以飯豆、小米、火蔬等爲副糧。上中之家，能在平地買田者，白米亦有之，每逢客至或逢節季，則參以撮米合煮之，俗稱曰『金銀飯』。日食三餐，菜蔬則每逢墟期，有錢之家始有肉食，閒日多以火蔬、飯豆和菜羹之，亦可以當肉。下戶之家，一至收新時期，以有易無，便是吃飯吃肉之佳期，過此則又轉入喝稀粥之舊境矣。住屋，居城市者多造地房，居鄉村山峒者則多造樓房，以人住樓上，畜類住樓下，亦有以畜類住於屋之一隅者。然皆穢氣薰溢，殊有礙於衛生。至於建築材料，或用瓦蓋，或用草蓋，或用磚砌，或用土築，或用木板竹籬，藉以圍格，城鄉俱有，無分土、客也。

縣屬節序日期，以正月初一、初二兩日爲「新春節」；正月末爲「了年節」；三月初三日爲「麥飯節」；六月初六日爲「花嬭聖母節」；中元節尙十一、十二、十三、十四共四天，餘與各處略同。全年節季，最重歲



杪之團年節，與相連續之新春節，每家總需耗費數十元至一百元不等。終年勞碌，多爲此一節費盡。中元節亦屬大節，但所需用不過數元至十元左右，尙不及新年節所用之巨。其次如元宵、了年、麥飯、清明、端陽、中秋等節，每節不遇費用數元。至於花婆節、谷雨節，則隨人之便，或舉或否。

每逢節季，常以大糴或糯飯（六月節及中元節，則用搭糲粿）互相餽贈。疾病則求神鬼，不信醫藥，故俗有『鳳山三條河（或卽指廣濟河、波心河、拉音河也），水淺地皮厚，信鬼不信藥』之說。

縣屬喪葬之俗，在清代以前，有行化喪者，用火燒骨骸，然後落葬。有行小喪者，將棺材淺浮土上，經一、二年後復行掘開，揀取骸骨五塊，再行掩埋，餘則堆置不計。康、雍、乾以後，始逐漸改變。今則父母逝世，無論貧富，均備購棺木殮葬。棺木價值有三等：最優者以柏香木或沉香木之梗料爲之，此種木料，下土百年不腐，每具約一百元左右，如係合製，每具僅需七、八十元。次焉者以紅天標木、紅杉木、烏杉木或黃杉木之梗料爲之，每具約五、六十元，合製者每具僅需二、三十元。再次則以雜木爲之，梗料者每具十餘元，合製每具自六元至十元不等。購用者當以各家之財力爲定。殷實之家，有用內棺外槨者，當入棺之時，多請道師唸畫符水，噴入棺內，乃行入棺。亡人裝飾，除備老綢布衣衫及少許銀器附在手足胸部外，尙無其他珍貴物品陪葬。殯後，停柩住堂三數日，男女孝子左右鋪苫守柩，痛哭無時，親戚弔喪，僱備吹手奏哀樂助拜。屬於內親族者，喪家皆發

白孝弁，每次喪事約發百數十張不等。此項孝白布，每張以四毫計，所費亦不資。其女婿來上祭者，如行大祭，則用豬、羊、鳧、禽、暈素肴（各一席），輓聯（用綢緞）長錢紙、番花紙、雪屋等物；如行小祭，則用乳豬、雞、鴨、暈素肴一席，輓聯（用布類），長紙錢（一掛），雪屋等物。按大禮獻祭，每堂約需四、五十元，小禮亦需一、二十元。由各家量力而行。喪家答禮則視其婿家祭禮之大小，或還以牛、馬，或還以銀錢。上祭演禮諸人，均發予孝白謝勞。其餘酬謝男女親戚、扶柩、送喪、弔喪、抬棺之人，俱須設席款待，多至七、八十席，少亦一、二十席。故喪家答禮用費亦不少。至於所來奠儀，除內外親外，普通多在一元以下。此鳳山喪葬風俗之大概情形也。

## 八六 新郎不得問桃源

鳳山的婚嫁風俗，由男家央媒向女家討聘，經女方同意後，即議定禮金若干，始許成婚。旋由男家擇吉舉行「訂婚插香禮」，以示兩姓婚事之成立。此次男家費用，水禮如酒、肉、米，每色自一、二十斤至三、四十斤，其聘金自二、三十元至一百元不等，先交一半與女家預辦嫁奩，並連同金、銀手鐲或耳環一對或金戒指一只，一並送去。此為第一次訂婚之費用。第二次為取紅庚禮，俗名為「討八字」。此次費用，水禮每色自三、四十斤至八、九十斤不等，並附禮雉一對及聘金等，送交女家。現為雙方便利起見，多有將水禮折作乾禮及以

訂婚禮與取紅庚禮併行者。至迎新之禮，各色備辦均較第二次爲優，並附有各項小紅包如乳金、開門、點禮、梳裝、打扮等名稱，由一毛至一元不等。女家方面，於出閣之日，上等之家陪嫁牛或馬一、二頭不等，被帳約五六套，內中以一套奉送翁姑，其餘金銀首飾、毡氈、綢布衣裙、桌几、床架、箱箚等，量力備辦，惟禮鞋、禮巾、禮布爲酬答翁姑媒妁等之辛勞，上中之家，均有備辦。上列各項，除將男家所給聘金用盡外，上中之家，每嫁一女均須貼用一、二百元不等。如係獨女則加倍焉。下戶雖云「將女嫁女」，但亦須貼用二、三十元，擇要製陪。迎娶之夕，新郎家選一未經出嫁之閨女，乘坐迎新花轎送往女家，俗稱爲「迎新娘」，並備辦嘉肴六味，設席中堂，擇請富貴雙全之男人，爲新郎安席獻肴。席之下面置喜燭一對，於就席時着一對秀童爲之燃燭，頻點頻頌吉祥語。語云：「發蠟發蠟，子孫發達，發蠟發蠟，富貴榮華，人生貴子，永世吉昌。」誦點畢，安席者爲新郎等安位。新郎坐上中，另請陪郎一人坐於左，陪席則坐於右，奏樂，循席晉獻酒肴，每酌一酒，進一看，坐席者舉箸作飲食式，實則假食也。禮畢，將此席菜及安席人偕送女家給新婦及迎新郎、陪新娘等，照新郎家例依次呈獻。禮畢退席，少頃雞鳴，由女家將新婦衣一件，置於一提籃內，燃一燈，遣人送到男家投報，於是新郎、陪郎等乘騎齊往女家親迎，各行其禮。新婦飾裝至中堂與新郎向祖先行「拜堂禮」，向父母諸親行「拜辭禮」。禮畢，新郎扶新婦登輿，各乘輿騎回到男家，鸞輿放下，擇一夫與兒女俱全之婦人，引新婦出輿，登堂先拜天

地，次拜祖先，三拜父母尊親，四則兩新人互拜，乃引新婦入新房，而婚禮於焉告成。

至若結婚年齡，普通男女多在十六歲以上，二十四歲以下，但本地人（即土著）男子年齡，常長於女子數歲，客人（即住居山峒之客家）則恰恰相反，蓋完婚以後，父母多令其分居，欲其能充內助，早見生育耳。若夫婦發生惡感，以致離婚，如係由女方嫌棄男方，另圖改嫁別姓或情人，則前夫方面必向之多索「改嫁金」，約一二百元不等。如男子遺棄女方，則不取其改嫁金，而女方亦不得向之索取，亦男女不平等之甚者也。寡婦再醮，其再醮金，由其夫族收回，客人則除給夫族之聘價外，女方親屬常索取許嫁金一、二十元，作為「認親禮」。至於轉房之風俗，行之於客家，與凌雲之客家相同，俗稱為「藤斷藤接」。

又縣屬盤陽、鳳凰兩區，毗連都安、恩隆、百色屬境，凡女子出嫁，頭一年，多不落夫家，並於將出嫁前數日，潛至其夫家鄰舍，覓一家作女方寄宿處。出嫁之日，必使全班親友數人偕送，一到男家，行拜堂禮畢，新婦便歸返寄宿之家，與友人同住。新郎莫從問桃源也。住過三朝，便偕友人返母家，嗣後每逢節季，只來夫家一二日，如此約一年半載，迨身懷六甲，始長住夫家。其所生長子，究不知是誰作父，言之不免一捧腹也。

縣屬對於招贅入贅婚事，不論貧富與城鄉，已成普通常例，但經雙方同意，即可行之。蓋因無男兒而獨有女子之家，其父母為本身生養，死葬計，多招婿入贅，或因丈夫早亡，翁姑年邁，子女幼稚，因家貧無力贍養，

或因有產業而無能保管，故須招贅以維持其家計。凡入贅之人，無論贅婿或贅夫，均負維持家計與管承產業之責權。其入贅之日，所請親族酒席及雙方訂立婚憑等費，由男方負擔。在女家行之，約需二、三十元。至男方應用之財禮，與女家產業之分配，視雙方之情況爲轉移。其繼承權則以父母所分囑爲定。

## 八七 過泗孟嶺

九月十九日，天晴。早飯後，由鳳山縣政府代雇挑夫十時，別縣府諸君啓程。承渠等親送至郊外，尙欲再進，余堅辭請返，臨別復承頻加慰勉，並囑到長峒後，卽打電話通知嗣行。經波雄堡、油菜坪、龍壘、牛峒，計程四十里，於下午三時許，而至長峒。逕至民團分隊長吳君家中甫入門，瞥見壇上供有『天地君親師位』之牌位，知係客家，詢之吳君原籍，答自四川遷此，已六、七世矣。家內裝有電話，余卽借告鍾君。已安抵此間，鍾君於電話中表示欣慰。晚飯後，有客來，頗謙恭知禮，由隊長介紹，始悉係該村之塾師，約二十餘歲，亦客家，詢其姓名，乃余之本家也。據云：先代由湖北遷居於此。嗣渠聞余亦姓田，倍形親切，余遂叩以當地之風俗，以及教育等情形，談至九時許，渠始去，余亦就寢。

九月二十日，天晴。早飯後，辭別吳君前行，吳君遣二武裝練勇護送，遵鳳山縣府鍾參謀之囑也。行約五

里地，至甘亮登山，未及山腰，練勇等即請余後行，彼輩前趨，余不識其故，再上，經一峽口，茅草夾道，途爲之掩，人行其中，須撒草而過，余至此，始知彼輩趨前，蓋有深意存焉。至山頂稍憩，旋行崎峯中，又三里，始下山，至山麓，練勇告余：『前進不妨，請放心行！』余亦囑渠等返，又數里，至龍江，該村位於路側，民家二椽，屋舍簡陋，入內稍憩，略飲清水，再往前進數里，經波里，又二、三里，過一小山，余偶一回顧，有四、五十人，蜂擁而來，觀其服裝，兵不似兵，民亦非民，余頗驚疑，繼思余乃旅人，何懼之有？力持鎮靜，佯作無事，緩步而前，已而伊等漸行漸近，余讓於路側，假爲休憩，以窺動靜。俄而來人已至，見余且加招呼，始知渠等係波里一帶民團後備隊，至泗孟集中檢閱者。一度虛驚，頓然冰釋，余不覺暗爲失笑！既而抵泗孟，有米粉館數家，入內就食，繼前進，出泗孟東行，約里許，登泗孟嶺，嶺高，登山時斜度尙不甚大，惟山道多曲折，迨至半山，略憩於路側，再登，則道路迂迴曲折愈甚，至山頂，有民團二人搭棚瞭望於其上，余甫擬坐息，忽憶及遺一重要物品於山腰憩息處，遂囑挑夫在此守候，余則下山往取，返至山腰，遺物尙在，甚喜，即拾取之，嗣登至山巔，略憩片刻，始行，下山道路，則與上山時迥異，陡峻直下，故余甚爲小心，繼經拉丈、六排，直至東蘭縣城，時已午後五時許矣，寓於一無門招之客棧內，棧非專設，不過可以附帶往客而已，頗感不便，令挑夫出購米、菜、煑食，晚飯後即寢。

九月二十一日，早餐後，遣挑夫返鳳山，逕至縣政府見羅縣長靄如先生，羅先生宜山縣懷遠鎮人，年六

十餘，精神矍鑠，和霽可親，甫與余談，即慰勉有加，且詢余寓所，余以無名之小客棧對，羅縣長即云：『不好！不好！可來縣政府暫住。』立即遣人往遷，並爲余特潔一室，光線充足，余殊稱便。午後，聞羅縣長云：民政廳視察員李庚君亦來此，住縣立模範小學內，並請韋祕書導余前往，余聆『縣立模範小學』之名，忽憶前在鳳山縣時，有人爲余介紹該校教員覃瑞五君，覃君歷充廣西各縣中小學地理教員有年，且有著作，余恨不能先見爲快。今韋君導余參觀模範小學，及晤李視察員，正好趁此一訪，遂與韋君至模範小學。時覃君因事外出，乃留名刺，至李君處，兩人對於視察觀感，均有交換，旋辭歸縣府。

## 八八 東蘭八景及其他勝蹟

九月二十二日，天晴，早飯後，覃君瑞五來縣府，寒暄之後，作關於地理學術之各種研討，意志甚爲相投。嗣承告以當地風土詳情，並約晚飯後，再來邀余遊覽四郊。覃君去後，余坐室中，參閱東蘭各種史籍書志；晚飯後，覃君來，結伴出遊。既出縣政府，見對面之山，勢甚峭拔，高聳入雲。覃君指謂余曰：『此爲五指峯，乃東蘭八景之一，名曰「五峰射斗」。』山麓有巖曰「仙女巖」，巖口數十丈，有一小河流過其間，內更有深潭，深莫能測。相傳古時月夜有仙女出現，此八景之末也。州牧卜永春曾題詩洞口，有「傳聞絃管偶喧嘩，仙女逢時

貌似花巖，整當年留勝蹟；至今惟有古煙霞」之句。山下有河名曰「九曲水」，以環繞轉折，略成九曲，故名。水自城東而來，東經益壽橋（舊志稱灑陵橋）而下，折向東北，流入紅水河，乃八景之二，名曰「九曲環城」。」云云。繼又指縣政府後面西北角上，模範小學右側之山曰：「此山名虎嶺（山之高度約五、六十公尺，山皆巨石，遠望之，形狀似虎），每屆秋期，涼風漸至，時聞瀟颯之聲；八景之三，名爲「虎嶺秋風」即此也。」繼出東門，至中山公園，園之一端負山，係將武廟遺址與添購私人菜園數畝環繞砌成，依山近河，面積共約十餘畝。園內右側有六角亭一座，亭後山礮上有老榕樹十數株，傍山而生，綠蔭亭前，風景亦佳。出中山公園，自左側登石路三十餘級，即達石雲洞，洞爲八景之七。洞之內部深約五、六丈，清爽宜人，據云「每際夏初晴雨無定之時，常有雲出其中，清光緒十六年，州牧卜永春曾題詩其旁，有「山徑曲通佛寺邊，穿開石壁畫樓前。洞深自古多雲氣，消夏寒生別有天」之句。民國元年春，州牧劉映葵建眺樓於洞口，題額曰：「翊教樓。」內供觀音菩薩一座，並有尼姑數口，故俗亦稱爲「觀音巖。」自洞口而下，行數武，至涼風洞，洞中不甚寬敞，惟其內有許多曲折小洞，可通山底之深潭，故每有涼風由內吹出，伏天其風更涼。洞之上有古榕樹，綠陰夾道，涼爽宜人。旁有勦平都弊區水峒，豕匪蒙卜門紀念碑等。由涼風洞口再向東行二十餘步，至孟獲巖，巖在路側，前有深潭，上有高崖，若避風雨，可容百餘人。巖內磐石之上，有巨人足跡，深約二寸，左脚伸前，右脚稍



後，相傳孟獲曾立此處；而右脚之旁，又陷下寸餘，圓徑約二寸，傳爲孟獲置棍所穿之迹。經覃君指點，並以身作式，兩足踏跡上，左手叉腰，右手作執棍勢，儼然一現世孟獲而耑候武鄉侯之到來也。余不覺大笑，覃君亦報余以笑，旋前進，至一橋，橋下有深潭，乃東蘭八景之四名「龍潭夜月」者。相傳該潭舊在涼風洞之前大榕樹附近，今則該地已變陸地，水勢乃向益壽橋方面直衝，使橋邊河底，頓變低凹，遂成深潭云。覃君又云：「城東南二里地莫海村前，河面有沙灘，長十丈許，形似龜浮出岸畔，故名「龜浮岸畔」，爲八景之五。浪團村附近河中有石，形似臥牛，名「牛臥波心」，爲八景之六。此外，尚有銀海洲、古隧道、韋虎臣墓、白象巖、白馬山諸勝蹟。」然終以偏在四鄉，未便往遊，而余亦僅從覃君口中得來也。

### 1. 銀海洲

在縣城西南七十里。由武篆區中和墟附近之拉舊村後面登山，山半建有石牆，中開一門，

由門再上四五里，經過拱橋四座，即可達銀海洲。此地概係平坦土坡，其脈由蘭木區蜿蜒而來，至此忽然停止爲一大土坡，舉頭四望，萬山朝拱，舊圖所載銀海洲山，卽是此地。上有古馬道一條，長約三里，相傳係武彝侯（士官韋虎臣，明弘治、正德時人，平匪有功，受封武彝侯）之跑馬場。附近一地，有殘磚斷瓦，又有石礎數座，乃武彝侯所建之涼亭故址。其東有西鵝山，由隧道口而上，路徑曲折迂迴，皆經石工修鑿，寬可四尺，長約二里，可達山上。路之外邊，復有石牆周繞，中開洞眼，以便防敵，工程頗大。西鵝山半有觀音巖，數十年前香火

尙盛上有鵝塘，縱橫五六丈，四時不涸。清光緒初年，尙有各種金魚生存其間；亦爲武彝侯所遺留之魚種，惟今已絕跡。

2. 古隧道 復由拉舊村後面石牆之門上山，跋涉不遠，於石山之一處，披開荆榛，卽看見隧道之口。由隧道穿入，轉灣屈折四五里，可通舊州村（村在育才小學之北二里，卽昔日土官建衙之所）相傳爲武彝侯防匪避亂而設。隧道工程極大，寬可四五尺，或三四尺不等；上面皆用石拱製成，以防崩陷；下面用石砌平，或作石級上下。其經過深潭邊，則鑿石成路，寬僅二尺；其下懸崖絕壁，黑暗可怖，倘一失足，必成千古遺恨也。隧中每十數丈，卽有石磴一座，設燈盞於其上；遊時燃燈以便行走。其分歧隧道，亦有四五處，建築大都相同。轉折之所，皆設門闔關，初入其中，往往迷途，不知所向。相傳年久常有獸類或巨蟒潛伏其間；以故今人鮮有能窮其究竟者。此類工程，係專制時代用土官勢力所能爲之；若在今日不知費幾許金錢始克舉辦。此東蘭古蹟之特著者也。

3. 韋虎臣墓 在城西南七十里舊東院區那臘村前，係用巨大花岡巖製成。墓寬約一丈，長約丈餘，雕刻各種人物，美麗可觀。墓碑立於明嘉靖二十一年十一月，碑文係明進士馬平余行甫所撰。旁有翁仲、石獅及各種鳥獸器物等，不計其數。工程之大，耗費之多，難以設想。惜其後人不能保護，翁仲、石獅或立或仆，或沒

入土，或殘斷分散於荆棘叢中，無復昔日之莊嚴也。

4. 白象巖 在城東南九十里鯉龍村附近玉泉山之麓。上有石乳滴下，結成一象，情形畢肖；色白帶赭；其大與水牛齊；姿勢蹲在巖中，後兩脚曲附地面；前兩脚則直立；鼻長耳垂；面向左邊仰視。由背面觀之，身極肥胖可愛；兒童遊戲巖中，常爭騎其背以爲樂。

5. 白馬山 在鯉龍村東南十里紅水河西岸上。山勢高聳，石壁平滑，寬可百丈。遙望之，其中似有錦、幔、人、馬等物；雨後尤覺分外生色。惜在偏僻之地，名不甚顯。

## 八九 東蘭縣概況

東蘭地跨紅水河東、西兩岸，東連河池，北接南丹，西及南俱爲鳳山所包繞，南之東一小部分鄰都安。地勢北高於南，東西峻而中央較低。全縣面積凡一千八百七十四方公里弱。縣城據紅水河支流九曲水北岸，四面環山。

考縣境在五代以前，尙爲蠻地。宋初置羈縻蘭州與羈縻文州，並屬宜州。元改羈縻蘭州爲東蘭土州，屬慶遠路。明屬慶遠府。洪武十二年廢羈縻文州入東蘭土州。清初因之。雍正七年，以東院等內六哨，改設流官。

稱爲東蘭州。民國成立，改州爲縣。

縣屬舊爲蠻溪獠峒，深菁密布，草木翳翳，其水土氣候，與恩陽、百色、凌雲、鳳山等縣略同，石山所在，亦多濃霧。夏天最高氣溫，約達華氏寒暑表九十餘度，冬天最低氣溫，約達華氏寒暑表三十六度。雨量，以夏秋之交爲最多，冬天較少。

全縣住民，有漢、獠二族，而漢族又復分爲土著與客族二種。土著係宋時來自中原，人口最占多數，客族多在清代來自川、鄂、湘、黔諸省，人數約占全屬人口十分之一。據最近調查：『全縣有男四萬七千二百三十三丁，有女四萬五千六百一十八口；男女合計共九萬二千八百五十一人。』其中客族約占萬人，餘則概爲土著。至若獠族，戶不過千餘，丁口不過數千而已。城市住民，概爲漢族，約占三百餘戶，男女共約一千二百餘人。

縣屬土地生產，以穀米、包穀、麥子、桐油、茶油等爲大宗；番薯、芋頭、黃豆、糝米、八角等次之；桃、李、梨、柑、橙、蔗、糖、煙葉、藍靛、棉花等更次之。穀米分粳、粘、糯三種，在一九二四年以前，年可產千餘萬斤，尙足供縣民之風。自國共兩黨分裂以後，縣屬與鳳山同爲兩黨爭持最烈之區，以致田地荒蕪，生產銳減。現年中產米已不足敷用。家畜如豬、羊、牛、馬、雞、鴨等，在十年前亦稱盛產，近年因迭遭政變，亦日見減少。特產有土布、雨帽、木鴨、艾粉、

櫻葉扇等木鴨，每隻重約四、五斤，價倍於常鴨。

縣屬水路交通，有紅水河縱貫南北，上達黔邊，下至遷江、來賓，可通行小船，在一九二三年以前，往來船隻頗盛，厥後因地方多故，航行者爲之裹足，迄今猶具戒心，未敢或試也。至若陸路則四境皆山，道路崎嶇，其情形亦與凌雲、鳳山等縣略同。縣城舊稱爲木蘭峒，偪處叢山，形如鍋底，陸不通車，水不通船，向無所謂交通也。惟縣府對門山麓，有九曲小河，河面寬約二丈餘，波流稍淺，每歲夏季泛漲，最深處約丈餘，冬季約二、三尺，惟漁人所需之竹筏，東出益壽大橋而入紅水河，可以上行下駛，大者載貨可百斤，貨客一人，小者載量僅可數十斤，客與貨不能同時俱載，每苦不便。郵政僅於縣城設有郵寄代辦所一處，長途電話，於縣城及武篆，俱設有總機，由縣城分三線而出：一由縣城經長坡（河池屬）而至河池；一由縣城經武篆、蘭木、泗孟而至鳳山；一由縣城經三石、江平、賜福（鳳山屬）而出燕峒（恩隆屬），以達田州。此外更有由縣城經長江、巴嘯以達南陽，及由縣城經坡豪以達大峒兩線，俱正在架設中。

縣屬文化，計現在有完全小學三所，初級小學一百二十六所外，有中山公園及公共體育場各一處。

## 九〇 東蘭的風俗

東蘭住民，分土、客、獠三族；風俗各異，各自爲婚，客、土之間，間有通婚者；惟客、土與獠則素來不結秦、晉之好，在一九二三年以前，婚喪禮節，俱頗繁複，迷信神權，牢不可破。厥後婚姻制度，爲之大變，結婚、離婚，趨尙自由，凡有婚事，大都尙儉從簡，不事鋪張，而迷信神權，亦大不如前此之深矣。衣服，多用土布，或本省所出之各色斜紋布，穿綢緞貴料者，爲數甚尠。食糧，以米、麥、包穀爲主；芋、薯等類爲輔。飯有乾飯、稀飯之別，中產以上之家，二者俱備，貧民類多用稀飯度日。客與獠因處峒場與山嶺之間，不易得米，故非有客至不肯蒸米飯，就食時，媳婦與家公，新郎與新婦，奴婢與主人，多不共席，佐餐之物，除墟日或買肉外，平時僅用菜蔬、瓜果而已。鄉人性溫和，多好客，卽素不相識之外方人至其家，亦必留餐，若適遇有酒食，卽牽挽入席，醉然後遣。又喜作墟上飲，赴墟者見久別之親朋，便買肉、沽酒入茅店烹飪，已而盛以瓦鉢，牽客入座，杯箸交錯，不醉無歸。墟場雖小，而濫飲者常至十數起，日暮歸家，不買一物，夫妻因此吵鬧者亦所常有。住屋，舊多舊式樓房，外圍以泥牆或板壁、籬笆等，頗不一致。人居樓板上，面畜則居其下，現除茅屋外，已逐漸改良。

男子與男子情同意合特別交好者，謂之『打老庚』，或謂『訂同年』。女子與女子訂同年者尤多。每當新年之時，各備豬、羊、酒、米等禮物，交相聘問，其所費用，多至百元，少亦二、三十元。例如今年甲往乙家，明年或後年，乙卽往甲家以表酬答。往來時且邀朋輩數人作伴，同時主人必以類邀請鄰村青年來陪席，參加作

樂、唱歌、飲酒，竟日不休。設席之多，竟有至一、二十桌者。每次必流連一、二星期，始行回去。去時主人必贈以牛、馬、布疋或首飾、衣、鞋等物，所費頗大。但所贈之物，必與所來之物略等或過之。否則必受朋輩之訾議。

清明節掃墓，其重要食物，爲粉精肉、魚、蝦、及黃金花、嫩楓葉等所染成之黃、黑糯米飯等。中元尙十四，包糰粿，備肉類、燒香、燭、冥鏹，以供祖先及神鬼。年節最重鞭炮，無論貧富，孩童多好之，寧缺他項不買，爆竹則不能少，故每年由除夕起，爆竹之聲不絕於耳。

縣屬土著，其婚俗，在中等以上之家，娶一媳婦，各項費用，約需銀二百元。例如聘金占五、六十元，婚期將至，卽購肥豬數隻、白米數石、美酒數甕，送往女家，共占百餘元。酒、米、肉三者，爲鄉村婚禮重要條件，不可或缺。男家如是；女家亦常將其聘金，購備粧奩，以資遣嫁。其好鋪張者，或另自添置若干，亦所弗惜。結婚之日，新郎少有行親迎禮者。但新婦登堂後，各有佐貳作陪，同拜家神，以次及於翁姑，親屬長老，禮成卽退。是日男女兩家，均設筵宴，閭里親朋，卽不帖請亦多踵門道賀，尤以男家爲多。賀儀有銀、物、對聯等件，少者一元左右，多者五元至十元。人情廣者，賀客愈多，酒肉各項，苟不多事預備，必致倉皇無策，設席不及，來賓枵腹多時，往往有之。此種情形，爲各鄉所特有，若城市則罕見也。嫁後之女，除城市及家法謹嚴者外，常常往返母家，必如是兩、三載，然後定居。卽伉儷甚篤，或賢淑女子，亦所不免。其愛情薄弱及幼年小女，則更無論矣。此亦習俗使然也。

縣屬蓄妾之風亦盛，男子多收十斛麥，便想置妾，多者竟至三、四焉。少年寡婦姿首佳者，喪夫未及數月，卽有他人競娶爲妻或妾，其身價且較處女爲高。縣屬客家之婚姻手續，憑媒致聘，與本地無甚差異。惟女子出嫁後，非逢大節或慶弔事故，不易歸寧。此則與土著嫁後之女常常往返母家者，有所不同耳。

土著喪俗，凡父母死，大都不發訃聞，雖富戶鉅家，亦只鳴鐵炮一排（每排三炮），表示某村某人逝世之意。鄰村親戚朋友聞炮聲，卽齊往助理喪事。又懸挂銅鼓一對或兩對，配以大鼓一個，任由村童擊打，聲聞遐邇。靈柩未出庭時，咸眷送到祭禮，鳴炮一排，主人亦鳴一排以答之。柩前設齋席，日換齋素三番，如豆腐、木耳、白酒、糯飯之類。因此凡家有年老病革之人，必先準備火藥數斤及木耳、黃豆、石膏、老酒、香紙等物，以備不虞。否則認爲送終之道有缺，衣衾、棺木，頗事講求。死者入殮後，必停喪數日，以受親戚致奠，然後出喪。孝子須經七「七」四十九日，方得茹暈。近來減爲三「七」或二「七」不等。朋情較廣之家，數十日內，遠處戚友，尙有陸續唁弔不絕者，以致孝子應接不暇。以後遂有指定某月某日爲開弔期之規定，未至日期，不得造次。此法較爲統一，易於招待，不至曠時失業，糜費無窮。貧者類多草率，此乃東蘭鄉村之喪俗也。至於城市，則與各處略同，不贅。



## 九一 東蘭的「埋蛙婆」與搖人的風俗

東蘭特俗，有「埋蝦蟆」之舉，俗名曰「埋蛙婆」。盛行於縣屬舊東院、都彝、長江、隘峒四區之各鄉村。其法每十數村作一組，或二、三大村作一組，凡少年男女於元旦日都靚裝豔服，羣出田峒，遍搜小蟆蛙，窮穴按孔，到處翻尋，誰捕獲者卽爲「蛙婆郎」。是年百事旺順，已而將捕獲之蛙一對，送到后稷亭，請鬼師臨場祝禱，男女圍繞而觀，祝禱畢，卽撲蛙使死，納於一節大竹筒中，復繫繫竹筒於一長棍之下，棍之兩端，恰合兩童共檣，每三、五朝，卽有一羣村童，舉之巡遊各村，向各戶齊聲唱禱豐年詞，唱訖，主人卽將白饘一對，或米一筒贈之，羣童歡呼而去。次家，以次挨戶唱畢，將所得之米、饘等，彙彙盈筐，陳祀蛙婆後，大家共噉一餐，有餘卽均分以去。及至月杪，或二月初一、二等夜，爲葬蛙婆之期，男女共集於一定場合，輪班擊銅鼓，唱歌作樂，仍請鬼師臨場祝禱，將去年所埋之蛙挖出，驗其骨色，黃者爲豐稔之兆，黑則歉，不甚驗。同時將今年之蛙埋入舊穴，村童各插繪花旗於其上，並攜酒肉供之，謂之「埋蛙婆」。各區總數不下數十處，埋葬之時，人多者一千、八百，少亦一、二百，近親遠戚，絡繹而至。是夜男女雜遝，若醉若狂，謔舞百出，歌聲四起，謂之「蛙婆歌」。興盡回村，數日始散，以後凡在正月唱歌者，概稱爲「蟆蛙歌」。此俗距縣城二里許之某村卽有之。以前官學

界中人，亦多微服往觀，認爲樂事。相傳此俗創自土官云。

縣屬猺人娶妻，其附近鄉村者，禮節尙無大異。其在深山僻壤者，則與漢人迥殊。平日先以男女心心相印爲原則，日中往還，父母亦不之禁。男女互贈，以煙葉、衣、鞋等爲禮物。其結婚不憑媒，亦不擇日，於必要時，突率親朋數輩，逕至女家，挾女以去。女之父母，事前固未之知也。屆時均瞪目結舌，且不敢以告鄰居。過旬月後，女婿始備禮物，盛裝同往女家，拜見女之父母，同時親戚故舊，聚集歡宴，其樂也融融，而婚姻之事畢矣。蓋猶太古民族掠奪婚姻之遺型也。猺人迷信亦深，其香火上供有三神，但無神像，亦不貼字。據猺人言：一曰迷霞，一曰含溜，一曰迷物（以上三神名皆係譯音）。迷霞與迷物，皆係女神，含溜一神，則不知其性別。但均爲歷代相傳至尊之神，年節供奉，不敢或廢。然究爲何神，亦不得而知也。若殷實之猺，每隔十年、八載，因家人多病，或至於死，必殺牛數頭供神一次，並請鬼師祝禱以作還願，謂之『根道（譯音）』。根道之日，山主及遠近戚友雲集，各攜禮物餽贈，大飲數日，始各回去。耗費甚大，同時主人必將牛之後腿一隻——重約二、三十斤，送與山主，爲不可廢之特典云。

## 九二一 東鳳歌謠的偉力

東風兩屬，向有土歌，客歌，搖歌三種；土歌最盛，客歌次之，搖歌於深山窮谷搖族聚集之地，亦時有所聞，但歌詞古怪，非素諳搖話者，莫之知也。三者之中，大都有莊，有諧，有俗，有雅，其詞有五言，七言及多言之分，其歌有一人獨唱，兩人並唱，男女對唱，男女各唱之別，每當新年或慶弔場中，隨時可以聽見，在人家長輩面前，類多慶賀、祝禱、恭維之詞，在山野朋輩間，則不拘體例，各隨懷抱而發表之，類多男女相悅，情緒纏綿之詞，或「今者不樂，逝者其臺」種種意思，其音韻悠揚者，即隔數里之外，猶能辨認清楚。

東蘭屬之東院，都彝，長江，隘峒四區之各鄉村，對歌之風尤盛，每屆正月，農事未興，認爲遊樂之月，各村懸挂銅鼓，整日成羣敲打，以供娛樂，青年男女，心花怒放，常常結隊唱歌，此唱彼和，或有親戚交遊夜餐甫畢，即設席對唱，人多或設二三席至七八席不等，每席必男女各二，唱時，先致慶賀讚揚之詞，繼以戲謔調情之語，一唱一答，通宵不寐，間亦有因年貌參差，情誼不洽，數刻即散席者，對唱必分勝負，負者即被旁人嘲笑，如或勢均力敵，必唱數天數夜，然後議和，其歌詞之多，可以想見。

清光緒三十二年，東蘭州官認爲有傷風化，曾將愛歌之少女數輩，漆面以懲戒之，無如流俗所趨，積重難返，至今仍未能禁絕，客家有歌云：「天上大星管小星，地下撫臺管軍門，祇有知府管知縣，那個管得唱歌人！」客家之好唱歌，遠不及土著之盛，其所見已如此，則土著之對於唱歌，其興趣之濃厚，更可知也。

亦有兩村或兩黨之間，因事不睦，即互唱土歌以相攻擊，其詞鋒銳利，點揭透闢，剴刻對方，有甚於槍礮者。由此可知歌喉與筆桿及槍桿，實可鼎足而三矣。其特別膾炙人口之歌詞，往往傳誦數世，未之或忘，所以在東蘭下層社會裏，最易打動轉移人心，莫土歌若。聞兩屬紅軍勢盛時，曾到處提倡土歌，編制新詞，攻擊反對黨，收效甚宏云。

### 九三 由東蘭至河池

九月二十三日，天晴。早飯後，辭別羅縣長及縣府諸君，承縣府雇妥挑夫並派武裝護兵二人護送，離東蘭向東進行。約二十里，至安馬村，路側有售粥者，購食之。小憩後，再經安婁而至隘峒，稍憩。又行至同樂，寓於鄉公所內。沿途無甚特殊情形可記。鄉公所附設於同樂小學校內，校舍雖簡陋，但係新建築者，由鄉公所委員陳儒瑾君接待，傾談頗詳。

九月二十四日，天晴。陳君以同樂前方，山深林密，素爲匪人出沒之所，近一年來雖較安靜，然零星散匪亦間有發現，遂又加派武裝團丁數人護送。早餐後，始成行。約五里至拉店，登那板山，山勢險峻，緩步而登，至山嶺小憩，下山涉香河而至香河墟，墟內民舍數間，有售粥者，購食之，飢渴稍解，繼往前進。至哲山頂，該處即

最嚴重之地域，一年前行旅均不敢經過。團丁等故意告余以從前匪勢如何猖獗，及行旅如何羅難之駭語，以試余之膽略，余惟一笑置之。蓋渠等不知余雖亦係行旅，但畏匪程度，實較一般懷璧之商賈遠甚也。繼至騰達村，憇於一民家，團丁等告余曰：『我等祇送至此，危險地域已過，前程無礙，請放心行！』並向余討索酒資，余略給以資，藉答其勞。時鄉民有售沙果、橘子等物者，余復購數十枚分贈之。稍憇，偕挑夫前進，復登一嶺，雜草茂密，路途仄狹，其形勢殊不亞於哲山頂，亦一絕好藏垢納污之地也。余視此山，當思團丁等不護余直越此嶺，而竟止於騰達村，果有意外，當在此而不在彼也。余本非需要護送者，不過承當地地方長官之關心，而有自動派人護送之舉。今彼等奉公行事，而敷衍塞責如此，令人不覺失笑。嗣越嶺而下，未及三分之一，忽聞有水聲自高而下，響遏雲霄，環視四側，惟此山獨高，竟有泉水一泓，自半山之上，傾瀉而下，發此巨響，亦奇觀也。下山至悶洞村，又五里至長坡墟（亦名長老墟），寓鄉公所內，委員容君復初及羅君壁接待甚歡。飯後，容君等領余至該鄉小學校參觀，教員某君對於當地風土及苗、獠風俗情形頗為熟悉，相談至九時，容君謂余曰：『公所中舖陳不佳，此間較為清爽，請即留宿於此，不恭處請原諒！』並叩余何時登程，以便早備餐飯。容君等去後，承某君繼續將當地風土情形及苗、獠之生活狀況見告，至十一時許，始就寢。

九月二十五日，天晴。容君於早飯後，派二武裝團丁送余啓程，行三里，至坡往墟，小憇後，繼經山嶺凡二

約二十里至寶藏墟，該地屬南丹縣，有小店兩間，購食充飢，續進至金峒村。沿途道路曲折，雜草茂密，入行其中，相距數丈，彼此卽不得見，又涉大溪二次，水均不深，再行約十里，中經山嶺凡二，至長峒，稍憇於民家。又十里，至石盆峒，登一嶺，下山後團丁辭回，余亦犒以金，彼等謙謝至再，始受而去。又五里，至大山塘，此地傍於丹池公路之側，公路甫在興修，墟市不大，屋舍之構造與余前經之僂站相同，以茅梗作壁，覆草爲蓋，余以足疲身倦，且距縣城尙有二十里之遙，擬宿於此，旋即遍往各伙舖，都遭拒絕，俱云客已住滿，其中固不少伙舖寓客盈房，然亦有床舖閒空無人者，余意伙舖主人之所以如此刁難者，或係欺余爲陌生旅人耳，無已，擇一空牀較多之伙舖，逕入其中，將行李置於牀上，舖主見此，亦莫可如何，余更責以大義曰：『余雖遠方人，照例給資，奚爲留難？果真有客，胡不安置行李於牀上，以示有人。』舖主瞪目無言，但彼之狡滑，猶不止此。當余囑挑夫購好米菜歸棧之際，舖主惡劇復作，非將炊爨什物藏匿，卽預爲貯物其中，使余炊時米無鍋煮，菜無鉢盛。余至此知非剛不足以濟柔，亦不稍謙遜，囑挑夫遍尋之，尋之不得，乃將已存之物傾注於他器，然後炊之，余等始得果腹。是晚，余臥床上，初猶勉強可度，及至中夜，風雨驟至，風自壁縫插入，雨自頂隙漏下，使余不得熟睡，旅舍猶不能避風雨，其他民家，更難論矣！而當地民衆之貧苦，又何待言！

九月二十六日，天雨晨起，以此間舉炊不易，而距河池不過二十里，遂卽束裝就道，沿丹池公路路基前

行，微雨霏霏不息，道路泥滑土濘，大有舉步維艱之慨。然本日雖雨，而途中所遇挑夫運貨物前往貴州者，乃屬不少，而公路工程亦未停輟，正在加工趕築，使余相形之下，深滋慙愧！振作前進，俄而河池縣城至矣，入城寓一無名之客棧。

九月二十七日，余體忽畏寒，繼而溫度增高，神志恍惚，似患瘧疾，入市擬購服「金雞納霜」以治之，乃市間無出售者，遂聽之。下午二時許，熱退，腦經較爲清醒，卽至省修志局河池縣采輯處借得《河池州志》一部返寓。

九月二十八日，上午十時，瘧疾又作，如是者凡四、五日。

## 九四 河池縣概況

河池地跨盤江支流刁江與柳江西源龍江之兩岸。東界宜山，西界東蘭，南界都安，北界南丹，東北界思恩，面積凡三千二百二十四平方公里。縣城枕鳳儀山麓，位於東經一百零七度五十五分二十三秒，北緯二十四度四十分十九秒。地勢低平乏水，而四面卻多高岡，東距宜山縣城約三百舊里，西距東蘭縣城約二百二十舊里。

考縣境在唐爲羈縻智州，宋析爲智州及金城二羈縻州，南渡後，置河池縣，屬慶遠府（卽今宜山縣）。元仍宋制，別置羈縻金城州，屬慶遠路。大德元年，改慶遠路爲慶遠，南丹、溪峒等處軍民安撫司，縣地仍屬之。明洪武初，併羈縻金城州於縣，屬慶遠府。弘治十七年，陞爲州，領思恩、荔波二縣。清初因之，康熙間，以荔波縣改隸貴州都勻府。康熙末年，撥南丹土州歸河池州承審。民國元年，改州爲縣，另立南丹縣。

縣屬重山疊嶂，多風，多雨霧，四季皆有瘴氣。春二、三月，寒燥不常，視雨晴以爲斷，勞動人習慣，亦無甚異。若閒居稍失保養，輒覺不懌。盛夏雖極炎熱，一雨之後，暑氣全消。秋晴暑亦猶夏，俗呼爲「秋老虎」，謂熱氣依然可畏也。然入夜卽涼，或加綿續。冬日惟大雨雪則寒，晴一、二日，便覺溫暖。大抵夏天最高氣溫，約達華氏寒暑表九十五、六度，冬天最低氣溫，約達華氏寒暑表二十五、六度。雨量，以舊曆四、五兩月爲最多，十一、十二兩月爲最少。

全縣住民，除漢族外，有獠、苗、侗等族。獠人多與漢人同化，苗有紅苗、白苗之別。據最近調查：「全縣有男四萬四千零二十丁，有女三萬九千七百八十三口；男女合計共八萬三千八百零三人。」城市住民，男女合計約占三千餘人。

縣屬農產物，以穀米、苞粟爲大宗；黃糖、菸葉、大麥、桐油、花生等次之；豆、靛、紅薯、籽子（卽鴨腳粟）等更



次之。稻穀年產約二千一百餘萬斤，除供給本縣之食外，尙能運一、二百萬斤出口。糖年產約一百五、六十萬斤，均銷運貴州。桐油十餘萬斤，大麥二十餘萬斤，除供給本地之用外，所餘由河道運下。至苞粟、豆、靛、紅薯等類，均爲本地用品，未有出口。縣屬豆類極多，計達二十餘種。無花果，俗名曰『饅頭』。油菜，俗名曰『薑心菜』。家畜有牛、馬、羊、犬、豕、雞、鴨等類，但豢養方法，尙未研究，故生產甚少。礦產，縣屬西中里高峯坑、塘龍、風河山、紅花塘、風河溪、拉盤塘、金峒等處，素產錫。高峯坑毗連南丹，鑛產最富，自宋末已由居民開採，自煉自售。又縣南都銘里芙蓉村之寶石山、篷籠塘、牛尾坡，及天寶洞、六墟村、箭豬坡等處，俱產青銅。以上多已開採，餘如高峯街、五指山之銀礦，下里水路村之錫礦，杏花村之銅礦，或因缺於水運，或因礦產不饒，故均未開採。

縣屬交通：水路有金城江，距城東約五十里，下達慶柳以至潯梧，民船每艘載重約二、三千斤。陸路，東有慶池公路，經六墟以達宜山，長約三百里，在縣屬者約七十里，再由宜山可通柳州、邕寧、桂林等處。西北有丹池公路，自縣西經大山塘以通南丹，長約一百二十里，在縣屬者約二十五里，再由南丹可通貴州之獨山、貴陽等處。其餘南至都安，西至東蘭，東北至思恩等鄰縣，俱係人行旱道，跋涉維艱。郵政，於縣城設有三等郵局一所，於六墟、金城江、保平墟、長坡等四處，各設有郵務信櫃。但長坡一處，因政局迭變，中途停辦，迄今尙未恢復。長途電話，東通宜山，西通東蘭。

縣屬文化，完全小學，有縣立鳳儀小學一校；高級小學，西鄉有長老小學一校，東鄉有祿裕小學一校，南鄉有三旺小學、保平小學、凌雲小學、隆福小學等四校；初級小學共有九十九所。公園，有中山公園一處。運動場，有公共體育場一處。書店，有范建興、天福興、吳新泰、怡怡如等四家，但規模俱不甚大。

## 九五 河池的勝蹟

1. 秀水巖瀑布 在城西南五里吳山下，高可二十丈。源泉自半山巖內飛落，形如匹練。全城飲料，胥賴於此。且利此以作灌田、碾米之用。吳山綿長數十里，風景亦佳，爲遊人樂地。

2. 鳳儀山 俗名「北山」，勢極險峻，高欲摩雲，綿亙數里，爲縣屬最著名之山。縣城半枕山麓。

3. 智山 在城南三里，與城後北山對峙，高聳入雲。西連吳山、筆架，三峯並峙。

4. 收水巖 在縣城東五里，爲衆水所歸之處。深邃約三里許。巖口頗狹，每歲水泛漲，爲物所蔽塞，急不得洩。涼亭以下，盡成平湖，農人大受影響。其上一巖，頗開朗，名「旱巖」，上下相通，冬春水涸，遊人雲集，燃炬探景，由下達上，別有天地。康熙間，知州黃志璋曾鐫「一洞天」三字於洞口。

5. 萬人坑 在縣南六十里，距古帝河約二里許。當南北往來要道，一面倚山，路臨其上。口徑丈許，初不

覺其險，人每投一石，伏而聽之，約數分鐘久，纔微聞著水聲，不知幾何尋丈也。相傳清道咸間，殺人於此者，不知凡幾，至今亦時有之。

6. 仙橋 在縣南八十里，有水自那朝村穿山而來，從此橋下流出，橋長約三丈，寬僅四尺許，天然石梁，飛跨山畔，內即巖穴，外則水流，一虹高懸，深杳不可俯視，過者如履春冰，誠奇境也。

7. 通風山 在縣南一百二十里，光巖里山脚村後，一竇直通，風常不息。

8. 亮巖山 與通風山相對，山勢迴環如障，峭壁之下，洞口天開，高五六丈，橫寬二丈，左水右路，穿山直過，長近里許，爲黔、邕通衢，巖內光明透亮，兩壁間題咏甚多。

9. 黑巖山 距亮巖約二里許，巖爲山坳道路，冬、春之交，岩中無水，行人苦於跋涉，多由巖下燃炬而過，頗稱便捷，相傳『昔有行人不攜火炬，轉入歧途，忽聞頂上有春碓聲，摸索二日，始得出。』蓋在人村落下也。

## 九六 河池的風俗

縣屬客、土雜居，民風淳樸，喜唱歌，無論年節喜慶或燕會，以及耕作樵牧或夜行，無不唱歌者。新年則男女逐隊於野外對歌，謂之『坐坡』。今則此風已少殺矣。服飾尙土布，食料以米及苞粟爲主，雜糧副之。住屋，

城市多用磚砌，鄉村多用土築，而窮苦農工，構造住宅，大多編茅桿以代牆壁，覆茅草以代瓦蓋，風雨不蔽，寢食難安。

鄉間多好事，與人稍有口角細故，卽具酒席請鄉老或團甲論理，名爲「賽老」。被論之人，又備酒款待原老人，名爲「答老」。雙方並出證據錢物與老人，名爲「下點」。然後老人居間排解。若勸令息事，二比同出錢設筵謝老，名曰「和息酒」。否則到官，鄉人平時惜錢如命，惟因事到官，縱破產傾家，亦所不惜。款待差人，過於上賓，禮敬訟師，尊同師保。鄉老上堂質證，由請之一方面輸與金錢，謂之「跪膝錢」。近雖文明競進，而此風仍不免有之。

鄉間女子始嫁，並無妝奩，女家無接有送，不限幾人，男家接者三人，一童子於嫁娘將出門時，卽背年庚先行，謂之「背八字」。女送親陪伴嫁娘，跣步不離，並不知壻爲誰何。迨三朝回門，壻及儕輩始相送於郊，彼此對歌，互易菸葉、手巾，以爲紀念。去後半月或一月，復由壻家治紅飯往接，謂之「接二」。始到壻家一宿，此後或一、二月，或數月，始一至，甚有屢接不至者。直待孕育，外家始具妝奩及襁褓、鈴帽等物餽送，亦有送牛馬田地者。於是方來團聚，今此風已漸革。

山居客籍，在迎娶之前，女家親戚婦女，先來伴嫁娘聚哭三日，所哭皆係罵媒妁及壻家之語。至迎娶時，

設几攔門外，巨觥盛酒，使鄰人主之。媒人至，身束紅帶，稱爲「紅葉公」，直前致詞，數人以次詰難之，不能對，則罰以巨觥。妄引古書，互相問答，往往有至暮始得入門者，今此風亦少殺矣。

節序：舊曆元旦之夕，食物務餘剩，以爲是夕爲全年之預兆。四月八日，農家皆具黍肉，祝牛欄，謂之「供牛王」。祀畢，以饅頭木葉裹黍飼牛。端午節，除懸蒲艾於門外，家家爲長糲，或角黍互送以爲禮。午餐飲雄黃菖蒲酒，亦吸食田螺飯畢，各出郊外採集多種草藤，煎湯沐浴，以爲是日百草皆藥也。六月六日，除曬衣服，書籍等物外，並具雞酒，角黍以祀內室門，謂之「暖花」。亦有於花婆廟賽會者。其取義以是日爲花婆誕期也。七月十四，謂爲「目蓮節」，皆宰鴨祀祖先，多具冥饌，冥錢焚之。明晨，並供以黍糲。祀畢，卽包裹所焚紙灰，送之水濱或郊外。

## 九七 河池獠、苗、侗等族的特俗

獠、獠結婚，多不避同姓，他族人則否。獠民服飾，與漢人無甚差異，惟皆不著鞋。婦女耳飾，以銀爲圈，綴以細碎韜鈴，髻上則綴以銀泡。近已逐漸與漢族同化。男女老幼，皆喜吸菸。夜臥無牀，惟於庭中掘一坑，家人環臥之，冬則爇火其中。其素封者，亦有帳，被諸物事，客至則設之。載物係用鐘形竹篾，繫樹皮於篋腰，以額載之。

獠民過年，不以除夕，而以五月二十三日。供神不以線香，而以蜜蠟和糠粃熱之。娶妻，必先私合，隨用強迫手段拉取，然後通知父母行聘，名爲「搶親」，並無彩籃迎接。育嬰不用襁褓，所有嬰孩，亦不負出。葬不擇地，親死，昇柩出外。獠婆先行執雞卵一枚，隨處擲之，破處卽葬。

紅苗衣服，亦與漢人相同，惟尙黑。男女皆著鞋，多帶項圈，由一至二、三不等。婦人耳飾，亦以銀爲圈，徑寸餘，有連綴至二、三圈者。近來亦多改革。載物亦用鐘形竹篾，但繫兩耳於篾側，以兩臂負之。與獠人用額載者不同。紅苗女子出嫁，亦無彩輿。至時嫁娘由竇而出，或由小門，或由籬笆，祇以多數人迎送之。旣嫁，卽往團聚，不復在母家過宿。此風獠苗胥同。婦人旣生孩，卽跣步不離，但一出戶，必襁負以相隨。尤喜趁市，雖未彌月，不以爲嫌。此乃獠苗極不同處。

白苗男女皆嗜酒，每趕一墟，不醉無歸。醉時男婦橫陳道周，日夕乃雙雙攜手而返。蓋猶無懷葛天之民也。獠苗言語，都不可解，但俱能作官語。獠族且能作土談。洞種自稱曰「峒家」。其一切風俗習慣，都如山居客籍人。惟語言多係捲舌音。

土著及苗人，均有能放蠱者。蠱重者可立死，輕者以剪刀花根、莖煎水飲之，可愈。有僅放牲畜者。若蠱之家無灰塵，而最忌陽蟲，蓄帶陽蟲者入其家，必設詞遣去之。蓄蠱之人，若一年不能放出，則蠱必自禍其家。

## 九八 慶池公路中的跳舞汽車

十月二日天晴，早起，余決離開河池，向宜山縣（即舊慶遠府）前進。蓋余之瘡疾，長此拖延，必將轉劇，到宜或可購得西藥以治，乃即整理行裝，八時至河池車站，登慶池長途汽車，未幾車行慶池公路工程本甚潦草，沿途小石甚多，凹凸不平，且間有通水之小凹溝，加以汽車又係舊式，裝配不甚牢固，故自開行後，即顛簸非常，令人難耐。每至凹溝，跳動更甚，乘客頭頂一遇顛簸劇烈之時，常與車頂相碰觸，而乘客未有不粲然發笑者。時車中有座客一人，喜作談諧之語，賜車以雅名爲「跳舞汽車」，衆客聞之，俱爲之哄笑不已。車行至金城，稍憩，繼隨汽車渡金城江，經德勝（產紅蘭酒有名），太平而達懷遠鎮。懷遠鎮爲東蘭縣長羅君霽如之故鄉，車行至此，稍憩，余不禁心焉嚮往！已而車又行，經獨山，於下午三時許至宜山縣城，寓居城內十字街大觀園旅店。五時餘，瘡疾復發，惟較前數日發寒之時刻已延遲六、七小時。

十月三日，天晴，九時餘，逕至西門外宜山醫院求治。經醫生察視，亦僅需購「金雞納霜丸」四顆，如時服之，果未續發。

十月四日，天陰，爲舊歷中秋節，就店中購得廣東月餅及當地月餅各一只，以應時景。該地風俗，崇尚儉

樸，雖間有奢侈者，然居少數——或係自外方歸來者，婚喪多崇古禮，但聯婚不避同姓，女子出嫁，有不落家之風。在昔年宵及清明，鄉間多有歌墟之集；正月十五及四月初八兩日，縣城多迎神賽會之事；端陽節，沿河市鎮，則有龍舟競賽之舉——以上數者，每次動輒費洋數百元，以至數千元不等，備極熱鬧。今鄉間歌墟猶略；城市迎神賽會之事已少見；至若沿河市鎮龍舟競賽之舉，則不復觀矣。

## 九九 宜山的白龍洞及其他勝蹟

十月五日，天陰，午飯後，往遊白龍洞。出北門，約百餘步，渡龍江。龍江源出貴州之荔波縣，經南丹、河池，流入縣境，至此折而東下，流入柳城縣界。兩岸石筍屹立，湍流迅急。嗣向北山進發，抵山麓，曲折而上，迨至山腰，有寺曰『雲封』，地臨絕壁，僅一徑可通。入其中，憑窗四望，直瞰縣城。下爲削巖，尋之殆遍，不見有洞，疑係誤途，乃下山。遇一鄉人，始知白龍洞尚在東首。余轉往東行，得一磴道，循之而上，瞥見濃陰深處，樓閣顯露，且有斧斤之聲，蓋工匠正從事修葺也。繼而抵寺門，由廟祝迎入，茗罷，廟祝燃燈導余至白龍洞。洞在寺之右側，其口有一石人峙立，天然生成。稍入，洞底向下傾斜，尋級而下，頗爲曲折，俄而抵一處，有一石龍，脊背突出，鱗甲宛然。再進，廟祝指洞頂謂余曰：『彼處有一石鳳，』視之，作迴翔欲下狀。余以強力電筒燭之，則頭、目、嘴、足，栩



栩如生。洞壁石乳，亦結成各種形狀，目不暇給。洞深約里許，窮其底，始出洞外。廟祝復款以茶，稍慰後，給資數角下山。嗣沿山麓西行，復登山之西面，至雪花洞。洞中供有神像，香火猶盛。一僧出見，口操湘語，詢之知爲湘之衡山人，來此已年餘矣。卽導余遊覽。洞在神龕之左側下，頗幽邃，清涼宜人，殆一消暑佳地也。出洞後，沿石磴上至絕頂，頂有寺曰『齊雲』，可俯瞰全城。由寺後稍下，有岔道一，通北極宮，宮在懸巖之上，甚爲巖險，余經臨其旁，以天色將暮，逕返縣城。按宜山著名之勝蹟，尙有下列四處：

1. 南山 在縣城南五里，有洞軒敞如屋，中有石龍，鱗甲宛然，因名「龍隱洞」。洞前有廣化寺，宋真宗曾賜御書十六軸，藏之閣中。洞左有白雲巖，東石鐫余襄公留題墨蹟。

2. 宜山 在縣城北一里，羣山多高大，惟此獨卑小，下臨龍江，宜於登眺；故名。唐名州曰宜州，宋名縣曰宜山，皆以此。

3. 九龍山 在縣西南六里，山有石田，高低井然，洞口一潭，深不可測，旁有九龍洞，又名「丹霞巖」，上有丹題遺跡。

4. 龍泉 又名「重泉」。距城二里許，其水重於諸水。泉上有石橋，舊名「歐公橋」，黃山谷易之曰「

龍濟橋」。

# 100 宜山縣概況

宜山縣地，大部跨柳江西源龍江南、北兩岸，西南一部，跨至紅河支流刁江東北和西南兩岸。東連柳州，西接河池，東北鄰柳城，南界忻城與都安，北界羅城、天河、思恩三縣。全縣面積凡四千五百八十五方公里強。縣城位於龍江南岸，西距河池，東距柳州，各約三百舊里。

考縣境在秦時尚爲蠻地。漢爲定周縣地，屬鬱林郡。自三國至隋，復爲蠻地。唐置龍水縣，爲宜州治。是時縣地除龍水一縣外，並有崖山、東璽二縣屬宜州，洛漕縣屬柳州，羈縻溫泉州、溫泉郡、羈縻思順州、蕃州、述昆州等，並屬桂州都督府，羈縻琳州屬黔州都督府。五代初，屬楚；後屬南漢，廢崖山、東璽二縣。宋先後以洛漕、溫泉、蕃州、述昆、思順、琳州，俱併入龍水；更龍水名曰宜山，爲慶遠府治。元爲慶遠路治。明爲慶遠府治。宏治五年，析宜山縣地置永定長官司及永順正、副長官司。清因之。民國二年，撤府留縣。十七年，廢永定長官司，及永順正、副長官司，以其地回入宜山縣。

縣屬雖係邊地，尙無煙瘴，水土亦不甚劣。四時皆等暮春，中夏時，亦有寒涼如秋，冬者，大約晝方裸赤，夜仍挾纊，朝暮寒燠數更。夏季燠時最高氣溫，可達華氏寒暑表一百零一度，冬季寒時最低氣溫，可達華氏表

三十一度雨量以夏天爲最多，冬天少雨。

全縣住民，除漢族外，尚有少數獠、獞民族雜居其間。據最近調查：「全縣有男一十三萬一千四百五十二丁，有女一十二萬三千二百九十六口；男女合計共二十五萬四千七百四十八人。」城市住民約占一萬五千餘人。

縣屬土地出產：以玉蜀黍、穀米、茶豆、蔗糖、麥子、花生、黑豆等爲大宗，番薯、芝麻、生菸、棉花等次之，高粱、石瓜、冬瓜、蘿蔔、冬豆、蘭豆、慈菰等更次之。玉蜀黍年產約一千二百萬斤，穀米約六百萬斤，茶豆約二百餘萬斤，蔗糖約百餘萬斤，麥子八十萬斤，花生五十萬斤，黑豆三十萬斤。家畜以豬、羊、雞、鴨等爲多，時有銷流外埠者，但爲數無多。縣屬大安與百崖交界地方，有錳礦，距城約五十里。特產以德勝紅蘭酒爲最著；白土菸、紗紙等亦頗有名。

縣屬交通：水路，有龍江自河池流入縣境西北部，曲折東南流，至六合折而東，經懷遠鎮至縣城北，再東出柳城縣以達柳潭，爲縣屬水路交通要道。懷遠以下，每船載重約可二、三萬斤，懷遠以上，僅可載重數千斤。再由懷遠北出至安馬，亦有一小河，可通小民船。陸路，自縣城東南行有柳慶公路經理苗、歐、峒以通柳州，西北行有慶池公路經獨山、懷遠、太平、德勝、三江口以達河池，兩路俱已通車，各長約三百里，在縣屬者，慶池路

約占二百三十里，柳慶路約占九十里。郵政於縣城及懷遠鎮，各設有三等郵局一所，於德勝、東江二處，則各設有郵寄代辦所。鄉村電話，正在積極進行中。

縣屬文化，計至現在，學校教育，除縣城有省立第十一中學一校及縣立初級中學一校外，全縣僅有完全小學七所，高級小學十所，初級小學五十四所而已。社會教育，有縣立民衆教育館、工讀學校各一所，民衆教育館並出有宜山民衆週刊一種。公園，有龍江公園及龍江第二公園各一處。運動場，有民衆運動場一處。娛樂場所，有寄興院娛樂場一家。書業有龍江書局、福泰慶、袁正興、尊經閣、生盛昌等數家，但規模俱不甚大。

## 101 由宜山至柳州

十月七日，天晴晨起，至宜山車站，登柳慶長途汽車，經理苗歐峒，共一百三十里而至忻城縣屬之大塘墟。墟當柳慶公路與柳遷公路之分岔點。由此東行可往柳州，南行可往遷江。沿途多荒地，車屢上下小丘之間。墟內有中伙棧（只供客飯食，不留客住宿者）二家，車中乘客及司機等均舉餐於此。飯後，登車繼行，再經里高、三都、拉堡而至太平墟。下車後即有軍警前來檢驗，令往登記，其盤查之嚴密，一如南寧。詢余「抵埠後寓居何處」，余以初至此地，無以為答，猛憶及在南寧時之故事，轉請伊等介紹，伊等乃為余介紹一新開

之『大同鄉』旅店，店名曰『大同鄉』，不獨名辭新鮮，抑且通俗，而與余所抱『四海皆兄弟』之旨趣，亦相符合，余聞之忻然前往。店內佈置陳設，俱屬新製物品，余覓一幽靜房間，盥洗沐浴，休息頗久。晚飯後，出店外閑遊，橫越街中馬路，而至柳江河畔，對岸即爲柳州縣城。柳江河水自北而來，圍繞柳州城垣西南東三面，而向東北流去，在柳州附近適成一『U』字形。河中船舶，往來如梭。嗣沿河岸馬路東行，稍進，突爲高山所阻，路盡於此，余即折返，而夕陽已西墜矣。

十月八日，早餐後，渡河至柳州，首至郵政局領取存局候領之郵件，并在城內預定一旅店。旋渡河搬遷行李入店。午後，見李縣長蔭唐於縣政府，即出調查表，并叩當地情形，當由李君介紹教育科督學莫家彥君與余談話。莫君即將當地情況告余頗詳，並承贈柳州縣志一部。

## 一〇二 柳州的立魚峯及其他勝蹟

十月十二日，天晴，午前十時，余以便於趁船之故，由城內旅店再遷回對河大同鄉旅店。是日無下駛之船，囿居店中，頗感無聊。午飯後，乃獨遊立魚峯。該峯位於墟之西南，一名石魚山，以山小而高，形如立魚，故名。行里許，即達山麓，樹林茂密，頗爲清雅。林下有售柚、梨、紅柿、香蕉等水菓者，並有崗警一人，守護於此，南有龍

潭，一名南潭，又有呼爲大龍潭者，水清如鏡，可辨鬚眉，雷水出其中。潭岸有釣魚臺，垂釣者頗多。余沿磴道而上，至立魚巖，巖下有三洞，互可通行，洞中又各有小洞，俱各玲瓏奇秀。北洞之外，尙有二洞，形勢頗佳，然爲遊客便溺之所，臭不可入。旋登山頂，磴道曲折，甚爲險巇，膽怯者不敢上。既至其頂，放眼四望，城郭四郊，俱在眼底。該峯原爲柳州第一名勝，但前不見賞於柳侯，後不見列於八景，殊屬遺憾！旋循磴道，緩行下山，兩旁石壁上名人題詠甚多，惟多出宋、元以下，稍憇於麓，卽取道返棧。此外，尙有下列諸勝：

1. 天馬山 俗名馬鞍山，在縣城南，近大江，高出羣山之上。其下有楊文廣洞，俗傳儂志高嘗幽楊文廣於此。

2. 文筆山 在城西二十里，山勢卓立，直上如筆。明龍文光詩有「一笏凌雲漢，青青銳不斜」之句。

3. 鵝山 一名峨山，在城西十餘里，有水自半嶺噴出，流成小河，入於大江，遠望如雙鵝飛舞。唐柳宗元登峨山詩云：「荒山秋日午，獨上意悠悠！如何望鄉處，西北是融州。」宋劉宏道亦有觀鵝山飛瀑詩云：「探奇不畏險，撥霧上高岑，放眼觀飛瀑，枕流聽素琴。」

4. 羅池 本在舊州治，宋末徙州治於龍江，州人復鑿池於廟左，以誌柳侯之德。

5. 東臺山 在城東，其一崖面江，相傳有龍鬚常浮水面，故又名龍鬚崖。

6. 駕鶴山 在城東南聳立如孤鶴臨大江，舊有駕鶴書院，久燬。
7. 龍壁山 在城北三十里，油榨村對岸，石壁似龍形，下臨灘瀨。宋陶弼稱爲『烟霞洞天』。
8. 蟠龍山 在城東旁，有陸道巖，空潤明爽，下隔澄潭。明王啓睿隱此，著有蟠龍岡志。
9. 柳侯祠 在城東，舊名羅池廟，祀唐刺史柳宗元，有昌黎韓愈碑記，明清兩代，俱曾重加修建。
10. 柑子堂 在城西，唐柳宗元於城西隅手植黃柑，作詩刻石，宋陶弼有柑子堂詩云：『子厚才名甲有唐，謫官分得荔支鄉。羅池水盡黃柑死，獨有空碑在畫堂。』今久圯。
11. 唐柳州刺史柳宗元墓 在羅池街後，查柳子厚原厝於古州治，其櫬雖扶歸而封土尙存。宋末，柳人遷廟於龍江，仍封土於祠後，以誌不忘。
12. 唐柳州司戶劉黃墓 在鵝山下五里，有石刻曰劉賢良墓，相傳明成化十三年，參政黃瑄爲之修墓，墓上之枯木爲之復生。

## 一〇三 柳州縣概況

柳州縣地居廣西省之中部，稍偏東北，大部位於柳江之西南岸，一小部分跨至柳江之東北岸，南連來

賓，北接柳城西鄰宜山，西南接忻城與遷江，東北界雒容，東南界象縣，東西距一百七十五里，南北距一百七十里，全縣面積凡二千三百八十三方公里，弱。縣城位於柳江中流之北岸，柳江至此作一丁字形之大曲，環繞縣城西、南、東三面。

考縣境在秦屬桂林郡，漢置潭中縣，屬鬱林郡，晉隸廣州部，宋齊仍屬桂林郡，梁大同中置龍州，隋文帝時始置馬平縣，煬帝時以縣屬始安郡，唐高祖時於縣地置南昆州，旋又分置新平、文安二縣，太宗時俱省入馬平，明皇改爲龍城郡，肅宗時改爲柳州，五代初屬楚，後屬南漢，爲柳州治，宋度宗時移柳州治於柳城，馬平屬焉，元屬柳州路，明爲柳州府治，清因之，民國成立，裁府留縣，二十年地方人士呈准廣西省政府，始改馬平縣爲柳州縣。

縣屬山水清曠，地氣疎豁，無甚瘴癘，然寒少熱多，風氣屢變，故冬月晴和，時覺燥熱，夏日陰雨，亦復清涼，初至之人，多不服水土，如正二月間，春雨驟漲，清晨卽汲江水食之，易致腹疾，日間遇南風則暖，遇北風則寒，或陰晴屢換，則寒暖數易，又日多暖而夜多寒，一歲之中，臥必擁被，雖盛夏亦然，暑夜最忌露坐，熱極切莫當風，秋後時有瘡疾，皆旅行者所宜慎者也，大抵年中以大暑三伏時爲最熱，最高氣溫常達華氏寒暑表九十六度，以大寒節爲最冷——十月下霜，一月止霜，最低氣溫常達華氏寒暑表四十五度，雨量以春夏兩季爲



最多，秋冬兩季很少。

住民除漢族外，尚有獠、獠、獠、獠等族。據最近調查：『全縣有男一十一萬零一百九十四丁，有女一十萬零一千四百七十四口；男女合計共二十一萬一千六百六十八人。』城市住民約占四萬五千八百餘人。

縣屬土地生產，以穀米爲最大宗；煙葉、生油、苞粟、黃豆等爲次大宗。次爲甘藷、芋頭、蔗糖、棉花、菜油、麻油、麥子、綠豆等。再次爲桐油、飯豆、茶油、高粱等。其餘各種菜蔬、瓜果、竹、木及各種藥材等，出產亦不少。計每年出產早穀約四千六百二十餘萬斤，晚稻三千一百二十餘萬斤，糯米一百二十餘萬斤，煙葉一百六十萬斤，生油一百五十萬斤，苞粟一百二十餘萬斤，黃豆一百一十七萬斤，蔗糖五十萬斤，菜油四十七萬斤，麻油三十六萬斤，綠豆十二萬斤，桐油五萬斤，飯豆、茶油、高粱三項，各約二萬斤。菜蔬如白菜、芥菜、油菜、菠菜、薺菜、辣椒等，瓜類如王瓜、菜瓜、冬瓜、南瓜（一名番瓜，又名飯瓜，有大至二十餘斤者）等，果類如龍眼、荔枝、柑、柚、橘、橙、黃皮果、番石榴、桃（有四月、七月二種）、李、林檎、柿子、沙梨、楊桃等。在縣屬俱係盛產。北部新墟一帶，有天然之松木林，東北角雷村一帶沿江，多產竹，其種類有刺竹、籐竹、金竹、甜筍竹等。就中以金竹爲最貴，籐竹次之，刺竹又次之。甜筍竹於冬季發生一種幼筍，質嫩而味甜。此外如縣東柳江南岸水灣村所產之甘蔗，質脆而味香，東北柳江西岸黃灘村所產之柚，形頗大，肉呈紅色而水分多，以及各區所產之大頭菜等，皆爲縣屬之

特產而有名家畜以養鴨者爲最多，雞次之，羊甚少，牛、犬僅敷用，豬則間有售出外埠者。

縣屬地居廣西全省之中心，扼柳江之上游，水、陸、空交通，俱稱便利。水路有柳江，屈曲縈繞境之東北部，輪船、帆船、川流不息，陸路有柳遷、柳榴、柳慶、柳石、柳三各公路，汽車往來，絡繹不絕，空則有航空處購備飛機頗多，時常翱翔於邕、粵、港、澳之間。實廣西水、陸、空交通之要區也。次如郵政、電政等，設備皆稱完全。傳遞消息，亦極便利。柳江自柳城縣蜿蜒而來，流入縣北大塘村，經新墟至縣城南，折往東北流，經油榨塘而至雷村北，折回往西南流，經馬鹿塘而至雞喇，復折往東南流，經里雍墟、白沙汎而至上龍村，再折往南流，經龍浪村南流入象縣。計自大塘村北入境至縣東龍浪村南出境，在長約一百餘里之距離內，竟紆迴至二百九十餘里。輪船、帆船，上經柳城、融縣以達長安，下通潯、梧，以轉粵、港，俱可載重至十餘萬斤。柳遷公路，自縣城南對河墟經拉堡、杜村、六道、三都、里高及忻城縣屬之大塘墟以達遷江，長約三百里。在縣境者約一百三十五里。柳榴公路，自對河墟經馬鹿塘，雒容縣而至榴江縣，長約一百五十五里。在縣境者約三十五里。柳慶公路，自柳遷公路忻城縣屬之大塘墟站分支西北行以達慶遠，其由對河墟至忻城縣屬之大塘墟一段，則與柳遷公路共之。至由大塘墟至慶遠城一段，長約一百三十里，並不在縣屬範圍之內。柳石公路，亦以對河墟爲起點，經羊角山、大塘、獅子巖、方塘、新興、穿山、木山而至象縣屬之石龍墟，長約一百六十里。在縣境者凡一百零五里。

柳三公路，自城北經長塘及柳城，融縣二屬境，以至三江，長約三百四十餘里，在縣境者約三十里。柳遷公路與榴榴公路，原爲廣西三大幹路之一段，引而伸之，南自遷江經賓陽以達邕寧，東自榴江經修仁至荔浦，折而北行，經陽朔以達桂林，全長一千二百一十五里，是卽所謂「邕柳桂幹路」也。郵政於縣城設有二等郵局一所，於穿山、洛滿二墟，各設有郵寄代辦所一所，里雍一墟，則設有郵務信櫃。電政於縣城設有二等電報局一所，其餘如電話、電燈、無線電、播音機、鄉村電話等，均應有盡有。其重要電線，可分爲三路：一由對河墟沿柳石公路至穿山墟，別途南經來賓、遷江、賓陽，以達邕寧；一由縣城東北出，沿柳江西北岸至雒容，縣屬之洛垢墟，再經中渡、永福，以達桂林；一由縣城西北出，經小村及洛滿、流山二墟，以出宜山。

縣屬在秦、漢時，原爲蠻族所據，椎髻文身，言語不通，自唐河東柳子厚來守茲土，不鄙夷其民，動以禮法，建學明倫，而粗野樸陋之風，爲之一變。鈍根既鑿，靈鑰頓開。柳子厚曾作新修文宣王廟碑記，亦有「……學者道堯舜，孔子，如取諸左右，執經書，引仁義，旋辟唯諾，中州之士，時或遜焉……」之語。厥後漢族南來，日衆文化大啓，歷宋、元以迄明清，鴻儒碩士，後先相望。時至今日，教育事業，亦頗發達。學校教育，除廣西省立第四中學及省立第四女子中學外，有縣立初級中學一所，完全小學一十五所，高級小學一所，初級小學一百零二所。社會教育，有縣立民衆教育館一所，業已成立，內部組織，亦稱完備。報社有南寧民國日報、柳州分社，日

出柳州增刊一小張，附於南寧民國日報發行，外有民衆教育館特刊及旬刊公園，有柳侯公園一處，圖書館，除縣立民衆教育館設有圖書館外，有柳江圖書館，其餘三中學，亦各附設有圖書館，以供各該校員、生等之參考。運動場，有縣立公共體育場一處，游泳場三處，外有研究運動之會社二所：一爲體育協進會，一爲國技研究社。娛樂場所，有柳州電影院、柳舞臺、怡怡公司、乾坤園、柳州樂觀京劇社等四家。外有雄雞社爲鬥雄雞之集團，亦友社則爲鬥畫眉之集團。書業，縣屬文化早開，故業書紙者頗多，計慶雲路有利羣商店、益羣書莊、劉福記書局、福和書局、生盛昌書局、余廣昌書局、咸益書局、大有祥書局、興盛書局、元益書局等十家。培新路有覺非印書社和麗泰印務書局兩家。

## 一〇四 柳州的風俗

縣屬風俗向稱儉樸，人民亦多敦厚。平日交際，男子最重信實，見義勇爲，生性梗直，無逢迎諂媚之風。女子最重禮教，非至親絕少交談，如行動偶有差失，各親友卽羞與之爲伍，是以婦女異常檢點，多不肯敗壞門風。惟近年來新潮擁入，風氣已大爲變動，不復如前此之守舊矣。

人民生活概況，可分爲西北、中、東南三大部來說：西北部，衣服多用土布，食則每日兩餐，一飯一粥，或間

食雜糧，住則茅屋。東南部，衣住兩項，與西北部相同，食則稀粥居多，或有專食雜糧以度日者，暈菜除年節外，極少見。中部，田土甚佳，人民生活稍優，城市住屋，多採粵式騎樓，女子服飾，有摩登之風。

婚俗，女至婿家，及門跨馬鞍而入，以紅氈二領，循環貼地而行，謂之「倒氈」。卽日廟見，始行「合巹禮」。次日偕婿至女家，徧謁戚黨，謂之「回門」。尙有四朝、六朝、九朝、十二朝、彌月等日，均男女偕往，此亦積習使然也。至新式婚禮，近來行者亦多。鄉村貧寒之家，多撫育童養媳，蓋男方可以省聘禮，女方則可以省粧奩也。入贅之風，在縣屬鄉間亦有之。大別爲贅婿與贅子兩種。贅婿，普通謂之「館甥」。贅子，有改從女姓者，有兼從兩姓者，亦有不改從女姓者。其不改從女姓者，名分上不以贅婿爲嗣，而以贅婿之子爲嗣，在贅婿之本身，許承繼財產與否，以字約爲定。其改承女姓或兼從兩姓者，皆當然承繼其家之財產。在縣屬之鄉區，於入贅時有兩種區別：如男家受女家財禮，則贅婿專從女姓，若女家受男家財禮，則贅婿兼頂兩姓。

節序，驚蟄日，各家以石灰遍灑屋內，並於大廳內畫弓搭箭之形，相傳能避蟲蟻。寒食節，鄉俗例不重視，清明日則各家門首但插柳枝而已。又由清明至立夏止，此一月內爲祭掃先祖墳墓之期。四月八日，各家煮烏米飯，卽古所謂「青精飯」也。俗傳是日爲「牛魔王誕」，農家每於是日耕田下種。七月七日，婦女刺女紅，設瓜果，祀牛女爲乞巧會。七月十四日，爲中元節，前三日設位迎祖，進饌奠爵如事生禮。十五日，焚冥衣楮

錢，近逝者則舉家號泣送之，遠年則否。十月朔日，祭祖塋，如清明，製紙衣往墓前焚化，謂之『送寒衣』。

獯人性剽悍，椎髻貫耳，富者男女皆以銀作大圈加於頸，男衣短窄，裂布束脛，出入常佩刀，女衣不掩膝，長裙摺疊，綴五色絨於襟袂裙幅間，善涉水，手攝裙幟，視水淺深，以次收展。春間插秧，男女俱在田中，其已嫁而未生子者，則以裙覆其足，雖淹至膝，弗顧也。葺茅作屋而不塗，衝板爲樓，上以栖人，下頓牛畜，謂之『麻欄』。子大娶婦，別欄另爨，娶之日，妻卽還母家，夜與鄰女同作處數年，回時間與夫野合，覺有娠，乃密告其夫作欄，延師巫，結花樓，祀聖母，親族少男少婦數百人，歌飲號叫，劇戲三、四日夜始止，謂之『作星』。常席地而炊，搏飯掬水，盛夏露處，冬則圍爐達旦，無床衾，宴客以肉，盛於木具或竹箕，均人數而分置之，罷則各攜所餘以去，分肉或不均，終身銜之。春秋祭社，陳豬一口，延師巫，咒畢，卽在祭所分割而生啖之。社無定所，偶指片石以爲神，卽相戒不敢犯。又善爲毒矢及蠱毒，好鬪狠，一語不相能，輒挺身而鬪，或傷其一，由此世世爲仇。然傷男子讐只二姓，若傷其婦，則婦之父母、伯叔、兄弟，皆怨家矣。借人助殺，謂之『洗面』。或誤殺人者，以牛畜爲償，或數十頭至百頭，名曰『人頭錢』。人與其婦通，以牛、酒謝罪，謂之『洗妝』。凡此皆舊日獯人之風俗也，迄今風氣日開，什九已與漢人同化矣。

大月亮(兒歌)

大月亮，小月亮，哥哥起來做木匠；嫂嫂起來蒸糯飯。  
公一碗，婆一碗，兩個小姑兩半碗；還有一碗貓偷食，  
打爛婆婆紅花碗。公拿鞭，婆拿鞭，打得嫂嫂喊連天。

——流行象縣——

牛仔牛(兒歌)

牛仔牛，上山吸草不回頭。幾時等得牛仔大，牛仔大了起高樓。高樓高，底下長蓬蒿。蓬門有個嬌嬌女，七歲、八歲動剪刀。不嫁皇帝不嫁官；嫁個秀才心喜歡。打開簞，花籠統，打開箱，換衣裳；打開蚊帳看姑娘。

——流行象縣——

## 第四編 由柳州至鬱林

……………十月十三日至十一月廿三日……………

### 一〇五 屈折縈迴的柳江

十月十三日，天晴。上午十一時，出大同鄉旅舍，至江岸雇小划，轉登開往梧州之火輪。候至六時許，船始啓旋，向東北行經油榨塘至洛垢墟。該墟昔爲柳州、柳城、雒容三縣共管之地（如戶口歸雒容調查，而教育則爲柳州所舉辦），常因事而起爭執。今由省府劃歸雒容轄治，爭執乃息。沿途風景，因在黑夜，不能目睹，余枯坐艙中，未幾竟入睡鄉。

十月十四日，天晴。醒時，天方曉，船正停泊。詢諸同艙乘客，始知昨夜已經馬鹿塘而停泊於此——雞喇。據云：『由柳州至此，水程共六十餘里，若就陸道而行，不過十餘里；蓋柳江自柳州而下，甚爲曲折縈迴也。』余取李縣長所贈柳州地圖查之，則柳江東北流經洛垢墟後，突折向西南方，成此曲折之勢。余嘗思若於柳州與雞喇二地之間，開鑿一運河，則來往船隻，於十餘里之距離內，可減少航程五、六十里。余自旅行以來所



過江河，其縈繞曲折之甚，殆無逾於此者。俄而紅日東昇，船又啓行，歷經黎冲、里雍、龍頭、江口、導江、運江、麻子巖村、牛角等村，墟於下午三時許抵象縣，寓一小客棧中。棧主爲一老婦，體頗健壯，棧內一切，皆爲渠所照料，卽余購買之米、菜，亦渠代爲炊爨也。

十月十五日，天晴，九時許，赴縣政府，見縣長李君品藩，相談甚爲歡洽，李君曾一度往猺山遊歷，告余猺山風土情形頗詳，辭出後至街市參觀，是日適逢墟期，鄉民趁墟者皆絡繹於道。

## 一〇六 象縣概況

象縣地居廣西省的中部，稍偏東；大部據柳江之東岸，東接猺山，北連雒容，南鄰武宣，西北界柳州，西南界來賓，東北界修仁。全縣面積凡一千七百五十四方公里強。縣城位於柳江下游之東岸，西北距柳州市陸路約一百四十舊里；水路約二百餘舊里。

考縣境在漢屬鬱林郡，三國吳屬桂林郡，晉爲潭中縣地，劉宋爲中溜縣地，齊爲中溜、潭中二縣地，俱屬桂林郡。陳時始置象郡（與秦之象郡名同而地異），隋開皇時，因陳象郡改置象州，大業初，改爲象縣。唐武德初，復置象州，轄陽壽、桂林二縣，其後增置武德、西寧二縣，再後又增入建陵、長風二縣，並隸象州；而西寧、武

德二縣廢入陽壽。五代初屬楚。乾和九年改屬南漢。宋升爲防禦州。領武仙、來賓二縣。元置象州路總管。明初始改爲散州。清因之。民國成立改州爲縣。

縣屬氣候略同柳州。惟瘴與瘡則加甚焉。年中以六月爲最熱。最高氣溫約達華氏寒暑表九十六度；以十二月爲最冷——最低氣溫約達華氏寒暑表四十度。雨量以春夏兩季爲最多。冬季極少。

象縣住民可分三種：曰漢族，曰獠族，曰獞族。漢族人數最多——約佔全縣人口百分之九十而強。獠族約佔全縣人口百分之七；住居大山之中。以地分之。有金村獠、長洞獠、滴水獠、六項獠、長茅獠、大欖獠、古滿獠、王桑獠、古陳獠、龍化獠之別。至於獞族，大部已與漢族同化。除從語言方面可以分別操獞語者爲獞人外，其餘風俗習慣均與漢族相同。殊難辨別。據最近調查：『全縣有男六萬一千三百五十一丁，有女五萬四千九百四十九口。男女合計共一十一萬六千三百人。』城區住民，連附近鄉村在內，男女合計共約四千餘人。

縣屬通常所產穀類，以早稻、油粘、紅冬粘爲大宗。嶺禾、粳米、大糯、小糯，則產額不多。統計全年產穀除自給外，尚有餘裕輸往潯、梧兩地銷售者，年約一千五百萬斤。其他如黃豆、綠豆、棉花、薯、芋等類，產額亦不甚多。僅供本地之用。但三數年來，落花生與紅瓜子兩種產額激增。落花生由數萬斤增至百餘萬斤，故生油亦爲縣屬出產大宗；紅瓜子亦由數千斤增至十餘萬斤，勢且有加無已。近今縣屬農民生活得以比較安定者，大

都有賴乎此。此外有紅糖一項，亦係本縣出產大宗；但以種蔗製糖諸法，未能改善，致使價值不高，產額日少，爲可惜也。畜產以牛、豬、雞、鴨爲主要，略有輸出；雖產額無多，而銷售頗旺。其副產品如牛骨，每百斤約值銀三元；牛皮每斤約值三角；年產各約五、六萬斤。鴨毛年約數百斤，但價值無定。

縣屬交通：水路，有柳江北自柳州、雒容二縣邊界曲折而來，縱貫縣境西部，經縣城西門外南入武宣、來賓二縣邊界；除冬期水減外，常有輪船、民船來往。又縣屬東北境，有小河縈繞：一自中平墟順流而下，經羅秀、三里而至運江墟，水程約八、九十里；一由中興墟順流而下，經水晶墟而至運江，水程約七、八十里；皆可通行。載重約二、三千斤之小船，商賈載運貨物，多出此途。陸路，有柳石公路自柳州對河墟，直至縣屬之石龍墟，全長凡一百六十里；在縣屬者，長約五十里。業已通車。郵政，於縣城及石龍、羅秀、中平、三墟，各設有郵寄代辦所一處；寺村、大樂、二墟及龍女一村，則各設有郵務信櫃。長途電話設於城內東門街，已通電話者，有寺村、羅秀、大樂、中平、百丈、石耐等六處；在籌備中者，有馬平、大樟、水晶及通武宣之廟王墟、雒容之運江墟、修仁之桐木墟等六處。

縣屬文化程度，學校教育，有縣立簡易師範學校一所，在城西高邱，原爲縣立初級中學校，一九三三年夏始改辦今校。外有完全小學五所，初級小學一百零二所。社會教育，有圖書館二處：一在城內，一在中平墟。

公共體育場二所，一在縣城東門內，一在中平墟。閱報室七間，分設於城廂及各墟市。

## 107 象縣的特產與勝蹟

象縣特產有下列數種：

1. 冬菰 出獠山中。比之別縣所產色稍遜而香味過之。但產額不多，鮮有輸出。
2. 獠茶 亦出獠山。久而愈佳，煮之色紅，雖經數日飲之，味亦不惡。
3. 一枝箭 生於曠野，葉青，花黃，直幹無枝，能治疔毒及蛇傷。
4. 飛蛇藥 生城東南斗蓬嶺上，枝葉俱細，治飛蛇瘡及叢生小瘡極效。
5. 香草 出香草江岸，能辟瘴祛蠱，年產約一、二千斤，輸出梧州。
6. 香草魚 產於香草江，以江岸皆香草，魚食之肥美，年產約二、三百斤，每斤約值銀四角，焙乾者每斤約值銀一元，但少出售。
7. 猪米 種植易生，有紅、白二種，八月實者曰早粘，九月實者曰晚粘，人久食之則體瘦，俗多以之飼猪。
8. 菘豆 在縣屬有夏、秋兩種：三月種而五月熟者，名夏菘豆，七月種而九月熟者，名秋菘豆。

此外穀屬之香粳、黑米，果屬之黃皮、大棗（出產頗多，略有輸出），竹屬之斑竹（出搖山），藥屬之柴胡、桔梗、天冬、弔蘭、百合、金銀花、兩面針等類，介類之山瑞（每斤約值二元），穿山甲（每斤約值五角），山禽之鷓鴣、錦雉，野獸之香貓、果狸（因獲利甚厚，每有連至梧州發賣者），以及各種蛇類，縣屬俱產之。山羊、水獺，亦常發見，但爲數不多。

象縣勝蹟，以下列數者爲較著：

1. 象山 在縣城西渡江五里許，以山形似象，故名。

2. 象臺山 近柳州界，距城三十里，平地突起，巋然一臺，四望平遠，古之州治也。唐武德時，始遷治陽壽。

今猶相承謂縣爲「象臺」云。

3. 聖塘山 在城東約百里許，石山高峻，人莫能登，相傳：「昔有一藤，蔓垂地上，一猿人攀援而上，」到

頂見有一池，池水清冷可愛，亦有魚、龜、猿猴至多，桃李環之。」「猿人歸語，藤折，自此莫有至者。」云。

4. 五馬山 在城西北隔江三里許，山勢奔騰跳躍，如駿馬脫羶。

5. 文筆峯 在城西南十五里，尖秀如筆，拱向縣治。

6. 威靈王廟 在城內西北隅，祀甘氏叔姪二將軍。

7. 白袍廟 在北門內祀唐流寓薛仁貴將軍。

8. 獨崖寺 在獨鰲山脚。春時士女遊觀，恆數千人。

9. 西江渡口 在西門外。爲縣治水陸要津。水落則高峻數十丈，勢陡難行。諺云：『象州武宣挑水上天。』

即指此。向係土砌，清乾隆時，創爲石馬頭。上下兩座，各高數十丈，達二百四十餘級。

10. 大樟江 在城東南百里。源出獠山，北流經百丈墟，名曰百丈江，經中平墟，名曰中平河——亦曰仁

義江。西北行經羅秀墟，名曰羅秀河。經三里墟至平興村，與中興小河（上游爲香草江）相會，名爲運江西

至運江墟，入於柳江。

11. 溫湯泉 在縣東二十里。洞心石穴水常熱，可以熟物。舊名濮泉，今稱熱水。

## 一〇八 象縣的溺女與招贅風俗

象民什九業農，鮮豪俠而俗無侈靡。飲食大都崇尚節儉。惟城市居民及鄉居富有者，朝夕作飯，並略具肉食。此外小康之家，或朝粥夜飯，或數日一飯，貧者不惟吃粥，且雜以薯芋，終歲勤勞，不獲一飽，殊可憫也。城市宴會，通常每席不過三元，農家則白肉數盤，墊以菜蔬而已。山珍海味，未嘗聞也。二十年前，邑中好酒之風

極盛。雖三家之村，十人所聚，無日不有浩飲洪醉之徒；士紳子弟，羣以能飲相誇。近來此風忽熄，究厥原因，聞前此十年內，死於酒病者頗多，由此相戒勿飲，亦不禁而自禁也。

縣屬溺女之風亦盛，其原因不外重男輕女與經濟壓迫，有以致之。最可異者，關於後者，不盡出之於貧寒之戶，而多出於中等之家。蓋中等之家，生女過多，恐將來長成無法遺嫁，若賣與他人，又傷體面，遂於初生之時，竟忍心將其溺死。此種大背人道之行爲，政府非加以嚴禁不可。縣屬慣例：凡遺產多者，抽十分之一、二，歸其長子或長孫，謂之『長子田』或『長孫田』。其餘長子仍得與其他子均分。縣屬節序風俗，與各處略同。惟元旦之晨，讀書之家，五鼓即起而讀書約三、五遍，復以紅紙作字盡二、三行，謂以元日之勤，示兆於終歲也。此外上已無修禊，七夕罕乞巧，重陽亦少有登高者。

婚嫁甚爲簡易，男家率以豬、羊、酒、果爲禮，女家率以衣、裙、布、帛遺嫁。殷實之家，或以多相誇，但不常見。男家不行親迎，女家必有送親。新婦至門，降輿，婿揖入室，行合巹禮，俗名『交杯』。次日行廟見禮，俗名『拜堂』。三日後，新郎、新婦同往岳家，俗名『回門』。生子則男家報薑酒，女家送衣帽。家境貧困之家，間亦有娶童養媳者，待遇尙少苛虐。至若招贅之俗，因無子嗣而爲女招贅者固多，卽有子有孫，仍將女招贅者，蓋亦不少。甚有夫死而妻妾自行招贅者，亦有子死而其媳均各招贅者。因此家庭宗族之間，常因爭產奪物而聚訟紛

紘。獠民有女之家，必贅一婿。子女多者，則視其家產之多寡以爲衡——極富者子皆娶媳，女皆招贅，極貧者縱有數子，亦皆遣之出贅，而僅留一女在家招婿，蓋常事耳。

喪事多用巫師，不延僧道。殯殮潦草，惟百日之後，始焚衰絰。較之都邑士夫新喪中，卽易衰而以素服。酬應者，則又勝一籌矣。惟婦人之以產難亡者，卽日殯殮，置之郊外。卽至親亦不相視。更有延請巫師，削桃爲杙，釘於棺上，鎮壓亡魂，使不得歸家作祟。其悖情理殊甚，惡而且陋之風俗也——宜痛革之。

## 一〇九 瘧魔又來了

十月十七日，離客棧，由棧主代荷行李送余至江干小艇，候輪下行，鵠待竟日，船未至，是晚卽宿於艇中。余覺體又畏寒，證以過去經驗，知瘧魔再來肆虐矣。當卽託艇主往購「金雞納霜丸」數粒，和水吞服，深幸一夜安眠無事。

十月十八日，晨有輪自上流來，停泊江心，余卽登輪，不久船行道經崖脚村、金雞墟、土闌村而達石龍墟。墟前臨柳江，後依高山，爲柳石公路之終點。水陸交通，頗爲便利。船至此稍停，旋卽南行至紅水河口，口外河水，頓呈兩色，自紅水河注入柳江之水，其色混濁，略帶紅色，河之名爲「紅水」者，以此。嗣經菱角灘、黃花村、



橫村、平春、大龍而至武宣。登岸後，寓城內客棧，棧內兼售酒菜食物，房間雖小，然頗潔淨。

十月十九日，天陰。上午九時，見縣長朱昌奎君於武宣縣政府，與余坐談甚歡。朱君服飾樸素，待人謙謹，且能以誠相見，而無時下官僚習氣。當承贈余以武宣縣地圖一份，并派人導余至民衆教育館，借得武宣縣志一書。旋返寓所，午後一時餘，舊疾復發，冷熱交替，余殊苦之。至四時，始略清醒。

十月二十日，瘧疾纏擾，一如昨日。

十月二十一日下午，余正臥床上，與瘧魔搏鬥之際，棧役入報：「朱縣長來訪。」余以不能起床迎訝，囑代請進。朱君見余病，撫慰良殷，並親出外間延醫診治，往返數次。朱君與余萍水相逢，而懇摯相待如此，誠屬難得。令余萬里作客之病人，中心感佩，莫可言宣。臨行，復告余翌日再來探視，余以病非重大，而縣府公務又繁，婉辭謝之。

十月二十二日，午前，遵醫囑，於病發前一小時許服藥，但未見效，且較往日更劇。當余體溫突高之時，神志不清，煩燥萬分，旋復不省人事，恍見余側環繞多人，迨稍清醒，始悉旅館中人，因余病劇時，常發囁語，羣趨圍觀，蓋彼等固亦好事者。近日來，余幾顆粒未進，略飲清水，蓋余不思食，僅覺口渴耳。

十月二十三日，上午九時許，余臥床側，觀縣志（數日來上午人略清醒，均如此消遣）。朱縣長復至，見

余後，卽聲言昨因下鄉，不克前來，余聆之更滋感愧，並告之曰：『此間無處可售西藥，而余病又非中醫所能療治，思往桂平前進，彼處或有西醫可請，如尊處探知輪船消息（因縣政府有長途電話可通石龍），請卽飭人通知。』朱君唯唯頷首以應。

## 一一〇 武宣縣概況

武宣地跨柳江下游東北和西南兩岸，東負嶺山，西接來賓，北連象縣，東南鄰桂平，西南界貴縣，東西距一百一十五舊里，南北距一百八十舊里，全縣面積凡一千六百九十一方公里弱，潯柳江下流之東岸，位於北緯二十三度三十八分五十秒，西經（北平子午線）六度三十七分二十二秒，北距象縣城約一百五十舊里，南距桂平城約一百七十舊里。（水路約一百九十舊里。）

考縣境在秦爲桂林郡地，兩漢爲中溜縣地，屬鬱林郡，三國吳分中溜縣地置桂林縣，時謂之『小桂』。晉陶侃執劉沈於小桂，卽今武宣地也。南北朝屬晉興郡，隋大業初，改屬始安郡，唐高祖武德四年，分置武仙縣，高宗時，省桂林縣入焉，屬象州。五代初，屬楚，後屬南漢，俱隸於象州。元屬象州路，明成祖宣德六年，始改武仙爲武宣，屬柳州府象州。清雍正三年，改屬賓州；八年，改屬潯州府。民國初，屬蒼梧道。十七年，道廢，直隸廣西。

## 省政府

縣屬地勢較淨屬各縣爲高；故氣候亦較淨屬各縣爲稍涼，然亦熱多寒少；故四時常花。每春季忽起大風，拔木飛瓦，朝作則暮止，暮作則朝止。如發於秋冬，則尤甚焉。隆冬間有微雪，或三兩年一見，或數年一見。繞城山水逼近，每至積雪，霧氣鬱蒸，又或山色微濛，天氣凝瘴，俗謂之「濛沙」。凡遇濛沙，四民必慎起居；六畜多病。夏春雨淫，漸覺風淒，秋後多瘧疾；若遇回南（俗以秋冬氣暖，謂之「回南」；暖而復冷，謂之「翻風」）多有滯雨；必北風高起，然後晴霽。大暑時，最高氣溫能達華氏寒暑表一百零二度——一九三二年夏，升至一百零四度。大寒時，最低氣溫常在華氏寒暑表四十度。雨量以二、三、四、五等月爲最多；九、十、十一等月極少。又境內有赤蟻飛觸人面，或羣撲燈火，則爲大水之兆。

縣屬住民，概爲漢族。原有之苗、獠、峒族，今已盡入獠山；獠族則早已與漢族同化矣。漢族中姓氏之大者，首推覃、韋、黃、陳四姓，人口俱在一萬以上。據最近調查：「全縣有男六萬七千二百四十六丁，有女六萬一千六百零八口；男女合計共一十二萬八千八百五十四人。」城區住民占六千三百七十五人。

縣屬農產物，以稻類中之油粘、七粘、大冬、六十穀等爲大宗。花生、苞粟、青豆、麥子等次之。再次爲紅瓜子、菸葉、芝麻、藍靛等。更次爲番薯、芋頭、小米、糝子、芸豆、黃豆、百合粉、茶葉、瓜果、蔬菜、桔梗、柴胡、天冬、黃精等。穀米

年產約二千萬斤之譜。花生約二百萬斤。玉米（即苞粟）青豆、麥子各約七、八十萬斤。瓜子、芝麻、煙葉各約二十萬斤左右。百合粉、黃精、桔梗、柴胡等項，俱產於縣東北廟王墟附近一帶。茶葉有紫荊茶、東鄉茶、廟王茶、古扒茶、猴茶、苦茶等六種。家畜以雞、豬為最多；牛、馬次之；鴨、鵝、羊等再次之。各種牲口，運至梧、穗、港等處銷售。此外畜魚、畜蜂者，亦頗盛行。塘魚、河魚，年產共約二十萬斤。礦產，縣屬三里區之橫嶺、白米嶺、砂安嶺、發財嶺、靈湖背、老虎山、田心村背、大半嶺、大甕山、大穴嶺、烏石嶺等處，俱產錳；礦質尚佳，礦苗亦旺，運輸亦便。三里墟北三十里之六保山，有錫礦；距北江僅四十餘里。大林之九巖，廟王之官橋對嶺，東鄉之架馬，半田後嶺之大平洞數處，亦均有錫礦發現；惟礦質似非極佳，交通亦不甚便，故尚無人投資開辦。勒馬附近之山有錫礦。地近大河，運輸甚便；但尚無公司開採。石灰石隨處皆有，素為私人所開採，並無公私組織。

武宣縣產物出口約數表

| 物名 | 出口數量       | 價值約數     |
|----|------------|----------|
| 穀類 | 二,五〇〇,〇〇〇斤 | 一〇〇,〇〇〇元 |
| 生油 | 一〇〇,〇〇〇斤   | 二六,〇〇〇元  |
| 青豆 | 四〇〇,〇〇〇斤   | 二〇,〇〇〇元  |

|    |          |          |
|----|----------|----------|
| 瓜子 | 五〇，〇〇〇斤  | 一〇，〇〇〇元  |
| 麥子 | 一五〇，〇〇〇斤 | 六，〇〇〇元   |
| 麻油 | 二〇，〇〇〇斤  | 四，四〇〇元   |
| 菸葉 | 五〇，〇〇〇斤  | 四，〇〇〇元   |
| 生豬 | 五，〇〇〇頭   | 一五〇，〇〇〇元 |
| 生牛 | 五〇〇頭     | 二五，〇〇〇元  |
| 桔梗 | 一〇，〇〇〇斤  | 一〇，〇〇〇元  |
| 天冬 | 五，〇〇〇斤   | 八〇〇元     |
| 柴胡 | 一〇，〇〇〇斤  | 五〇〇元     |

縣屬西臨大江，上通柳州，下通潯、梧，爲柳、梧水路交通之要道。夏期水量約十尺，冬期水量約六尺，航行汽船約十餘艘，帆船約百餘艘。現時再由上游三江口以通來賓縣屬之大灣墟，有新來賓拖渡往來於桂平縣屬之大湟江與大灣墟之間；三日往返一次。陸路自城東經二塘、黃茆，至石龍對河之梁村，有武石公路。長

九十舊里，幅寬二丈四尺，現有大小車各一通行，約一點半鐘可達石龍埠，行旅稱便。惜縣城以下，公路未開，乘客尙少，故虧折者多。若能開通武湟幹路及武、貴、山、東、石、龍等路，以達覃塘車站，則外來者衆，此路自繁盛矣。郵政於縣城設有三等郵局一所；二塘、三里、東鄉、桐嶺等四墟，各設有郵寄代辦所一所；勒馬、黃茆、通挽等三墟，各設有郵務信櫃一隻。長途電話有武宣電話通訊處（設於東門城樓）及武宣縣地方電話管理局（設於西門樓）。地方電話管理局專理全縣鄉村電話：北通二塘、樟村、黃茆、金雞、廟王等處；東通三里、東鄉、勒馬、臺村、經堂村等處。

縣屬文化，全縣學校教育有縣立初級中學校一所，設在縣城南門外；縣立女子小學校一所，設在縣城東街；區立完全小學五所；區立高級小學四所；區立初級小學四十二所；私立完全小學二所；私立初小二所。此外尙未立案者，有區立初小三十九所，區立代用初小十七所，私立初小十三所。總計公、私立及已立案、未立案之完全小學共八所，高級小學四所，初級小學共一百零三所。社會教育，有民衆教育館一所，以舊文廟爲館址；設置尙稱完備。圖書館一所，在縣城東街；公共體育場一處，在東門外老羊嶺；各項球場均備。公園一處，在東門外就舊武廟遺址及觀音堂餘地開闢；內有演講廳、向榮閣各一座。閱報室有二：一在縣城東門公園之向榮閣；一在二塘墟商會。書業有振興、仁昌二家，俱設於縣城內。

一一一 武宣的勝蹟

1. 雙髻山 在縣東七十里。羣山疊簇中，一峯峻起，分劈雙尖，青如卷髮，名曰『雙髻』。宋進士謝洪、謝澤讀書於此。邑人以是山爲科甲之兆。

2. 三臺山 在縣南隔河。尖峯連屬，疊翠凌空，列若三臺。

3. 靈湖 在城東二十里。靈湖村。伏泉湧出，莫測其源。廣十餘畝，清澈澄空。湖岸有古松三株，爲數百年前物，松濤時聞。

4. 古蹟灘 在城南約二里許。夾岸蛋石鱗集，疊浪縈洄，清澈奮發，有鏗鏘噌吰之音，與波濤相上下。相傳『昔有飛鐘常鬥蛟龍於此，今猶恍惚時聞有鐘聲焉。』其右岸石壁上刻有『永通峽』三大字，各大五方尺有奇。

5. 石羊山 在由縣城沿江而上約六十里。南岸峭壁上有石如羊，俯臨大江。上有草書六行，模糊莫辨，未知摩崖紀績，竟出何人。勒石題詩，鑿於何代也。

6. 仙巖 在縣南五十里。旺田村背。岩內有石如山人企立，石液凝集，玉雪晶瑩，有泉飛濺成珠，清雅宜。

人相傳『明建文遜帝微行南下，雲遊到此，石上刻有「長眞子葆眞子遊此」等字。』

7. 八音山 在縣西北八十里，下有深潭，風雨驟至，風激石竅，輒恍聞有絲竹之聲。

8. 高立山 一作獨秀出，又名天柱屏，在縣北郊平阡，一峯獨秀，爲縣治主山，上有土主廟及催官樓。

9. 八仙塘 在馬步團官祿之八仙山顛，以四面環峙八小峯，若八仙然，故名。水味甘美，澄清無塵，而深淵莫測，雨不漲，旱不涸，若用水喉引水下山，可利農田。

10. 仙人山 在縣西四十里，相傳『唐賈山人鵬居此修煉仙去，今有仙人石遺跡，石上有形如人狀，有唐柳宗元、浩初上人等題詩於上。』

11. 文筆山 在縣南隔河，銳峯上聳，秀冠羣山。

12. 龍殿巖 俗名「打鐵巖」，在西鄉架田村東五里，岩門石乳如懸魚，始進巖口，有兩石柱排峙，柱上結有花草、雲龍等形，入數十步，有水坑，清涼可顧，高登數十步，有階級，石紋如雲，再登數十步，石座如金鑿殿，點綴若金沙，可容數百人，殿之傍有石如風箱形，俗之名爲「打鐵岩」者，以此。金殿左右有石子若荔枝果，光色若金，回望下面巖口，見一線天光，與仙田毘連。

13. 金龍山 在東鄉東北，距城七十里，山勢雄偉，與雙髻山相輝映，上有古廟，建自宋朝，後人相沿修葺。



蒼松數株，幹龍鱗而枝鳳爪，大都數百年前古物。

14. 觀音巖 在東鄉西北，距城七十里。巖洞清幽，中成一龕，左右石乳石，或如筍，或如屏障，兩傍有石磬，擊之作金石聲。龕中石乳結成人形，前列香爐，儼如觀音坐蓮狀。鄉人崇祀之，因以名焉。

15. 白花山 在武籟下里人和村背。山勢排雲，高越羣山。巖之北有小洞，門上鐫四字，人所難辨。又有二小孔，噓風息息不斷。山巔之西有天然石橋，長丈許，橋旁產山茶，味清香，不亞於潯州西山茶。

19. 靈傑巖 在石座村之西。山畔開一巖洞，宏敞可容數百人。巖內特豎有劉先烈清泉先生紀念碑，山麓清流環繞，山川雅秀，洞宇光明。

17. 龍灣山 在地有村背。崖畔石壁有『一人公』三字，各大丈許。字跡係天然石紋，恍若神工鬼斧，亦奇觀也。

18. 三潮山 在地有村之北三四里。高峯聳秀，冠於羣山。山畔有窟，每日山腹有聲，水自窟中湧出如泉，流下數丈，滲入地中而涸。每日如是者三，故名『三潮水』。人多異之，其實乃一間歇泉也。

19. 神童山 又名三臺山。在廟王墟之東——距縣城約九十里。山峯疊起如錦屏，列成三臺，山水韶秀。為該區山脈之起源。宋粟神童大用之祖墓在焉。

20. 金雞山 在金雞墟側，受大江環抱，形勢優美。山畔有巖洞，可容數千人。石壁上書有『仙巖』二字，極古。

21. 韓雍碑 在大藤峽紅石左岸。明成化元年，韓雍征大藤峽，事平後，勒石紀功。碑在石壁上，甚高，水漲及碑下，方可見全文云。

22. 武仙古城 在縣東下游二十里，今名舊縣塘。武仙縣係唐武德四年析桂林縣地而置，至明永樂時始改名武宣。宣德六年，始遷今治。

## 一一二 通挽區婦女的織染業

縣屬風俗樸厚，刻苦耐勞，民性尚武，好勇鬪狠，且多重實際，而不務外觀，富無巨資，貧樂安閒。土語多撞音，官話頗正確。士人敦禮節，崇儉約，服飾少錦綺，飲食簡質——用米造飯，粳米爲上，粘米次之。小康之家，飯用精米；赤貧之戶，則參以番薯、芋頭、包粟、角麥之屬。菜僅蔬、菘，調以油鹽。富者乃有魚、肉、豆腐等類。飲器用瓦缶。住屋多用土築，用熟磚者很少，亦多喜隔以板壁，少雕鏤。地輿志云：『民不居地，架板爲樓，下屯牛、馬，』乃謂獠與山子也。今獠與山子已徙居深山，而獠語家，多係明末清初自他省遷來之漢人，與獠人雜居通婚，彼

此相處日久，逐漸同化，非盡昔時之士人也。咸同時，以縣境密邇金田，直受太平軍影響，激動革命思潮，一時慷慨從軍者，以數千計。自是以還，任俠風行，勇於同仇，所組軍隊，到處勇敢驚人。且宗族觀念甚深，每因山場地界不明，發生械鬪，犧牲性命，在所不惜。現經朱縣長嚴令禁止，愷切曉諭，此風已漸殺矣。通挽區婦女，無論貧富，皆善織染。富者除釘鞋、刺繡外，亦競以善織、染相尙。鄉婦中如有不知織布或染布者，必受同伴之譏笑。和妯娌之奚落。舊式小織布機，迄今鄉間猶極盛行，貧者最少每六、七家必共有一架，富者則每家多至五、六架。織成後，復染成黑、藍色。除因急需而出售外，平時多善爲收藏之——富家婦女積存布疋，常至數千條之多，女兒出嫁，亦以布疋之多者爲榮。故其妝奩中亦往往有布數百條至一千條者。通挽區農家婦女，除參加農業勞動和織布、染布之外，還有兩種附帶工作，一是割草，一是飼養家畜。割草時無論老、少、女兒、新婦，一齊參加，每天成羣結隊，齊向嶺上出發，不成擔不歸。距離貴縣屬山東石龍墟約二十五里之草村，全村村民，尤多以割草爲專業。家畜，在該區亦極普遍，中農人家，大都有一隻至三、四隻耕畜，家畜之中，尤以養豬爲最盛行，上至大地主，下至無產貧農，幾於無家不養。而婦女們對於豬的愛護，有時比自己的生命尤爲貴重。

全屬節序：二月二日用豬、酒、黃飯祭社。三月三日爲「寒食節」。四月八日爲「浴佛節」。取楓葉插門，搗楓葉汁漬米，炊烏飯。重陽少登高，取槐花或黃飯花漬米，炊黃飯。冬至作臘脯，晒冬粉，炒米。除夕飯兼次日

之炊，謂之「保壽飯」。縣屬有三種賽會：一曰鬥雞，一曰鬥蟋蟀，一曰鬥畫眉鳥，羣相博彩。

婚俗：於議婚定後即正式定婚。由男家約期請媒人帶定婚禮物——如禮帖、禮單、豬、羊、雞、鴨、檳榔、酒、茶、鹽、果品、饅餅、衣料、首飾之類——送於女家。其較爲粗大者，或擡以扛，或挑以籠，或盛以禮盒、擡箱。女家收受禮物後，亦以禮物、禮單、冠、履、衣料、扇、紙、筆、墨之類回答之。其空盒則酌置嘉藕、嘉禾、柏葉、香葱各少許。以上係指殷實之家而言。若尋常之家，則較爲簡略——或僅用酒、肉各數斤，或檳榔、色餅各少許，或封白銀一、二十毫而已。次爲「送禮」，即古「納幣」之意也。男家請媒人帶送禮物於女家。其禮物與定婚時略同。惟加送聘金自二、三十元至百餘元不等。女家回答禮物，亦與納采時略同。結婚時，罕親迎，僅用奠雁。禮帖並請知禮者一人，隨媒帶送禮物於女家。其禮物與納采略同，但不再送聘金，而注重在牲、醴。是日黎明，雙方主婚人各行醮禮，男方則行醮男禮，女方則行醮女禮。行醮禮時，各備香、燭、牲、醴、果、餅以祭祖，男方則加笄於女，並各致訓詞吉語，向利方設宴於堂。男女各有僮伴二人。宴後男發轎，女登轎。惟女當受餞別時，哭甚哀。近年女學漸興，此風亦漸息，結婚禮儀亦多改用新式矣。縣屬無蓄婢之風，惟貧家有因生活困難，常將小女托人介紹與人爲僱或義女，雙方合意，給領僱值數十元，及笄，仍雙方同意，擇配發嫁如禮，並無虐待之陋習。

喪俗，大斂後，停柩在堂。子婦伴宿柩旁，分列男左女右，寢草苫，枕土堆。三月後，方可復寢。近來葬期不限三月，一星期內而葬者亦有之。葬後婦女復寢，男子則仍宿堂中守孝。滿三月方復寢。停柩在堂時，朝夕設奠，奉盥具，獻茶點，如事生然。臨弔親友，用白帽，最親密者，加以白帶纏腰，以表哀悃。採用新儀式，則於左袖纏黑紗，或綴紙花於左襟。葬後有「三虞」，初獻長子主之，再獻諸弟主之，三獻長孫主之。初虞無定日，再虞用柔日，三虞用剛日（俗以甲、丙、戊、庚、壬等日爲剛日，乙、丁、己、辛、癸等日爲柔日）。日期遲早，近來不拘，由各人自便。三虞之後，如遇剛日，卽設祭，名曰「卒哭」。然後薙髮，親喪歷十三個月（不計閏）爲「小祥」。歷二十五個月爲「大祥」。是日必祭，歷二十七個月，是日設祭，爲「禫祭」。然後除服，乃服吉服。

### 一一三 無緣一見斷藤峽

十月二十五日，爲余生平最慘痛之第五週年紀念日！回首當年，徒增惻怛。九時，強步至武宣縣政府，一面探聽船期；一面向朱縣長辭行。朱縣長告余「船期尙無消息，至則遣人通知」。云云。臨別，復承贈以本人玉照及三江塔風景照片各一幀。返棧後，余卽整理行裝，以候消息。十一時，忽聞汽笛聲起，知輪已至，急往登輪。輪後曳二拖駁，所有客貨，多載其中。內多米糧、花生等物，乃係運往梧州及廣東各地銷售者。余覓得一隙

地與其他客並排，嘗聞武宣桂平間有著名勝蹟，名爲斷藤峽者，頗欲一餐景色，而致仰慕。故余自船開行後，不時出艙眺望，乃至下午一時許，宿疾又發，體甚畏寒，初則縮瑟於大艙中，旋覺艙內陰涼太甚，復強臥於甲板之上，藉晒日光，乘客往來，睹余斯狀，咸莫明所以。俄而體溫增加，頭目眩暈，又感日光炙熱可懼，回艙昏迷入睡。三時餘，迨余清醒，而鼎鼎大名之斷藤峽，已於夢中逝去，致令余不得一見，良可惜也。查斷藤峽原名大藤峽，在弩灘之上，紅石磯之下；距桂平縣城西北約五十里。其地四山環繞，綿亙數百里；北通羅淥三洞及紫荊、羅運等三十六巢巖洞，以百計，而九層樓、仙人關、三妹洞尤險。沙灣兩岸間，江水激駛，向有藤大如斗，橫過江上，勢若徒杠，猿人恃以爲渡而行，刼徑通龍山八寨。明成化間，襄毅伯韓雍斬之，服其黨，因改名爲「斷藤峽」。正德間，御史陳金，更名永通峽。嘉靖間，諸猿又據險爲亂，流刼潯、梧，文成公王守仁合師征之，其後峽賊侯勝海等又滋事，督臣蔡經討平之。凡三興大役，然後底定。旅行先進徐霞客先生曾遊此，作有大藤峽遊記。

五時抵桂平北江岸，登岸步行可二里，至南江岸河邊街，寓居桂平旅館。

十月二十六日，天晴，向旅館夥計詢問當地著名醫生，夥計帶余至縣商會某醫生處求診，但服藥後仍未見效。遵醫囑於翌日再往復診，亦無起色，如是者復二日。

十月二十八日，九時，赴縣政府，當蒙介紹至廣西民團梧州區指揮部軍醫處診治。該處有西醫數位，爲

余打針，並約翌日七時早至，余即辭出，乃未出指揮部之大門而瘡疾又作矣！余勉強振作而行，沿途戰戰兢兢，瑟瑟縮縮，行人均側目而睇；迨抵旅舍，倒臥床中即人事不醒。

## 一一四 到獠山去

二十九日，天晴，病初愈，強至桂平縣立民衆教育館，與盧館長商量遊歷獠山事，蓋雖在新病之餘，此心固猶未盡泯也。據盧君云，此來甚好，獠山駙馬黃雲煥君與王子李成輝君，俱來桂平，寓居桂平旅館之鄰，君果欲遊獠山者，不妨前往一見，一切可不成問題，但君在病體初愈之後，遽爾跋山涉水，恐有不利耳。余聞之，欣喜欲狂，當即辭別盧館長，飛足晉謁黃李二君，具道來意，承黃李二君優禮相待，並決定先遊獠人正在開墾之十八山，再遊獠山。

三十一日，天晴，下午二時，與黃李二君及其護兵等一行共六人同離桂平城，渡北江（即黔江）步行二十五里，宿於南淶墟團局。

十一月一日，上午天陰，八時餘，王子李成輝君因事復返桂平城，余等則由南淶墟東北行，向十八山進發，步行約里許，渡南淶江，南淶江爲介於黔、潯二江間之小河，上接黔江，下入潯江，亦可通行小船，水色碧綠，

與黔、潯二江之呈混濁色者，截然不同。若非河床斜度甚低，水流極慢，幾將誤爲湖南醴陵之淶江也。昔人名此爲南淶江，其或別於醴陵之淶江歟？

渡南淶江後，步行約十里，至上柳村。又十里，至安衆村。計由桂平城至此，已四十五里矣。一路皆係坦途，但自安衆村以後，乃曲折入山。當初入時，猶係盤紆小道，斜度亦不甚高。迨行三四里後，乃漸高而漸陡，陟至半山，回頭俯視安衆諸村，歷歷如在足前。放眼遠矚，潯江如練，閃閃有光。衆人憩息片刻，繼續前進。少頃，折入一山峽，自此峯迴路轉，茅草夾道，行雲相逐，毛雨霏霏。黃駙馬乃以王子所留之布傘遞於余，蓋是時在廣西原爲乾季，余此行並未會計及雨事也。行二里許，抵一峽口，至此須下山坡。余以病後力乏，加以山路陡峻，恐居人先，阻人前進，又恐他人在後，滑足累我，乃讓諸人先行。

數君皆健於山行者，轉瞬卽逝，蓋林深菁密，前去已爲草木所遮掩也。余當斯時，處斯地，前不見去人，後不見來者，踽踽涼涼，獨行山路間，頗有獨步荒漠，飄流異地之感。而草叢積水，枝頭垂滴，經人撞動，與隨風之飄雨，競濕吾身，又恍若吾身具有吸力然，亦病後之餘厄也。

當在峽口時，遙望下處，至多不過三里耳，然行行重行行，屢望而目的地未達，厥後愈走愈奇，探首四顧，但見叢草茂林之中，薜蘿繚繞之下，略具小徑。吾人道經其間，恍若別有天地，自視此身，直不啻一兔、麕、竄跡。



於荆棘叢中也。

最後抵一處，路分三歧，正躊躇間，忽聞右邊深林中有斫木聲，乃折向右行，見有杉皮蓋屋一座，知已達目的地。逕入室內，時黃君等已先到，自峽口至此，以余揣之，當在八里以上，而黃君等則云僅五里許，或因余在新病之後，乃覺其路之遠歟？是地名曰澁田，所憩之屋，即獠民墾殖辦事處也。

抵辦事處時，衣履盡濕，乃全易之，並蹙伏被內以求一暖。天將暮，獠王、李榮保、自、獠山來，當由黃君爲之介紹，各盡寒暄，李君操官話，流利純熟，且最近已剪去髮辮，改服漢服，若非黃君介紹，並不知此君乃堂堂一獠王也。李君與余略談片刻，即用晚膳，菜肴中有搗雞虎一味，云係附近土產，且富有滋補力，衆以余久病新愈，且係初嘗，皆勸余多食之。余雖喜得嘗一異味，但恐性質不和，反於病體有礙，故亦未敢多食。席罷，與李、黃二君及辦事處周君等坐談，有頃，黃君以余病後過於勞頓，勸余早睡。是夜人多牀少，經黃君分配，余與獠王、李君同榻。在余當時並不覺得如何希罕，然在事後回想，及與朋輩談及，皆覺萬里獨行，晉訪山族，未入獠境，即得與獠王共寢食，此種機緣，亦甚屬難得也。

二日晨七時，用飯，飯畢，與獠王、李君、駙馬、黃君及辦事處周君等，一同離澁田而向獠山進發。是日天仍不時下雨，行約里許，復登山，獠王、李君爲余津津道洪、楊故事，遙指對面山下之小峯謂：「彼即楊秀清祖墳。」

所在之地，墳前有石如劍，風水極佳……』於此可知獠人迷信風水之說，實與吾漢人同也。又指現在正在建築碣樓之地：『原爲洪秀全教書之所，洪爲清軍進迫時，又曾一度避入此間』云云。余等在山上且談且走，左迴右轉，一上一下，凡十五里，至小江村，略憩焉。又六里，至沙田，二里，至三江墟，憩於廣義昌號。黃君因購貨及其他雜務，耽擱較久，事畢，繼續前進。清流一脈，自獠山曲折而出，惟每逢一渡，卽須涉水而過，蓋不堪行舟而又無橋梁故也。行十二里，抵大坪，至一劉姓民家，留食午飯，殺雞置酒，招待頗殷，察其態度，必因尊敬李黃二君而設無疑。

飯後，行二里，至盤墩，又十里，至深水村。計自三江墟至此，原程二十餘里，涉水凡十二度，其實皆一流也。再前進三四里，折向左邊登山，乃入獠境。山勢頗陡，挖有磴道，吾人前進，如登梯然。雖間有曲折，然拐一彎，轉一角後，而梯形磴道，又復呈現於目前矣。如此行六七里，乃至橫冲村，抵李君第時，已近黃昏矣。總計由桂平城經十八山至此，共約一百二十餘里。

## 一一五 獠山風光

既抵李君第，由李君介紹與其夫人及其女慕仙公主等相見。李夫人及慕仙公主，俱服獠服，飾獠飾，略

通官話，但不及李君所說之流利純熟，甚。是日晚餐，肴饌中復有異味一盃，詞之，乃箭猪肉也。

飯後閒談，李、黃二君齊云：『北鄰某家，此兩日正在接盤古王，此種機會難得——外人來此，鮮有得見之者，君等盍往一觀？』余與周君聞之，皆大喜，即與黃君手攜電筒，在黑漆漆地之夜，與泥滑滑的道途之中，聯袂同往。山上多泉源，獠人利用之以作飲料，故沿途頗多接水竹管，橫陳直列，依勢引導，頗爲別致。

既抵某君家，賓客頗多，黃君爲之一一介紹，各道姓氏，大抵多用官話，亦有操粵語者。而獠人執禮，較吾漢人尤恭——奉茶敬煙，紛至沓來，語云『禮失求諸野』，其此之謂乎？

既坐定，獠民者老紛紛問訊，或詢以旅行經過，或詢以旅行目的，甚至有以現在中國大勢及中日戰事相詢問者，其關心國事有如此，誰謂獠民無知識耶。

旋，客稍退，瞥見來賓中有正在聚餐者，凡四席，碗、盞、筷、匙畢具，而左手執碗，右手執筷，皆與漢人無異。回憶數月前有作廣西獠山遊記者云：『獠人食物，皆用手抓。』甚矣，人之好作怪誕，有如是者！然侮辱獠族，亦未免太甚矣。

屋之中堂，遍懸道教中普通所用之畫像，然究竟何者爲盤古王，却無從辨出。詢之獠族耆老，亦惟笑而不言，豈尙有不便告訴外人之原因在耶？

少頃，有持鈴者三人——其服裝與普通獠人無異，右手持鈴，左手則橫執一小笏，作婆婆舞，一面唱歌，一面跳躍，每行數步，則膝一屈，身一轉，三人互相更易其位置，頗似小學遊戲體操中之「蝴蝶穿花」。如此循環多次，動作整齊，姿態飄逸，頗有可觀。據獠族耆老云：「惜尙遲來一日，假若早一日到，其情形尤爲熱鬧。」云云。余等參觀約半小時，卽辭別諸獠族耆老而回。至獠王李君家，縱談片刻，與周君同寢於廂房之二樓。三日早七時，從窗戶外望，遙見山下及山凹處，滿佈白雲，凝而不散，有「夏水欲滿君山青」之概，爲之神注者數分鐘，始下樓洗面。時黃君手持檳榔心半顆遞於余手，並謂：「昨晚余等所參觀接盤古王家之某君，剛纔曾來此請余等吃酒，因獠族風俗，凡有去參觀接盤古王者，卽須請酒以示歡迎。此半顆檳榔心，卽代表請酒之意，有如吾漢人之用請帖也。」余與周君俱係門外漢，因同請教於黃君，問當作何表示？黃君答云：「可略具「祝儀」以表敬意，足矣。」因如語行之，一如漢人之賀婚、壽者然。

既抵某君家，見頭戴道帽，身着繡花紅袍之巫師一人，立於屋之正中，口中唸唸有詞，又善歌者二人，手捧送盤古王歌本，依次歌唱，音韻淒絕，如泣如訴，如怨如慕，令人聞之，頓生悲感。其亦不忍別離神聖之意乎？巫師之後，有男童三人，年各十歲上下，並立於左，女孩三人，年亦如之，並立於右。巫師進，則六童俱進，巫師退，則六童俱退，巫師鞠躬，則六童亦同時鞠躬。據黃君云：「此三男童係代表盤古王三子，而三女孩乃代表其

『三女也。』

坐觀片刻，主人請余等入席，席中所陳，皆係豬肉，了無他味，酒數巡，始盛飯，其間禮節，實與漢人無甚差異。

飯後，與黃、周二君，辭別主人，同作山坡之遊。獠山道路，大多作磴形，曲折有趣。沿途山禾（卽旱稻）番薯之屬頗多，然皆種於極陡峻之山坡上。此種陡峻之山坡，在吾漢人視之，實無立足之餘地，而獠族耕種其間，乃視爲樂土，其勤苦耐勞之精神，不禁令人起敬。其餘竹、木、雜材之屬，亦多蔚然成林。余等山行約四五里，遊興正濃，但以天雨太大，廢然而返，其實尙未能鑿余儕所欲也。

回抵獠王第，乃與李黃二君詳談獠山風土概況，並參以余目睹之情形，作獠山概況。

## 一一六 獠山概況

兩粵獠山頗多，凡獠族聚居之地，多稱之爲「獠山」，就中尤以介於廣西桂平、武宣、象縣、修仁、蒙山、平南等六縣之間者爲最著名，蓋以所佔面積較廣，族類較繁故也。此篇所較，卽專指此，其他請參看各縣之住民與風俗二項，茲不贅述。

獠山，層巒疊嶂，樹木蔭翳，羊腸鳥道，崎嶇難行。在昔獠、漢兩族，頗多隔閡，茲山所住，尙稱爲「生獠」。自去年冬，獠王李榮保君親蒞南寧，會晤廣西軍政領袖，決定漢、獠合作後，兩族隔閡，始逐漸破除。自是入獠山遊歷者亦漸多。以獠王李君住於桂平縣紫荊山北之橫冲村，故前去訪謁者，多取道於桂平縣城及大湟江口二處。計自桂平縣城至橫冲村約一百二十里，由大湟江口至橫冲村約九十里。

獠山多林木，空氣中時含有多量水蒸氣，故其地常潤濕。雖久旱不雨，物苗亦能生長。又因地勢甚高，獠人所居，常在高出海面一萬尺左右之山坡上，故其氣溫，常較山下爲涼。大抵夏天最高氣溫，不過華氏寒暑表八十餘度，冬天最低氣溫，則降至華氏寒暑表二十餘度。故夏多涼而冬有雪，與嶺南一般氣候不同。且四時常見浮雲濃霧，遮蔽屋宇，居其間者，下視平地，儼若塵凡，而反躬自視，則不啻自處於蓬萊仙境間也。倘雲霧極濃時，雖室中人物，近在咫尺，亦不相見。

獠山住民，分板獠、長毛獠、花藍獠、在山獠、山子獠等五種，各有會長，各自爲政，不相統屬。李榮保君乃係板獠之王，故其所統轄者，厥惟板獠。其族居近桂平、武宣、象縣一帶，男子雍髮結辮，猶存清制；女子則頂板於頭，再以紅條青布裹之；男女合計共約五千一百餘人。長毛獠，以頭留長髮如明制，故名。其族居近平南、象縣交界之地，共約四千人。花藍獠，多以種藍製靛爲業，居近平南，共約二千餘人。山子獠，亦居象縣附近，人口最

少，僅約三百餘人。

另有一種板獠，居近修仁、荔浦、蒙山一帶，言語、風俗，均與桂平、板獠相同，其人口共約一萬人，惟另有會長管轄，不屬於李榮保君。總計全獠共有二萬五千人之譜。

獠山物產，以早稻、米、玉蜀黍、番薯、芋頭、松、杉、竹、筍、香蕈等爲大宗，豬、雞、瓜、蔬、桂皮、薑類及熊、鹿、虎、豹、狐狸、猿、猴、山豬、山羊、箭豬、黃鸞、兔子、搗雞、虎等野獸次之。早稻，亦名山禾。春末、夏初，下種於山坡之鬆土中，布列成行，無須灌溉，亦不施肥料，任其自然生長，中惟除草一次。至八、九月，乃告成熟，採其穗，乾而藏之，是卽爲糧。苗則任其枯爛於坡土中，不顧也。杉木，出產極盛，爲附近各縣所不及。其下游如大宣壩與大湟江口，木業最稱發達，所有木料，多自獠山運出。乾筍、香蕈二物，不但爲獠山出口大宗，且爲獠山之特產，外人多稱之爲「獠筍」。「獠菰」桂皮，亦爲獠山特產，外人多稱之爲「獠桂」。在昔出產頗多，今則迴不如前矣。

獠境峭、峯、巍，峻極於天，峯、巒、重、疊，絕少平地，運送貨物，全賴肩挑、背負，除步行外，實無交通可言。且每逢陰雨，道路泥滑，上蟠千仞之峯，下臨不測之壑，稍一不慎，卽有隕、越之虞，大有蜀道難行之慨。然獠人對之，如履平地，毫無膽怯畏難之態。獠山無學校，故亦無文化可言。民間所傳，惟有山歌、道士書、盤古經及迎送盤古王歌之類，多係其祖先之手抄本，珍若拱壁。獠人中之優秀者，時以此種書誦讀，可略識字。

## 一一七 獠人的風俗

獠人忠厚樸實，最富情感。暇時輒互相往求交接，並喜以布疋、手巾及自繡之獠錦等相贈。男女之間，社交公開，與號稱文明之白種民族無異。附近漢人之獠人，亦樂與漢人往來。如漢人中有以忠實待之者，則雙方感情亦極濃厚；如以狡詐欺騙待之者，一經發覺，則必恨之刺骨，老死不相往來。

刻苦耐勞，爲獠人特性。日出而作，日入而息，胼手胝足，耕作甚苦，平均每日至少須有十二小時之工作。終歲勤動，無或少閒。雖在十歲左右之兒童及六、七十歲之老翁，亦須作工，鮮有坐食分利者。如有時無工作可做，亦必結隊同往山林狩獵。因此日日運動，身體異常強健，慣行山嶺，雖極崎嶇陡峻之險路，亦能行走。如遇坦途，則能負極笨重之物，來往自如。獠人服飾：其男子皆短衣窄袖，與吾漢族普通農人無甚差異。惟多數尙留有髮辮，如前清制度。其辮平時環繞頭部之四周，再纏以青巾。青巾之組織，兩端間以紅紗，此則較爲特殊。女子則束髮於頂，稍前出而非上聳，以黑巾遮蓋頭髮，覆以自繡之錦帶於黑巾之上。著開胸衫，衫之周邊及褲脚，多繡花紋。胸前帶一排彩色絲絛，絲絛之上，維繫銀牌三個及挖耳、牙籤等物，甚至有以小剪刀之類繫於其上者。耳環頗大，徑寸許，環之下端，有金屬一片，向內突出，作寶塔、樹葉等形。腰束長帶，圍以五彩之



小裙手帶銀鐲三五對，皆粗大異常，赤足，脛纏以綁帶，頗似粵劇中之「小武」。猺山多泉源，猺人利其水勢，用長竹多根，劈成竹棍，打通其節，自較高處接起，依照地勢之高下，轉曲屈折，瀜迴引至室中，再承以水缸，俾得貯存。如水滿時，則可移開一二節，水即在室外流放，不致弄濕屋內。此種方法，甚爲便利，且可省去挑水之光陰與勞力。誠一舉而數得也。猺人食料，以米爲主，但無宿米。平時所積存者，皆係包穀之穀，至臨炊時，隨春隨煮。其餘包粟、番薯、芋頭之屬，亦隨時煮以充飢。葷素菜食，俱足自給，可不求人。惟地屬山國，無食鹽之出產，此則必全仰給於漢人。苟外間發生變故，一時交通斷絕，而無食鹽運至猺山附近之墟市發賣，則猺人束手無策。故猺人平時無論貧富，必先預購多量食鹽——自數十斤以至數百斤不等，藏諸乾燥地方，以備不虞。好飲酒，宴會肴饌，全用豬肉，並無兼味。猺山無磚瓦，住屋多用泥土築成，亦有以竹枝柴木圍成者。上面蓋以杉皮或茅草，僅蔽風雨而已。室中開窗者少，大多矮小無光，人畜同處。至若人口稍多之家，則雖翁媳、叔嫂，寢於一室，亦不以爲怪。

猺人婚姻，既不專聽父母之命，亦不僅憑媒妁之言，但亦非絕對自由之婚制；乃係介於盲婚與自由婚之間。其法先由媒人介紹，得雙方父母之許可後，復徵得本人之同意，始能訂婚。如祇得其本人之同意，而不得其父母之許可，或祇得其父母之許可而不得其本人之同意者，皆不能成婚。如得其父母之許可及其本

人之同意而訂婚者，則由男家備聘金七十元，豬肉二十四斤，及酒、米、檳榔等物，送往女家後，始定日結婚。此種聘金及禮物，係由衆獠規定成例，富者不可加多，貧者不可減少。結婚之日，請客甚衆，雖貧者亦必數十席，席中肴饌，亦全係豬肉，罕有其他雜菜。結婚時期，照例須在下午八、九時，始克舉行結婚典禮。獠人亦名爲「拜堂」。當舉行婚禮時，先請一道士在禮堂燒香、燃燭，俟安排妥當，佈置禮堂後，始有一男子扶新郎由左邊入，一女子扶新婦由右邊入。新郎、新婦到禮堂時，先向祖先位叩拜十二次，乃立正於禮堂之中央，俟各親戚前來掛紅敬酒後，再設席於禮堂，遍請親戚及各賓客，至禮堂歡宴。新郎、新婦則在席前向賓客叩拜。賓客一面飲，新郎、新婦一面叩拜，叩拜愈多，則愈喜。拜至賓客飲畢，再請第二班賓客來飲，新郎、新婦則仍叩拜如前。請客較多，則雖飲至天明，新郎、新婦亦必叩拜至天明，不得休息。

賓客來賀，因道路崎嶇，難於卽夕返家，因此飲宴之後，男女賓客，各覓適宜之地點，隨意歌唱。屆時男唱女答，此呼彼應，雖至深夜，亦不休息，甚爲熱鬧。唱至情投意合之時，有覓相當地點，或往山林間秘密結臨時婚者。但若被人發覺，仍從嚴懲罰。其婚姻最優異之點，卽男女完全平等，不但女子嫁男，爲極平常之事，卽男子嫁女，亦極普通之至。且獠人習俗，男嫁女者反較女嫁男者爲多。此種辦法，在漢人謂之「入贅」。但漢人之招贅，多因無後嗣不得已而出此。獠人則雖有數男，亦有招贅者。間或有以其男入贅人家，而反留其女在

自家招贅者。如係招贅之婚姻，則由女家備聘金三十元及酒、米、檳榔等禮物，送給男家。屆時男家則請各親戚送其子來女家結婚。結婚典禮及請客等，均與男娶女者相同。迎親時，無論男女，均係步行。

獠人喪祭，甚爲簡單，父母死，祇知穿麻衣、戴紙帽及哭泣而已。但極迷信，每逢有喪事，必請大幫道士到家，弄盡法寶，始移柩安葬。所葬之地，亦必請堪輿家或自己詳細看驗，始敢舉行。如未尋得相當地點，則暫埋數年，再拾其骨骸盛於甕中，任置於屋旁或村邊，俟覓得吉地，然後舉葬。否則終不復葬。其溺信風水亦甚矣。

獠人對於鬼神，迷信亦極深，時常求神、問鬼、拜天地。但其所立之神位，祇有盤古皇一神，其他各神，均不立位。每逢得意或有喜慶事，必宰雞、豚，以奉盤古皇。若有疾病或其他不幸事故，亦必備酒、肴，向盤古皇祈禱。如祈不靈，則謂係應得之禍，不敢稍怨於鬼神。每逢舊歷正月初旬，必有建醮及遊神等迷信舉動，以爲不如是不足以保全年之康樂。建醮時，用數人穿紅衣，數人敲鑼鼓，並一面跳躍，旋轉不已。敲鑼者則在旁努力敲打。同時鈴聲、歌聲、鑼聲，一齊並作，頗爲熱鬧。又用柴燒火一堆，俟火燄猛烈時，使一有勇氣之青年男子，赤手空拳，將其熄滅。如其人手足不敏捷，即被火燒灼，勢甚危險。叩其故，則曰：『用火洗淨人間污穢，盤古皇始肯降臨保佑。』云。其迷信之深有如此者。

## 一一八 自猺山歸來

四日，天陰，飯畢，準備下山，乃辭別猺民領袖李榮保君。臨別時，李君及其夫人再三以『再來猺山』爲囑，殷殷有惜別之意。余一介愚誠，輒與浮俗相鑿納，今居此僅二日，乃有『臨歧依依』之感，亦不知其何以感我至於如此也。

既與李君別，與周君同伴下山。同時黃君雲煥亦因事前往十八山，乃相與偕行，循前日故道，同至三江墟。在墟中休息約一小時，黃、周二君卽各向目的地前進，余則假宿於該墟團局。

五日，天微雨，早飯後，由三江墟起程，沿溪水東岸南下，沿途迭詢金田村之所在，約行二十里許，有土人遙指隔岸山坡松林疎密處，謂：『彼卽金田村也，惟居民極少，實無足觀者』云。余周視上下，並無橋梁可通，亦無船筏可渡，且相距尙有二里許，往返稍需時日，恐誤行程，乃舍之。

逕至大宣墟，是日適逢墟期，生意頗盛，轉入一飯館中，午飯畢，環遊全墟一周，乃出南門，逕向大湟江口進發。六時餘，始抵目的地，距關柵門之期已不遠矣。

大湟江口，爲潯江沿岸最著名之大市鎮，設有三等電報局及三等郵政局，貿易之盛，在廣西各大市鎮

中（縣城除外）當推第一。惟近年來，迭受帝國主義者之經濟侵略，農村經濟崩潰，此間亦大受影響，貿易額之記錄，已今非昔比矣。是夕宿於新街口晉源商號，蓋係應楊炳煌君之約而來也。

六日，天晴，早飯後，因船期未屆，往返徘徊於江口市上，頗覺無聊。至下午一時，始登往返江口與桂平間之寧波號電輪。在輪中等候至一小時之久，尙無動靜，乃汽機一開，響聲特厲，同時船聲簸動非常，旅客中幾有從上層客位跌至艙中者。余訝其機壞，怪而問之，始知無他，蓋此船特性如此也。回憶自河池乘汽車至宜山時，其路凹凸不平，車箱顛搖不定，人坐其中，常跳躍不置，最甚時，能使人頂衝至車頂，人因笑稱爲「跳舞汽車」。今此船亦非凡品，余無以名之，乃謚爲「跳舞輪船」，閩座皆爲之大笑。

「寧波」船不但不能寧波，卽進行亦極遲緩。其速率，每小時最多不過十里，因此至五時餘，始至石嘴壩，九時餘，始抵桂平城，仍寓桂平旅館，而獠山之遊，於以告竣。計此行自十月三十一日下午二時由桂平起程，至十一月六日下午九時回至桂平城，共費時六日餘，往返步行凡二百一十里，利用輪船六十里。

## 一一九 桂平的西山及其他勝蹟

十一月七日，上午九時，秦君慧生來棧，邀余作西山之遊，稍頃，卽同行，出西門，不數武，而西山在望矣。山

形上銳下廣，蟠亘數里；如荷葉倒蓋然。嗣入桂山村，踰官橋，上木魚嶺，沿松徑數十武，露小石橋，西折有石級穿林罅；入山門，平岡斜衍，南壑北澗，佳境漸開。又數十武，爲唐御史李公祠，祠三進，內供李明遠像，旁祠後爲洗石庵，倚山東向——有上、中、下三座。庵前濃蔭蔽天，風景優美。從庵右石級數武，折西上升，老松散傍，鱗幹爭騰；奇石雜陳，敬正殊姿。又百餘武，密樹遮空，叢草填壑，旁有巨石，題『碧雲天』三字。又南折西向爲龍華寺，寺內三座——中座有大廳，內題聯甚多。出寺左右徑十數武爲乳泉，泉極清冽；附近建有亭、閣二座。泉右石梯上數十級有飛閣，可資遠眺。左上數十級，有吏隱洞，廣丈餘，爲唐御史李明遠隱居處。再上六百餘級，始抵觀音巖，屈折紆迴，頗爲險峻；而迷信婦孺亦樂登之。其吸引力誠不小也。至此揚睫四顧，南而白石、青峯，北而紫荆、五指，蒼翠濃淡，遠橫於六、七十里之外；近則黔、鬱兩江，雙練交映，環抱城郭，光浮脚下。舊志云：『此山薄暮陰翳，煙景萬千。』爲縣中八景之一，曰『西山晚照』。

1. 白石山 在縣南七十里。山之東爲獨秀峯，孤翠插天。西有鵝頸峯，殊嶮峻。初由土阜取道至壽聖寺，石坊巍然，入重門，歷塔七級爲三寶殿。寺後峭壁千仞，上刻『白石洞天』四字，爲縣中八景之一。寺右徑平，行五百餘步爲會真觀，石室寬敞，有壇奉三清。壇後石穴名勺漏洞，志稱可通鬱林。壇右有石如床，俗謂『石龜』。右爲大士龕，龕右半壁有乳竇水，滴下白窠，淨淨可聽。觀上有李仙巖，無路可陟。觀東繞景明巖，再繞里

許爲獨秀峯天門，由門窺山後洞，略如盤谷，周可十里；田疇溪澗，不類人間。若由壽聖寺角，過元珠池西行，遇石縫，外爲洞門村；內爲『一綫天』。入凌百級，有石門，再百餘級，稍低平，爲白雲窩。出循山側北行，攀削壁六十餘級，折東造極，有會仙巖，高深各丈許。外望潯、梧、鬱三郡名山，一一可指。此山中覓絕處也。由壽聖寺左，過洞門村西繞東望山，如城郭數里，有石人附山立，爲面壁僧。全山形勢奇險，中多名勝——如白雲洞、青玉峽、仙人棋、伏龍窩、鍊丹竈、漱玉泉，皆各擅其妙；遊者爲之忘倦。旅行先進徐宏祖先生遊此，曾作有白石山遊記。

2. 羅叢山 在縣西南六十里。狀若覆舟，平地突起，疊巘蔥蘢，鐘乳詭奇。山有巖，上下四圍石壁，羅列神像。左爲風洞，俗名『一扇風』。右爲月巖，秉炬從洞門深入黑暗處，忽見清光一點，宛如月色，志稱『羅叢巖月』。卽此——縣中八景之一也。洞凡三：曰碧虛、曰靈源、曰水月。碧虛洞舊名風門洞。門前累石爲樓，樓外路旁有碑，上題曰『宋周程三夫子讀書處』。西上有巖，邑人景仰前賢，立祠祀焉。又西爲水巖，巖有水，洞穴深闊；龍潭廣可十畝，澄碧淵洪。洞內石佛、石磬、石獅、石鐘、石床在焉。

3. 龍巖山 在縣西南八十里；貴縣東五十里。地屬桂平，平地突起，形勢蜿蜒，峭石峻嶒，碧水周環。上有七巖，一曰龍安，中有丹竈一，映日一（蓋天然石窗也），石磬一，懸魚一，蒼猿一，聽法人一，飛虎一，臥龍一，皆係石乳結成，俗稱爲八景。宋淳熙元年，創建寶勝院。明貴縣令林某題石門曰『古懷第一山』。蓋誤以爲屬

貴縣也。乾隆間，邑人捐貲，因巖之左修觀音堂；知縣吳志綰並題山之觀音巖曰『布山龍巖』，而以『龍安懸碧』爲縣中八景之一。

4. 紫荊山 在縣北宣二里之西北，由縣治五十里至新墟，由新墟十里至山，層巒疊嶂，中包裹村莊田地，周圍百有餘里。北連平南、蒙山諸山，西通象縣、武宣界，無巖泉之靈秀，有草木之蒼莽；形勢嶮阻，遊客偶思流覽，必循山口水澗南行，沿仄徑達於深谷，谷上兩山坳處，瀑布下垂，俗呼爲『萬年油』——謂水光潔澤無斷續也，山產肉桂最良。

5. 賓山 在縣東北十里，蓋縣屬諸山，以西山爲主，而以此爲賓也。北瞻五指山，秀出雲表；故志以『賓秀特朝』爲八景之一。山似螺形，碧樹蕭森，澄泉甘冽，每逢重九，里人多於此登高。

6. 銅鼓灘 在北江委，下合南江，相傳『漢馬伏波征交趾，舟載駱越二銅鼓，躍入桂江中』，卽此灘中有磨盤石；近岸有獨醒巖，早乾方可見。舊志以『銅鼓秋濤』爲八景之一。

7. 東塔 在城東八里，隔岸與賓山對峙。塔上有上塔脚村，塔下有下塔脚村。明知縣劉萬安建，僅成二級而卒；邑人立遺愛碑於其中。崇禎間，爲增九級，塔始成。後頂頽，更修，以黔、鬱二江會流之處，不可無此砥柱也。舊志以『東塔迴瀾』爲八景之一。



8. 屈氏太后古墓 在縣西五十里厚祿里節度村旁。濱鬱江，南向對面即秀江塘。墓與碑均高大；碑刻「敕封巴東文孝王屈氏太后之墓」——其餘字則漫滅不能認識。故老相傳：「明末朱姓藩王偕母出走，至潯病故，葬於此。葬後種樹五株於對面秀江塘河岸，朝拱該墓，以作標幟，故名其地為「五條樹」。現今猶存一、二株，係二百七、八十年前之物；其餘朽頹，更復萌生，依然五株。」墓闊一丈，高五尺；碑高六尺，闊三尺。墓無碑石，遍生細草，並無雜木；風雨不能剝蝕，二百餘年，依然如故。

9. 樂洋橋 在舊樂洋區內。橋凡九拱，為縣屬最大之橋梁。名人題字頗多。

10. 平隘山 一名朋隘山。在縣北宣二里。觀山東有路通武宣東鄉，為太平天國洪秀全革命之策源地。

11. 金田村 在宣二里。其西二里許，有營寨遺跡，為洪、楊發難時建築以防禦清軍者——廣闊各數十丈。寨邊有潭，深約十餘丈；水甚清潔。相傳當時無用兵器，多投其中。

## 一一〇 桂平縣概況

桂平地居黔、鬱二江之下游，潯江之上游。東界平南，西界貴縣，北接潯山，西北界武宣，南連北流、鬱林，東南界容縣。全縣面積凡四千一百八十一方公里強。縣城據黔、鬱二江會口之三角嘴。位於北緯二十三度二

十七分三秒，西經（北平子午綫）六度三十六分。

考縣境在三代屬荊揚徼外，周末爲百粵地，秦屬桂林郡，漢爲布山、阿林二縣地，屬鬱林郡，晉、宋、齊俱因之，梁置桂平郡治於縣，「桂平」二字始見於此，隋爲桂平、阿林、皇化（俱屬鬱林郡），大賓（屬永平郡），四縣地，唐爲桂平、宣化、大賓（俱屬潯州），常林、羅繡、阿林（俱屬繡州）等六縣地，隸嶺南道，五代屬南漢，宋併爲桂平縣，且爲潯州治，隸廣西路，至是縣境始定，元設潯州路，明改爲潯州府，清因之，民國成立廢府留縣。

縣屬寒涼少而溫熱多，大約自三月至九月，皆爲夏候；自九月至十二月，爲秋候；自十二月至二月，爲春候；其可稱爲冬者，不過十二月中數日或十數日而已。惟地近海疆，水氣蒸騰，能減大空熱力，遂致寒熱情狀，起伏無常。夏、秋候相等，而夏天雨氣多，故夏不熱而秋熱——最高氣溫，約達華氏寒暑表九十五度。冬、春候相等，而春天陰雨多，故冬不寒而春寒——最低氣溫，約達華氏寒暑表三十四度。總言之，晴熱雨寒而已。雨量，在冬、春間，常數十日霏霏不晴，及七、八月間，則常數十日不雨。夏天雨大不勻；或有同在十里之內，此處滂沱而彼處仍烈日當空者，謂之「分龍雨」。曬日而雨者，謂之「白撞雨」。又名「白曬水」。雲朵經過而雨者，爲「過雲雨」。五月十日後雨，爲「磨刀雨」。縣距海不遠，但因阻以高山叢嶺，故海颶罕至。尋常夏來南

風，冬來北風，而在十二月前後，恆有寒甚而忽轉南風者，謂之『回南』；南風起，則雨作天冷而北風至，謂之『轉北』。每歲十二月杪，正月初，雷聲即起，蓋有霜無雪之地，則雨水早，而隆隆之響亦必先來。此嶺外之所同，不似嶺北待至春深，始聞雷鳴也。春正月後多霧，露起於九月，比他省爲遲。霜起自十一月至十二月，稍有白屑敷於草面，然不常見。雪數十年始一見。雹則常有，雹成於春而霰結於冬，樹葉不脫於秋而脫於春，隨脫隨出。

縣屬住民，除漢族外，原有獐人、獐人、獐人、獐家、獐人、山子、獐人、獐人、獐人等數種。今則除獐人、山子外，其餘皆已與漢族同化，或轉徙他處矣。據最近調查：『全縣有男二十六萬三千七百二十六丁，有女二十一萬七千二百一十口，男女合計共四十八萬零九百三十六人。』其中獐族占一千三百九十九人，但已歸化。城治住民占一萬五千九百四十九人。

縣屬土地生產，以穀米、麥子、豆類、果類、薯芋、玉蜀黍、落花生等爲大宗。粟米、高粱、竹、木、甘蔗、蓮藕、茶葉等次之；瓜類、蔬菜等更次之。穀米分粳、粘、糯三種。麥有小麥、蕎麥、大麥三種。果類以龍眼、荔枝、柚子、波羅、柿、柑等爲最多。粟有狗尾粟和鴨腳粟（即粳子）兩種。木以杉木爲最多。蓮藕肥大勝於他處。茶葉有西山茶、中和茶、石田茶、紫荊茶、三巖山茶等五種。穀米產額，除自給外，頗有盈餘出口。南區之荔枝，年約十萬斤；波羅約十

萬隻；龍眼亦有數十萬斤，或間年甚少；而龍眼尤以北區爲最；東區之柚子，每年約有二、三十萬隻，柿、柑亦約數萬斤。『家畜，以豬、雞、鴨爲最普通；次爲牛、犬、羊等；鵝、鴿亦間有之。豬、雞、鴨三項，除本地消費外，多由本地商人販運至廣州、香港等處發賣。此外畜魚和捕魚者亦多，年產約數十萬斤。礦產，東區木圭附近有錳礦，在一九二九——一九三〇年時，開採公司有七、八個之多——需用工人至三千人以上；均能獲得厚利。至一九二八事變以後，硬錳以無銷路，各公司多因而歇業。僅間有開採軟錳運銷粵港以供製電池之用者。白沙墟有士敏土礦，礦苗頗旺；振安有煤礦，礦質亦佳；惜未開採。

縣屬當柳、鬱二江之會口，扼潯江之上游，下通梧州以轉粵港；上通南寧以轉龍；色北通柳州以轉長安；每日俱有輪船、民船，往來不絕。其餘有大江嶺水由石嘴上溯至油麻一段，可通行小舟。陸路有下麻公路，自下灣至麻峒，長約五十里；桂蒙公路，自縣城至蒙墟，長約三十里；均已通車。郵政，於縣城設有二等郵局一所；大湟江口設有三等郵局一所；蒙墟、下灣、桂貴、石龍、石嘴、大宣、穆樂等六墟，各設有郵寄代辦所一所；官橋、振安、大灣、油麻、社坡等五處，各設有郵務信櫃一隻。電政，於縣城及大湟江口二處，各設有三等電報局一所；上通南寧，下通梧州，鄉村電話，四處可通。

縣屬文化，頗爲發達，學校教育，除省立第八初中外，有縣立第一初中一所，縣立第二初中一所，私立正

心初中一所（本期——一九三三年下期——暫停辦）完全小學十一所；高級小學十八所，初級小學四百五十四所。社會教育，有縣立民衆教育館一所；地址寬大，規模頗宏。前有大場，爲公共運動、娛樂之場所。此外有中山公園一處，城廂圖書館一間，則爲公共遊覽之地。書業，有商務榮記書局與華泉書局二家，轉運國內外書籍、文具發售。

## 一一一 桂平的特產

1. 長尾鷗 身小尾長，色或赤，或白。其來成羣，亦雉之屬也。西山時見之。
2. 五色禾鵠 大如足拇指，重僅錢餘，色青、黃相間，鳴聲悅耳。二、三月間，各村旁有之。
3. 白眼鳶 形大如五色禾鵠，腹白，背帶竹青色。正、二月間，時作鳴聲，性易馴養，放之不去。
4. 馬面虎 此物虎身而頭面如馬，比貓頭虎尤爲猛犴，見人卽噬。邑中有之而少見。
5. 狸類 凡五種：一爲五節狸，爲狸類中之最大者，味臊。二爲九節狸，嘴銳而長，尾紋有九節，味香美。三爲果子狸，形似九節狸，手足如人，嘴稍鈍，喜食生果，味尤美。四爲香狸，一體自爲陰陽，故又名「不求人」。五爲白額狸，或名「玉面狸」，亦喜食生果，爲狸類中之最賤者。

6. 崖羊 蹄、角俱長，性能走險，人與虎、狼所不能至之處，此物能至之。夜以兩角掛石崖而臥，他物不能侵噬。

7. 石羊 亦似崖羊，而走險不逮。毛色青綠而微有小點。

8. 鰻魚 俗名「水老虎」。體似鯨而腹平，頭似鯢而口大，頰似鮎而色黃，鱗似鱗而稍細。大者三、四十斤。鰻者，敢也。善於吞啗，故名。鰻魚性蠃強，春夏潦漲，隨水所之。或入窮坑，漁者從坑以椿截之，潦退，魚出，見椿即憤退數丈，掉頭向椿疾趨，以頭碰椿，頭破，身死不悔。又喜獨行，啖魚無厭。然每遊至水盡路窮，將退出時，則羣魚必隨其後，藉其在前衝陷障礙，以便同出險也。

9. 墨煙草 本草名「鱧腹」，即俗稱「墨墨草」也。其莖柔，斷之有墨汁，故名。

10. 紅藍草 歲以清明采取漬汁作飯，祭墓，色深紫可愛，小兒爭啖之。桂平人士，多以釀酒，味厚而香，且性溫，能養人。

11. 無風獨搖草 見人自動，故名。本草拾遺云：「獨搖草，帶之，令夫婦相愛。」

12. 沙田柚 種來自容縣沙田，近來種者日多，為縣屬果中出產大宗。

13. 白石山蕒 山蕒，即北方之山藥也。藥店之「淮山」亦即此種。花結如球，諸長三、四尺；皮白肉粉滑。

而甘，有香氣，補益脾胃，產於山嶺中，入土極深，諸中以此爲上品。以白石山產者爲最佳。

14. 四大天王 又名「仰天鷲」。木本，莖、葉俱紅，而根大如小竹煙筒，高三、四尺，生於山澗之旁。外科損傷，必以此爲引。

15. 嬾雕竹 高尺許，葉銳長三寸許，莖大如葱，味香，治蛇咬、跌打、刀傷各病。

16. 碗筋藤 形如大諸藤，產山林中，不種自生。凡筋骨斷者，以此煮豬蹄食之，則復原。

17. 千斤拔 一名「牛七」。葉、莖俱青，如土茯苓，根大如碗，千斤之力拔不起。利小便，治淋濁及大便急墜諸症。

此外如黃藥、喝呼草（卽含羞草，俗名懼內草）、六黃菓（以六月黃故名，卽九層皮）等，在縣屬俱產之。而南潯之銀魚（出思盤江穴中，色白而小，頗似北方之麵條魚）、西山之茶與油粘米、羅繡之紙與柿餅、白石山之百合與石斛（一名金釵，俗名黃草）復化與官橋之清泓魚等，尤爲縣屬著名之特產。

## 一一二 桂平的「留命」與「子孫釘」

縣屬俗尚儉樸，民性謹慝而多疑忌，宗族與地域觀念皆極深。同姓間每喜聯宗立祠，與他族人時常發

生械鬪，大姓欺負小姓，習以爲常；小姓不孝敬大姓，總難安居樂業。賭風亦盛，不獨城市爲然；鄉間亦有賭場之設立，而以冬月及新正爲尤甚——屆時街頭巷尾，無處不是賭場。因賭而賣絕田地、房屋、家具及妻室（鄉俗老婆亦可買賣）者，時有所聞。大家婦女勸刺繡，餘勞餽，赤脚行日中，或操井臼，司樵採，作苦較他處爲甚，而未嘗稍怨。或與夫同操作，則夫任其易，而自任其難。年逾六十之老婦，猶荷器田隴間，耕耨不輟；子孫諫勸，亦不少休。遇飲食時，則精者供給舅，姑與夫粗者歸諸己。每赴宴，必選裹餒餘，歸遺所愛，有考叔、東方之風。服飾尙樸素；城市人短衣長衫，各隨所好；婦人衣飾或裙或袍，亦殊不一致。鄉村農工，大多夏葛而冬棉，遮身不遮臂；冬季被衾，多以小繩爲經，陳舊布碎爲緯所織成；以地不產棉麻，皆仰給於外來故也。食料以米爲主。城市人多食飯，鄉農則終年常食粥；且極稀薄。有時無米充饑，則僅以雜糧度活。菜蔬少用油烹，除逢大節氣稍買豬肉以應時景外，肉食尤鮮。住屋：近山者多用熟磚，蓋樹密薪富而密業易興也。平陸林稀則多用土磚。貧者則仍循版築之風；或以籬笆塗泥，用茅覆之。但此種茅屋，最易破漏，時需修理，費時耗財，愈臻貧困；俗有「窮人住茅屋，茅屋住窮人（謂住茅屋會使人窮困也）」之諺。房屋形式，原有廣肇派、嘉惠派、閩派之分，各以其民族來源之異而自爲風氣；今則相處日久，已混合無甚分別矣。且自西風東漸以來，富庶之家，亦多有建洋樓者。



婚俗極重禮法。對於「同姓不婚，中表不婚」之義，遵守惟謹。卽九族之內，血系可尋及如乾父、乾兒之屬，名分逼近，稱呼習熟者，亦多不願爲婚。隔縣異地，有同宗再醮之婦，苟不知而誤娶，爲衆所聞，亦必鄙賤之。無異於以兄娶弟婦，弟妻兄嫂也。雖一字不識之夫，亦斤斤於此，未敢或踰焉。婚禮納吉，俗謂之「留命」。留命時，以檳榔、酒、肉等爲禮。娶婦時，壻不親迎，惟具柬及雁或鵝，備綵旗、紅轎、鼓吹，遣使籠燭，隨媒導往女家。主人設筵宴媒，賜使者僕夫酒食，或賚以錢。女在東房，括髮不飾，衣、悅、裙、履，俱用紅面，掩扇，首覆紅帕，長與衣齊。寢堂設筵，燃燈燭，延扶新婦女一人，扶女出筵前，北面辭祖廟，並辭父母，暨諸五服之親，乃乘轎出。母家延貴婦、華妝，坐轎送之。新婦轎先至，抵寢門，壻下。主人延扶新婦女二人，揭轎扶婦入廳。當婦至時，壻不但不揖入，且避匿小時，至是乃出，與婦並立，俱北面，賓點燭畢，拜贊者一人，立壻東，稍北南面，酌酒二杯，交而和之；以其一飲壻，其一授扶新者飲婦，是卽謂之「合盃」。合盃後，婿用尺或扇撲新婦肩背者三，去婦首上紅帕，袖藏之。送嫁者及門，男家亦延貴婦，盛服出迎，導入廳事，請坐，茗罷乃宴，拜而送之。越日，婦廟見，謁舅、姑，拜而奉巾履。五服三族，亦須送巾，有費至數百幅者。貧者則從簡，惟具檳、茗而已。是日，壻備禮物，偕婦往謁外家，謂之「回門」。主人命子弟，具衣冠，迎於大門外，壻入謁祖，拜岳父、岳母、親、疎、長、幼，以次出見，行禮。主人設筵宴壻，席罷，壻拜辭主人。主人盛饗，餞其類以十數，每類以千百數，或舁或挑，厚貺送歸。婦家親屬同宴者，俱有投贈。婦

舉子，三朝，岳家具雞、糯餉女，十二朝亦如之。彌月，則邀戚族羣飲壻家，謂之「飲雞酒」——又謂之「送湯」。

縣屬人病劇，遷床寢室（男左女右）。死之次日，小殮，衣冠稱分，衣七層，皆用絲、綿，戒用麻。口含銀，面覆紙。紙上當兩眼處各壓錢一，拳握飯，飯以紙錢裹成團，足綴小橙，體上覆衾，衾多者至數層，以主人既具，親者復贈之也。首後具香燭，身傍設燈，晝夜不息。大殮名「收殮」，又名入木。無論貧、富、貴、賤，皆有棺無槨。棺多用杉木，外塗朱漆，亦有塗黑者。其材多來自柳州。咸於親死後治具，亦有財殷年老於未死前具之者。俗名「冲壽」。冲壽日，多有賓客宴饗之事。然亦有以未死而預爲死事者，非心所安。故近年冲壽之舉，亦罕行之矣。棺內墊以小板，長與尸齊，上畫斗宿「七星板」。入棺時，孝子奉首，孫奉足，無子則長孫奉首，次孫奉足，無次孫則姪孫以下任之。既蓋，加長釘於蓋傍縫合處，衆子孫以次敲之，名「子孫釘」。成服在大殮之前，俱依明清兩朝之制。所異者，出母、嫁母、改嫁繼母，俱不爲服。蓋俗以有子再醮爲恥也。親歿，士族百日卒哭，薙髮；平民則多以滿七（四十九日）卒哭，薙髮。主人對於宗族、友朋弔奠賻輓各物，領謝而不酬，其爲眷屬，則按所值多寡之半答以金，其爲妻、母親族，則必滿酬所值。受者亦居之不疑。葬法在清雍正以前，有用火葬者。凡葬親三年，例投其骨火中，拾燼於甕而穴之，土名曰「火葬」。以故平墳暴尸者，十室而九。後經官廳嚴禁，其俗始廢。

顧火葬之俗雖廢，而檢骨之俗未除——死者葬後數年，家人復行掘出，碎檢其骨藏之盜瓦高甕中，名爲「拾金」，其藏器爲之「金斗」。

### 一一三 鬱江船上

十一月十一日，天晴，余以病困於武宣、桂平之間，將及旬日，而貉山之遊，又費時一週，故經濟頗感支絀。而在桂平時，除譚縣長演略有資助外，並未得到其他有力之援助，囊橐已告罄矣！顧余自旅行以來，從未敢向沿途各界作募捐之舉，而桂平人民亦以過去所謂「國難宣傳團」××調查團等之藉名歛錢，深爲痛惡，余既雅不願求其資助，以冒此嫌，（彼等雖不余疑，其如歷次之事實何！）而余隨身所攜復少可質之物，無已，乃商借於桂平民衆教育館盧館長，承盧館長借洋四圓相助，雖無契據以堅渠信，然余臨行再三聲言，敢以名譽擔保，待余至前程即行匯還。下午四時登船，至晚九時餘始啓輪，艙中有隊兵數人，監押一囚，鏢其二足，人皆嗤之以鼻，然余望其容顏，清秀端正，頗類知識階級中人，余甚奇之。嗣即詢其所犯何罪，以致於此，渠見余獨表同情，爰將原委向余縷述，始知渠乃係蒼梧縣政府內之典獄吏，據云：「因獄中走脫竊犯一人，擒獲後，該犯即誣余接受賄賂，故意縱逸，致突遭此不白之冤，迭經上訴省憲，幸得昭雪，此次乃係赴南

寧過庭開釋者。』渠旋出其自撰辯狀及省、縣批示等一大捲遞交余手，請余一閱，以明究竟。余略擇其重要者讀之，文筆清通，非諳於公文者莫辦。渠口齒亦甚伶俐，雖在繯絏之中，猶能以達觀之語調表述之，甚爲難得。惟對於伊此次意外，却不勝憤慨，此固人之常情，未可厚非也。余不禁中心有感焉。如此有爲青年，廁身吏胥，竟蒙冤繫，而現社會之荆棘塞道，以及人心之險惡萬狀，於此亦可見一斑。旋即就寢。

十一月十二日，船中無聊，常與青年囚犯閑談，時或矚目艙外，眺覽沿岸風景。忽聞岸上有乞兒數人，向船中高聲呼叫，余驟聞之，不解其故，旋見船邊客人有以銅元向岸擲去者。岸上乞兒則羣趨覓之，覓之不得，復向船上且趨且叫。始知係此間貧苦小兒向船上客人求乞之一法也。船邊客人以所費無多，且可尋尋開心，故亦多樂擲之。但亦有僅以手作勢憑空虛擲者，則不免譴而虐矣。此後沿途所見，復有數起。下午五時許，船抵貴縣，寓居河邊街名利旅館。館名『名利』，正符一般商家所書『名揚四海，利達三江』之聯語，一笑。

## 一一四 貴縣的南山及其他勝蹟

十一月十五日，天晴。下午一時餘，渡鬱江，沿公路向貴縣第一名勝之南山進發。約二、三里，見前有青年三人，余趨前詢之。『南山是否由此行？』某甲對曰：『然，余等亦係往南山者，曷與俱行？』余欣然首肯。再前

進，見前面山峯林立，羅列四野，余詢：『何者爲南山？』某甲復曰：『峯之稍低而多樹木，葱蘢蒼翠者卽是。』再進，公路曲折，蜿蜒如腸，行約三里，始抵南山之麓，余等繞至南面，循磴道而上，約十餘武，有景祐寺，相傳寺額爲宋人所題，入寺小憩，寺建於洞內，頗高敞，洞內復有二洞，出入相通，一洞位於寺右，一洞則偏於左，入其中，仰視垂乳，萬象奇瑰，旁多石竇，洞有八景——石佛、石獅、石象、石鯉、丹竈、御碑、出米洞、飛來鐘等，由青年某甲一一指點，形態宛然，嗣自東洞之門而出，有石階可至山坳，坳上有一亭，中置石桌、石櫈等具，可資坐息，各出所攜水菓相饗，再宛轉東上，有石室，大可方丈，曰『宜仙洞』，傳爲葛洪煉丹之處，洞後又有白雲居，振衣巖等勝蹟，清雅宜人，嗣折返亭側，仰望東峯，巖石險峻，余思冒險一登，中一青年云太險勿去，然余頗躍躍心動，欲往一試，乃卸盡衫履，攀巖援壁，依山形勢，回旋而上，卒達於頂，既上，指示二青年循徑亦達於頂，其餘一人仍憊於山坳之小亭，余等亦聽之，舉目四眺，下俱絕險，青山綠水，碁布雙鳥之下，稍停，乃循原路，審慎周詳，面壁捫巖，緩緩而下，抵亭中，重整衣履，盡食餘果，旋取道返城，貴縣其他著名勝蹟，尙有下列諸地：

1. 東山 在縣東十五里，峯巒秀峙，相傳唐時特進何履，何光偕隱於此，後化爲石——山頂有石，狀儼然何氏兄弟並坐，其西北一峯，望之似婦人搭披簪花，俗呼爲『新婦巖』，左右有酒瓶、鳳凰二寨。

2. 北山 在縣北二十里，又名宜貴山，有銀砂，或名銀山，瀑布千仞，上盤武宣，下連潯郡，錯綜百餘峯，延

袤數百里，又呼龍山。唐貴州牧教植茶樹，土人賴之。相傳羽客，仙人多聚此山。宋施才亦辭職歸隱焉。馮克利常往此山採香，遇仙成道。最高處爲雞公頂，高可並天，登臨俯視，羣峯皆在指顧間。

3. 西山 在縣西三十里。峯巒奇特，石筍參天。上有七星巖、仙女寨、產方竹。

4. 獨山 在縣西十里。居於東、西、南、北四山之中，屹然矗立，如五嶽之中嶽。山無洞壑，草木生而不蕃。主靜鎮，故少秀麗氣，但縱橫絕倚傍，有落落不羣之概。

5. 上龍巖 在縣北八十里。中多奇石，洞口開敞，亦南山之亞。此山上石下土，巖在半山，拾級而上，內設佛座，後有通天洞，高百十丈，可透光，其下有深潭。

6. 定祥山 在縣西七十里。崎嶇險塞，無別徑，祇有窄路可入。抵走賊肚，平原寬廣，城郭天然，可容一二千人。由走賊肚依山而行，則有薯洞巖、離薯洞巖數十步，別有書房岩，乃古人避亂讀書處，均可以棲止。道光末年，地方多故，附近村民紛紛避入，盜匪掠無所得，四面環攻，鄉人挾大石從上墜下，山石相擊，片片飛開，急如驟雨，中之者輒斃，自是不復至。

7. 羅山 在縣西北一百四十里。峯巒秀削，上有巖洞，下有泉水從石竇溢出，日三潮——逾時輒止。亦勝蹟也。

8. 龍樓山 距城九十里。山腹平曠，可容千人。四面石壁峭立，東方倍高聳，有石狀如龍，天矯下垂，口噴清泉，涓涓不息。鄉人壘石山門，爲避賊計。咸豐甲寅，同治壬戌，附近村民多避亂於此山，賊黨屢攻不下。

9. 古潭山 在城西一里。半山有巖洞，高三十餘丈，中寬能容物。咸豐間，村民攜貲重逃避此巖，緣梯而上；賊至，則將梯倒懸，諸匪百計攻之，終不能破。

10. 龍林井 在城北三里。穴地微露一巖，內有潭水，甚清漪。潭臥巨石，平正光滑；三面石筍籠罩，儼然如帳。夏日縣人士多遊憩於此。

11. 歌仙石 在西山。有二石，狀儼如人相對坐。相傳「一爲朗寧張秀才，一爲歌仙劉三妹，同化爲石。當風清月白之夜，每聞答歌聲，故其地好遊歌。或云「山水所鍾，宜琢去石人嘴。」土人琢去之，遺響遂絕。」云。

## 一一五 貴縣概況

貴縣地居廣西省之南部，稍偏東；跨鬱江之東南及西北兩岸。東界桂平，北界武宣，來賓，西北界遷江，西界賓陽，橫縣，東南界興業，南界廣東之合浦縣，東西廣一百三十舊里，南北袤二百三十舊里，全縣面積凡五千一百五十七方公里。強縣城瀕居鬱江之北岸，東北距桂平縣城陸路約一百八十舊里，水路約二百舊里。

西距南寧約五百舊里。

考縣境古爲西甌駱越之地。秦屬桂平郡。漢武帝元鼎六年，始置布山縣，並改桂平郡爲鬱林郡，治布山縣，卽今縣地也。三國及晉、宋、齊，皆因之。梁武帝始置定州，旋又改爲南定州，仍治布山。隋平陳後，置鬱林縣，爲尹州治。大業間，爲鬱林郡。唐武德四年，改郡爲南尹州，置鬱林、懷澤二縣，州治鬱林。貞觀八年，更南尹州爲貴縣。麟德二年，別置鬱林州。從此縣地始不復襲鬱林之名。五代時，屬南漢。高祖封其子宏道爲貴王，卽此。宋開寶四年，改置貴州懷澤郡，領鬱林縣。元初仍之。大德九年，省縣入州。明洪武二年，始降州爲縣，屬潯州。清因之。民國初，屬蒼梧道；十七年，廢道制，乃直隸於廣西省政府。

縣屬四時之氣，多暑少寒。有霜無雪，然或數年一見。間有颶風折木、覆屋，或一、二日止。臘月多細雨，朔風嚴凝，久之不過半月，忽然晴霽，名曰「回南」。連雨之後，詰旦將晴，必有晚照倒射，而是且重霧四塞，日出反遲。四郭山寨之處，尤多瘴癘。城廂所在，平夷開朗，瘴氣乃少。遷客行人，觸熱征邪，馳驅原野，跋涉草露，饑飽勞逸，不知自爲節制，未有不中之者。故秋、冬之交，人多瘡疾；早晨多霧，咫尺不能辨人。春、夏多霖雨，衣服內多白醜；故人類多中濕體，脚氣之病。大抵夏天最高氣溫約達華氏寒暑表九十六度；冬天最低氣溫，約達華氏寒暑表三十四度。雨量，以二月爲最多，下雨日數約占全月三分之二（卽二十日）；十二月少雨，平均每年此



月僅下雨三四日。

縣屬住民，概為漢族。據最近調查：全縣有男二十一萬九千一百一十六人，有女一十八萬零一百九十口；男女合計共三十九萬九千三百零六人。城區住民，男女合計共一萬九千九百六十六人。若照自治區劃所定之城區範圍而論，則縱橫數十里，其人數為五萬四千七百一十人。

縣屬農產物，以穀米為最大宗；紅薯、粟米、蔬菜、芋頭、瓜類、黃豆、蔗糖、花生等為次大宗；再次為木柴、藍靛、蓮藕、木薯、高粱粟、木炭、茶油、狗尾粟、三角麥等；更次如黑豆、白豆以及各種果類等，每年出產亦不少。茲將調查所得縣屬各種重要農產物平均每年出產額約數列表於下，以見縣屬土地生產之一斑：

| 類別 | 數        | 類別  | 數    |
|----|----------|-----|------|
| 穀米 | 一〇,〇〇〇萬斤 | 高粱粟 | 四八萬斤 |
| 紅薯 | 二,五〇〇萬斤  | 木炭  | 二七萬斤 |
| 粟米 | 二,四〇〇萬斤  | 茶油  | 二五萬斤 |
| 蔬菜 | 一,六七五萬斤  | 狗尾粟 | 二〇萬斤 |

|    |         |     |      |
|----|---------|-----|------|
| 芋頭 | 一，二〇〇萬斤 | 三角麥 | 一五萬斤 |
| 瓜類 | 七〇〇萬斤   | 黑豆  | 九萬斤  |
| 黃豆 | 六五〇萬斤   | 荔枝  | 八萬斤  |
| 蔗糖 | 六〇〇萬斤   | 沙梨  | 六萬斤  |
| 花生 | 四二〇萬斤   | 白豆  | 六萬斤  |
| 木柴 | 一五〇萬斤   | 龍眼  | 五萬斤  |
| 藍靛 | 一四〇萬斤   | 柑子  | 二萬斤  |
| 蓮藕 | 七五萬斤    | 馬蹄  | 二萬斤  |
| 木薯 | 五五萬斤    |     |      |

穀米，有糯、秈、秞三種：糯有大、小之分；秈有紅、白之別；又另有一種香秈，品最佳，但不多產；秞稻，俗名粘穀；一名占稻，以種出自占城故名。早稻在縣屬亦有之，俗名曰「畚禾米」。又有名「一丈紅」者，亦稻屬也。俗名「浮禾」；一名「十丈禾」；為縣屬附城特產，散漫於深三、四尺之水中，能從水底抽芽出水，與常稻同熟。

苗長徑丈；穀有芒；米粒大如稭；色赤。宜釀酒。春雨未滯，播種於積潦之區（俗名垠塘）及長禾苗隨波上下，不患淹沒。縣屬呼玉蜀黍曰「苞粟」，或直稱曰「粟」。芋頭有徑僅寸許而長至尺餘，如竹之有節者曰「竹芋」。蔗有臘蔗、竹蔗二種。竹蔗多產近蘇灣，以之熬糖，稱爲「蘇灣糖」。蓮藕，四時不絕，以冬季出者爲佳。家畜以豬、牛、雞、鴨爲主要；馬、犬、貓次之；羊及鵝、鴿均屬少數。豬年產約八萬頭；雞羊產約七萬隻。除自用外，與生牛頗有出口。馬則藉供運輸而已。縣地跨鬱江東南及西北兩岸，故魚產亦多。有名「嘉魚」者，形如小鮒，多脂、味美；生於鬱江水中石穴，不餌，取之者惟於冬間水清時，施網罟於石縫，俟其出而掩之，始可獲。縣屬礦產頗多，如金（產懷西里金坑村）、銀（產懷南里之聖山）、銅、鐵、錫、煤、磁石（產懷西里金坑村）、硫磺，均有；而以三叉山及天平山之銀礦爲最著名。縣屬特產，除上述一丈紅和嘉魚外，各區地方，皆有莖朮、首烏、花粉、天冬、半夏、百合、梔子、金銀花、福花、南星、土花、茵陳、茯苓、金藤、地骨皮、前胡、獨活（俗名馬連鞍）、桔梗、桑白、黑黃草、柴胡、巨麥、芝苓、五加皮、靈仙、歸箭等藥材之生產。

縣屬交通：水路，有鬱江自橫縣曲折入境，經思懷、香江、瓦塘、新塘、竹枝埠而抵縣城南門外，再東經羅泊灣、蘇灣、東津、飯蓋而出桂平縣境。在縣屬內計長約一百四十五舊里，四時可通行載重至十餘萬斤之輪船。上達邕寧，下通梧州。馬英江，又名黎村江，舊名思徽江，源出興業之葵山，經湛江、橋墟而至瓦塘，入於鬱江。由

瓦塘上溯至橋墟一段，長約五十里；在春夏水漲時可通行載重萬餘斤之民船。武思江，又名懷西江，源出廣東之合浦縣，北流至縣屬懷南一里入境，經木梓而至思懷，入於鬱江。由思懷上溯至木梓一段，長約三十舊里；四季俱可通行載重萬餘斤之民船。陸路，西有賓貴公路，自縣城西行經根竹、覃塘、黃練、雷神而至賓陽，全長二百二十舊里。在縣屬者約一百里。其支線由覃塘至三里之覃三路，長約三十里，亦已告成。東南有貴興鬱公路，自縣城東五里隔河之羅泊灣經八塘、三塘、橋墟而出興業以趨鬱林，全長二百舊里。在縣屬者約四十四舊里。此外，由縣城北經棉村、東源、大墟、桂貴石龍以達桂平之桂貴路與由覃塘經蒙公、山東石龍以達武宣之貴武路，俱在籌辦中。電政，於縣城設有三等電報局一所；上通南寧，下通潯、梧，東南經興業以達鬱林，傳達消息，甚爲靈通。鄉村電話，亦極發達。

縣屬水陸交通，俱很便利；故其文化亦較爲發達。全縣中等教育，有縣立初級中學、私立樹人初級中學、私立懷城初級中學等共三所。小學教育，有完全小學三十四所；高級小學五所；初級小學二百六十九所。社會教育，有縣立民衆教育館、中山公園、公共體育場各一處。娛樂場所，有同樂戲院一家。書業，有文華書局、立成書局、本立堂書局等三家。

## 一一二六 貴縣的風俗

縣俗樸實尚質，重貨輕生，以富爲雄。凶荒無乞丐，服飾多儉素。飲食以米爲主，若乏水各鄉，嶺多田少，專樹苞粟，佐以雜糧——而以落花生爲最盛。一家作苦，惟食粟糜，有終年不見稻穀者。住屋茅茨，土牆磚瓦，棟柱量力而居。家有孕婦，凡興土木，忌犯六甲，尤甚者，雖疎通溝渠，掃除灰塵，或牆壁加鐵釘以及房屋開窗戶，皆懼犯六甲墮胎。不信，往往應驗云。縣屬土著，惟農、黃、覃、鄔、韋各姓；餘俱外來占籍者，今概稱爲「土人」。獨於粵東惠潮嘉遷來之人，無論其年代遠近，均謂之「來人」。以其離故土而不變鄉音也。其人自成村落，或三五家爲一村，或一家爲一村，但擇膏腴，不嫌幽僻；對於磽瘠之鄉，則裹足不至焉。農力三時，穀收兩造，秧既入田，上農薅二次，惰農一次。無溝洫陂池以備水旱，十日不雨，田則龜坼；十日霖雨，則潦來成災。惟潮惠嘉之民籍於貴者，頗講水利，築陂池。其人兼耐勤苦，隴無棄地，厓無宿草；一望而知爲彼之田業也。

獠人樸厚勤謹，畏見官司；客籍凌之，無敢抗者。其居處、衣服、飲食，均與齊民同，惟語操土音，對客籍則說廣東平話，與其儔類言，嘲嘲皆獠語也。如天謂之「溫」，地謂之「南」，日曰「鄧良」，月曰「龍敦」，山曰「堆」，水曰「凜」，我曰「高」，你曰「蒙」，他曰「蔭」，食曰「根」，酒曰「漏」，飲曰「匡」，肉曰「那」。

「牛曰「淮」，「豬曰「牡」之類。粵東肩挑貿易之輩，必求能講獠語，則貨物易售，以其與獠人相習熟故也。婚俗，女嫁前三日，哭嫁，必痛詈媒妁，謂嫁期爲「死期」，哭罵愈甚，愈誇旺相，迎娶時，郭西諸鄉，有以一車一牛相迎而不用鼓樂者，附城喜用染色檳榔，自問名，納采，請期皆有之。豬、羊、酒、菓，則稱其家以爲禮。迎親送親，惟籍媒妁往來，若無知小戶，不惟不親迎，且於新婦入門時，壻卽端坐祖先香案前，俟新婦登堂，正冠嚴視，婦揖而壻始起立，謂之「振夫綱」。凡女初生孩，其母則邀妯娌、鄰、戚，聚而飲於壻家，曰「飲恭喜雞酒」。或三朝，或滿月，必盛備衣飾、酒菓、黃鷄、白米以爲禮。既以巧相尙，又以多相誇，計成一襪、一帽，非十日女紅不給；雞雖百翼不爲多，務極奢華，聲畢生私蓄，弗悔也。壻家不得已再設筵相款，謂之「請雞酒」。而五德之畜無噍類矣。

喪俗：殮時，死者衣冠必齊整，惟金銀之飾概弗施，蓋有深意存焉。既殮，其子若孫，衰麻不去體。大殮畢，設祭，延僧念經，名謂「落枕齋」。早晚哀號，謂之「哭靈」。虞祭有七：始曰「頭七」，富者烹羊、魚、羔，貧者亦備葷蔬菜；五服內各服所服與祭，親屬咸集焉。貧苦家宜速殮，但亦須旬日外。大族多遵三月而葬之禮。殮前一日，邀親友至，茹素；次日，咸來送殮，謂之「送山」。喪家仍備筵相款，惟不速客。親友家婦女赴弔者，去簪飾，衣服亦從樸素。至喪次，歷溯生平，隨口編成韻語，放聲大哭，而主家婦女亦號泣於旁，謂之「陪哭」。及送殮，則

以麻布覆首步行至半途而返。惟至親乃到葬所。農家風俗尤樸。殯期族鄰皆至，椎牛款客，佐以黃豆，席地而食——無兼味；食畢而殯，自執事以至輿櫬，皆親鄰互相爲役，殊簡便。葬必擇地，因南方地卑，土薄氣疎，非水即蟻，不得不慎之耳。然合期即葬，絕無遠年停柩事。辨地氣而不泥風水，頗爲近理。葬數年後，或驗其墓旁封識（用瓦罐藏紅布、穀粒等）不佳，則檢骸易葬。

## 一二七 『收買豬精小便』

十一月十六日，天晴。上午十一時許，雇小艇行五里至羅泊灣車站，候車約一小時，始登貴興、鬱長途汽車，道經巴塘、三塘而至橋墟，橋墟距貴縣約五十里，地當貴縣、興業交界之地，素爲貴興兩縣交通之要道，市場頗爲繁盛。再經湛江、蓬塘、山心、上鳴水等墟，於下午二時餘抵興業。全程共長一一八里。下車時苦無挑夫可雇，甚感不便，幸有同車旅客老少二人亦於此下車，當即代余攜帶行李，步抵市內，瞥見街道旁粉壁上有墨書『收買豬精小便』等字樣，頗爲端正。余莫明所以：『不知收買豬精小便，究作何用？』但以急欲找尋旅店，遂置之既而覓得一客棧，稍事休息，即往縣政府謁見縣長鍾堯勳君，坐談片刻，出調查表，并向借縣志一閱，承告：『此間縣志僅有稿本一部，現存區公所內。陳委員仲謀君處，君如索閱，可逕向陳君接洽，但恐今

天時間已晏，不在所內，不如明天前去，較爲可靠。』余乃興辭而出，返棧進晚餐，菜飯頗佳，堪供一飽，固小客棧中之難得者。飯後至街市閑遊，又發現有『收買豬精小便』之廣告一處，但附近並不見有店舖，究係何人收買，亦不得而知。繼至南門外，見池塘邊有一茅廁，其旁亦寫有『收買豬精小便』等字，余始憬悟，所謂『收買豬精小便』者，蓋係諷止行人隨地便溺也。其罵人之藝術，亦可謂極盡幽默之能事矣。不覺爲之一笑。

十一月十七日，上午九時，逕往區公所，晤陳君仲謀，陳君已自縣長處得悉余將往伊處借閱縣志，故於余至時，早已檢齊縣志，余見其果係初稿本，尙未付印，談話少頃，卽辭陳君挾縣志而歸。

## 一一八 興業的石巖山及其他勝蹟

十一月十八日，下午一時，由縣城出發，西行里許，抵石巖山前，山不甚高，矗立平陽之地。山麓有醫學研究社，前橫一小溪，溪上有橋，可通彼岸。稍前有一茶園，兩旁亂石嵯峨，磴道出其前方，蜿蜒而達山頂。頂有塔，爲清順治時所建，高七級，門開八面，尖秀如錐，名曰『石巖文塔』。面環綠水，背負良田，榕蔭作幃，天雲作幄，頗堪遊目騁懷。邑人稱爲奇境，擬建公園於此，略憩繞山後而下，經醫學研究社西側，途旁豎一木牌，上書『



『三眼泉由此往西』等字。余依其箭頭所示之方向，沿溪水北岸西行，約數十武，溪旁有井，井畔爲三合土築成，側有一孔，備泉水溢時流出之用。泉水清澄而冽，自其底噴出，底有大小洞穴六、七，大者凡三，故有三眼泉之名。底內細沙平鋪，泉噴沙轉，作對流狀，如沸水然。余望之怡怡有趣，流連甚久，始返寓所。按興業縣志所載及余調查所得，尙有下列諸勝蹟：

1. 松嶺 在東山村之北，上多松樹，因此得名。每當旭日初上，山麓有煙霞橫列，遠看如列榜，名曰『松嶺朝煙』爲縣中八景之一。

2. 葵山 在城西十里，縣中諸山，多起於此。廣大崢嶸，高凌霄漢。峯巒聳秀；茂樹交翳；恆產杜鵑花。旁有巖洞，上有龍池，秋冬不涸。雲氣恆集於其巔。相傳邑人蕭萬載登峯得道；嘉慶時，邑人爲建蕭公廟於山頂之上。

3. 鐵城山 在城南十五里，峯巒峻拔，石壁環連，狀皆鐵色，中平衍，可容數百家，故名曰『鐵城山』。山之三面皆懸崖，無路可通；惟東面可通行人。門前石上有二牛跡，南有基約四方丈，名『敵樓』，相傳爲古避兵處。宋開寶五年，遷州治於此，旋廢。登其巔，四山迴合，卽所謂蓮花峯也。

4. 龍潭莊 在城西四十餘里，由石洞而入，其中有覃靜森祠；旁有綠野堂，祠之下，左側，有一深潭，顏曰

『古潭』潭通暗江，流至塘肚村山麓而出，長約十里許。

5. 白馬巖 在城西二十里，常有白雲覆頂，遠望若馬形，內有洞深廣，隙光透天如牖戶，下有泉流出，與龍穿江合。

6. 古州巖 距縣十里，與鐵城山聯峙，層崖疊嶂，尖秀插天，巖半有潭，四時不竭。東折一洞，內塑大士像；有石懸如鐘，扣之鏗然。左右有二巖，曰織機，曰泉噴，相傳鄉人嘗避兵於此。

7. 皈龍巖 在縣西五十里，兩峯尖秀相連，山半獨闢一洞，石階百有餘級，曲折而上，巖前古木參天，陂江經過巖前，環繞如帶。

8. 王舍石 距城十五里，在泉江村之東南隅，四面平衍，卓立一峯，前人築書齋於其上，屋宇基址，至今猶存。

9. 聖山 在興貴與合浦之交界處，距城約六十里，上有仙人棋盤石、仙人井、仙人衣巖、三滴水、墨斗石諸勝。

10. 翼王石 達開演戲處，相傳咸豐十年五月間，太平天國翼王石達開曾至縣屬長榮墟視察，在該墟演戲數日，戲臺上有聯語爲『不論地場，可家、可國、可天下；尋常人物，能文、能武、能聖神』云。

## 一一九 興業縣概況

興業地居廣西省之東南部，東接鬱林，西連貴縣，南界廣東之合浦縣，縱約一百舊里，橫約八十舊里，面積約九百二十五方公里弱。縣城位於縣境之中心，稍偏東北；道路綰貴鬱之衝，西北距貴縣城約一百二十舊里；東南距鬱林城約八十餘舊里。

考縣境在秦屬桂林郡，漢爲廣鬱縣地，屬鬱林郡。王莽篡漢，改廣鬱縣爲鬱平縣；光武復之。三國吳改爲陰平縣。晉太康元年復稱鬱平。宋齊梁俱因之。陳天嘉二年，分鬱平縣地，置石南縣及石南郡。隋開皇十年，郡廢；以石南縣屬鬱林郡。煬帝末，蕭銑析石南縣置興德縣，尋廢。唐武德四年，析鬱平復置興德，與鬱平、石南二縣同屬南尹州。麟德二年，置鬱州，轄鬱平、石南、興德三縣，治石南。又析石南西鄉、興德東鄉地，置興業縣及潭粟縣，並屬鬱州。興業之名自此始。乾封元年，改鬱州爲鬱林州。建中二年，省石南、潭粟二縣入興業，州治移鬱平。五代屬南漢。宋開寶五年，州治移興業，省鬱平、興德入焉。至道二年，州治移南流，興業屬之。元明清仍而不改，均屬鬱林州。民國初，屬蒼梧道；十七年，廢道制，直隸廣西省政府。

縣屬氣候，早則溫，晝則熱，夜則涼；一日之間，氣候常不相同。溯厥原因，蓋以其地平原少，山嶺多，陽氣常

聚，故早則溫，早去晝無多，風因山隔，日光直射，故晝則熱。及夜，陽氣洩，濕氣遂生，凝霧在山，非日出不散，故夜則涼。大抵一歲中溫度，以三、四、八、九、十等月爲最得宜——其氣溫常在華氏寒暑表六、七十度之間。以五、六、七等月爲熱季——其氣溫常在華氏表八十度至九十六度之間。以十一、十二、一、二等月爲寒季——其氣溫常在華氏表五十度至三十六度之間。雨量以春、夏二季爲最多，秋、冬兩季則較少。每年三、四月間，往往淫雨不止，衣服書籍多潮濕，物生霉易腐敗，俗曰「梅雨」。冬季霜、雪甚少，有亦稀薄而不結冰。十年中或可遇一次，遇大雪之年，草木多零落。

縣屬住民，概爲漢族。據最近調查：『全縣有男六萬三千零四十九丁，有女五萬零二百口；男、女合計共一十一萬三千二百四十九人。』城區住民約占一千三百人。

縣屬農產物，以穀米、落花生（俗名地豆）、黃豆、甘蔗、藍靛、生煙葉等爲大宗；薯、芋、粟、麥等次之；石瓜、蘿蔔、白菜、黃皮、荔枝、沙梨（以出泉村者爲佳）等更次之。穀米年產約二千五百萬斤。大別有早、晚二種（早稻二、三月種，六月穫；晚稻六月種，九、十月穫）；色有紅、白之分；性有水、陸之別；亦有黏、有不黏者。縣人以黏者爲粳——粳與糯同，不黏者爲秈（早稻）爲秠（晚稻）。若細分之，凡三十餘種。陸稻卽早稻，土名「坡禾」亦曰「山禾」。粒大而堅，色白；與桂平、猺山所種色紅者不同。三月蒔，八月穫，其性亦耐燥，宜於畚田山地。

興業縣每年輸出物產約數表

| 品名 | 數       | 量 | 價          | 值 |
|----|---------|---|------------|---|
| 米穀 | 一，一〇六萬斤 |   | 八八三，六〇〇圓   |   |
| 黃糖 | 五六萬斤    |   | 四〇，〇〇〇圓    |   |
| 石灰 | 二〇萬斤    |   | 三，〇〇〇圓     |   |
| 藍靛 | 二，〇〇〇斗  |   | 二八，〇〇〇圓    |   |
| 豬  | 二，〇〇〇隻  |   | 七八，〇〇〇圓    |   |
| 總計 |         |   | 一，〇三二，六〇〇圓 |   |

縣不過三數十匹而已。縣屬鑛產，可分為下列三項：(1)正在開採中者，有第三區城隍團乾塘肚村之赤鐵鑛，第四區山心團旺山之褐鐵鑛及鐵城團石灰山等處之石灰礦。石灰礦礦質極佳——昔年藍靛興盛時代，需要尤大；而以石灰山灰窰所出之品為最良，他縣不及也。(2)前曾開採今已停辦者，有第一區長祭團佛碑村之赤鐵鑛，城隍團龜頭嶺之褐鐵鑛及南鄉團黃牛峽之銀鑛等。(3)鑛已發現尚未開採者，種類頗

縣中開墾新土，必先種芋，諸使土熟，乃種坡禾。粟有狗尾粟、龍爪粟二種。狗尾粟，俗呼為小米，實有白、黃、赤數種；縣屬各處多種之。龍爪粟，即糝子，亦有稱為「鴨腳麥」者。縣屬之麥，大小、蕎三者俱備。家畜，以豬、牛、雞、狗為最多；羊、鴨次之；但無專事畜牧業者。普通畜養家畜，多附帶於農業中；馬則惟中人以上之家畜之；統計全

多，特表而出之，以供關心縣屬寶藏者之參考。

興業縣尙未開採各礦分佈表

| 礦別  | 產地         | 礦別  | 產地         |
|-----|------------|-----|------------|
| 褐鐵礦 | 聯安團榜山背     | 石墨  | 仁厚團胡村      |
| 磁鐵礦 | 城西葵山       | 石綿  | 葵山牛吼村      |
| 黃鐵礦 | 南鄉團崩塘村     | 大理石 | 葵山，陽鼎鴉，馬鞍山 |
| 黃銅礦 | 城西葵山       | 銀硃  | 城隍團大碑村     |
| 錳礦  | 長榮團上泉村     | 水晶  | 一心團金雞坡     |
| 錳礦  | 一心團六巫村     | 雲母石 | 長榮團峽頂      |
| 黑煤  | 城隍團塘表村，鵝頸嶺 | 方解石 | 南鄉團韋村山     |

縣屬地處高亢，山嶺重疊，有小溪澗而無大河流；故無水路交通之可言。陸路則有貴興鬱汽車路，完成於民國十六年，自貴興交界之橋墟而南經縣城以迄下鳴水一段，計長一百舊里，爲縣屬範圍。路面整理堅

固，甲於廣西各車路。縣西汽車路自縣城西達城隍墟，長約五十舊里，完成於民國十九年。郵政於縣城設有三等郵局一所；於城隍墟設有郵寄代辦所一處；於山心墟、篷塘墟、湛江墟則各設有郵務信櫃一隻。電政於縣城設有三等電報局一所；西北通貴縣，東南通鬱林。電話遍及各區團內，四鄉與縣治，時時聲息相通。

縣屬文化，起源於宋，而盛於明；有清一代，則停滯不進；迨入民國，學風丕變，以二十年來之過程觀之，又有復興之勢。學校有縣立初級中學一所，設於城內舊石南書院，完全小學十一校；初級小學八十二所。公園有石巖山公園一處，縣立民衆教育館與公共體育場，俱尙在籌備中。

### 一三〇 興業的龍荔果與楓柯桂

1. 龍荔果 此果發現未久，民十之後，南陽團陽村之牧童，牧牛於該村之尋林塘山，見此木枝葉似玉蘭樹，每年開花，結實纍纍如龍眼果，果殼似荔枝，果肉與核似龍眼，初青，熟則黃，味極清甜。想此木在該山經歷數十年之久，因無人敢吃，是以棄之如遺，迨後牧童好玩，試其味甜，食後亦無礙，始爭食之。現在知者均移種分植於園圃，乃成爲一邑新興之特產。

2. 楓柯桂 一名三合木，一木而葉分三種，一似楓，一似柯，一似桂，故名。最去風濕，功用在五加皮之上。

特產於大容山中。

3. 藍 爲邑中出產品之最特色者。成色優良，甲於他處。前粵東澱商多來境內南陽等處，設廠收買藍澱，運銷各處，獲利甚厚。土人亦常多種此以謀生計。近來因受舶來染料之影響，已迥不如前矣。帝國主義者之侵略工業落後的中華民族，實可謂無微不至。卽此一端，亦可概見一斑也。

4. 得得藤 質堅實，莢長二三尺，核有數枚，形色俱似豬腰，堅如鐵，人收其核以供玩好。

5. 百部 蔓生，根多成百，故名。俗名十二姊妹。根長近尺，黃白色，治寒嗽，殺虻蟲。

6. 黃精 一名黃芝，野生。根、苗、花、實，皆可食。三月生嫩苗，採爲蔬，名筆管菜。根如嫩薑，蒸後曬之，曬後又蒸之，滋補，浸酒飲之，亦益精神。

7. 何首烏 一名交藤，形如鳥獸，山川者佳。生五十年者如拳大，服之一年，髮黑，歷歲愈久，收效愈神。邑中山野各處恆有之。

8. 石斛 一名金釵，蔓生石上，其根糾結，採之曬乾，名黃草。

9. 果子狸 專食樹上百果，冬月極肥，獵家以爲珍品。

10. 豬狸 頭如豬，見人爲前足拱立狀，亦曰拱手狸。



11. 藤貓 形如鼠，長身，修尾，矯健善走。產於山，獵得畜之，能身入鼠穴以捕鼠。

12. 豺 據縣志載「形似狗，長尾，白頰，黃毛，好結羣入山捕獸，各據地界，內有一小者，名「狗奴」，狡捷非常。遇虎、豹、麋、鹿，卽騰踞其背，噬齧幾死，負傷逸去，然後各豺出界分擒，故所獵無不獲。將食，狗奴啖肉分割，一豺一肉，分畢方食，無敢攙越。樵牧遇之，視而勿驚，狗奴亦分與焉。倘所遇多人，豺止分食其半。若恃衆驅之，則羣豺嗥嗥，多致不祥」云。

13. 石蛤 一名石鱗魚，性智而譎：佯死僵臥於溪邊，野雞誤啄之，輒以足抱雞頭躍而沈水。俟雞死，肉腐，蠅、蚋舐嘬，乃伏其旁以食蠅、蚋。夜見火則不動，人以火枝燭之，可擒。土人稱其味甘美。

此外豆有名狗兒者，瓜有名豬兒者，鳥有名雜貨者，皆未知取義何在，亦未得一見也。

### 一三一 興業民性的優點與劣點

縣屬人民多以農爲業，業商賈者很少。蓋地有溪澗而無江河，不通舟楫故也。俗尙儉樸，民崇禮義，婦女勤紡織，兼耕種耘，然趁墟赴市者絕少。此則與粵西其他各縣習尙獨異也。且家無貧富，對於舊禮教，恪守惟謹。十歲以上之男女不同席，雖屬親串，亦罕觀其面。旣嫁之後，遇歸甯宴會，出必乘轎，貧者亦必以洋遮紙

## 傘自蔽。

縣屬民族之特性，優劣互見。其優點有四：(1)重廉恥，故少淫蕩之風。(2)喜親敬，故少老幼相凌。(3)好勤儉，故少饑寒之苦。(4)愛和平，故少械鬥之事。其劣點亦有四：(1)重私利，故乏公益觀念。(2)喜獨善，故乏互助精神。(3)好規避，故乏責任之心。(4)愛安常，故乏進取思想。

縣屬婚俗，由媒妁先通男女兩家之意。兩家合意後，以女庚帖送男家，男家以女庚帖入門得吉兆，男女年命又相生相屬，即以檳榔染紅及首飾送之，名爲「定婚」。及婚期既定，男家卽下聘禮，或八色，或十六色不等；連同婚期帖致送女家，名爲「請期」。女家亦有禮物回答。至期，鼓吹以大紅轎相迎，女家隨備奩物，擇女眷一人，或男眷一人，送女子歸。是夜，卽行合巹交拜禮。親朋多有入新婦房玩笑者，名爲「鬧房」。詰朝，廟見拜翁、姑並親族尊長。三朝，新婦入廚，洗手作羹。女家備茶果相送。娶婦之家，戚友多以酒、米、錢銀或聯炮作賀禮。嫁女之家，親戚則以首飾或衣服、宮粉等助奩。若男子再娶或女子再嫁者，其婚禮多從略。童養媳及長時，擇日同房，無婚禮之可言。至若男子入贅女家之事，則縣屬向無此風也。縣屬喪俗，死者二日小殮，三日或五日大殮，七日或十日殯葬。間有至一月始殯葬者。葬期前，訃告各鄉友，亦孝子不敢死其親之意。葬期屆，親友均來弔唁，或以銀錢爲賻，或以酒米相贈，又或以聯幛致輓。喪家答帛款待。葬後三朝，孝子設餼饌祭塋，謂

之「復土」。

## 一三三 興鬱路上的趣劇

十一月十九日，天晴，上午十時，至汽車站探問車期，據站長云：「須下午三時方有車來，但請早半小時來此守候，較為妥當。」旋歸寓，仍瀏覽興業縣志，午飯後，稍憇，檢取縣志送還區公所，即趨車站候車。抵站時，站內壁上掛鐘，正指一時十分。站長某君見余來，站獨早，笑謂余曰：「君來太早，恐須久候耳。」余曰：「不妨。」余等旅行，只有人候車，未有人候人者；但想不到只有一點餘耳。（是時余所攜之錶，因機器損壞，已停止活動。）至一時三刻左右，先後來搭車者復有數人，有坐下靜候者，亦有徘徊站中者。余以時間尚早，正預備久坐；不意至二時許，余等所靜候之郵車，忽自貴縣方面疾駛而來，皆為之大喜。其時車站之掛鐘，不過二時而已。余等欣然登車。站中人員以規定時間本係三時，當詢司機：「何以今日車來獨早？」司機示以車上之時鐘，始知已屆三時矣。因知站內之掛鐘，誤也。少頃，司機撥動機紐，即往東南開行。道經黎地、高坡等墟，風馳電掣，頗為迅疾，亦不甚簸動。蓋廣西公路實以此路為最平整而堅固也。余自乘廣西長途汽車以來，亦以此段為最痛快。不意車將近鴉橋站，忽見前而有人手執小紅旗攔住去路，余等觀此，知係站中人員示令

停車之標誌，司機遂即停車詢之，始知有人自興業站中打來電話，囑令郵車在此稍候。時車中乘客以須在此稍候，未卜久暫，而靜坐車中，又似覺煩悶；因此先後下車散步者數人，亦有趁此時機出外大小便者。候約十餘分鐘，有小篷車自後趕至，商人某甲自該篷車中出，忙換登郵車，與先在車上之某乙且笑且說。時在車外散步之乘客，見某甲已至，紛紛上車就坐。司機乃開車前進。車既開行，側聞某甲與某乙笑談，始知某甲誤車之源委。緣甲、乙二人自興業結伴同往鬱林，及抵興業汽車站，某甲見站中掛鐘所示時間尚早，即囑某乙看守行李，己則仍返城內，訪一友人，擬不久即來。當郵車由貴縣開至興業時，某甲未返，某乙只得一人攜帶行李與其他乘客同登汽車，意以爲某甲可即至也，已而汽機一開，如怒馬脫韁不可遏止，某乙亦遂聽之。迄某甲返抵站中，見人物俱杳，於是一方面託站中職員急電沿途站，遇郵車到時請爲稍候，一方面另出資六元雇一小篷車隨後追趕。余等對於某甲冤枉花費六元，固甚惋惜；然回思此事之始末，頗覺有趣，俱爲之一笑。即某甲本人亦自覺忍俊不禁。嗣經三山、古樓坡至風門塘，車稍停，忽前述之小篷車，又自後疾駛而來，從郵車右側趨前戛然而止。由車中躍出另一商人，急向郵車招呼，視之，乃係同在興業站登車之某丙也。彼於何時下車，竟未覺，某丙重登郵車後，自其原置之箱篋中，取出洋六元，付與小篷車司機，憤憤言曰：『當此車停在鴉橋時，余以車將候客，即至站後大便，熟意竟致落車，而余之生命財產全在於此（言時以手拍其箱

簧，彼小篷車亦乘人之危，故昂其值，非六元不肯行。余不得已，從之，幸得趕至，這一大便，竟值洋六元。真晦氣！言訖，闔車乘客皆爲之捧腹，余且爲之笑出眼淚。並非幸災樂禍，實緣事直奇趣耳。倘故意造作搬入銀幕，似又不值一笑矣。由此再東行，九里，卽抵鬱林車站。下車後，雇挑夫伴余入城，寓居吉星樓第一旅店。店中多妓女，粉白黛綠，燕語鶯聲，鬧嚷不休，而冶遊者，更往來不絕。晚飯後，出店擬再尋覓較爲幽靜者，然所見殆皆一邱之貉，遂勉宿其中。

十一月二十日，早飯後，以店中喧闐嘈雜，就商於店主，店主聞余言，卽介紹余至第二旅店，該店位於東門街，幽靜宜人，除侍候茶役之外，幾鴉雀無聲，庭院之中，培植花木頗多，可供觀賞，且便余作事，遂卽遷往。午飯後，赴鬱林民國日報社，社長鄧繡琦君一見如故，當卽延入內室，傾談甚歡。鄧君叩余沿途經過情形甚詳。十月二十一日，至縣政府，見縣長嚴海峯君，寒暄之後，出調查表並索借縣志，據告縣志存於商會，余卽辭出，至商會借得而歸。是日承縣府略資旅費，余卽省出一部，匯還桂平縣立民衆教育館盧瓚君，以踐宿諾。晚間，鄧繡琦君來訪，以余廣西之遊將竣，特叩余對於旅行廣西之感想，余對曰：『來貴省叨擾數月，印象甚佳，尤以沿途各界對余熱心指導與愛護，甚爲感激！惟余對於軍事與政治素不聞問，且少興趣，故談不到。所可告者，余此次遊歷貴省，所得見識，較諸他省爲多，貴省特多石山，巖洞尤夥，卽以凌雲一地而論，余更發現』

數奇蹟，多爲前人所未發現者。至於西北一帶之河川，中多伏流，亦他省所罕見。關於物產方面，廣西特產亦多；其餘若交通、文化、風俗等項，均各有其特殊之處。」云云。

十一月二十二日，天晴。下午三時，余正披閱鬱林縣志，張君俊民來訪。張君桂之平樂縣人，曾相識於南寧統計局，現因調查農村情形亦來此地。同訪者，尙有陳慕高及劉宣二君。談間，張君等叩余此行觀感，余亦以昨日對鄧君之言答之。談至四時餘，張君等始辭去。

### 一三三三 鬱林縣概況

鬱林地居廣西省之東南部；據南流江之上游，東接北流，西連興業，南屏博白，北鄰桂平，東南接陸川，西北連貴縣，西南界廣東之合浦縣。全縣面積凡一千七百三十五方公里。強縣城居南流江上游之西北岸一里許，位於北緯二十二度四十一分三十秒；西經（北平子午線）六度四十四分。東至北流縣城約五十舊里，南至陸川縣城約九十舊里；西南至博白縣城約一百一十五舊里；西北至興業縣城約八十舊里（志稱爲六十里誤）。

考縣境在秦爲桂林、象二郡地，兩漢爲合浦郡地，三國兩晉皆因之。劉宋置南流郡，齊、梁、陳曰定川郡；俱

屬越州。隋初廢郡爲縣，屬合浦郡；後廢入北流縣。唐武德四年，置義州及南流、定川二縣；後改義州爲智州。貞觀十二年，又改爲牟州，治南流縣。永淳元年，開古黨峒立黨州；置撫安、善勞、善文、寧仁、安仁、懷義、福陽、古符等八縣（皆在今縣地）。次年，析其半置平琴州。建中二年，廢平琴州以其地仍屬黨州。五代屬南漢。宋開寶七年，廢黨、牟二州併入南流縣；屬鬱林州（在今興業縣）。至道二年，始移州治於今城，領南流、興業二縣。政和元年，以廉州之博白縣來屬。元因之，屬梧州路。明洪武二年，省南流縣入鬱林州，屬梧州府。十五年，北流、陸川二縣來屬。清初因之；雍正三年，升州爲直隸州，領博白、北流、陸川、興業等四縣。民國成立，廢州爲縣，屬蒼梧道。十七年，廢道制，直隸廣西省政府。

縣屬地多平曠；有山不深，有林不密；雖屬邊疆，却無瘴癘之氣。一歲之間，暑熱過半；草木恆花，不甚零落。當夏固暑，入秋更酷；最高氣溫，可達華氏寒暑表九十七度。冬寒無雪；最低氣溫，約在華氏表五十度。春、夏多雨及霧；牆壁柱礎，常自潤滴。故地濕潤而物易腐；棟宇多生白蟻；書籍、衣服，易至霉蠹。四時多蚊、蚋，尤不可耐。住民，概爲漢族。各族姓隸籍者，皆自唐、宋先後而來，久處而安，並無來（俗呼客籍曰「來人」）土不和之習。據最近調查：『全縣有男二十萬零二千二百八十九丁，有女一十四萬三千六百四十六口；男女合計共三十四萬五千九百三十五人。』城區住民約占五萬餘人。

縣屬農產物，以穀米爲最大宗；番薯、芋頭、麥子、玉米、藍、花生、甘蔗、大豆、小豆、木薯、麻子、竹、木等爲次大宗；再次爲柑、橙、荔枝、元肉、檸檬、梨、栗等出產亦不少；至於蒜頭、棉花、薑、蔬菜、瓜類等，則僅供本地之用，鮮有出口者。穀米年產共約一百七十餘萬石，除民食一百二十餘萬石與釀酒二十餘萬石外，由北流、船埠出口者，約有二十餘萬石。分秈、糯二類，秈有早晚之別，與紅、白之分，就中以晚稻鼠牙黏爲最優而多，復有黃穀、白穀兩種；極上者穀白，米小而香軟，色如銀，價較昂，而買客多爭販往四方；舊都稱爲「廣西細米」，麥兼大、小、蕎三種；而以大麥爲最多。藍以之爲靛，花生以之榨油，甘蔗以之熬糖。縣屬土產除五穀外，原以此三者爲大宗，而

鬱林縣年產家畜約數表

| 類別 | 產額約數   | 類別 | 產額約數   |
|----|--------|----|--------|
| 豬  | 四四七九〇頭 | 雞  | 三五〇〇〇隻 |
| 牛  | 二四五九〇頭 | 鴨  | 二〇二〇〇隻 |
| 羊  | 一二三〇頭  | 鵝  | 八五〇〇隻  |
| 馬  | 一一二〇匹  | 鴿  | 七六〇〇隻  |

茶（盛產於縣北三十里之大塘墟）次之；今則茶既少，而油與糖且不足給本境之用，惟藍靛尙常行銷於廣東。木屬以松、杉爲最多，樟、櫟次之。松柴年產約二千餘萬斤，完全銷售境內。筍竹到處皆有；丹竹盛於縣北之蒲塘墟——爲縣屬產竹最盛之處。縣屬竹、木工人編造之竹、木器具，頗精巧而有名，柑果味美，爲全省之



鬱林縣畜牧業年出副產約數表

| 類別 | 產額約數       | 價值約數    |
|----|------------|---------|
| 牛角 | 四，五〇〇斤     | 一，三五〇圓  |
| 牛骨 | 六五，八〇〇斤    | 七，七七六圓  |
| 牛膠 | 一一，四〇〇斤    | 二，八五〇圓  |
| 牛皮 | 六二，五〇〇斤    | 一八，七五〇圓 |
| 豬毛 | 七，九五〇斤     | 七九五圓    |
| 鴨毛 | 二〇，二〇〇隻    |         |
| 雞蛋 | 二，八五五，〇〇〇個 |         |
| 鴨蛋 | 一，六九五，〇〇〇個 |         |

爲最佳。至若發現而未經勘驗開採者，有一心區鵝頸嶺之銅鑛，下撫康區周村肚之錳鑛，西安區之錫及鎂和一心區楊村之煤炭等。

冠；元肉質味，亦較勝於他縣。縣屬家畜，以豬、牛、雞、鴨爲最多；鵝、鴿次之；馬、羊則較少。豬年產約四萬五千頭，平時餵以粥、飯、薯、芋苗及酒糟等，頗與吾鄉相同，故其肉味較諸其他各縣所畜者爲優。縣屬礦產，尙無組織公司來開採者。如上仁厚區寒山之金、銀石及白石，一心區掛榜山之砂石，一心、南磬、上仁厚等區之石灰石等，皆僅任私人以少數資本自由挖用。青石則各區皆有；而以石根村產者

鬱林縣每年捕獲特種動物約數表

| 類別  | 年獲約數   | 類別  | 年獲約數 |
|-----|--------|-----|------|
| 禾花雀 | 六，五〇〇隻 | 豪豬  | 八五〇頭 |
| 麻雀  | 五，五〇〇隻 | 烏肉蛇 | 六五〇尾 |
| 蛤蚧  | 四，二〇〇尾 | 錦雞  | 二二〇隻 |
| 鷓鴣  | 三，四〇〇隻 | 果子狸 | 一二〇頭 |
| 山瑞  | 一，五五〇隻 | 虎豹  | 約十餘頭 |
| 黃麋  | 八六〇頭   |     |      |

鬱林縣年產魚類約數表

| 類別 | 產額約數    | 價值約數    |
|----|---------|---------|
| 鮰魚 | 九五，五〇〇斤 | 一四，三二五圓 |
| 鱸魚 | 六四，五〇〇斤 | 九，六七五圓  |

陸路，自縣城西北經興業

而至貴縣，有貴興鬱汽車路，長約二百舊里；東北至北流，有北鬱汽車路（此路由北流延長再往東北經容縣、岑溪，可抵梧州），長約五十里；東南至陸川，有鬱陸汽車路（此路由陸川延長往南，經廣東之廉江縣而至廣州灣之赤坎）長約九十舊里；南至博白，有鬱博汽車路（此路由博白延長往西南行，可抵廣東之合浦縣），長約一百一十舊里；皆已通車。水路，上

|     |          |         |
|-----|----------|---------|
| 鯉魚  | 五四，五〇〇斤  | 八，一七五圓  |
| 鱖魚  | 五二，五〇〇斤  | 七，八七五圓  |
| 鮭魚  | 三四，五〇〇斤  | 五，一七五圓  |
| 鱒魚  | 一三，四〇〇斤  | 二，六八〇圓  |
| 鰕魚  | 八，三四〇斤   | 一，二五一圓  |
| 塘角魚 | 七，二四〇斤   | 一，〇八六圓  |
| 鯽魚  | 九，五五〇斤   | 九五五圓    |
| 螺   | 八，八四〇斤   | 八八四圓    |
| 蜆   | 七，六四〇斤   | 七六四圓    |
| 總計  | 三五六，五一〇斤 | 五二，八四五圓 |

郵政，於縣城設有二等郵局一所；於船埠、福綿、樟木、蒲塘墟等四處，各設有郵寄代辦所；於大塘、茂林橋、新橋、沙田墟、蘿田墟等五處，則各設有郵務信櫃。電政，於縣城設有三等電報局一所及無線電收音機一處。鄉村

游皆係小江，水量甚淺；惟東之南流江，西之定川江，匯流至城南三十里之定川埠，水量始深，可通民船。自廣東廉州經沙河墟、博白縣城、沙田墟而載貨上駛之船，皆停泊於此卸載；故俗名停船埠。夏期水量，約六尺以上；冬期水量，約四尺以上。來往帆船約有六十餘艘——大者載重約十萬斤，中者約六萬斤，小者約三萬斤；惟無汽船航行。

電話，由縣城可通各區、鄉公所。

縣屬文化，向稱發達，中學教育，不亞邕、桂；小學數量，位居全省第三。中學有廣西省立第二高中、鬱林縣立初中、私立紫泉初中、私立育才初中、私立晴川初中等共五校。小學教育，有完全小學十三所，初級小學四百三十八所，共四百五十一所。報社，有鬱林民國日報社一家，設於城內東門街；日出新聞一大張。中山公園，在城內西北隅，中有古木，老態龍鐘而蒼翠可愛。有池名西甌，又名西湖；不甚寬廣而水深不竭；往往雲氣蒸騰，波濤動盪，爲鬱林八景之一。園側有縣立圖書館，建築宏偉，尙未竣工。公共運動場以舊東校場爲場址，娛樂場所所有公共會場，不時放映中西影片。書業，有大同書社、圖書商店、翰文堂等三家，俱設城內。

## 一三四 鬱林的勝蹟

1. 白石洞 在城東南三十里。巉巖攢列，周亘十里；童山濯濯而多白石，道書稱爲第二十一洞天。石磴盤紆，中極幽邃，曲折蛇行數武外，豁見天際，清風冷然，欲絕塵表。旁有水月、天馬、鈞天、紅日、天慶、天星諸巖，並稱絕勝。

2. 水月巖 在城東南二十里；與白石洞接連。遊白石洞者必先經此。巖前有江，穿巖洞而出。洞中有石

乳凝結，如琅玕倒垂。循洞口入，仄徑幽暗，旁皆深澗。遊人秉燭列炬，捫壁以進；中多蝙蝠，驚飛掠面，至是水石益奇，芙蓉、仙人掌，目不暇給。殆卽所謂「陰洞」也。約行里許，忽見星光，再進則平石如砥，溶溶月色矣。「水月」名巖，或取此義。出洞西南，緣崖而上，蔚然森樹；洞在其腹，是曰「天馬」，亦絕境也。

3. 鈞天洞 分上、下二界，卽天馬西峯也。下洞須涉潭水始至。臨潭有二石，扣之作金石聲。上界軒豁，可布十筵，坐聽敲石鐘，擊石鼓聲，琅琅如鈞天之奏。

4. 仙隱巖 在城西北三十里。樹木蒼鬱，蔚然彌秀。中有石室，廣周數畝，石乳四垂，琳琅滿目。巖外瀑布飛騰，奔激懸崖，陡絕如千丈白練。有石履大人跡，宛然深入數寸，不生莓苔。舊傳有仙人隱此，又名張道巖；爲縣中八景之一，名曰「石室仙跡」。

5. 寒山嶺 在城北三十里。舊傳飛來石三，鄉人建廟祀之，求雨輒應。香火之盛，爲全縣諸廟之冠。遇旱，牧伯請於鄉人，迓一石至郡，晨夕祈禱，雨卽滂沛。上有龍湫，雲霧四布。民國初年，石移在城，爲學生擊碎；鄉人易以他石，仍置廟中，而香火轉盛；至今不絕。嶺勢雄峻，自下至上，約五、六里，雲山四面，烟火萬家，皆在目前。爲全縣勝地。

6. 鳳凰嶺 在城東十二里。相傳有鳳凰鳴於嶺巔，故名。諸嶺草色經秋皆黃，惟此嶺獨青。每當商飈怒

號，松濤暮捲，清空寥廓，其景不一。

7. 西甌池 又名西湖池。在城內西北隅之中山公園內。舊傳池有蛟龍，昔人建武郎廟其上以鎮之。

8. 龍橋 在城南一里。相傳橋下最深處，舊有石梁，上刻「龍橋古渡」四字，水落石出，依稀在焉。後人建橋其上，因名瑞龍橋。

9. 紫泉 在城南一望，距龍橋不遠。泉築方池，水草蔓生，清可鑑人。上有瑞泉亭，遺址僅存。

10. 穿鏡山 在城東三十五里，界北流縣。從平疇中突起一峯，山半壁開一洞，穿澈無礙，圍圓數十丈，望如明鏡懸空，故名穿鏡山。

11. 三光洞 在城東南二十五里。洞極寬廣而高，中有三門，南望陸川，北望縣城，東望北流，石上鑄有「三光洞」三字，以三門胥受日光也。

12. 牛暈嶺 在城北十里。清康熙十七年，巡撫廣西 佩撫蠻將軍 印傅宏烈，用兵於此。嶺上四周，戰壕猶在。

13. 古黨州城隍廟 在城北四十里黨州村。州係五代時名。考五代時馬殷據湖南，跨有廣西之半，梧州、昭州以上皆屬楚；劉隱據廣東，奄有邕管、容管地，則黨州必爲南漢立國時所置，而廟亦必建於是時。後雖徙

治而廟存焉。今猶爲黨州村人祈報所在也。近有人掘地得古錢數千枚，皆五代宋年號，圖法不異歷代之制。民國以後，縣城隍廢，此獨靈光巋然，殆歷八百年矣。

14. 三山煙墩 在城西北三十里墩尖形，上有竅，苔痕斑駁，上至興業響水，不下十數處，相傳爲明季遺跡；猶想見當年烽烟滿目之象。

15. 沸泉井 在城北一百二十里蔻垌堡之郭塘村旁，亦一間歇泉也。井口寬一丈，土人相傳「人寂無聲，泉水漩流如故，若有人高喝大喊，則滿井水沸，噴湧水泡，如烹茶，如煮羹；愈喊則愈沸，喊止而沸亦止」云。遇旱，井水可灌田數十頃。

### 一三五 鬱林的茶泡與「酒擔」

縣屬在昔頗多好義急公之豪舉，今鄉閭猶有崇樸尚儉之古風。智識階級多重廉恥，不干謁公庭。農工商賈，早作夜息。婦女多助田功，井曰，暇則紡績。男女之別甚嚴；女子在道，不與男子並行，乘輿必垂簾，交際場中女子固不與男子同席同座，即在家朝甕夕殮，亦必男女異席。服飾普通多短衣短褐，夏則麻葛，冬則棉布。富裕者則絲織物與毛織物是尙矣。婦女多赤脚，但無冶遊踏青之習。飲食惟饒富之家終歲可食稻米，農家

則半佐薯、芋、雜粟飲酒皆釀以穀，歉歲或釀以糖或薯，有一釀、再釀、三釀者。鄉民多飲薄酒，富家以黑糯米釀之，味最醇。

俗重檳榔與茶泡，不知始於何時，今仍如故。鄉間客至，奉茶後，必奉以檳榔，倉卒間，可無茶，不可無檳榔。宴會請客，要約息爭，概以檳榔爲憑，無則或可改悔。遇有吉事，則以蘇木汁染紅，婚娶家以送聘敬客，有需至數十斤者。茶泡爲女工所製，將冬瓜削成薄片，闊寸餘至二寸，或方、或圓、雕刻花、木、蟲、魚，皆鏤空漬以白糖，曬乾封貯。客至用以點茶，俗名「茶泡」。嫁女者每備數百枚于歸，次日，徧奉婿家戚族尊長，謂爲「新人茶」。貧家則以棗、桔代之。居室樸素，土磚作牆，或以石灰聖飾。惟富家多砌青磚，而柱架甚少。以地卑濕，多白蟻，用木柱易遭蛀蝕故也。重建祠堂，若本支成祠，或合族建祠，則丹楹刻桶，雕飾華麗，而神廟尤甚。器具多用陶瓦，間有用瓷，然亦粗賤者。婚嫁及各喜慶事，戚族餽贈，有所謂酒擔者，銀、米、雞、酒咸備。若妻之胞弟結婚，雖婿與壻父未分爨，亦必各以一擔相贈，謂之「雙酒擔」。慶祝者壽，來賓宴罷，每攜取盃、箸等物，謂之「覓壽」。女賓尤甚，其無子者且攜取酒壺以爲「一索得男」之兆。蓋義取象形云。

縣屬婚俗，訂婚多在幼年，問名後納采，必須檳榔，次則茶、餅、釵、釧——貧者或代以銀錢。女家回禮，則以冠、履、文具。娶時聘禮，豐約稱家有無。富者不言聘金，禮物則中人以上，羊、豕、鳧、雁皆備。婚日擇齊眉之婦往女



家相見畢，先回，謂之「接嫁」。女家亦擇一婦隨女並妝奩送來，謂之「送嫁」。男家設筵款待，敬禮特異，且有謝步儀、奩物、除衣、飾、被、褥、外、床、榻、櫃、棹、椅、櫈及日用飲食所需器皿，幾無不備。即係貧家，他物可缺而床必不可缺。鮮行親迎，新婦至門，亦擇齊眉兩婦，左右扶掖降輿，登堂，交拜，合卺。次早廟見，午後，婿偕婦往女家拜父母，謂之「回門」。縣屬無招贅者，童養媳則貧民間或有之，至成年時，擇日交拜成婚，謂之「圓房」。亦有用除夕成婚而不需擇日者。

縣屬喪俗，三日棺殮，成服，數日或十餘日治葬，入殮，送殯，族鄰咸至，款以粗饌。富厚之家，或定期領帖遍訃戚友，盛筵款待，支付往來輿費，輓軸祭品，咸回厚儀申謝。自始喪至出殯，所費不資。若稍次之家，則多辭弔，尚浮屠。現在有識之士，多已改良，不用浮屠，輓軸祭品，亦不回資矣。戚友弔喪，男子皆持燭酒，不上香，一跪三叩首，近易爲鞠躬。婦女則除跪拜外，且哭且歌。

## 第五編 由鬱林至平樂

……………十一月二十三日至十二月二十八日……………

### 一三六 往北流去

十一月二十三日，天晴，上午十時，檢取縣志送還縣商會，嗣復遊覽全市一周，旋返寓所。下午五時許，余爲便利搭車起見，自吉星樓第二旅店遷至西門鬱林酒店，與張君俊民同寓一室，爲免誤車計，臨睡時預囑茶房『請於翌晨五時卽行呼余起床。』

十一月二十四日，天未曉，茶房來呼，挑夫亦早已雇好，余辭張君，逕往車站。抵站時，天色漸明，少頃，有一美國女傳教士亦來站趁車，當地送行婦女達數十人，內有一婦人手提生落花生一小籃贈與美婦，美婦頗有窘色，推讓再三，始勉強收受，究不知將作何處置也。少頃，車開行，美婦頻揮其手，送行婦女均佇目相送，依戀不捨之情，一若遠別至親者然。車行三十里，至新墟，墟當鬱北公路中心點，稍停，復前進，又三十里，至北流縣城，寓居城內旅店。早餐後，往縣政府，縣長黃緯芳君因事下鄉，當由祕書某君接見，坐談有頃，余向之索借

縣志某君以該縣縣志存於鴻儀堂內，因即派人送余至該處借得回寓。晚飯後，劉君德成來訪。劉君當地人，曾肄業滬上大夏大學，對余此次旅行，甚爲興奮，承告當地風土情形極詳，並願導余往遊勾漏洞；余深致謝意，談至九時許，劉君始別。

### 一三七 北流的勾漏山及其他勝蹟

十一月二十五日，天晴，上午九時，劉德成君來寓，邀遊勾漏洞。出東門，過登龍橋，由小徑行二、三里，入北容公路東行途中，劉君叩余旅行經過及將來計劃頗詳。余等且行且語，約六、七里，不覺已抵勾漏山前。附近山峯矗立如林，其巖穴多勾曲穿漏，山以是名。就中以勾漏洞爲最大，洞有守者二人，見余等至，煮茗以待。稍坐，囑守者備火炬作前導，入內遊覽。首爲寶圭洞，乃勾漏之正洞也。上刻『勾漏洞天』四字，道書稱爲『第二十二洞天』。內有石室三，相傳爲葛仙翁煉丹之所。其西爲靈寶洞，旁有龍潭，再進，壁間石乳呈各種奇異形狀，導遊者逐一指點：某爲石牛，某爲石獅，某爲石龍；更有丹竈、石床、石几、石盆、石甕、石臼、石碾等，皆形態宛然。尤以鸚哥啄鯉魚一形爲畢肖。據導者云：『中有出米洞一，相傳昔時出米，日可供一僧之食。後以此間住持生貪心，將洞口鑿大，神靈忌之，自是不復出米』云。此種荒誕之神話，入吾耳者，已非一次，最可歎者，不知

冤枉多少僧人也。又進約里許，有水源不知其所自來，從山南石竅而出，再進，已窮洞底，計自洞口至此凡三四里，旋折回原路出洞外，熄滅火炬，繞至山後，左側而下，約一里，巖間刻有『桃源洞』三字，將抵山麓，卽至桃源洞口，洞口建有一亭，稍憩其中，再燃炬由亭後入，初甚狹窄，行數武，入一小門，僅容一人，據導者云：『從前此處有上下二孔，下孔如竇，上孔如甕，寬僅盈尺，匍匐可入，今則兩洞鑿穿，出入已甚便矣。』再入，兩壁石巖緊束，如行小巷，又數十武，復經一小門，過此稍進，則漸寬，委蛇曲折若長廊，中隔小池，水清而淺，沿邊可行，後復經數石門，始達中洞，洞內頗廣，內有石佛一尊，似觀音大士像，其前有一石塘，可容水數石，塘下石田，約數十丘，阡陌顯明可見，似爲塘水所灌溉者。再進，至後洞，甚大，可容數百人，清邃幽深，如齋如室，上不甚高，伸手可捫其頂，頂石光潔可愛，下甚平坦，可坐可臥，其中石乳所結異形奇狀，種類不少，尤以石玉蜀黍爲最肖，其旁石壁高約七八尺，成行成粒，整潔平勻，歷歷可見。嗣循原途而出，導者逕回，余等直趨公路，路側有攤出售零食，略購止飢，耑返城中，此外，北流勝蹟，尙有下列諸地：

1. 大容山 在縣城北二十里；容縣城西北二十五里；鬱林城東北五十里。矗立峭拔，高五百餘丈，周圍千餘里，以其迴闊無所不容，因名『大容』。鬱林、北流、容縣、桂平諸縣分據其麓，山上盛夏常有霜，泉源出分九十九澗，山形面面相似，入者多迷，如九巖然，絕頂有巨石三片，各長數丈，形如『川』字，俗呼爲『大三片』。

『石上有巨人跡，居民罕至；惟猿人射臘經之。東下數十步，復有三石，形勢相似而高大不及；俗名爲『小三片』。東面有靈液巖，深約二丈，廣倍之。有石鐘、玉臼、蛟門諸勝。泉水甘冽異常，數百人飲之不竭。巖名靈液，以此。其下珂溪，卽九十九澗之一。』

2. 鬼門關 在城西十五里，界於鬱、北二縣之間，雙峰對峙，中成關門。漢伏波將軍馬援征交趾，經此勒石，殘碣巋然尙存。昔時趨交趾，皆由此關。至南尤多瘴癘，去者罕有生還，故諺云『鬼門關，十人去，九不還。』唐、宋詩人遷謫蠻荒，經此而死者，踵相接也。今縣屬人煙稠密，瘴癘早絕，明洪武間，改名桂門關。宣德中，復改爲天門關，但俗仍多以鬼門關呼之。民國十年，粵、桂兩軍鏖戰於此，達兩晝夜。

3. 印嶺 在縣東二里，四畔皆平，中突一阜如印狀，建有塔於其上，高七級。

4. 望夫山 在金龜山前，瀕大江邊，縣之下關也。山坳有一石，狀如婦人，故名。

5. 筆架山 在寶圭洞前，三峯聳峙，狀如筆架。

6. 銅石山 在城東二十里，層巒聳翠，石皆紫色，大小二山，遠望如一。大者高數百丈，山頂寬平，上有靈池。唐初建銅州，是以此山名之。乃縣城下流之砥柱也。

7. 鯉魚石 在小銅石山之麓，其石狀如鯉魚，有泉甘冽。

8. 雙女石 在鯉魚石旁相傳「縣民有二女採桑，化石於此，因名。」

9. 會仙巖 在銅石山之東巖頂有瀑布飛瀉；有廳當其下，瀑布從簷瀉落，四時如雨，清敞宜夏。

10. 西竺巖 在城北十五里平疇特起一山；巖在山之西面，原有巨石塞巖口，如含物然。清康熙時，有僧

人積薪焚石，鑿而闢之，建寺巖前。山之北有白雲巖，內有古佛像。

11. 磬石山 在城東三十五里平疇中，屹然孤峙，三峯聳秀，四面石壁陡絕，東巖稍低，闢徑而入，中可容

數百家。咸豐間，盜賊猖獗，鄉人避亂其中，壘石爲城，名磬石寨。地屬容北要衝，匪屢攻之不克。

12. 會靈臺山 在縣東二十五里，高百餘丈，山頂平廣數十畝，有池塘、田舍，儼然村落。由山脚沿級而上，

山半有石洞，甚明敞，建有寺宇，旁有飛泉，貫崖而下，僧人用竹筒引入廚下。洞外石坪，有巨人跡。東有龍井。

13. 峨石山 在城南八十里，兩山隔水對峙，相距數里。或云峨亦作鵝，左爲鵝公石，右爲鵝母石，以石形

像鵝，故名。鄉人築寨於鵝母石上。咸豐七年，縣城陷落，諸堡多失，而此寨獨全。

14. 圭水 有二源：一出大雲嶺，經羅皂，名沙洞水；一出六里嶺，經嶺洞墟，名石梯水。二水至大坐坪相會，

曲折北流，經定良村至鵝石，合香爐水，水流始大，可通舟楫。再經隆盛墟、信義洞，清水口流至縣城西南，是爲

圭江。因中流有石洲如元圭砥鎮，故名。折往東北流，經民安墟、高車堡，入容縣界，名爲繡江，至藤縣入於西江。

15. 潮水井 在小二里覃村六感廟後，每潮至則泉湧出，磕磕有聲，亦若海潮之有信然。
16. 溫湯井 在下二里，其熱如湯。

## 一三八 北流縣概況

北流地居廣西省之東南角；據西江支流容江之上游，東北接容縣，西之北連鬱林，西之南鄰陸川，北端一小部分接桂平，東之南界廣東之信宜縣，東南界廣東之茂名縣，南界廣東之化縣，全縣面積凡二千五百七十四方公里強，縣城偏居縣境之北部，位於容江上流圭江之西北岸，西南距鬱林縣城約五十舊里。

考縣境古爲越地，秦屬象郡，漢爲合浦郡合浦縣地，三國及兩晉皆因之，劉宋屬南流郡，齊永明六年，置北流郡（無屬縣）；隸越州，縣之得名自此始，梁、陳因之，隋廢郡爲縣，屬合浦郡，唐爲容州之北流，陵城二縣及禺州之溫水郡，峨石、羅辯、扶來諸縣地，五代爲北流、陵城、峨石、扶桑等縣地，初屬楚，後屬南漢，宋開寶五年，廢禺州，以峨石、扶來、羅辯、陵城四縣省入北流縣，屬容州，元屬容州路，明屬鬱林州，隸梧州府，清初因之，雍正三年，改鬱林爲直隸州，縣仍屬之，民國初，屬蒼梧道，十七年，廢道制，乃直隸於廣西省政府。

縣屬向無瘴癘，而多暑少寒，有霜無雪，或數十年一雪，間有颶風折木發屋，至二、三日始止，入冬霽暖，俗

謂「迴南」春來燠晴；若寒而雨，俗謂之「春寒雨」。至春夏淫雨，漲潦時發；水能瀉人，連雨之後，若見重霧，則必晴霽。夏秋暑寒易節之交，人感之每患瘡疾；驟去衣襟，輕飲涼水者，多爲所中。大抵夏天最高氣溫，約達華氏寒暑表九十六度；冬天最低氣溫，約在華氏寒暑表三十七度。雨量以春夏二季時最多，秋冬較少。

縣屬住民，除漢族外，原有猺、狼二族，耕田爲業。宋、元以來，漢人由粵、閩、贛、豫入籍縣屬者益多。自後土著與漢人互通婚姻，涵濡沾染，今已完全同化，與漢人無異。據最近調查：『全縣有男一十九萬七千二百四十五丁，有女一十四萬一千零五十五口。男女合計共三十三萬八千三百人。』城區住民約占五千七百餘人。縣屬農產品，以稻、麥、落花生、菸葉、薯、芋、豆類等爲大宗；苞粟、甘蔗、大頭菜、蘿蔔、瓜類、棉、麻等次之。蒜、葱、生、菜、苡仁、冬粉等更次之。黏稻種類最多，分早、晚兩熟。糯分大糯、小糯、黑糯三種。香秈稻類大糯而不黏，氣味清芬，爲穀品之最。麥有大麥、小麥、蕎麥（俗名三稜麥）三種。粟有狗尾粟、鴨腳粟二種。落花生，俗名「地豆」，邑中最多，以之榨油，品在菜油、茶油之上。其可飼牛、馬、豬，可以糞田疇。菸葉頗多，而以東吉京團爲最盛。舊鬱林五屬所用之黃煙，均取給於此；有時南洋兄弟煙草公司，亦派人來此購買。諸有番薯、甜薯、山薯、紅人薯、木薯等數種。就中以番薯爲最多，爲縣屬重要雜糧之一。山薯，須植援附樹乃生。紅人薯，苗高丈餘，一莖祇結一實，有重至十餘斤者；嶺南雜記稱爲「豬肝薯」。木薯，樹高數尺，葉類嶺南之木瓜葉而小。春初下種，冬時



則樹自倒；掘取其根，即諸也；長一、二尺。豆類，以黃豆爲最多；黑豆、綠豆、飯豆、冬豆等次之。外有荷包豆、蔓生、有紅、白花二種；莢不可食；其仁粒大如拇指，形似荷包；可食。林業以松、杉、竹等爲大宗；油茶、櫟木等次之。果樹以圓眼、荔枝、黃皮、沙梨、柿、柑、橙、檸檬、梅、李、楊梅等爲最多。松、杉、竹等，則多產於舊四、五、六等區，每年運到縣城及廣東、梅、蕉等處者，年值十餘萬圓。荔枝有大造、黑葉、丁香、麒麟、白蠟等數種。梨子有青、黃二種；以二廂所產者爲最佳。家畜以豬、牛、雞、鴨、狗、貓爲主要；次爲羊、鵝、馬等。豬大者，畜至二、三百斤；其飼養方法，與鬱林同。雞有鬍鬚、反翅、著褲、蓮花冠等數種。馬則徒供代步而已。縣屬鑛產，以鐵爲最著；金、錫次之；再次爲紅石、青石、麻石、滑石等。鐵出於二廂、蟠龍之大牛嶺、化石山、雷蛤山一帶，面積甚廣；礦質亦佳；現已設廠開採。縣屬鐵器業之發達，全賴乎此。金，在縣內小一里沙坡之利久河，下三里之河垠河，均有發見。土人陶之，金質頗佳。但開採不得法，獲利無多。錫，出下三里黎埭，質亦甚佳；常有工人開採。紅石，出波一里之龍虎寨及小二里之銅石嶺。滑石出六麻；運銷梧州亦多。

縣屬水路交通，有圭江縱流南北；夏期水量，普通三、四尺；冬期水量，普通約尺餘。下游自縣城而下，經民安而至容縣城，長約六十里，航行民船約一百艘——再下可經藤縣以至梧州。上游自縣城上溯至隆盛街，長亦六十里，再上至渡船埠，航行民船約二、三十艘。再自渡船埠上溯，左達平政，右往六麻，在夏季水盛時，可

以行筏，每船載重自四、五千斤至四、五萬斤；竹筏載重約一萬斤。陸路，由縣城東北行經西山墟而至容縣有北容汽車路；西南行經新墟而至鬱林，有北鬱汽車路；以上二路，俱爲邕梧幹路之一段；長各約六十里；在縣境者各半；早已通車。南有北寶路，經隆盛街（長約六十里）、平政街（長約六十里）、六靖街（長約四十里）而至廣東化縣之寶墟（長約五十里），全長約二百一十里；再由隆盛街分支轉東南經新豐墟（長約三十里）、沙洞墟（長約二十五里）、白馬墟（長約三十五里）、大倫街（長約一十里）而至廣東之信宜城及鎮隆街（長約五十里），全長約一百五十里；此二路縱貫縣屬東南部，內可通邕、梧，外可通高、雷諸屬，關係北流前途之發展甚大，惜至今僅完成由縣城至隆盛街一段，餘則尙須稍待耳。

郵政，於縣城設有二等郵局一所；於民樂、新墟、隆盛、平政、六靖等五處，各設有郵寄代辦所一所；於塘岸、平樂、六麻、新豐、沙洞、白馬等墟，則各設有郵務信櫃。電政，於縣城及隆盛，各設有電話局一所。縣城置機五十門；隆盛置機二十五門。

縣屬文化，向稱發達。在一九二九年以前，地方人士，以出洋傭工或經商相尙，每年所獲工資或利潤匯回到縣者，不下四、五十萬圓；地方經濟，頗形充裕。故其文化益振，厥後以南洋橡、錫等重要產物，價值慘跌；致華僑失業，紛紛回國。近年來匯款回縣者，合計已不滿十萬圓。加以內受黨政派別之爭持，外受帝國主義者

之經濟侵略，農村經濟爲之破產；文化事業更爲之大受影響。現在全屬尚有完全小學十一所，高小十四所，初小四百二十四所。中等教育，有縣立第一初中（在城內）、縣立第二初中（在平政）、縣立鄉村師範（原爲縣立三中，現改今校，在隆盛）、縣立職業學校（原爲縣立四中，現改今校，在新墟）等共四校。社會教育，有縣立民衆教育館、北流公園、通俗圖書館、景蘇樓閱報所等各一所。娛樂場所，有陵城戲院一家，以縣屬在唐及五代時有陵城一縣而名之也。書業，有善榮書社與振文書局二家。縣立民衆教育館，建於城南景蘇樓之西；採用新式建築，費資鉅萬，規模宏偉。北流公園，在民衆教育館之東；清光緒三十二年建，四周圍牆，約高五尺；中建小亭，遍種時花。惟面積太小，未足以言展人心神也。據當地人士言，現擬擇地擴張。

## 一三九 北流的特產

1. 蟠龍瓷器 以出二廂蟠龍村者爲最佳；就中以碗爲最多，係掘大牛嶺白土陶冶而成；謂之『蟠龍碗』其出自嶺洞者，謂之『嶺洞碗』總計全縣出碗地方共九處；碗廠達四十餘家；資本共約十萬餘圓；職工共一千七百餘人；外加挑運泥土及輸送貨物者一千餘人。所出貨物，運銷梧州及廣東梅菴等處者頗多。

2. 蟠龍鐵器 亦出二廂蟠龍村。係採大牛嶺礦砂，鎔爲生鐵，再以之範鑄成鑊及其他農具，運至藤縣、

梧州等處銷售。

3. 塘岸肉蔗 肉蔗，長六七尺，圍可數寸。以二廂塘岸所產爲第一；生啖堪敵梨，他產不及。

4. 凍水茶 出都隴凍水鄉。色清綠而味香冽如龍井茶，但產量無多。

5. 葛仙米 相傳爲葛稚川所遺，故名。春月雷雨後，多生石山水草間；圓大如珠；外色青綠而光澤透明；中有白點如魚目。採而乾之，粒圓如黍，黑色。以之作羹湯，氣甚清涼，芳香沁齒，可以解暑熱。今粵、桂各大都市之甜品肆，多有糞而鬻之者，名曰『葛仙羹』。

6. 黎瓣木 高丈餘，結子成穗；大如豆；色鮮紅；十二月熟。根有毒，誤食殺人。葉却能舒筋活絡；跌打腰骨挫肉等症，可搗汁服，並外敷治。根葉之相反也如此。

7. 接節木 青枝勁幹，相去一、二寸，輒有節；節間萌葉，大而長；春開白花。跌打至骨斷碎，非此莫續。

8. 牛乳木 高丈許；葉大如掌，折其葉，有白乳流出，可治小兒脫肛。

9. 油葱 大如指；高數寸；色蒼翠；旁有輭刺。折破，有膠如涕，可以澤髮。

10. 燈檠樹 又名『霸王鞭』，俗名『筋檠棘』。有三稜圓柱二種。圓者極壽，積一、二百年，高可丈許；圓可尺許。兩者皆青色，週身有刺，葉附幹生。摘之如通草之乳，有毒，不可近。若跌打未損破，以其葉搗爛，用酒調

塗，甚效。

11. 鬮羊花 高數尺。葉大，花白，形橢而長。最有毒。服之，令人昏悶不醒；得水或糖或糜粥即解。歹人拐帶婦女及賺人財物，多挾此行詐。然性雖暴，治跌打損傷殊效，但外治不可內服。

12. 波羅布 草波羅，俗名番落子。狀略與波羅同。葉有麻，漚漬作布，較葛布微硬。舊鬱屬皆有之。

13. 山鳳凰 卽錦雞，出大容山。

14. 間狸 毛色如虎，文相間。糞有常處，日久成堆，故又名聚屎狸。人每偵得之。

15. 藍蛇 首有大毒；尾能解毒。土人以首合藥，謂之『藍藥』。毒人立死，取尾爲臘，卽可解。

16. 露蟲 形略似蠶而較猙獰。生於葎叢木中，每株可得七八頭，均棲於一葉；各於其葉之中縫嚙一孔，如其體之大小，穿入其中。最奇者各蟲相距約寸餘許，不密不疏，排列有序。土人多喜食之，稱『其性溫和而味甘美』。每頭約值銅元一、二枚。舊鬱屬各縣皆產之。

此外如虎、豹、鹿、黃麋（以上四者，縣屬深山多有之）、香狸（卽果子狸，多產）、鼯狗、穿山甲、蛤蚧、山瑞、泥鰍、鱧魚、山螟、吊蘭、桂花（有三種：紅者名『丹桂』，黃者名『金桂』，皆中秋開花；白者名『銀桂』，俗名『木樨』，逐月開花）、人面子、波羅蜜、卍字果、素心蘭（四季開花）等，縣屬俱產之。

## 一四〇 北流的風俗

縣屬地連粵東，山多田少，五方雜處，風氣不齊。大抵俗尚儉樸，民情好訟，務本者多，逐末者少。婦人勤紡織，不施脂粉。親朋贈答，禮尚往來。慶賀喪弔，雖貧不廢。從無溺女之惡風。衣服尚樸素，殷實之家，則夏葛冬裘，中西兼具。飲食，富者日食兩餐，皆大米飯，普通工農則饕餐雜糧，餛飩參半。住屋普通多用泥磚砌成，富者多用火磚，高堂華廈，頗爲壯麗。縣俗各姓多喜建築行館，居旅咸便。

婚俗，男女訂婚，通常多在五、六歲或七、八歲時期，請媒介紹，雙方允願，則男女兩家互送飾物下定，再行檳榔、果酒、銀圓下聘。富貴之家，效古親迎禮，用音樂、儀仗、綢緞、豬、羊、雞、鵝、檳榔、果、餅、茶、酒等儀。女家妝奩，所費尤鉅，然亦稱家之有無，不能畫一。慶賀款客，豐嗇不等。近來風俗改良，知識階級必俟男女成年後，始行訂婚。貧窘之家，自量無銀娶婦，亦有蓄童養媳以爲嗣續之計者。霜婦家貧或姑老子幼，不忍改嫁，間有招贅以共圖家庭生活者，然爲數極少。

喪俗，死者逝世後，七「七」如期致奠，來弔者各以禮物相贈，豐儉不等。喪家統以素酒酬客，葬期卜地，遠近不一。葬後三年，檢取骨骸，另置骨瓶復葬。

節序端午除插艾、裹角黍、飲菖蒲雄黃酒外，各家釀苦瓜以作饌，俗又謂之爲「苦瓜節」。舊例是日仿荆楚故事，競龍舟，奪標爲樂，今此風已無。七夕，婦人登樓拜雙星乞巧，陳設花果，月下穿針相賽。又取河水甕儲之，名爲「勝水」。可浴瘡疥，作醋尤佳。中秋除設月餅、茶、果、賞月外，士人多從此日結詩社唱和，或聯社徵聯，至年底爲度。重陽與清明，俱具牲醴，祭掃先塋。冬至日祭先祖，各家多包米糴送親友，並給傭人。

## 一四一 南山之遊

十一月二十八日，天晴。上午九時，與張、陳二君同登北容長途汽車，經勾漏山側至西山墟，墟爲北流、容縣交界之地，亦爲北容公路之中心點。該地之管轄問題，夙爲兩縣所爭，將來鹿死誰手，尙難預測也。稍憩，再三十里而至容縣，寓於容筦旅店。張、陳二君提議本日卽作南山之遊，余亦贊同。惜汽車已去，乃租乘脚車而行，渡容江後，循容蒼公路前進，二十里抵達山麓。山原名都嶠，以其位於城南，故又名南山。路側有售賣水菓糕餅，飲食者一家，余等入內，略購食物，寄存脚車於店內，並囑店主代雇嚮導一人。店主年約五十左右，頗善交際，談吐亦多幽默，常引余等發噓。嗣隨嚮導登山，山高約三千餘尺，石磴崎嶇，蜿蜒而上。有雲蓋、中峯、馬鞍、八疊、兜子、仙人、香爐、丹竈等八峯，就中尤以八疊峯最爲奇秀，斷崖絕澗，下臨百仞，自縣城望之，如屏障然。山

藏南、北二洞相傳：『晉葛洪煉丹於勾漏山時，常往來棲息於此。』道書稱爲『第二十洞天。』抵山腰，上有石寨一，係用亂石砌成，有門可入，據導者言：『此名虎頭關，關爲入南洞必經之處，每值世亂，邑人多經此避居洞中，不啻世外桃源也。』山四面巖石皆絕陡，僅此地勢稍爲傾斜可登，其下且多深谷，余嘗考察廣西各地之山，多係石灰岩石，而該山則獨係安山岩石構成，故其形勢與其他諸山獨異。又前進，二里許達靈景巖，巖作半月形，其中可容三、四百人，舊塑有佛像多尊，今則殘破不堪，頭顱手足，各有殘缺。巖之右下側，有一小洞，洞口低窄，其徑不及二尺，據導者言：『此洞口小而內廣，深可數里，惟從無敢入者。』余心忤然動，思往探之，張君等亦首肯，但須余作前鋒，余褪去衣衫，匍伏而入，約三、四尺，內稍寬廣，再進一丈之地，洞仍不高，差可蹲坐，余等擰電筒而視，見前復有洞口，與外洞頗相若，惟高則過之，廣則不及，非側身不能入，余等側身蛇行，約六、七尺地，爲一橫溝所阻，溝與洞成丁字形，燭其兩端，則已無路可通，所謂『深可數里』者，如此而已。余等依次而出，再經大極洞，而至煉丹洞，該洞甚大，可容七、八百人，依巖傍壁，建有樓閣，入其中，牆上滿塗遊客之題咏，俚語雅詞，目不暇給。小憩後，又經寶元、寶蓋諸巖，其狀均相類似。本擬再往北洞，以時間將晚未往，據聞『北洞有中宮巖、白鶴洞、水澗巖、仙橋諸勝，合計南、北兩洞岩穴達七十餘，大者可容千餘人，小者亦可藏數十人。』云。嗣循原路自虎頭關下山，至店稍憩，購食充飢，並給店主以酬金，乘脚車而返。中途，陳君車滑，跌



於坑中，余趨前，下車扶之，幸未傷及要害，僅右手觸傷，駕車稍感不便，余沿途時囑『小心！』並跟踪防護之。五時餘，始平安回縣。

## 一四二 容縣的真武閣及其他勝蹟

十二月二日，天晴，容縣勝蹟，除南山之外，當地居民均競推真武閣，謂其構造奇巧，得自神工，中有四柱，皆不落地，余聞之，決往該閣一觀究竟。下午二時，自寓所出，穿過城中，經東門，行一里地，抵真武閣。該閣一名「經略臺」，爲唐經略使山次元所建；前臨容江，余自前門而入，閣凡二進，其後高閣巍然，規模雄偉，構造瑰奇。余遍視閣柱，並無一不落地者，頗以當地居民造謠爲憾，繼登樓上，中有四柱，大可合抱，其下果距樓面寸許，余仰視四周，則樓之頂蓋，皆爲外圍四周之木柱所支撐，著力處因不在其中心四柱，故能懸離樓面不致傾墜，而土人不知，競以爲神工，傳遍遐邇，不知物理作用也。樓之東南隅，憑欄可瞰江流，形如匹練，都嶠八峯，雲凌掛榜諸山，當前橫列如几案，據土人云：『每當夕陽西下，玉兔東昇，水色山光，千態萬狀云。』唐時廣西三筦，各置經略使，惟此臺巍然獨存，其建築之精堅可知。遊憩有頃，旋返寓所。此外，縣屬更有下列諸勝：

1. 天湖 在都嶠山中峯之下，窪而成湖，湖上四望，萬山俱低，其水深不可測，有魚似鯉，色青目赤，味頗

佳。天將雨，有雲氣起水中，其源甚旺，農人導之，多資灌溉。

2. 大容山 在縣城西北二十五里，詳見第一三七節北流的勝蹟。

3. 天塘山 在縣城南一百里，層巒疊嶂，高四千餘尺，有大山脈橫亘於容北二邑分界處，其南麓爲北流波二里，山中樹木葱鬱，多百年古物，上有一塘，水旱不增不減，是山因此得名，其西南有龍母墳，爲著名古蹟。

4. 龍母墳 在縣城南百里白花村，沿澗而入，層崖濺瀑，飛下數十丈，瀑之左，羣峯盤聳，稍坦處儼成一月堂，龍母墳在焉，東偏有一石池，容水數斗，石壁如削，下臨急湍，不能容步，衆流奔瀉，百數十尺，乃匯爲潭，其深莫測。

5. 溫泉 在縣城南一百里，平疇間有二泉，參差相望，其一廣尋丈，深三尺許，水微灼，土人冬夏日羣集其間，悉資盥濯，其一差小，深如之，烘烘然如釜氣上騰，灸手可熱，里中燻宰雞豚，多就此泉去毛，歷來水色湛然，攪之不濁。

6. 烏石潭 在辛里楊葉村，二水分流，一出七星河，一出楊灣河，石上有艾，相傳：「端午採之，可以禦風。」

7. 雙女石 在思傳里高車、石塘二村之間，相傳『宋時邑民生二女，年未及笄，採桑化石於此。』
8. 紫印山 在縣南九十里，層巒環抱，中闢古洞，可容數百家。

## 一四三 容縣概況

容縣地居廣西省之東南部，跨西江支派繡江中段之東南與西北兩岸，東接岑溪，東北接藤縣，北連平南，西北連桂平，西鄰北流，東南界廣東之信宜縣，東西相距一百三十五舊里，南北距一百七十五舊里，全縣面積凡一千九百八十六方公里。縣城位於繡江中流之西北岸，西南距北流縣城約六十舊里。

考縣境在秦爲象郡地，兩漢爲合浦郡之合浦縣地。晉武帝時，始析合浦郡地置蕩昌縣，仍屬合浦郡。宋齊因之。梁普通四年，改蕩昌縣爲陰石縣，並於縣置陰石郡。陳因之。隋平陳，廢郡，改陰石縣爲奉化縣。開皇十九年，又改名普寧，屬永平郡。唐武德四年，置銅州於今北流縣境，縣屬之。貞觀八年，更銅州爲容州。元和中，徙州來治，復於縣設容筦，有經略、防禦、招討、觀察等使，領十四州六十餘縣。乾寧四年，置寧遠軍。五代初，屬楚；後屬南漢。宋爲寧州普寧郡寧遠軍治，隸廣南西路。元初爲容州路治，尋降爲州，屬廣西兩江道。明洪武十年，降州爲縣，並省普寧縣入焉，屬梧州府。清因之。民國初年，屬蒼梧道。十七年，廢道制，乃直隸於廣西省政府。

縣屬氣候，燠多寒少，冬春之交，天氣忽暖，几案牆壁，水流如瀉，俗謂之「回南」。又數日而北風驟起，寒氣逼人，日光黯淡，雲脚拖紅，俗謂之「轉霜」。三伏炎熇特甚，最高氣溫，約達華氏寒暑表九十五度。隆冬或有微霜，最低氣溫，約達華氏寒暑表三十八度。春夏之交——廢曆三、四、五月，淫雨彌旬，漲潦時發；冬季則雨量最少，相傳在漢、唐以前，縣地人烟寥闕，瘴癘亦盛，遷客投荒，每多致慨；今則村墟相望，生齒日繁，旅客商人，熙熙攘攘，早非昔日之氣象矣。

縣屬住民，在秦以前，原爲獠人盤踞之所；自秦立象郡後，而嶠山、繡水之間，始有漢族之足跡。自是以後，歷兩漢、六朝以至隋、唐，漢族之移殖者漸多。及南宋時，中原板蕩，漢人因避金而來著籍者甚衆。原籍之獠人，或因感受漢族文明而與之同化；或因恃蠻反抗，而被漢兵剿滅，遂日形減少。至明萬曆時，縣屬獠人，尙有六百餘家，今則盡與漢人同化，無從識別矣。據最近調查：『全縣有男一十六萬零九百八十六丁，有女一十二萬五千三百三十五口，男女合計共二十八萬六千三百二十一。』全縣不下百餘姓，內以梁、李、黃三姓爲最多，丁口均在萬人以上；以封（約數千人）、黃二姓爲最著；以涂、卜二姓爲最僻，不過數十人而已。其原籍地域及遷移時代，原非一致，故各姓多不同宗。城區住民，『連附近鄉村在內，共有男四萬一千四百一十九丁，有女三萬三千二百三十九口，共計七萬八千六百五十八人。』

縣籍華僑，以居英屬南洋羣島爲最多；美、日、荷諸國所屬南洋各島亦間有之。大率以工爲業，工人幾占總數百分之九十五以上。僑寓人數之多寡，往往隨工資之高下爲轉移。歐戰時，容籍華僑不下二、三萬人。民國十一年，樹膠、錫、米，均大跌價，工人失業回國者甚多。民十七、八年，樹膠、錫、米，價格復漲，邑人去工作者比前更衆。是時各埠容籍華僑，共約四、五萬人；匯回之款，每年竟達三百萬圓之鉅——爲容籍華僑在南洋最盛之時期。民國二十年後，樹膠復跌價，前此每擔價漲至二百餘圓者，竟跌至七、八圓；錫、米亦大跌。華僑因此失業而歸國者，逾大半。

縣屬出產，以稻穀、薯、芋、粟、麥、松、竹等爲大宗；豆類、桂皮、沙田柚、土紙、蔬菜、木炭等次之；油類、沙田筍、藍靛、蠶絲、桂油等更次之。稻穀，有黏、粳、稞三種及早、晚二熟與水、旱兩類，年產共約一百三十餘萬石。薯、芋類年產共約八千九百四十餘萬斤。粟、麥類年產共約三百九十餘萬斤。松柴年約四千萬斤。竹類年約三百二十萬株。豆類年約七十四萬餘斤。桂皮年約六十萬斤。沙田柚年約四十五萬顆。土紙年約二十四萬擔。木炭約三百萬斤。油類約二萬斤。沙田筍約一萬三千斤。藍靛約一萬斤。蠶絲約五千斤。桂油約一千斤。家畜，以牛、豬、雞、犬爲主要；馬、羊、鵝、鴨則隨人擇養，但僅供地方之用而已。礦產在熱水堡有硫磺礦，石羔河有金沙，靈山地方有金礦、錦礦等發見。梅江區石圭村附近有硃砂礦，土人自由挖取，年約數十斤。

縣屬交通，水路有繡江（一名容江）自北流逶迤而來，至縣西之高車村入容縣境，曲折東北流，經渭龍口而至城南；再迤東經長河，自良至石洞山以入藤縣境，流經縣屬者長一百二十舊里，四時可通行民船。惟秋、冬江水降落時，吃水深尺許之民船，往往亦須扒沙而行。蓋因水流轉動，每多積塞，致令河牀深淺無常，卽疏治亦難措手也。若春夏水漲時，亦有小輪船來往藤、容之間。此外支流，惟有波羅江可行民船，其他各小江祇用竹、木筏載物而已。陸路，自縣城西南行，經西山墟至北流縣有北容路，長約六十舊里；在縣屬者約三十舊里。自縣城東行經平梨、平塘嶺、岑溪縣而至蒼梧縣屬之戎墟有容蒼公路，長約三百舊里；在縣屬者長約八十舊里。自縣城北行，經沙田、儒地、平山而至平南縣屬之武林，有武博公路之武容段，長約一百九十舊里；在縣屬者約七十舊里；俱已通行汽車。郵政，於縣城設有二等郵局一所，於自良、縣底、楊村、楊梅、油麻、松山、靈山、石寨、黎村、波羅江口等處，共設有郵寄代辦所十所，其數量之多，冠於廣西全省各縣。此外於十里、長河、石頭、西山等處，則各設有郵務信櫃。電政，於縣城設有三等電報局一處。

縣屬文化，頗得風氣之先；在民國紀元前二十年中，私立學校之盛，幾爲東南各省、縣之冠。教育發達，故文化早開。光緒末年，縣人士卽有搗破烟村五將廟神像之舉，開兩粵破除迷信、打倒神權之先聲。洵足自詡。惟私立各校，往往因絀於資，未克久立，爲可惜耳。截至現在，全縣有中學三所，完全小學三十一所，高級小學

六所，初級小學一百九十二所。容縣縣立初級中學校，在城北之小岡，爲文昌宮故址；民國四年，改建，興工三年，始告落成；耗費五萬餘圓。私立都嶠初級中學校，在北城內，舊爲繡江書院，民國十八年改辦。私立珊瑚萃初級中學校，設在南和區珊瑚萃村，社會教育，有縣立民衆教育館一所，在東門城樓；一連三間。容縣圖書館一所，位於縣立初中校外之東南隅；現有圖書，共約一萬一千六百餘冊。容縣公共體育場一處，在縣城北門外。戲院一處，在南門外。於民國十年將兩粵會館修改；但無定名，亦不常演。容園，即容縣之公園也。在北城內；居縣府之東，縱約百餘丈，橫約八十餘丈。園內花木扶疏，四時不謝，饒有山林氣象。刊物，有容縣旬刊、容中旬刊（縣立初中出版）、珊瑚光（私立珊瑚萃中學出版）等三種。書業，有惟一商店、圖書商店、東南商店、大同商號、翰經書店、共和書店等六家。

## 一四四 沙田柚與沙田筍

1. 沙田柚 產於縣屬辛里沙田，味純甜，無酸、澀等雜味；非他種柚所能及。以故名馳遐邇。近年四鄉皆爭植之；秋後金丸滿樹，獲利頗厚。鄰邑接枝分種，味亦不惡。惟每經數年，必須換種一次，否則愈趨愈下，變酸而帶苦，有「橘化爲枳」之嘆。

2. 沙田筍 一名「容筍」以辛里沙田出者爲最著名。土人挖甜竹筍及大頭竹筍之嫩者，曬乾爲筍脯，販賣出境，餉遺者重之。然邑中諸山所產，亦與沙田相埒；而城外江濱所出，味似桂林冬筍，尤爲容筍之最良者。其餘如丹竹、藜竹、扶竹、筋竹、蠶竹等筍，四時錯出，亦可醃可酢。

3. 響蒲桃 產於都嶠山中，葉類桂著花，叢鬚無瓣，實似蘋果，味香甜；核與殼不相連屬，搖之作響。

4. 南山石斛 亦產於都嶠山，俗呼都嶠山曰南山，因稱之爲「南山石斛」，但產量不多，年產不過數十斤。

5. 猴薑 一名「樹雞」，南山多產之。

## 一四五 「一爐分兩柱香」

容人重廉恥而崇學問，慕清節而恥干謁；風氣樸野，序齒尙讓，嗇於居財，民多力田，罔事藝作，衣食住行四大需要，與各處普通情形略同，無甚差異。房屋一項，無論城鄉，皆瓦蓋磚砌，尤爲整齊。蓋合魯、豫、江、浙、閩、贛、粵、楚之民於一堂，漸染薰陶，調和日久，乃道一而風同也。

婚俗亦無他異，舊例先憑媒妁，女家送庚帖，男家答禮，謂之「回成」，將迎，男家卜日備釵、鈿、儀物送至



女家，謂之『報日』。屆期婿家厚備儀物，導以鼓樂，婿乘綵輿至女家，主不迎賓，相禮者引進中堂，盛筵以款酒數巡，導入祖堂，爲婿簪花，披紅，贊拜祖先，奠雁而歸。女轎隨之，妝奩又隨之。歸至中堂，扶新人出輿，用紅氈貼地，展轉達於洞房，於是行交拜禮，新郎揭蓋頭紅巾，飲合巹酒，詰朝，出堂拜祖先、舅、姑、親長，依次受拜，謂之『拜堂』。三朝入廚謁竈，謂之『拜竈』。次年正月，婿偕婦同至外家，謂之『回門』。其後得子，各送雞、酒、至彌月，外家羣至，謂之『飲雞酒』。貧戶每以婚嫁爲苦事，多有撫養童媳者，其待遇與其所生之兒女等，俟兩成年後，始爲之擇吉同房。貧家之婦，或因夫死無依，不忍絕其夫嗣續，及棄其薄產，有招人入贅者，其堂上必奉前後夫兩姓之祖先，所謂『一爐分兩柱香』是也。貧婦喪夫再醮者，於其出門時，不許在家上轎，蓋賤之之意也。

喪俗，執親之喪，先具衣衾棺木，以待沐浴含飯。男婦朝夕擗踊，訃告戚黨，然後殮於中堂，尊禮成服。期、功、緦、麻以次，各以其等爲差。寢坐用草薦，必待族老賜粥而後食。屆發引日，姻黨各備儀物，前來祭唁。縉紳之喪，或請鉅公爲之題主。至鄉村婦女，於其父母及親屬之喪，將至門，必掩面啼泣而入，饒有「望門而哭」之風。境內土質疏薄，葬地常有水蟻之虞，惑風水者，信用庸妄地師，講求形勢，理氣諸法，然葬不數年，仍行偷看，其間或爲水蟻所傷，子孫觀之，欲遷不能，仍舊不忍，於是碎檢其骨藏之甕中，名曰『存金』。其甕曰『金斗』。

實之荒陬隙地，隨在皆是。

縣屬典鬻子女及溺女之風，自昔有之，於今尤盛。其原因不外經濟破產，生活困難有以致之。此事本爲國法所厲禁，但行之者皆係祕密舉動，在社會經濟制度未能革新，民生問題未能澈底解決以前，此種傷天害理之舉，實無法可以制止也。蓄婢之風，縣屬亦盛。約計全縣之婢女，不下千餘人。各富戶之蓄婢者，往往藉名爲養女，在未嫁以前，任由主人役使。其中苛待者固多，但亦有愛護備至，婢女甘願樂從者。

## 一四六 由容縣到岑溪

十二月二日，天晴。九時許，自旅舍出，渡容江至車站趁車。據站長云：『本日車已開行，須待明日清晨七時許始有車開。』顧車站附近無客棧之設，而行李又隨余來，乃寄之於站。旋返旅舍，頗覺無聊。時至街中閒遊，入晚早睡，囑茶房清早來催。

十二月三日，清晨起身，渡容江，濃霧密佈，稍遠莫辨。至車站後，即攜行李登車，行經石塞、綠蔭、油麻、六旺、盤古坡而至南渡墟。墟臨黃華江西南岸，爲岑溪縣屬最大之墟市。稍憩後，隨車渡江，再經馬路、善村而至岑溪車站。再行二里，始抵縣城。途中遇一士紳，詢以岑溪之客棧何處較佳，渠答『可住某某商號，該號雖非客

棧，但亦留客，且較適宜方便。』余從其言，寓某商號內。

## 一四七 岑溪縣概況

岑溪地居廣西省之東南部，西鄰容縣，北接藤縣，東北連蒼梧，東界廣東之鬱南縣，南界廣東之信宜縣，全縣面積一千二百二十方公里，縣城偏於縣境之北部，據容江支流義昌江之東北岸，西距容縣城，東北距梧州，各約一百六十舊里。

考縣境在秦屬南海郡，漢爲蒼梧郡地，梁普通五年，始置永業郡，隋開皇間，降爲縣，尋廢，以其地隸瀧州（卽今廣東之羅定州），唐武德五年，以舊永業縣地置南義州，後但名義州，領岑溪、永業、連城三縣，屬銅州（卽今容縣），五代先屬楚，後屬南漢，宋開寶四年，改義州爲南儀州，六年，省連城，永業二縣入岑溪，熙寧四年，州廢，以岑溪屬藤州，元因之，明屬梧州府，清仍明舊，民國初，屬蒼梧道，十七年，廢道制，直隸於廣西省政府。

縣屬氣候，多暖少寒，三夏固暑，而經秋更熱，謂之「蒸秋」，隆冬昔無冰雪，或數十年一見，故昆蟲少蟄，草木不甚零落，惟近數十年來，霜雪頗重，逾於曩時，初春晴霽，溫煥如夏，稍雨則凜冽，調攝宜慎起居，節飲食，在微雨、乍涼、乍暑之際，切不可解衣乘涼，若有雲氣罩於諸山之巔，或久旱而有長霧如拖船形者，必雨，久雨

而向晚有明霞者，必晴。若有大風大雨，鳴條震屋者，瘴氣多隨而至，人觸之必多染時症云。大抵熱季最高氣溫，可達華氏寒暑表九十六度；寒季最低氣溫，可達華氏寒暑表三十度。雨量，以夏季四月及秋季七月爲最多；冬季十一月爲最少。

縣屬住民，原有獠、猺二族；自漢族南移以後，獠、猺勢力日形消滅，今已完全同化。而邑內山多田少，生齒日繁，謀生不易；清末以來，勞働界乃向南洋各埠發展，約計有四、五千人。近年以來，因南洋樹膠、錫、米等價值暴跌，華僑因失業而返國者不少。今僑寓外國者僅約千人之譜。在昔華僑匯款回邑者，年達三十餘萬圓，今亦無矣。據最近調查：『全縣有男一十萬零五千一百八十九丁，有女八萬六千八百七十二口；男女合計共一十九萬二千零六十一人。』城區住民約占四千三百餘人。

縣屬農產物，以稻穀、木薯、甘薯、鴨爪粟等爲大宗；亦爲縣屬之主要糧食。年中若無販運出境，糧食差堪自給。次爲松、杉、茶葉、豆類、甘蔗、麥子、蔬菜等。再次如高粱、瓜、果、竹、木之屬，出產亦多；但無甚特殊者。

稻穀，分水、旱兩種；各有秈、黏、糯三種。就中以黏穀爲最多，爲稻穀中之大宗。外有雪稻一種，十月植，二月收。茶葉，始種於大洞山麓；雨水前摘取者最優。以山泉泡飲，清香芬冽，其味甚佳；有「洞茶」之名。迄清同、光間，全邑遍種，稱爲「岑茶」。至光、宣間，每年出產，可六、七十萬斤；是時粵商組織茶莊二十餘家，來邑購製，運

銷外洋。民國以來，匪風甚盛，山居茶戶，搬徙一空；茶根荒蕪，產量大減；加以連年工價日高，茶值不敷彌補，茶戶多已改業。因此茶業一落千丈，殊爲可惜。蔬菜中之佳者，以葛井所產之蓮藕爲最。家畜以雞、鴨、豬、犬爲主要；牛則多養於耕田之家；馬、羊亦間有之。縣屬鑛產之已開採者，僅有石灰石一種。邑人開燒成灰，略供邑中建築及肥料之用。其他已發見而尙未開採者，有石根、大山之水銀，三鄉第一村之石墨，南渡上游大洲之金砂及周公、周婆二山之水晶等。

縣屬交通：水路有黃華江源出廣東信宜縣之大帽山，曲折西北流，縱貫縣境西部，北流入藤縣，注於藤江。上流自連城區水汶墟以上，可通筏而不能通舟；自水汶墟以下經車灘、南渡、新城以至藤縣，則兼舟、筏之利。又有義昌江，斜貫縣境中部，水源出自本縣，下游可放木筏、竹筏，但不通舟楫。陸路，省道有容蒼公路，斜貫縣境西北部，長約八十五里。北通蒼梧縣屬之戎墟；西至容縣南街，接武博路，再轉貴興、鬱路與邕賓貴路，可直抵南寧。縣道有岑羅（由縣城至廣東之羅定縣）、岑信（由縣城至廣東之信宜縣）等路線，惟尙未修築。郵政，於縣城設有三等郵局一所；於大墟、平河、南渡、筋竹、歸義新墟等五處，各設有郵寄代辦所一所；於善村、馬路墟、那蓬等處，則設有郵務信櫃。電政，有岑溪電報局一所，設於南門城樓上。鄉村電話，幹線有三：一爲岑平線——由縣城至平塘，再西可通容縣；二爲岑水線——由縣城直達水汶墟；三爲岑筋線——由縣城

直達筋竹墟。

縣屬文化程度，學校教育，有縣立初級中學一所，私立永業初級中學一所，完全小學七所，高級小學五所，初級小學八十八所。社會教育，有縣立民衆教育館一所，公共體育場一處及民衆閱報社四間。此外有民衆娛樂場一所，尙在籌辦中。

## 一四八 岑溪八景

1. 南樓晚眺 縣城南門上，有層樓高聳，四面玲瓏，水色山光，芳村煙樹，盡在望中。夏時薰風拂面，夜有皓月窺簾，種種皆堪入畫。今岑溪電報局設於其上。

2. 北山松籟 城北枕山，其麓有古松三株，老幹擎雲，虬枝屈鐵，清風引籟，韻若笙簧。今已無。

3. 春泛花洲 百花洲，原在城西河中。明初官紳構庵於其上，環植花木，因以「百花」名洲。「香海」名庵。其景晴雨俱宜，水月多致，滌鉢濯纓，泛舟垂釣，無不可人。今洲已沖沒，庵更無論矣。

4. 西瀧晴嵐 西瀧山，在城西十里，峭拔森秀。縣前河（卽義昌江）流繞其麓，亂石激湍，不通舟楫，有大小瀧之名，因以名山。振衣峯頂，俯瞰河流屈曲，寫入襟懷，心目開曠。雨後嵐煙浮碧，變態萬狀，尤屬可觀。

5. 仙亭觴月 卽逍遙亭，在城西十八里雲松山頂，相傳『鄧羽士子真曾聚仙於此。』重簷四柱，翼然憑虛。每當素月當空，銀波萬頃，俯視人寰，塵埃盡洗，舉杯相屬，覺庾樓清興，正復不淺。今亭已廢。

6. 葛巖瀑布 葛仙巖，在城東一里之根子山麓，相傳『葛稚川嘗奕棋於此。』山勢迴抱，巖洞幽邃，玉莎遶徑，鋪茵畫壁，倚雲作障，瀑布中懸，如挂疋練；跳珠灑雪，清韻冷冷。

7. 秋風石室 秋風村，在城東十七里，背白象山，山頂有巖如室，可容十餘人。磴道曲折而上，遊者有摩天弄雲之致。左右有鐘磬、木魚三石，叩之各如其聲。

8. 龍潭聽雨 龍潭，水源出七山，至城東二十二里之望里嶺脚，渟蓄成潭，其深莫測。邑人建龍界庵於其上，夏日避暑於此，溪雲乍起，山雨忽來，滴響潭中，鏘然成韻，聽之忘倦。今庵已圯而遺蹟尙存。

## 一四九 岑溪的爭訟與整壻風俗

縣屬俗尙樸素；好撐體面而爭名譽；尤好宴會。民性淳良，多業農，少商賈。服飾樸素，不尙文飾。飲食儉約，食料以米爲主。富者食飯，貧者食粥居多，並以甘薯、木薯、粟、麥佐之。近數年來，穀米昂貴，生活愈艱，食粥及雜糧者，計占百分之九十五。嗜釀豆腐，每逢年節，無家不備，卽平時亦多爲之。所飲之酒，多用米釀，間亦有用木

薯或糖泡者，住屋頗整齊，近於容縣。遇吉凶事，皆喜作齋醮，祈冥福。天旱，禱神不雨，則藥魚。

縣俗健訟，雖刀錐之末必爭。而訟田產者尤夥。緣貧民鬻產，富者乘其急，予以賤值，貧者不甘絕賣，暫當待贖，而富者必令書賣契，故雖當亦曰賣，但於券內書云：『不期年月遠近，銀到契退。』故雖百載猶可贖也。若力不能贖，則索補價，富者復乘其急，令書絕契，然價值未足，屢索不已，至於涉訟。官驗是絕契，往往責索補者，不知田值百金，雖百補不及其數，難禁再索。且絕契多有偽造，甚或改換賣主姓名以絕其根。此偽契拒贖之控，所以紛紛也。乃此告拒贖，被告拖租，蓋岑俗有「賣田不賣耕」之說，甲田雖賣與乙，仍甲世耕，但納租與乙。故甲控拒贖，乙控拖租，且出其改換賣主姓名之偽契曰：非買自甲，甲特佃戶也。噫！計亦狡矣。又賣田固仍世耕，即佃田亦多世耕，日久奸生，或整坵隱匿，或逐段割取，業主但見租無拖欠，不復臨田，無從知覺，任其侵隱盜賣，輾轉數主，莫可窮詰，雖欲無訟，其可得乎！

縣屬婚俗，當子女幼齡時，即託媒人通言，如男女兩家合意，男家擇日，女家開庚送至男家。男家敬接告祖，置庚書祖堂，過三朝，如無凶兆，乃將女庚與男庚推算相生相合，乃具檳榔報成。另具禮物行定聘禮。迨成人將婚時，使媒賚檳榔致意，女家收允，即由男家行請期禮，謂之「報日」。報日後，即預期交聘金自二十圓至百圓不等。屆期男家備禮物，往女家迎新，女家具妝奩，並以尊親老婦一人送嫁。舊時女子臨嫁時，必掩面。



放聲連哭數次，出門乘轎後，仍哭至中途而止。其哭出之聲，亦多有音韻，總不外怨慕親屬之意。近來已多改之。至男家，新郎肅衣冠，新娘掩面，用婦人扶掖，同拜祖先。行四拜禮後，新娘入房，仍掩面向米斗坐，少頃，新郎入房，與新娘略爲對飲，倣古合巹禮之意。未幾，新郎出，卽設晚膳於房中，以小姑姊妹二、三人陪食。二更後，新郎始進房。次早，新郎肅衣冠，新郎持扇，半掩面，同拜祖先及尊長。三朝，新郎入廚，執刀匕，割殺饌，奉翁姑。四日後，隨長嫂同執爨，奉盥沃事家姑。迨十二朝，女家送餅糲，名曰『送茶』。次年正月，由岳家柬請新婿偕同新姑娘回門，留十餘日或二十日，新娘隨新郎歸家。近來風俗改良，多有男女至成人時，兩相見面合意，乃行訂婚。成婚時，禮物儀式亦多更改。回門則改爲翌朝或三朝或十二朝。新娘拜祖先、翁、姑及各尊長，均不掩面，拜跪改爲鞠躬。如婦人因夫死而改嫁時，須在外家上轎，更不得坐花轎。因改嫁者每爲鄉黨所鄙棄，呼爲『番桃婆』或『過家媽』。今此種心理已逐漸消逝矣。

縣屬俗喜贅婿，綜其情形，可分爲下列三類：

- (一) 寡婦無尊親而有兒女，由自己主張，招夫入贅者。
- (二) 因子亡媳寡，由翁姑招人入贅者。
- (三) 因無子，姪，以女招婿入贅者。

第一、二兩類，入贅時多不同拜祖先，其禮金約在五、十圓上下，贅夫須在贅家請其族戚與宴，並立約撫育代勞，方得承繼財產，贅夫之祖先仍得寫與贅家之祖先同敬。入贅之夜，由贅家族戚一人帶贅夫入房，贅夫賞以二圓以下之「包封」。所有稱呼，俱依贅婦之前夫爲稱呼。另備酒菜一席於房中，贅夫與贅婦同食。食畢，所餘之菜，慣例須擺過夜，不許遽撤。第三項則男女同拜祖先，禮金、請宴、立約、帶房各情形，與一、二兩項同。惟稱呼則以岳壻論，俗喜贅壻改姓爲子，受其田宅，或子死以媳招夫爲繼子，亦受田宅，有永遠分給者，亦有暫時給食，女死卽撤回者。貧苦之家，有蓄童養媳者，分爲抱養與接養兩種：抱養者，係其父母甘心遺棄（如因育女太多或幼女八字與其父母不利而不願撫育及私生女等），不需給銀。接養者，多因父母赤貧難以撫育，情願早嫁，必需給禮銀一、二十圓，養至十五、六歲時，卽擇日與其子同拜祖先，設宴成婚，俗謂「完房」。屆時女家間亦有略送妝奩者。如遇壻家分爨，岳家除普通禮物外，另須加購爨具、什物送之。遇出嫁女初生子，則以送未成母之雞爲重——少者十餘隻，多者盈百——及花帽、裙帶、什物等，近來稍爲改善。

縣屬喪俗，當死者氣絕時，子、孫、婦、女號哭稍歇，爲死者剃頭或梳髻，具香湯洗澡、洗面，著衣冠，設底面被，上下橫帶，安牀於中廳之右，牀頭具精米飯二碗，縱有小蟲入帳內，亦聚於飯，不至入死者口眼。牀下各櫬脚，均置水碗，以避蟲蟻。牀帳常密閉，以防外蟲，並加掩面新巾，以避帳內飛蟲，設香燈，具牲醴奉食，子孫設紙牀。

於中廳之左，號哭伴守。至夜，門戶必密閉，以防貓、犬、燈火必光明，以防蟲、鼠。未入殮以前，孝子不得沐浴、食飯。不用杯、箸。迨至三日，備棺殮藏。將殮時，女媳哭泣往河井取水，至廳前煮熱，爲死者洗面。洗畢，整飾衣衾，孝男婦共扶屍身置之棺中，蓋以絲被，加上棺蓋，以釘釘之。子女媳婦，跪於棺前，大哭，不敢仰視。少頃，哭跪天地，上服。再稽顙天地，四方與祖先、五祀神明及三族尊長，謝不善事父母或翁姑，致不可救藥之罪。旋立靈主，朝晚奉盥沃、上食，服侍如生時。每至七日，必加厚設饌奉祭，謂人死七日，魂氣一還，此日必加倍奉事。或至七「七」而止，或十「七」而止。期滿後止哭，仍朝夕供奉。既殮後，少者數日，多者一月或三月。覓地安葬，無敢再久停者。過久則衆必非之，謂「干坑親骸，最是忍心，大爲不孝」。葬期將至，先發訃聞預告宗族戚友。宗族戚友來弔時，設筵款待之。弔奠既畢，卽將靈席靈座拆去，扶柩而出。其時孝子先去門口露天處，跪下，號哭，以俟棺出。略加找紮，苦力抬棺向墓地而發，旌旗導路，孝子及族戚皆哭隨棺後。及抵窆窆，以繩繫棺下塚，覆之以土。孝子停止哭聲，跪於墓前，葬畢而返。滿百日後，孝子方敢剃頭。次年春，墓祭必早於各舊墓，無敢過春社者。以新墳係屬鬆土，恐至春深雨多，以致崩塌故也。週年必加禮對靈重祭，出嫁女與孫、姪等至靈前脫服。

十二月五日，天晴。十時至岑溪車站候車，余以由容縣至此之經驗，知車必於十一時許始克抵此也。至站後，站長殷勤款待，奉茗敬煙，相談頗歡。約及半小時，車至，握別站長登車。行經烏峽，至綠雲隘，是地當岑溪與藤縣分界處，且爲岑、藤險要之地。又經沙河、糯峒（均屬藤縣）、太平、迴龍、新舖、新地、古嶺，題舖而至戎墟。墟臨潯江南岸，爲蒼屬之最大墟市，有定期郵船與公路郵車緊相銜接。同車乘客大都係往梧州，余亦隨之登郵船。船行二十里於午後四時許即抵梧州；寓大同下街東亞旅店。店主梁君，北流人，以有劉君德成之介紹，對余甚表好感。

十二月六日，天雨。九時至郵政局領取存局候領之信件，中有桂平縣立民衆教育館盧館長來緘一通。拆視之，知匯渠之銀已收訖。函中且有「……此次駕臨敝處，弟不能盡力贊助，於心已屬一刻難安，區區之款，又勞匯還，拜領之餘，無任漸慙！然知我者當必有以諒我也……」等語。余私心甚爲欣慰，蓋余已見信於人，而倫理學家所謂「利他即利己」亦已實踐之矣。繼往各機關分發調查表，並考查當地風土情形。

## 一五一 蒼梧縣概況

蒼梧地居廣西全省之正東，稍偏南部；跨潯江下流、西江上流之南、北兩岸，及桂江（俗名撫河）下流

東北與西南兩岸，南連岑溪，西接藤縣，西北鄰昭平，北接賀縣，東北連信都，東界廣東之開建、封川、鬱南三縣。東西廣一百七十舊里，南北袤二百八十舊里，全縣面積計二千九百一十八方公里弱，佔全省面積百分之一·四七。縣城瀕居桂、潯二江會口之東北岸，西距潯州約四百舊里，距南寧市約一千零七十舊里，距柳州市約七百七十舊里，北距桂林市約六百舊里，西南距鬱林市約四百四十舊里，東距廣州市約五百五十舊里。

考縣境在三代時爲荊州南境，秦屬桂林郡，漢初爲南越王趙陀所據——封其同姓趙光爲蒼梧王，治廣信，卽此。元鼎六年，平南越，置廣信、猛陵二縣，屬蒼梧郡；隸交趾部——郡太守與部刺史，俱治廣信。三國初，屬蜀；蜀失荊州後，改屬吳；並析廣信縣地置新寧縣。晉太康元年，更新寧爲寧新，並析置農城縣——後改作遂城縣，俱屬蒼梧郡，仍治廣信；隸廣州。南朝因之。隋開皇三年，更廣信縣爲蒼梧縣，仍爲郡治，並省寧新縣入焉。十一年，更遂城曰戎城。唐貞觀八年，更猛陵曰孟陵，與蒼梧、戎城二縣，並屬梧州，治蒼梧。五代初，屬楚，後屬南漢。宋開寶四年，省孟陵、戎城二縣併入蒼梧，屬梧州蒼梧郡，治於縣。元爲梧州路治，明爲梧州府治，清因之。民國二年，廢府留縣，屬蒼梧道。十七年，廢道制，直隸於廣西省政府。

縣屬在昔亦稱瘴地；今生齒繁盛，村落錯居，寒暑應候，已非昔時可比矣。惟地處炎荒，燠多寒少；三伏炎

熇特甚，隆冬或有微霜——平常下霜，最早爲十一月一日之間，氣候屢變，人感之，每患瘧疾，或饑飽失宜，起居不慎，行役勞苦，不耐煩蒸，驟去衣服，輕飲涼水，亦多爲所中，善攝生者，寧煖毋涼，大抵夏天最高氣溫，約達華氏寒暑表九十八度；冬天最低氣溫，約達華氏寒暑表三十八度，雨量以春夏之交——四、五、六月——爲最多，是時霖雨彌旬，漲潦時發，冬季——九、十、十一、十二等月——則較少。

縣屬住民，除漢族外，原有獠、獞、蠻、戶等三族，獠有盤龍、戴板、平地、流獠等四種；獞惟一種——在明代以前，叛服無常，今則除有少數獠人僻處東安區深山不詳其數目外，獞人與蠻、戶早已列入編戶，悉與漢人同化矣。據最近調查：『全縣有男二十一萬五千五百三十丁，有女一十八萬四千五百九十五口，男女合計共四十萬零零一百二十五人。』就中以陳、李、黃、鍾、黎五姓爲最大，其數量各在二萬以上。城區住民，男女合計占七萬四千三百四十五人。

縣屬農產物，以穀、粟、麥、豆、柴、竹、薯、芋、花生、魚苗等爲大宗；茶葉、柚子、荔枝、龍眼、柑、橘、蔗糖、蠶繭及瓜蔬等次之。稻穀有黏、粳、糯三種，黏種出占城，米白者曰白黏，赤者曰花羅赤，低田所宜者曰雪黏，最晚熟，粳性微黏，有香粳，極黏者曰糯，以紅色爲上，粟有狗尾粟、鴨爪粟二種，俗呼高粱爲高粱粟，呼玉蜀黍爲苞粟，麥有大麥、蕎麥（俗呼爲花麥）兩種，縣屬以小麥恆少收，故罕有種之者，豆有黃豆、黑豆、赤小豆等數種，柴、竹盛產於

舊東安、夏郢、賢德等區，每年供給梧州一帶及封川、都城以下之柴薪甚多。魚苗盛產於梧州區長洲一帶，每年約得六萬萬尾，每萬價值二圓餘。茶葉、荔枝，年產各約十餘萬斤。茶多產於夏郢區之六堡鄉，名曰『六堡茶』，味厚，隔宿不變。其產於冠蓋區南部之蝦鬪埔者，名『蝦鬪茶』，色、香味俱佳。惟稍薄耳。荔枝，以產自古鳳者為上，名為『古鳳荔枝』。柚子，年約十萬顆。蠶繭，年約一萬斤。縣屬家畜，以雞、鴨、豬、牛、狗、貓為主要；馬、羊、鵝、鵪次之。撫河與大河交匯處，魚、蝦、蟹等，產量頗富。鑛產，在安平區產砂金，夏郢區之金山鄉有金鑛，東安區有銅鑛，舊吉陽鄉有土

蒼梧縣年產柴、炭約數表

| 鄉別  | 產柴約數    | 產炭約數    |
|-----|---------|---------|
| 東安鄉 | 六，〇〇〇萬斤 | 五，〇〇〇千斤 |
| 多賢鄉 | 三，〇〇〇萬斤 | 一四〇千斤   |
| 思德鄉 | 三，〇〇〇萬斤 | 五〇千斤    |
| 平政鄉 | 二，五〇〇萬斤 | 三五千斤    |
| 潯陽鄉 | 二，二〇〇萬斤 | 二七〇千斤   |
| 安平鄉 | 二，〇〇〇萬斤 | 六〇千斤    |
| 吉陽鄉 | 一，五〇〇萬斤 | 三，五〇〇千斤 |
| 長行鄉 | 一〇〇萬斤   | 五〇〇千斤   |
| 平樂鄉 | 五〇萬斤    | 二五千斤    |
| 冠蓋鄉 | 三〇萬斤    | 七〇千斤    |

硃冠蓋區南部有千層石，但均未開採。

縣屬地據廣西全省之下游，握廣西全

省水路交通總匯，全省除湘、資二源（灌流

興全灌三縣）入於湘，綏二江（灌流鍾賀信懷四縣）及南流一江（灌流鬱博二縣）入於粵，凡可通船之處皆可通於縣。下流順西江而下，經廣東封川德慶高要三水南海番禺順德新會諸縣，以入於海；粵港輪船，四時可通。計在境內者，潯江（縣內大江在梧州以上者，名曰潯江）長約七十舊里；西江（縣內大江在梧州以下者，曰西江）長約二十舊里；桂江（俗名撫河）長約一百四十舊里；陸路，西南有容蒼公路，自岑溪縣城經藤縣東南境而入縣境，縱貫戎城全區，而盡於戎墟。在縣屬者，長約八十餘舊里。東北有平梧公路，經夏郢、東安兩區以達賀縣，而轉平樂。現已完成夏郢區段，長約八十里，但未通車。郵政於縣城設有一等郵局一所；於戎墟設有三等郵局一所；於東安沙頭廣平新地墟黎木根等五處，各設有郵寄代辦所一所；於赤水山心二處，則設有郵務信櫃。電政於商埠設有一等電報局一所；省內外俱可通報。長途電話，已成者有梧州廣平大陸藤縣長洲等線，及由人和至容潭一線。此外尚有容蒼蒼信兩線。

縣屬文化，素稱發達。小學數量，位居全省第五；中學教育，常與省會爭衡；而全省最高學府之廣西大學，

| 須羅鄉 | 五萬斤       |
|-----|-----------|
| 合計  | 二〇〇，三八五萬斤 |
|     | 九，八五〇千斤   |



亦設立於縣城對河桂江之西岸。廣西全省各縣，具備初中、高三等完全教育者，惟此一縣而已。中等學校，有廣西省立第四高中、省立第二初中、省立第一女中、蒼梧縣立初中、私立明志初中、私立培正初中及縣立職業學校等共七校。小學教育，有完全小學四十所，高級小學二所，初級小學三百零九所，私塾三十所，幼稚園二所，共三百八十三所。社會教育，有縣立民衆教育館、蒼梧圖書館、市立通俗圖書館各一所，省立第二公共體育場一處，梧州區立婦女工讀學校一校，勞工兒童學藝院三院，民衆學校八校。公園，有中山公園、河濱公園、兒童游樂場三處。中山公園，設於縣城東隅之茶山上，半在城外，半在城內，爲沿途各縣公園之最高者。山頂建有中山紀念堂，規模宏偉，俯瞰一切。河濱公園，在大河、撫河會口之西北岸，距城西一里，舊名鶴奔岡，爲縣屬八景之一，名曰『鶴岡返照』。兒童游樂場，在中山公園之南麓，古木參天，設置完全；天然、人工，各擅其勝。內有施香海先生墓，爲縣屬著名之勝蹟。新聞事業，有梧州民國日報社和梧州大公報社兩家；民國日報社，設於文化里六號；日出新聞二大張，副刊一小張。大公報社，設於南環路七十三號；日出兩大張，書業除上海中華書局、上海商務印書館、上海世界書局，各於商埠設有分館或分局外，尙有文淵書局、一德公司等多家。書報業之發達，冠於全省各縣。娛樂場所，有中山影戲院、大南戲院、南華天臺游樂場等三家。

## 一五二 蒼梧的桑寄生酒與嘉魚

最著。

1. 桑寄生 產梧州區長洲，居民以之浸酒，名爲「桑寄生酒」。色白，味頗清冽。縣中特產，以此與嘉魚爲

2. 嘉魚 出梧州區江南山下丙穴，狀如小鮪，身腹多脂，土人煎食之，鮮嫩肥美，作松子香，衆魚莫比。

3. 鐵力木 又名「花力木」，俗呼爲「榻木」。紋理堅緻，其硬如鐵，尋常刀斧不能入，大至合抱，千年不朽。今地闢人稠，伐取殆盡，惟窮山邃谷，人力難致之處，間亦有之。

4. 雞翅木 白質黑章，身如雞翅而多結癭，又名「癭子木」。以之作素珠，可雜伽楠。

5. 白金瓜 出縣屬長洲，春花，夏實，秋熟，九蒸九曬，用以浸酒，能潤肺。

6. 桃枝竹 一名「桃竹」，又名「櫻竹」。多生石上，葉如小棕櫚，人以大者爲杖。

7. 銀竹 俗名「甜竹」，產於界首，以泥封之，筍長尺許，始出土，甘脆爲席中佳品。

8. 蕉葛 以蕉之不結實者，解其莖，片乾灰煑，用以織布，較常布略粗，而能經久。沿撫河一帶多種之。

9. 澤蘭 一名「水香」，又名「都梁香」。根紫黑色，名爲「地筍」，可食。二月生苗，高二三尺，莖幹青

紫色，作四稜葉對生如薄荷，微香。七月開花，帶紫白色，夢通紫色，亦似薄荷花。

10. 我魚 出自龍江口至思良江口一帶之撫河中口向下，甘美多脂，次於嘉魚。舊志誤作鱷魚形容詭怪者非也。

11. 天蝦 有小翅如飛蛾，尾如蟋蟀，色白身長似小蝦。夏秋之間，晚飛蔽天，羣墮水中。土人以長竿橫江面攔之，如萍之集，取以爲鮓，稱其味頗美。然隨墮須隨取乃可，稍遲則蛻化云。

12. 紅紫石 出獨岡，可作顏料，煎油易乾，名催乾子。

13. 霉豆腐 用豆腐渣以撫河口水清罨之，三日後，面上結成五綵，味清而香，甘而不膩，易地爲之則不佳。

14. 大餅酒 出戎墟，當地居民，大多以糟酒爲業。

此外如黃皮（以產於東門者爲最佳）、甜桃（以產於界首者爲最佳）、六旺（卽九層皮）、逃軍糧、餘甘子、山楂紅（俗名古禪子）、人面果、楊桃（能解肉食之毒及蠱毒、嵐瘴等）、卍字果、波羅蜜、芭蕉、雞蕉、芽蕉、泥竹（用以撐船，產長洲者尤堅緻）、笋竹、釣絲竹、榕樹、刺桐花、指甲花、木棉、果子狸、蝟蛇、蛤蚧等，在縣屬俱產之。

一五三 蒼梧八景及其他勝蹟

1. 桂江春泛 桂江，一名府江，俗呼爲「撫河」。自昭平縣曲折而來，至筋竹，入縣境，經古欖，今欖、長發地、黃灘、古汴、倒水、魚梁灘、譚家灣等地，流至縣城，西與潯江合，稱爲西江，又名梧江。

2. 雲嶺晴嵐 大雲山，在縣城東北三里，蜿蜒高聳達百餘仞，迴出羣峯，有旗、鼓二山，夾峙左右，上有伏虎巖，亦名大蟲山。

3. 龍洲砥峙 繫龍洲，一名七里洲，俗呼爲「雞籠洲」。在縣城東北七里大江中，一峯卓立，屹然中峙，蓋三江砥柱也。洲上林木深秀，水漲不沒，故又名「浮洲」。

4. 鶴岡返照 鶴奔岡，一名飛鶴岡，在城西隔河石英山之左，以形如飛鶴，故名。今闢爲河濱公園。

5. 金牛仙渡 牛金石，在繫龍洲下江中，距縣城東十里許。相傳：『吳時有道士牽牛渡江至此，語舟人曰：「船內牛糞，聊以相酬。」舟人視之，牛糞皆金。道士與牛俱隱石下。』云。

6. 鱷池漾月 鱷魚池，在縣城東。明韓雍改名嘉魚池，今呼爲「學塘」。

7. 火山夕燄 冲霄山，在縣城南隔江，舊名火山。相傳：『上有火光，每三、五日一見。見時於一更初火起，

匝其頂，如野燒；甚者廣十餘丈，食頃而息。明隆慶間，總督張瀚因火災更名「沖霄」。義取從水從雨也。萬曆間，知府陳鑑復移真武廟於上以壓之，今久不見有火光。云山下有丙穴，產嘉魚。

8. 冰井泉香 冰井，在縣城東里許。冰泉清冽，爲唐大歷間經略使元結所開，歷代俱曾爲之訪修。明天順間，總督葉盛構亭覆之，改名「漫泉」。

9. 金雞巖 一作錦雞巖，在縣城東四里。以昔人常見錦雞出於此，故名。石壁峭拔，洞宇宏敞，泉出峽中，甚清冽，中有石窟，俗傳：「舜陵在焉。」

10. 蘇山 在城南八里火山之西，前濱大江。宋蘇軾南謫時，嘗泊舟山下，因名。

11. 龍巖山 在縣城北百餘里。東安中堡石橋墟，平地特起，峭壁石罅間，老樹盤根，大可合抱。南上有巖，甚敞，可容數百人。上有一孔，微漏日光，中間怪石嶮呀如龍虎犀象，莫可名狀。北出西上，仄徑中，別開一巖，稍深黑，內疊三石，如人形，名三星巖。再上左轉而南，有天然石室，梵宇莊嚴，昔人供真武像，遇旱禱雨輒應云。

12. 古欖山 與龍巖山對峙，高數百仞，尖若削成，如欖子形。遍山皆蘿蔓，深翠欲滴，秀麗甲於一方。左右有小石山，高險相望，土人常避兵於此。

13. 鴛鴦江 又名曰「三江口」，卽潯江與桂江之合流處也。蓋「鴛鴦」之取義，係桂、潯二江爲一清。

一濁而「三江」之取義，則以桂、潯二江會合後，乃稱爲西江也。

14. 三公井 在城內東隅小茶山下，爲明總督姚鏌、總鎮鄭潤、總戎朱麟所鑿，故名。

15. 長洲、泗化洲、思恩洲 俱在潯江中，且均有居民林木。長洲在縣城西南八里至二十八里——洲長

二十里，中廣三里；居民達數千家，竹木繁盛。泗化洲，在城西二十七里，縱橫三里許，居民數百家，果木亦繁。思恩洲，在城西三十三里。

16. 猛陵廢縣 在縣西北，原係漢置，唐改爲孟陵，宋廢。今安平江上及赤水鎮西南，皆其故地。

17. 遂城廢縣 在縣西南二十里大江南岸，原係晉置，隋改爲戎城，宋廢。今下郭有城隍古廟遺址。

18. 晉龍編侯莫氏墓 在舊多賢鄉鳳凰山，今已殘破。

19. 明桂王墓 在城西南十里大江南岸高望村後，稱爲興陵。

20. 白鶴觀 在桂江西岸，創建於唐開元中，歷代俱有重修。

21. 南渡亭 在縣城南岸火山麓，清康熙六十年，邑人李世瑞建，爲行旅憩息之所。

22. 冰井寺 在東門外冰井側，創建於唐時；宋、元、明、清四代，俱曾重修，規模頗大。清光緒三十一年，改辦

學堂，今爲廣西省立第四高級中學之所在。

局。  
23. 準提閣 在城東阜民山麓。明崇禎十四年，知府袁文新建。清咸豐時燬而復新，遺址今建商埠公務

24. 允升塔 在城南隔江錦屏山。形家呼爲文筆塔，高七級。清道光時，總督阮元巡視西粵，題其額曰『  
梧江發秀』。

此外如南漢之銅鐘，呂純陽之『壽』字碑，韓雍之碑像（以上三者，現俱存於中山公園）及陳搏之『壽』字碑（現存省立第四高中）等，皆爲縣屬著名之古蹟。

## 一五四 蒼梧的風俗

縣屬習俗，居城市者多醉心時髦；鄉人則質直尙信。知識階級多重廉恥而崇學術，慕清修而謹于謁婚、喪、慶、弔、禮、尚往來。惟自清末光宣以後，稅煙、稅賭、相沿至今，游手之徒，賭博爲生（縣屬番攤甚盛，且有山票及俱樂部等），沉湎之夫，煙癮日甚，傾家蕩產，滅性傷身，比比皆然。昔之淳直樸實之風，愈趨愈下，今幾不復觀矣。服飾，男子居城市者，近於廣州，居鄉村者，多衣布衣。婦女昔多椎髻，今已全改素粧。城市婦女，尤趨於摩登化，飲食，以米爲主要糧食。然本地所出，並不足以供本地之食，多仰給於柳、潯。住屋，城市建築宏麗，商店前

階，多係騎樓，蓋仿粵式也。鄉村惟蔽風雨，或編竹葺茅，猶存古風。語言以城市爲最複雜，各種語言俱備，各區鄉村，則多操白話及客家話。

婚俗用檳榔、荔枝、麻、棗、豬、羊之屬，以當委禽。其義各有所取，而尤以檳榔爲重。親迎之禮，惟知識階級行之，娶必以二十前後爲率。今學界多自由結婚。城市間有用新式典禮者，惟工、商各界及鄉村婚禮，仍沿舊制。貧苦之家，有蓄童養媳者，完房時結綵宴賓，由男家挑雞、酒、豕肉到女家酬神。該禮物即送與女家享受。或有訂定酒肉若干者，則視其地方之習慣爲之。招贅之風，以獠人爲多，漢人少見。獠人贅獠乃是常事，間有以漢人贅獠女者。總之：無論獠、漢，皆以女子爲主體，入贅者事事聽其指揮，與平人娶妻，適成一反比例。惟日後所生之子女，大率從男姓，桃僵李代矣。

喪俗，大殮後，俱重七祭。惟以前殮時多用道巫，卽至出殯之期，亦必於先日請巫開壇，追薦一二晝夜不等。有僧人處，則請僧人誦經，施放餸口。至親朋來弔祭者，在交通不便之處，大抵饗以蔬菜之類，暈菜僅略具一二而已。若富厚之家及城市地方，菜色較多，悉皆以豆腐爲主品。今政府明令禁止道巫，城市間超薦亡魂之事，已不復觀，但鄉村一切皆仍其舊。

縣屬獠人風俗，凡生客入其家，必須先到廚竈前相見，然後始有煙、茶奉客。且負招待之責者，必爲女子。



客一入內，則在家之男子即避出，客人必須坐女者股上，方爲得體。男子見面必稱「同年」，老者則稱爲「同年叔」，對於婦人則稱爲「同年嫂」，女子則稱爲「同年姐」。天寒燒柴合家烘火取煖，作圍爐狀。夏日洗浴，男女共盆，先男後女。其盆近底之處有一孔，先實以木櫬，水多渾濁時，即去木櫬，待其流出，復加以淨水。早晚以薯、芋爲食品，將飽，乃佐之以粥。富者以米與雜糧合炊成飯食之。近來獠人有與漢人同化者，飲食頗類漢人，而其俗例無或改也。

## 一五五 撫河舟中的消遣

十二月十日，天晴，赴江邊探問上水民船，詎兩日內均無船開，余乃預定一舟，由蒼梧至昭平，言明價洋五圓，由船中供給飯食，菜蔬則由余自備，旋付定洋二圓返棧。

十二月十二日，天晴，上午十時，登民船，據云「晚間始開」。余逗留船中，甚感無聊；爰將在岸上購得之論語半月刊二冊取出讀之。此書余首次見到，內容殊多幽默，解除旅中煩悶不少。入晚六時，船開往上行，約一里餘，即停宿。船中除主人及水手外，有乘客七人。

十二月十三日，清早，船行，途經大理口、譚家灣、三塘、魚梁灘、白廟灘等處（各地相距各約十里）船中

乘客，感覺苦悶，無事可爲，有以未帶麻將牌爲可惜者，有以連紙牌亦無爲可恨者，一時無法消遣之愁雲，籠罩全船，余亦一籌莫展，惟擁被蹠臥而已。時乘客中有廣西民團司令部派往平樂及恭城工作之青年二人，與余性均好動，乃商定登岸步行，約三四里，至倒水對岸，候船渡江，既渡，船即停泊，余等又登岸，閒步市中，各就所好購買蔬菜，以備船中之需。

十二月十四日晨，船自倒水開行，經古變、八塘將至王灘，余等正坐談艙中，忽有小艇駛來船邊，呼賣『我魚！』余以名奇，出艙視之，魚形與普通稍異，頭尖，口在下面，據漁夫云：『該魚味甚鮮美，且係此間特產，爲他處所絕無者。』船中人多欲一嘗試之，購得數尾，繫之以繩，沉入河中，既而船至王灘，水湍急，船主請乘客等均起坡，以減輕船之重量，余等步行過灘，登船後，又覺無事可爲，鬱鬱寡歡，余旋思得一法，向衆提議：『由在座諸人輪流談講故事或笑話等類以消遣。』余言甫畢，衆皆附和，立即按次進行，一時艙內沉悶空氣，爲之轉變，而進行亦甚順利，輪流談講數次，其中材料，頗爲豐富，且可看出老少之分，少者多喜講笑話，及關於性愛之見聞，而老者則多喜談故事，尤愛談因果報應及有關風水之說，或三國志、封神榜等類之故事，然不久談話中心即自歷史事蹟而移轉至廣西省之當代人物，如客有言：『目前中國形勢與昔三國時代相同，』口口則若三國時代之劉備，口口則爲諸葛孔明，蓋口口名雖主桂，而一切計劃皆取決於口口也。』時船中

忽有人謂客曰：『君僅取譬於三國中之蜀漢一國，而東吳、北魏則擬指何人？』客對曰：『廣東□□□無異於三國時之東吳、孫權，而□□□則爲挾天子以令諸侯之曹操也。』闔坐聞之，皆爲之莞爾。自余提案施行以來，除用膳之外，談故事，講笑話，幾成余等之正常工作，而漫漫永晝，亦消逝於無形矣。繼經高吻（卽長發地）犀牛望月、今欖等處，是晚船泊於古欖，晚間十時許，余於故事聲中竟入睡焉。

十二月十五日，天晴，晨光熹微，中船自古欖啓行，經筋竹（昭、蒼兩縣分界之地），余與二青年登岸步行，於無聊中且爲船夫牽纜。余等對於此道，素無經驗，東奔西突，大爲船夫幫忙，因此不久，在船主與船夫笑聲之下，一一被停工作。諺云：『看人挑擔不吃力，自上肩頭嘴要歪。』信然，將至欖水，沿岸有淘金者，余等佇足參觀。除以普通菱形木箕、簸動淘金之法，余曾見之外，另有以廣大木板，板上刳以橫槽，水沖泥砂，金質則留槽中之法，似屬別出心裁也。詢其收獲，據答：『每日所得無定，旺日可得一、二元，反之，不過一、二角而已。』甚至有終日毫無所獲者。俄而船趕至，余等復返艙中，見河中游魚頗多，歷歷可數；且有尾隨船後者，余以飯屑撒於河中，游魚趨而就食，愈積愈多，大者長至六、七寸，小者亦一、二寸。再經沙角、鹿洞，至馬江。馬江在宋朝以前，曾爲馬江縣治，至宋開寶五年，併入隴平（卽今昭平）縣治始廢。其地東臨馬江河，江流雖狹，民船之小者尙可通至行砂子，長約九十里。

十二月十六日，船自馬江開行，五里至江背，又五里至龍門，十里至古袍（亦名金鈎灘），余獨自登岸，步行三十餘里，中經白沙、涼風口至古店，旋爲小河所阻，而船又未至，余乃另雇小舟渡河，行十五里，稍憩岸邊，候登民船，是晚泊於五將。

十二月十七日，離五將五里，至白石口，又五里至深沖，船稍停於此，蓋船主婦之故鄉也。嗣經下福、上福而至唐調，余又登岸步行，而派往恭城之青年，亦隨余後，沿撫河西岸向北進，路靠山側，頗爲平穩，惟山勢則陡峻，雨水盛時，大船船夫之牽纜者多經此路，冬季河水至此，斜度極低，多深潭，嗣行至距昭平約三、四里地，路側有一小廟，涼爽宜人，廟中有偶像數尊，余等遊憩其中，青年某君，性頗談諧，見神案置有籤筒，彼卽雙足跪地，搖筒求籤，繼起，取偶像手中所持大刀而玩，佛果有靈，必作無可奈何之苦笑也。既抵昭平，覓妥客棧後，至江邊候船，良久，船始至，當別同船諸君，逕往客棧。

## 一五六 昭平縣概況

昭平地居廣西省之東部，跨撫河東、西兩岸，東界賀縣，西界蒙山，東南界蒼梧，西南界藤縣，北之東界鍾山，北之西界平樂，全縣面積凡三千七百零六方公里弱，縣城位於撫河之西岸，東南距梧州市約二百八十

舊里；北距平樂城約一百五十五舊里。

考縣境在秦爲南海郡地。漢爲臨賀縣地；屬蒼梧郡。三國吳屬臨賀郡。兩晉因之。劉宋仍爲臨賀縣地；屬臨慶國；隸湘州。梁始置龍平、開江二縣及梁壽、靜慰二郡，隸靜州，治龍平。隋初廢二郡；大業初，復廢州，屬始安郡。唐武德四年，復置靜州，治於龍平。貞觀八年，更名富州。天寶後，於縣地復置思勤縣。長慶三年，更開江名馬江。五代初，屬楚；後屬南漢。宋開寶五年，省思勤、馬江二縣，併入龍平，廢富州，改屬昭州。宣和八年，更龍平爲昭平。淳熙六年，復稱龍平。元仍之；屬平樂府。明洪武十八年，省入平樂。萬曆四年，復析平樂、富川、賀縣三縣地，置昭平縣，屬平樂府。清因之。民國初，屬桂林道。六年，以防、樂二區，割隸鍾山縣；縣境乃定。

縣屬高山環峙，灘水湍流；叢薄密菁，易

昭平縣週年室內氣溫約數表

蒸嵐瘴雨寒霧煥，一日之內，可更裘葛。秋末、冬初，其氣乾燥，瘴癘尤甚。大抵夏天最高氣溫，約達華氏寒暑表九十八度；冬天最低氣溫，約達華氏寒暑表三十二度。雨量，以夏季爲最多；冬季則較少。

| 季別 | 室內最高氣溫    | 室內最低氣溫    |
|----|-----------|-----------|
| 春  | 華氏寒暑表七十二度 | 華氏寒暑表四十八度 |
| 夏  | 同右        | 同右        |
| 秋  | 同右        | 同右        |
| 冬  | 同右        | 同右        |

縣屬住民，除漢族外，有獯、獠二族。獯人言語雖與漢人殊，但同受治於縣政府，漸趨同化。縣屬中部，原爲獯人聚居之地；風俗淳樸，民性謹愿。其諺有云：『寧食粥稀，不見官司。』亦可見其風度之一斑矣。今已有漢人與之雜居。獠人多住於縣屬東部山中，以耕山、採樵爲業。以地名別之，有平山獠、橫冲獠、楓木獠、平田獠、文進獠等數部；其住於縣屬西北部馬尾地方者，則有馬尾獠，其實皆板獠也。據最近調查：『全縣有男七萬三千七百零九丁，有女五萬六千一百八十六口；男、女合計共一十二萬九千八百九十五人。城廂住民，有女一千八百三十二口，有男一千七百一十五丁；女、男合計共三千五百四十七人。』外全縣獠民，男、女合計尙有四百九十一人。

縣屬土地生產，以稻穀爲最大宗；次爲竹類、木薯、棉花、豆類、黃精、黃皮、藍草、花生（俗名落地豆）、茶油樹、桐油樹等；再次爲粟、麥、薯、芋、瓜、果、蔬菜、山萇、薏米、杉木、松柴及雜木柴、菸草、藥材等。稻穀有黏、粳、糯三種；各有早、晚兩造之分——就中以早水黏、花羅黏、荔浦黏、番黏、牙黏、紅油黏等六種爲最多。惟每年出產，僅供本縣人民八個月之食用；其餘四個月之民食，全賴桂林、平樂、鍾山等處供給之外。有陸稻，宜於高亢無水之地；有雪禾，種於晚稻刈獲之後，收於早稻播種之前。惜此二種，邑內旋興旋罷，未爲恆產耳。山萇、薏米，年產各約十五萬斤；杉木年產約十餘萬株；松柴及雜木柴約數百萬箍。薏米，卽薏苡；縣屬之庇江、仙迴及各獠山均產。

之。其種須用開水浸過方撒；貉人謂之「淥谷」。菸草一名相思草。縣屬向來種者很少；近三、四十年來漸多；今則無村不有矣。縣屬家畜，以豬、牛、雞爲主要；貓、犬次之；至畜養馬、羊、鴨、鵝、鶩者很少。豬每年出產約三萬頭，運銷出口者約六、七千頭。牛約二萬頭，但供耕作，絕少屠宰。雞年產約七、八萬隻，鮮有出口。

縣屬礦產，有沙金、水晶石、煤、鐵、錫、鉛、白膠泥等。沙金，縣屬府江（卽撫河）、庇江及馬江皆有之；秋、冬之時，沿河淘取者頗多。礦質以庇江一帶所產者爲最佳而旺；銷流廣州、上海等處，稱爲「庇江沙金」，頗有名。水晶石，在縣南之禮儀腦大塔山有之；明亮異常，然不易得。煤，產於縣東佛丁沖（縣屬稱溪湖，皆曰沖）一帶。據私探者云：「礦質甚佳，礦苗亦旺；」但尙未開採。鐵，縣屬各地皆有。錫，產於明源洞、銅鼓洞、仙迴、石梯等處。礦苗頗旺，但質不甚佳。鉛，產於佛丁沖裏之鉛山。明末清初，曾有人開採；後因清政府禁止而停辦。迄今二百餘年，亦無人問津焉。白膠泥，產於明源鄉白土之石階頭，色白而膠，可爲瓷器。縣人常用以作製紙之副料。縣屬四境皆山：東有東嶺、貉山，狀元朗傘諸嶺之綿連；西有雷霹、石峽、白浪，將軍諸嶺之陡險；南有石鼓、鎖珠、紗帽、羅令諸山之崑峩；北有養老、接米、大風、五指諸山之高峻；而鉛山、桂興、大腦、宗帽、天塘、古壑諸山嶺，崩、勞、崔、巍，復縱橫於內。以此步行，猶感困阨；故言陸上交通，直等於零。卽如上經高龍塘以至平樂，下經馬峽、口以達蒼梧沿河之旱路，傍山臨水，時須渡河；荆棘塞途，懸崖狹逼；每有「此路不通」之感。至由城西經石

峽以通蒙山，由城東經庇江，走馬墟、西坪、黃姚以通賀縣之山路，各爲縣屬陸路交通四大道之一。俱須翻山越嶺，始可抵達目的地；其他則更無論矣。本省近年實行築路計劃，曾數遣技術人員，來縣測勘路綫，均以「工程艱鉅，不易實現」云。水路有府江（卽撫河），縱貫南、北。在春、夏水盛時，有淺水輪船五、六艘，行駛於梧州、縣境、平樂、陽朔、桂林之間，通行無阻；入秋後則全班停駛，僅可通行民船。次爲思勸江（一名庇江），小民船自江口上溯，可至鍾山縣屬清塘墟下邊之榕木埠頭，長約一百四十舊里，惟灘水極險峻，如石樓、更鼓、大礮、小礮、鐮刀灘、淮灘等處，貨船時處覆沒，舟子恆存戒心。然此水關係鍾山、昭平兩縣之交通極大，再次爲馬江，小民船自江口上溯可至砂子，長約九十舊里，更次爲桂花江，小民船自江口上溯可至石梯，長約四十里。以上各小河，民船載重至多不過三千斤；冬天水涸時，僅可載千餘斤。郵政於縣城、馬江、黃姚三處，各設有郵寄代辦所一所。電政於縣城東門內設有三等電報局一所，爲梧平、桂線轉接之樞紐。

縣屬一化，以撫河沿岸民智較爲開通，東北部民智最爲幼稚。學校教育，全縣有縣立師範講習所一所，完全小學八所，高級小學三所，初級小學一百六十九所。社會教育，有昭平縣立圖書館一所，爲縣屬唯一之社會教育機關。此外如公園、運動場及娛樂場所等，在縣屬尙付闕如。



## 一五七 昭平八大產業

1. 竹紙 出縣屬歸化、勳江、佛丁、丹竹、仙迴、馬江等處，年產約一百二十萬斤，銷流之廣，遠及欽、廉、越南及黔、滇、川諸省，爲縣屬出產大宗。

2. 棉花 以黃姚、石山、脚沙泥地所產花朵爲最大，絨頭亦最厚，溫煖如火，銷路最遠；爲縣屬出產大宗。

3. 植物油 植物油，分花生油、茶油、桐油三種，年產各約二十餘萬斤，縣屬各區皆有榨具，同爲出產大宗。

宗。邑內外商人以此獲利者不少，其副產之肉糶、茶糶、桐糶等，行銷亦旺。

4. 藍靛 以沿撫河兩岸出產最多，普通每製靛一百斤須靛草六百斤爲佳，如不及此數，則漸分差次。在洋靛未侵入以前，本極發達，今則受洋靛價廉之影響，已日趨衰落矣。若能設法改良，限制外貨輸入，尙不難恢復舊觀。

5. 木薯粉 用木薯水浸二、三日，去皮磨碎製成，俗呼爲「苓粉」。此粉近二十年來始興，今則日加暢旺——沿撫河兩岸如白沙、涼風、五將、唐調一帶尤多，幾於無處不有，年產共約一百餘萬斤，銷路亦廣。

6. 豆豉 以縣東黃姚街之出品爲最優，物質精良，透心柔軟，味殊香甜，名馳遐邇，稱爲「黃姚豆豉」。

爲縣屬特產之一。

7. 九製黃精 亦以黃姚出產爲最良，年產約七八萬斤。其製法，先將山薑洗淨，置於鏊內，用寶珠江水煮之終日，撈起曬稍乾，再用木甑蒸，凡九蒸九曬，故稱「九製黃精」。其味甜，能溫中補血，倘蒸曬不足次數，食之則癢喉敗血，不惟無益，而且有害也。

8. 黃皮糖 黃皮果，縣屬所在皆有，附城尤多且佳。以之製作糖脯，可以消痰化氣，歷久馳名。實糖果中之佳品，年產約七八萬斤。

除上述八大產業外，縣屬東北部一帶石山，多可燒石灰。南部多桐、槲、櫟、松及其他雜木，多用作柴箍。東部馬江，特製紅麵。東北部樟木林特製鹹菜、霉菜，品質俱佳。更有以堅梗之木燒成堅炭，以早禾稈堆積而培育草蓆者，亦不讓人。

## 一五八 昭平的勝蹟

1. 五指山 縣屬山峯以五指名者有四：一在縣北五里，又名五峯山。山下有巖，岩內有水源穿流。一在縣東北一百八十里，樊家上屯衆山中，地與鍾山接界。特出五峯，岩內空廣，可容萬人，內有江水穿流。岩口四

圍陡壁，僅一線可通，一夫扼之，則萬人莫過。明萬曆三年，山賊黎福莊作亂，撫臣吳文華遣兵襲擊，久而始克。一在縣屬中部北陀地方。一在縣北巫峽塘附近，皆以山有五峯相連如五指而名。

2. 藤寶山 又名寶塔山，在城南七十里。山頂有坪，坪中有池，廣約半畝，四時有水，冬燥時，水雖涸而池泥猶濕，竚立四望，遠近數十里，皆在指顧間。三月時，出茶無多，味殊特別，時人多爭購之，更有一種神茶葉長四寸，產於五月，則爲居山人家所專利焉。

3. 狀元山 在縣東北樟木林之南，與涼傘、五嶺等山毗連。明末金陵武狀元全柏三因事潛逃入粵，隱居於此，後人因名之。

4. 鷓山 在樟木林墟南，與天馬、貴人二山相鼎峙。昔年向晚，羣鷓飛翔，其數累百，宿於山巔。民國以來，逐漸稀少，中有石巖，可容一、二千人。民十地方多故，鄉人累石爲壘，以避時亂，稱爲武陵巖。

5. 大厄嶺 在縣西北仙迴大洞之西，爲昭平、蒙山山路交通之孔道。清咸豐時，清軍追洪秀全至此，兩軍鏖戰，死傷頗衆，清將軍董先甲、長壽等陣亡於此。

6. 獅子山 在縣東北招賢里。山有庵、廟、宮、殿、寺、觀等，形勝天開，靈奇著跡，爲招賢一鄉之勝境。

7. 金鰲岡 在縣東沙子埠頭寨前，面形酷似鰲，三面臨水，形勝極佳。鄉人建堡於其上，名金鰲堡，巍然

爲一方重鎮，崗麓有古榕一株，老幹槎枒，濃陰翳蔚，數千年物也。

8. 東坡巖 在縣北與平樂交界處。巖口泉水流出，可通小筏，行至里許，忽然明亮，別開洞天，周圍數十丈，潭深莫測，廣三十步，洞中有一坪，可屯千人。相傳：『昔有異棍，引誘奸民盜鑄於此，事發投其具於潭』云。

9. 馬灘 離縣治里許。秋冬水落，僅可通舟；春夏水漲時，湍流甚急，激而成聲，如馬嘶，故名。

10. 馬峽 在馬灘下，長約十里許。春水漲時，必起大漩渦，則舟行不能往來。

11. 平峽 一名銅盆峽，又名龍門峽。在縣治北十里練灘上，長亦十里許。水漲時，輒起大、小銅盆渦，舟行最忌之。峽腦卽叢林灘底，水勢極險惡。峽中有瀑布，從層崖飛下，入府江，瑩潔可愛。慣沖口有玉白泉，石壁上篆有『龍門峽玉白泉』六字，筆勢遒勁，爲宋英宗治平丙午三年冬月沈紳所書。今人爲之刷新，以彰勝蹟。

12. 仙人碗 在縣東北接米嶺頂之東，有石中窩如碗，水從石縫中浸潤而滿。此嶺爲縣屬東北部內地交通之孔道，千人飲之不盡，萬人資之不竭，雖亢旱亦然，誠奇蹟也。

13. 帶龍橋 在縣東北黃姚街橋畔，建有帶龍樓一座，形勝甲於一方。今樓已毀而遺址尙存。

14. 天然橋 在縣東北沙塘村東，石鞏天成，雙虹並掛。

15. 香泉 在馬江區北陀之鳳門坳。夏天水極清涼，隆冬不凍。汲泉煮粥，色紅而氣味甚香。其水湧出，如

鼎沸然。

16. 羅令山 在馬江區沙冲界，距縣南一百四十里，雄奇峻峭，上插雲霄。昔時山上有寺，相傳：「有羅隱秀才至此，僧弗留款，隱乃留題於石，有『僧散各西東』之句。後寺僧果散，擲其飯鏝於攬水潭中，嗣有漁人洄至水底，由鏝耳鑽過，可想見其鏝之大。」云云。

17. 文明閣 在黃姚街天馬山之下，爲一方之鎮。民國二年重修，舊石壁上有「仰高」二字，不知何年、何月、何人書。

18. 林廷幹講學處 在穿巖。明末清初時，土人不知學，林廷幹自粵東來，倡學於此，從遊者甚衆。石壁題刻頗多。

此外如縣東北黃姚區之宋樊相國墓，明源區銅鼓丈四嶺之明義士王承聘墓及寶珠山之范閣老墓等，皆爲縣屬著名之勝蹟。

## 一五九 昭平的風俗

縣俗勤樸耐勞，迷信好古，服飾崇尚儉樸——雖富戶，衣著不甚奢華；小康以下，皆布衣布服，飲食以糲

米爲主，雜糧次之——卽富戶飲食亦多節省。住屋富戶則青磚廣廈，中戶多土磚泥牆，貧戶則竹籬茅舍，僅蔽風雨而已。婚俗，自幼結親，多不論財與門第；先媒妁，次問名，以檳榔、茶葉爲禮，古風猶存。喪俗，以迷信甚深之故，多專事齋醮。縣屬四境，以山嶺重疊，交通阻隔之故，各部風氣，亦略有差異。西部民安田畝，士近宮牆，風氣較開。中部，昔爲獠藪，經明末剿平後，民多來自粵東，俗尙簡樸。東部，馬江貫之，山水清秀，風氣淳樸。南部，民少獠多，男耕女織，無甚殊俗。西北部，四面高山巔嶽，舊爲古眉地，獠藪也。民多醇質，粗衣淡食，以事耕耨。東北部，在宋以前爲獠族所據，經一再平剿後，始成爲漢族之樂土。今漢、獠雜處，尙稱相安無事。惟俗多機智，習爭鬪，竊盜夥而不畏法，居室雖完好，內多編竹、木以藩之，稍疏則竊盜乘之矣。嫁後女生子，則女家必送手釧、背約（卽襍帶），然後女攜外孫登母門，曰「送釧」。越百日，外婆仍遣一裙一袋以予之，揆厥用意，蓋希望其將來相繼生育能成羣（與裙音同）成隊（俗音與袋同）之意也。東北部，土著與客人習俗又略有異；土著婚俗，在娶之日，新人旣歸，先謁祖，隨即入廚出汲，喪禮，靈前不立神主。客民則不然；其婚俗，於新婦到門時，新郎必簪花掛綵，手握雅筵，三叩花轎，用足踢啓轎門，隨步升堂，夫婦雙拜成禮，喪則設立神主敬祀。

縣屬獠人，一名爲「撫民」，有大獠、小獠之分。每於三月三日具牲醴，供烏米飯，延請師巫紅袍執笏以祭神於廟者，名大獠，若於四月八日舉行者，則爲小獠。其婚嫁不論財多寡，但與男家訂豕肉若干，不如約不

允也。每於迎親前一日，男家擔酒肉往女家，遍飲諸戚屬。嫁之日，媒婆前導，新婦執彩旒傘，遮其頭面，步行而前，親戚接踵送之。婦至男家，少頃，則入主中饋，挾鹿車而前矣。住屋，土壁茅簷，甕牖而居，亦有架木成樓，衡以木板，覆以青茅，樓上居人，樓下畜獸者，呼之爲「欄」，意卽房也。俗殊敦厚，人至其家，不問識否，輒具酒肉以餉之。任大嚼劇飲無吝，稍有微寒，男女圍爐擁火，喪禮多崇師巫，以建醮爲務。死未殮而建醮，謂之「介飯」。殮後建醮，謂之「落枕」。死後七日而建醮，謂之「開路」。計死四十九日，每七日必建醮一次，雖貧亦然。平時竭力耕作，每屆冬季則飲酒共樂，彼往此來，拜生日，肉列大塊，酒係生釀，飲必盡醉。

縣屬貉人多姓盤，以盤古爲祖，三載一醮會，祀盤古神，三載內所畜犬、豕，盡於是會宰殺，大招族類，設道場，稱勝會焉。其婦人首頂一板，如半月形，前後懸五色雜珠以爲飾，衣服則用五色絨繡，其衣裙襟領，其男子亦長髮，裹以絨繡花帕，束以紅帶，衣服華綵，一如其婦人。每遇社日，男女聚歌遊戲，匹偶不論同姓，迎娶不用肩輿，聘金在娶時止交一半，至養子後始交足。喪禮則用火化。

## 一六〇 聯想到伏爾加船夫曲

十二月十九日，至江干探問上水行船，結果獲一小舟，定於明日開往平樂，議價三圓，不供飯、菜，當交定

洋壹圓返棧。

十二月二十日，天晴。十時，整理行裝，且至街市購備米、菜、油、鹽等物，攜之登船。詎船中貨物，尙未卸清，故未成行。船主有一小孩，年六七，活潑伶俐，不畏生客，余時與之嬉玩。

十二月二十一日，晨起，天霧。八時許，船始解纜行，稍前即遇一灘，船不能過；乃渡至彼岸，請余步過灘頭。余以撫河多灘，船行滯緩，不若步行爲快，遂逕沿河岸小道而前。過灘後，船主頻呼上船，余不之顧也。行十里，至練灘，山勢峻陡，小道亦高低不平，上山下山，頗感勞頓，來往客人過此者，均多乘船而不願陸行者，殆即因此也。然余興趣甚濃，不覺其苦；五里至江口，又五里至高龍塘，余坐路側候上船吃飯，良久未至。適岸側有製造木薯粉（亦名荅粉）者數人，余趨視之。彼等旋轉一輪，輪以鐵皮裹之，皮有小孔，軸之一端裝有搖柄，他端接於木椿之上，此柄不以手搖，而以繩縛之，下拴於一木板上，足踏木板，搖柄轉動，而輪遂旋轉不已。輪下置一斜長之板，製造者兩手各執一木薯根，插入輪底，碾成粉屑，滑入板下預置之器內，然後將粉屑和水瀘之，瀘法以四方之白布縛於懸好之橫十字架上，粉盛其中，垂如網然，再以手執十字架篩之，頗與篩豆腐漿之法相同。加水凡五六次，直至粉盡只餘渣屑而止。瀘出之粉，俟起沉澱，去水曝乾，即成荅粉。木薯爲一年生植物，高約三四尺，葉與嶺南之木瓜樹葉相同，與嶺北之蓖麻葉亦略相似，春則茂長，冬則萎地。製粉者每於



冬間，掘取其根，根作圓柱形，大者徑可寸餘，小者徑約六七分；浸水內三日，去其黃褐色之外皮，內呈白色微黃，而磨出之粉，則白如雪。稍頃，船至，登船時，飯菜已熟。飯後，閒坐艙中，迨至威鎮，又登岸，行十里，將至桂花河，邊亦有壓荅粉者二人，余細審其法，且要求踏輪而試，兩手如法執薯根，插入輪底，而以足踏之，輪殊不爲動。其一告余曰：『使勁！使勁！』余果用勁，輪始旋轉；但僅碾數根，即覺疲乏無力，乃捨之。憩息有頃，船至，登船後，夕陽將下，泊於桂花。

十二月二十二日，天方曙，船自桂花開行。早飯後，余捨舟登岸，沿途時聞撐篙船夫之歌聲，與其他船夫歌聲相應和，音韻鏗鏘，入耳可聽，唯其字音，則苦索莫辨。嗣經蓬冲至大廣，余登船用午膳後，又起坡行，歷經黃龍、巴江而至寶貝口。該地距巴江不過五里，並非墟市，只民家二、三椽，除粗製糕餅及米酒可購外，無其他菜蔬食物出售。是晚停船於此，飯後，余與船主閑談，並叩以日間船夫撐篙之歌曲。渠答：『並無歌調，不過隨口喊唱耳！』余遂出鉛筆，請船主『隨口歌唱』爲之記音，乃渠答：『余等歌唱，一至其時，即脫口而出，今非其時，實難衝口應命！』且笑謂：『君如求之，俟明日船夫歌時，仔細傾聽辨之可也。』

十二月二十三日，自寶貝口開船，經廣運至大傑，又聞船夫歌起，此唱彼和，聲撼山岳，余時興趣雖濃，仍苦莫辨一音，只有『唳——啾——喝——』、『唳——啾——嘿——』之腔調，略可聽出，使余聯想到蘇俄民間歌曲中

之伏爾加船夫曲，要亦不過藉以抒情懷；忘却勞動時之愁苦而已。嗣登岸步行，十里至大灣，山腰有民家一二間，稍憇道側，繼至大扒。大扒河岸極陡，僅有石磴二道可上，余乃略遊墟中。是晚船即泊於此。

十二月二十四日，船離大扒三里，至龍塘磯。早餐後，登岸行，十里至長灘墟。墟爲平樂沿河最大之市鎮。候船至十一時許，船始來。登船後，船主因事暫止於此，不再開往平樂。蓋船主卽長灘人，渠商於余，願代雇一小舟送余抵城，船費亦由渠給，余允之。旋船主覓得往來長灘、平樂間之小艇一，余卽換船，並與船中數日要好之小朋友相別，該童見余將行，頗露愁容，頻呼『再來！再來！』蓋亦依戀不捨也。由此逕抵平樂，寓上關街平樂客棧。

## 一六一 平樂的昭山及其他勝蹟

十二月二十八日，天晴。上午九時，顏若愚君等來寓，伴余遊昭山及近郊諸勝。出北門，至得月西岡，有朱將軍墓。相傳明末鎮西將軍朱昱如守平樂時，城陷，單騎而還，盡殺其妻妾而自刎。部曲蕭伯雄冒死收骸，爲葬於此。再北行，至感應泉，地有泉形，但無滴水，其側立有石碑，記建泉事頗詳，其大意爲『宋鄒浩因直諫忤旨，謫居昭州，泉遂湧出，其味甘香；後召還，其泉忽涸』云云。嗣向西行，渡茶江，至昭山。山位於桂、茶二江合流

之處，山上有亭，名曰點翠，墨客騷人，多遊咏於此。平樂八景中之『昭山點翠』即指此也。下山後，渡江，前有巨石突起，屹立水中，徑達百尺，如中流砥柱，方正似印，名曰印山。余思一遊，乃雇艇繞山一匝，山本有磴道可登，因歷年河水泛漲，衝盪激損，已不可登。山上有亭，名印山亭，亦已圯毀。據調查所得，平樂縣屬尚有下列諸勝：

1. 粉巖 在城東南十五里縈山之間，皆鐘乳結成，玲瓏奇巧，儼如鬼斧神工。羣山環擁，烟霧空濛，景名『粉巖曉霧』。

2. 龍池 在舊府學署西上，水深丈餘，相傳『有龍蟄居其中』。池旁樹林茂密，飛鳥時來，鳴聲上下，清景宜人。景名『龍池春暖』。

3. 鳳凰山 在城北隅，鼓翼引吭，勢如飛鳳。明正德初，副使張祐植松千樹，干霄拂雲，蔚成壯觀。後被盜伐，至清末已寥寥無幾矣。邑人復種杉數千，蒼色滿林，清風撲面。景名『鳳岫晴寒』。

4. 考槃澗 在城東一里，源出龍嶽峯澗口，一名迴龍津，水流灣曲，其聲潺潺，夕陽下山，清風徐來，納涼之人，往來不絕。景名『槃澗清風』。

5. 誕山 一名聖山，在城東八十里，山上有三峰，巍峩插天，相傳『五代時，有譚氏二女，產於山下，及長，

修黃老之術，不知所之。遇大旱，里人以不雨爲憂；二女忽至，謂之曰：「汝能餉我，即可得雨。」翁餉之，果大雨。如注，後追覓不見，乃知爲神。里人因建廟山下祀焉。景名「仙巖靈雨」。

6. 荔水 源出修仁，過荔浦，至城西七里，合湖塘水注於桂江。其地彎曲，水勢頗緩；漁人多聚於此；夕陽將下，歌聲四起。景名「荔江漁唱」。

7. 桂嶺 在城東五里。峯巒平列，秀媚可餐。樹林蔭翳，路多曲折。樵人歸來，或歌或咏。景名「桂嶺樵歸」。

8. 白雲巖 在城東七八里。叢林蒼蔚，中洞口翼然。古藤盤繞，雖盛暑若冰室。有石類蓮花者，類彌勒者，類鐘磬者，類犀角者，類白衣蒼狗者。燃炬蹲伏而入，莫窮其勝。洞外百餘步，澗水潺湲，兩岸陡開，人跡罕至。明崇禎時，唐世堯始披榛覓徑，因石成樑，名步雲橋。洞中設大士像，鐫「白玉洞天」額。今荒廢已久。

9. 朝天巖 在縣屬那塘村；又名半邊豬。巖內漿流成田，有石八仙、石龍眼、石龍珠；奇形異狀，雅景宜人。有水處，石拱成橋，莫窮其境。

10. 出來巖 在樂山里。百峯千仞，豁然洞開。巖形如半月，天宇清曠，地勢平爽；不似他巖之幽暗險濕也。甲寅之亂，有僧修然避世於此，隨巖中地勢，締造精舍；不十年，頓成名勝。巖外磴道盤旋，竹樹茂密，左轉石級

千仞，下臨不測，憑空結構曰懸空堂；下右爲香積廚；廚旁爲碓磨房；皆天造地設，不假人力爲也。

11. 獅子巖 在樂山里，爲玄壇名勝之區。夏則清風徐來；冬則暖氣薰蒸。入巖口百餘步，有石龍二：一黑一黃，黑者居巖左，鱗脊宛然；再入則見黃龍頭角嶄然，壁上有龍珠數顆，大如斗，旁有石，以火燭之，光華奪目；下結祥雲滿地，旁結玲瓏寶塔，高約一仞，層次分明，更入數步，有龍門及天橋，長十餘步，闊丈餘，其深莫測，有人入釣，由潭邊而過，可通數里，鄉人於此立寨。

12. 火焰山 在城西十里荔江岸，以山峯尖聳，夕陽返照，有似火焰而名。明初解縉詩云：「火焰山危下夕陽」卽此。又名華蓋山，高萬仞，秀色飛空，遠映城市，山之頂，碧雲恆覆，朝暮卷舒，變化萬狀，山濛則雨，山開則霽，亦縣屬之勝境也。

## 一六一 平樂縣概況

平樂地扼桂江之中流；大部據桂江之東岸；一小部分（約占全縣面積七分之一）跨在桂江之西岸，南接昭平，東鄰鍾山，北連恭城，西之北界陽朔，西之南界荔浦，西南一小部接蒙山，東西距七十五舊里；南北距約一百舊里，全縣面積凡一千七百二十三平方公里，縣城位於茶桂二江會口之東岸，西北距桂林城約

二百舊里；東南距梧州市約四百三十五舊里。

考縣境在周爲百粵地。秦屬桂林郡。漢爲荔浦、富川二縣地。屬蒼梧郡。隸交州。三國吳甘露元年，始置平樂縣。屬始安郡。隸荊州。兩晉因之。劉宋屬始建國。齊以後屬始安郡。至隋不改。唐武德四年，於縣置樂州。貞觀七年，改爲昭州，仍治於縣。並析置永平縣，亦屬昭州。五代初，屬楚。後入南漢。宋開寶五年，省永平縣入平樂，仍爲昭州治。元大德五年，陞昭州爲平樂府。明清兩代俱因之。民國二年，廢府留縣，屬桂林道。十七年，廢道制，直隸於廣西省政府。

縣屬介五嶺之間，氣候多熱少寒。草木秋杪而不凋，花卉冬初而敷豔。惟峰巒迴合，山林水石之氣，時溢爲霧。四望羃歷，咫尺莫辨。而以深山疊嶂之區爲盛。城郭爲輕，行旅勞役之人，尤易侵染。大抵夏天最高氣溫，約達華氏寒暑表九十八度；冬天最低氣溫，約達華氏寒暑表三十六度。雨量，以夏季四、五兩月爲最多；冬季最少。

住民除漢族外，有苗、獠、獐及蠻人等。惟人口均不多。據最近調查：全縣有男八萬九千二百六十八丁，有女七萬四千零四十口；男女合計共一十六萬三千三百零八人。城區住民，占一萬二千四百五十六人。

縣屬農產，以米穀、苧麻、大豆、花生油、桐油、蔗糖等爲大宗；玉蜀黍、番薯、芋頭、沙田柚等亦有大批出產；次

爲板粟、蕎麥、鴨掌粟（卽穉子）蔬屬及其他果屬之類。米之產量，每年僅供全縣十月之炊；不足之數，多購自荔浦、陽朔、修仁等縣。林產以杉、松爲大宗；兼種竹、茶之屬。藥屬有山楂、土伏苓、香薷、銀花、木通、勾藤、青蒿、桑寄生、縮砂、黃精（俗名野仙薑）等。水產以鱧、鯉爲最多；特產如狗魚、山瑞、穿山甲等亦有之。畜牧，獸屬以牛、馬、豬、羊爲主要；禽屬以雞、鴨、鵝、鴿爲主要。其他動物，鳥類如山鳳凰、白頭翁、鳩、鸚、鷓鴣、紅嘴雀等，獸類如虎、豹、狸類、山羊、水獺、豪豬之類，在縣屬皆有之。礦產，有錫鑛產於縣東同仁之湧水塘地方。其他尙未發現製造物，以籐、竹器、柿餅及水醃菜等，在縣屬較爲有名。此外縣屬產物較爲特殊者有四：（1）墨荔，以皮、肉、核三者俱黑如墨，故名。味臭而苦棘，有毒，不可食；誤食之，令人心腐腸爛而死。（2）猿酒，深山中猿類，善採百花釀酒；樵子入山得其巢穴者，其酒多至數石，飲之香美異常，名爲猿酒，但不易得。（3）接骨草，一名土牛膝；又名四季花，莖綠而圓，葉長而尖，跌傷骨節，搗爛敷之，立效。（4）肥兒草，能治小兒諸疾，且可以療痧脹。

縣屬地處桂林、陽朔之下；水路交通，有撫河縱貫縣境西部，計自陽朔小灘起，經縣城至下大廣止，長約一百舊里。夏水盛時，有載重七、八萬斤之淺水電輪，自下游而來行駛於梧州、桂林之間。秋、冬二季，亦可航載重萬餘斤之民船。又有茶江（卽恭城河）由恭城經沙子而至縣城西北隅，與撫河會合，長約七十餘里。在春、夏之間，可行載重四、五千斤之民船。距縣城西北四、五里許，爲荔江之口。上游直達荔浦縣城，夏天載重八

千斤，秋冬載重三千斤之民船，均可往來，惟地多崇山峻嶺，土石相參，道路崎嶇，諸多梗塞；以前陸路交通，甚爲不便。自本省實行築路計劃以來，縣屬交通亦大有進展。計現已通車者，有平荔公路及平梧公路。由縣城至賀縣屬公會一段，尙在擬議中，而未加修築者，有平恭（由縣城至恭城）、平蒙（由縣城至蒙山）諸綫。平荔公路，由縣城起至荔浦止，長約八十里；在縣屬者僅十餘里。平梧公路，由縣城下關車站起，經二塘、榕津、同安、源頭而出鍾山，賀縣以至梧州止，全長約七百餘里；現已通車至賀縣之公會，長四百零五里；在縣屬者約一百五十舊里。郵政，於縣城設有二等郵局一所；於長灘、源頭、同安、沙子、二塘等五處，各設有郵寄代辦所一所；於榕津、蓮花、陽安三處，各設有郵政信櫃。電政，於縣城設有三等電報局一所，上通桂林，下達梧州。長途電話局，設於縣城半邊街壽福庵；西通荔浦，北通桂林，東通源頭、八步（賀縣屬）。

縣屬文化，尙稱發達。學校教育，有省立第十中學一所，平樂縣立初中一所，完全小學十所；初級小學二百四十二所。社會教育，有縣立民衆教育館、平樂圖書館、中山公園、新市公園、縣立公共體育場、國技娛樂場、青年娛樂場（以上俱在縣城）、源頭區立圖書館（在源頭）、沙子區立圖書館（在沙子）等共九所；民衆夜學校一百餘所。報社，有平樂三日刊社一家；每日出版一大張。書業，有商務書館、大中書局、大東書局、桂東書局、樂文書局、寶仁書局等數家。



## 一六三 平樂的風俗

縣屬淳厚儉樸，民性好大喜功，樂於創始而懶於成事。城市人民，間有排外與妬能凌弱之風；然各區鄉却多親仁善鄰之輩。人民嗜好，以養畫眉鳥爲最甚。服飾，以布衣爲本，穿綢著緞者甚少。婦女多已剪髮，且較爲好修飾，然絕少用手鐲、耳環及脂粉等，更無奇裝異服者。惟男女老幼，於夏秋間，均喜著木屐。飲食，以米爲主要；輔以紅薯、芋頭、包穀、蕎麥等雜糧。住民以食水過寒之故，早晨多喜食油茶。住屋，城、鎮、墟、市，多磚房，而以沙子、榕津二處建築爲最佳。鄉村則多草房。男女社交，尙未公開；晉謁長輩，仍多用跪拜禮。民衆娛樂，多以球類及演習國樂、國技、新舊戲劇等爲娛樂。

婚俗，多采媒妁、禮聘制。以女適男家爲最普通；但贅風與蓄童媳之風亦盛。女子出嫁，有先哭數日而後嫁者；亦有始終不哭者。迎娶時，男子均不行親迎禮，但以彩輿由媒人導至女家，將女子擡回。縣屬同安區迎親之習俗，男家例率多數搶手，詣女家奪之；女家則擲以癡頭羹（果名，形如球狀，具有黏液）或其他具有液汁之果實，命中搶手頭部以爲快。蓋猶劫奪婚姻之遺跡也。

喪俗，多仍用舊制。同安區喪家出殯，族里人等不分姓字，均互相扛送；無須僱用伕役。深饒「互助」之

義。

在昔縣城對於產難而死之婦人，其族人等即迎道姑齋度，於夜半時由道人披髮，戴假面具，著玄紅衣，口吹響角；族人等則如瘋如狂，擁殯狂奔，喊叫喧天。同時並雜以緊急之鑼聲，如大難之將至然。謂之『送黑』。後經有識者呈請官府取締，此風始熄云。

### 獐女相思曲二首

妹相思，不作風流待幾時！只見風吹花落  
地；不見風吹花上枝！

妹相思，蜘蛛結網恨無絲！花不年年常在  
樹；娘不年年伴女兒！

——流行桂平——

爲兄浸死也甘心（男女對歌）

女唱：半夜想兄半夜去，冇（音卯）怕黃河江水深；江水雖（音以）深妹要過，爲兄浸死也甘心！

男答：八字木梳咁拚命！『爲兄浸死也甘心』！鐵拐茶匙針涼笠，先時正係爾來尋。燈草血淋作字稿，爲契今日很傷心！着我問伊一句話：傘（音遮）映圓魚歸了陰？燈草拈來作網子，正想拋開心沒沉。失掉田單沒見契，浮溪栽落着漿深。

女唱：半夜想兄半夜去，冇怕黃河江水長；江水雖長妹要過，爲兄浸死也心涼！

男答：八字刀劈命咁短！『爲兄浸死也心涼』！着我問伊一句話：豬肝刀劈斷了腸？出血豬肝剛落肚，路總爲何心咁傷？傘映圓魚歸陰了，過後點得爾回陽。棺槨堂祥送小姐，情願彼兄替出娘。

——  
流行北流——

## 第六編 由平樂至全縣

……………十二月廿九日至二月四日……………

### 一六四 平陽舟中與陽朔的風俗

與顏君環繞印山之後，就便在江干雇舟，以便明日清晨啓程，趕到陽朔。後覓得一小舟，舟主爲一中年婦人，言明專送船費二元，並決於清晨開船。返寓後，託店主爲余覓雇挑夫。時棧中有一客商某君，亦欲往陽朔，聞余已雇妥一小舟，來商同乘，余允之。

十二月二十九日，余與客商某君於晨光熹微中登小舟，時舟婦尙未起身，呼之醒，伊見有二人同行，須增加工資一元，始允行；余諾之。時大霧迷漫，稍遠不辨，船經荔江口（俗名荔浦河），余遂未能賞其景色。再行數里，至季魚塘，霧漸消退，繼抵浦口，沿途江水甚淺，偶一不慎，船卽擱淺。故舟婦時而撐篙，時而下水推舟。余嘗思如此小舟，駛行尙感停滯，若稍大之船，更不知若何艱難也！舟婦頗饒健康美，且極大方。伊有一女孩，年甫五齡，天真可愛，而眉目尤爲俊俏。某君常逗嬉之，余戲之曰：「此黃口也，未可與君效雙飛者，胡親暱若

是耶？豈醉翁之意不在酒乎？」某君聞言大笑。嗣詢某君平陽風俗情形，略有所得。繼經普益留公，而至伏荔（一作福利），該地爲陽朔所屬市墟之最大者，再行十餘里，至野雞潭，潭水深不可測，西岸石壁上有乳石，形類野雞，惟因船自東岸而行，河道稍寬，未得細賞。嗣即直至陽朔，寓城內西街萬安客棧。余憶及年前曾充廣西民政廳視察員，而今任隆安縣縣長之謝佩西君，寓居此棧時，有「距此未遠之中華客棧，於某晚延僧超度死者，更後來賓消夜，滿唱存歌，門前街市，歌聲嘹亮，不絕於耳」之事。余出棧視之，則中華客棧果在望也。

十二月三十日，見張嶽靈縣長於縣政府，張君爽直英明，對余旅行甚表同情。當託梁代借縣志，梁願爲余找尋，嗣即興辭而出，遊覽全市。晚飯後，張君遣祕書科長送縣志來棧，對於該地風土情形頗多指示。

縣屬俗尚樸實；民性亦多純良。惟一般士紳思想狃於狹隘，而窮苦農工，又多趨重報復，加以帝國主義者之經濟侵略，鄉村經濟爲之崩潰，故地方貧富爭鬪，較各處爲甚。婦女重操作，惟喜對歌，故淫風頗盛。鄉村各戶婦女，迷信巫鬼尤深；每日燒香燃燭，求神庇佑。一至冬季，則釀集大批款項，聘請僧道，迎神建醮；雖賣女鬻子，亦所不悔。現正在嚴禁中。服飾以布衣爲主；在家計稍裕者，多穿紗綢；冬季亦頗有著呢絨者。飲食以稻米爲主；雜糧副之；且嗜酒。住屋多屬土磚或泥牆，狹矮無樓，鮮通空氣；富裕之家，多有砲樓。

俗好鬪雞、鬪鳥，每有專會司之，當賽會時，常聚集至數十、百翼之選手。

## 一六五 陽朔的風景（一）

1. 東嶺 在縣城隔河東岸；爲縣城東面屏障。每當旭日初升，輝映嶺上草木，光怪陸離，燦若文錦。

2. 西山 卽屏障山；在縣城西南石櫃關左。由龍躍巖方面仰視，方正端莊，形如屏風。每當夕陽返照時，聽樵、牧歸唱，一勝景也。

3. 雙月橋 一名太平橋。在縣前街中，恰當鬧市。雙鞏平橋，水光月色，上下相映。

4. 鑑山 卽今壽陽山；在縣城南約三百步。嵯峨拔起，東瞰大江。山麓昔有鑑山寺，今改爲樓。登臨一覽，桂水、蓮峯，盡在目中。明嘉靖間，布政洪公刻有『碧蓮峯』三字於崖下。近水石壁，備兵陳起龍亦刻有『江山鎖鑰』四字。

5. 馬山 在縣南壽陽山後榕樹關右；形如馬昂頭西向。每當天欲雨時，則嵐氣先起，與附近諸峯聯合。

6. 龍洞 在石櫃關內；卽龍躍山小巖也。俗名小龍巖。巖內有石龍鱗甲；又有石盆，注水，不竭不溢，故名。

仙泉。

7. 陽朔山 一名解元峯，俗名羊角山；在縣北廖家崖左。三峯並立，差小者是。

8. 龍頭山 縣屬山峯，以『龍頭』名者凡四。附城者一，在縣城東北隅，一名龍峯，高百丈。在四鄉者有三：一在縣東北三十八里，高聳入雲，諸峯環拱，昔人避亂，寨址猶存。一在縣東三十里，下有龍頭山村。一在縣南二十里，龍頭潭村後；一名屏石山，山麓有龍口洞，寬丈餘，中有坡如舌；兩旁怪石如齒，村前水深莫測，卽龍潭也。四者皆以形似而名。

廢。  
9. 北鹿山 在縣城北，山畔有北辰觀，唐侍郎曹鄴故宅，卽在此山之下。後人就其遺址，建曹公書院；今

10. 都利山 一名都荔山；在縣城北。北鹿山之右。水經注云：『灑水南經都利山，』卽此。出香草。

11. 陳搏山 在縣城西，山形欹斜如睡。北面有二巖：西巖石壁，刻有『壽陽公園記』；由南薰洞穿通後巖。東巖亦高爽幽深，山左突起一峯如筆，南面亦有數巖，玲瓏透亮，均可遊玩。

12. 獨秀山 在陳搏山前，平地突起，獨立秀媚，形如笏。宋時建學宮於山麓，山後有巖曰棋盤巖——舊名豹隱洞。洞口石壁刻有『來仙洞』三字，相傳『洞前爲夏相公宅基』。竅開三洞，須燃火而入。

13. 西郎山 一名西人山；俗呼爲仙人山；在獨秀山右。唐曹鄴有詩。

14. 鍾離山 在屏障山下。山不甚高，俗呼爲矮山。山旁近水處，建石橋二拱，名矮山橋。

15. 東洲 又名金鰲洲；在縣東江中。沙堆長數百丈；江水爲之分流。唐曹鄴有詩。

16. 龍躍巖 在龍巖山西面；俗名大龍巖。巖中高爽，前有龍躍寺，遺址猶存。又相距數十步，有小龍巖，卽八景中之龍洞也。

17. 壽陽公園 在縣城北門外里許。前至陳搏山，後至玉姑山，就玉姑山坡建洋式廳樓一座，極宏敞；石級二層，左右砌包；岸中甬道，直接馬路。

18. 白鶴山 在縣南二里。山面開展，如鳥舒翼。相傳：『昔有白鶴翔集，故名。』山右迤下小山，有巖高爽，平入不深，名爲來鶴洞。名人來遊者多有題咏。

19. 書童山 在縣南三里。田家河口右邊。孤峯聳峙，秀色可觀。山側有崖，名書童崖。崖旁一山，尖秀如筆，卽名卓筆峯。

20. 古榕山 在桂江東岸——距縣城五里。端莊秀麗，儼若觀音趺坐蓮臺。旁有松柏均、童子山、靈人山、馬嶼石等勝蹟。

21. 浮坳山 俗名仙姑山；在縣東十里。高出羣山，高峯有巖，寬約丈餘，中有八仙姑像；每年六月朔，遠近



登山進香者甚夥。

22. 明月山 俗名月亮山；在縣南十五里歷村對面。其形崆峒，宛如蛾眉。

23. 廣福巖 又名羅漢洞；在縣南二十里巖中虛朗，可容百餘人。原有石乳結成獅、象、鸚鵡等形；天然奇特，爲八桂巖洞之偉觀。今已摧毀無遺。巖外溪水環流，一橋橫臥，卽羅漢橋也。唐曹鄴有詩。

24. 古鑑山 在縣南二十里。頂有竅，大如瓶，旁極光滑，臨之有暖氣上蒸；以石擲下，聲經時不止。山半有石坡，小孔無數，宛如篩形。孔中聲響如雷鳴數次，水卽自孔湧出。日凡三四次，清濁不一，如瀑布飛流。俗名『

犀牛出水』。

25. 蘇穆巖 在縣東二十里上平塘賽山之麓，寬敞可容百餘人。中有石門，穿過大巖，尤極曠朗。巖口石牆，爲昔人避亂所砌。前後巖外，皆有深潭；石乳流淌，聲同絲竹。

26. 東郎山 一名東人山；在縣東二十里岡陵之上，突起小山，形如人立，東向；面目冠冕畢肖。邑人曹鄴有詩。

27. 白面山 在縣東二十五里濱江如削；石皆作黃白色。左有巖，極爽朗險固；明茅坤刻有府江紀事碑於此。

28. 晉威南將軍薛翊墓 在縣西威南山下。薛征交趾班師，道卒，葬於此。

29. 晉都督諸葛齊墓 在距百沙塘里許之白沙村律郎洞。

30. 宋黎桓祖墓 在縣東屏山村里許之插旗山下。桓在五代時，遁入交趾爲會長。宋乾德初，太祖封桓爲郡王，安南爲黎氏所有，始此。明永樂時之安南王黎季犛、黎倉，宣德時之黎利，正統時之黎麟，成化時之黎灝、黎寧，以及黎維潭、維新、維祺等，皆桓之苗裔也。

## 一六六 陽朔縣概況

陽朔地跨桂江東、西兩岸；北接桂林，南連荔浦，西鄰永福，東之北界恭城，東之南界平樂。東西相距一百零三舊里，南北相距約一百舊里。全縣面積凡一千二百七十三平方公里。縣城瀕桂江西岸，位於北平子午線西經五度五十三分三十六秒；北緯二十四度四十二分四十五秒。東南距平樂約五十舊里，北距桂林約一百四十舊里。

考縣境在秦屬桂林郡。西漢爲始安縣地；屬荊州零陵郡。東漢爲始安侯國地；屬荊州刺史部零陵郡。三國吳爲尚安、熙平二縣地；屬始安郡。晉武帝省尚安入熙平。南朝宋明帝改始安郡爲始建國；屬湘州。齊復郡。

名，仍屬湘州。梁爲始安郡地，屬桂州。隋開皇十年，始置陽朔縣，屬始安郡。唐屬桂州。五代因之；初屬楚；後屬南漢。宋屬靜江府；隸廣南西路。元屬靜江路。明、清屬桂林府。民國初，屬桂林道。十七年，直隸廣西省政府。

縣屬層巒四塞，川谷各異；陰陽相薄，瘴疫間生。久晴則易熱，頻雨則驟寒，雖在盛夏隆冬，景象亦輒變。而一日之間，晨溫晝熱，晚涼夜寒，常甚相遠。大抵三冬少雪而四時常花，夏天最高氣溫，在華氏寒暑表九十二度；冬天最低氣溫，在華氏寒暑表四十一度。雨量以春夏兩季較多，冬季則少雨。

縣屬住民，除漢族外，有少數猺人，住居於縣東之深山。據最近調查：『全縣有男六萬五千三百三十五丁，有女五萬六千六百七十九口；男女合計共一十二萬二千零一十四人。』城區住民，男女合計二千一百六十四人。

縣屬農產物，以稻穀、蔗糖、桐油、茶油、花生油、玉蜀黍（一名玉高粱）等爲大宗；次爲麥子、粟米、棉花、芋麻、薯芋、柿子、板栗、金橘、竹筍、菸葉、桂花等；再次爲豆類、瓜類、蔬菜、木炭及其他果類如柑、柚、梨等。稻有早晚之別；年產共約三十萬擔左右。早稻惟黏類；晚稻有黏、糯二類；皆種於水田中。另有一種旱禾，性耐旱，畝田及山地皆宜；收亦甚早。蔗糖，多產於桂江兩岸。桐油、茶油，以縣屬西南部爲最旺；年產約二萬擔。落花生，土人多種之，以之榨油，亦爲邑中出產大宗。薯有紅、白二種：白者形長而肉細；紅者形圓而肉粗。另有一種板薯，亦分紅、

白二色，根重數十斤。至於木薯，在縣屬亦有之。芋有水旱二種，柿子，必經接過枝，始無子。又有一種野柿，其葉多毛，用其根以接柿尤美。邑中多種之。板栗，年產約三萬餘斤；縣屬特產也。金橘，多產於縣屬中部之金龜洞等處；大者徑寸，小者如指頭，爲縣屬特產之一。桂花，年產約萬斤，尤爲縣屬之特產品。桂江東岸古祚塘一帶嶺地，多產茅栗，形與板栗相似而小，味亦香甜。縣屬家畜，各區耕牛，尙足自用；豬、雞、鴨三項，略有出口；犬則平均每戶一頭；貓次之；羊、馬、鵝等則甚少。其他動物之特殊者有麝及金鯉魚、紅口魚、天蠶等四種。麝似麀而小，黑色，金鯉魚形似鯉，紅如金魚，大者十餘兩，小者五六兩。春月方出，平日少見。紅口魚，身圓而長約四五寸，每頭重二三兩至四五兩不等。腮邊與尾色帶紅，味肥美。春日方出，過此則烏有。縣屬礦產，惟有石灰一種，出產頗多，其他礦產尙無發現。

縣屬交通，水路有桂江自桂林草坪逶迤入境，曲折南流，經浪石、興坪、瀑布塘、古祚塘而至縣城，折而東南，經伏荔、留公以後，爲縣屬與平樂之界水；小灣以下，始全出縣境，在縣屬者共長約一百餘舊里。在春、夏水盛時，可通小輪船，上通桂林，下通梧州；民船載重可達一萬餘斤。秋、冬水淺時，祇通民船，載重不過二、三千斤。陸路有桂荔公路，經縣城西門外，上通桂林，下達荔浦，全長二百四十里；在縣屬者，長亦百餘里。郵政，於縣城及白沙、興坪、高田、葡萄等墟，各設有郵寄代辦所一所；於伏荔一墟，則設有郵務信櫃。電政，於縣城設有地方

電話局；全縣二十鄉，各鄉俱有長途電話，均可與縣城及桂林、荔浦、平樂、恭城等縣直接通話。此外並設有無線電收音機一座。

縣屬文化、學校教育，全縣有完全小學九所；高級小學六所；初級小學七十二所。社會教育，有縣立民衆教育館一所及壽陽公園，陽朔公共體育場各一處。

## 一六七 陽朔風景（二）

二十三年元旦，天雨。本日爲陽朔縣新市場建築落成開幕之期。清晨，余見警察沿街監督各菜販齊往新市場交易，其中頗多尙不知新菜場之地點者。昨夜除夕，居民無甚表示。今日元旦，街中亦無新年氣象。蓋若輩墨守舊曆，對於國歷新年視若無事，不足怪也。卽以余旅行者而言，今日亦無特殊感覺，依然繼續余之行程。早飯後，日昨託縣府代雇之挑夫已來棧，此君爲湖南永州人，居此已二十載，聞余爲同鄉，甚覺高興。旋卽登程，二十里至瀑布塘（俗名牛屎塘）又五里，道爲高山所阻，右臨深潭，左爲絕崖，登小舟沿崖而行，水色綠黑，深不可測，人坐舟中，俯瞰深淵，毛髮悚然。約百步，崖盡有路，登陸再行，嗣渡桂江三次，江水之曲折，可見一斑。復里許，將抵螺螄巖，又渡江至西岸，經螺髻山，該山麓大嶺小，盤旋而上，形如螺髻。再數十武，至螺螄

巖，亦名騰蛟巖。巖前有香爐石，高出水面，玲瓏可愛，往來舟楫，出其左右。巖中有騰蛟庵，住有廟祝一人，見余至，笑容可掬，延坐奉茗。庵內佛像，悉已搗毀，蓋廣西當局廢除迷信之力也。庵之右側寄存靈柩頗多，余詢之廟祝，始悉當地迷信風水，或以擴穴待尋，或以窳窳無期，均暫停於此。其後有洞可入，黝黑無光，燭之而行，曲折頗大，穿行約二、三十武，前壁有光，抵一門，叩之，門啓，廟祝出迎，知已達庵之左側後門矣。余囑廟祝稍待，再往前行，有岔道二：其一橫深約四五丈，卽至底壁；其一通至巖前，下爲絕壁，故不可下。洞中道路凹凸不平，崎嶇難行，旋返至庵之左側後門而入，抵一民族英雄祠，其中供有歷代英雄牌位甚多，如戰國之田單、吳起，漢之蘇武，蜀之關羽，唐之郭子儀、李光弼，宋之岳飛，文天祥，明之戚繼光、史可法等，俱在其列。據廟祝云：『當地士紳，修陽朔名勝，以庵無佛像，不足繁榮；苟立之，又干禁令，且悖潮流，乃改供民族英雄之位於其中。』是亦可謂妙想天開矣。稍憩後，略給小資，由螺螄巖而下，沿桂江西岸北行，至興坪對岸，渡江，寓於鄉公所內。

一月二日，天雨晨，陽朔挑夫辭返縣城，爲余另雇以代，八時始自興坪啓程，向西北行，十餘里，抵畫山之麓。該山屏立桂江東岸，峻削天成。據縣志及士人所云：『山上崖石，有九馬形，無一不肖，爲陽朔名山第一勝景。』初余一無所見，迨登船渡江，始見石壁有一馬形，及至對岸，又見二、三，但不甚肖。詢之士人，則曰：『須再前行，至一高臺處，可窺全豹。』余且行且回顧，亦未望見。既抵臺上，則見山壁似有馬五、六匹，而余初自船中

見者，已不知藏於何處也。據云：『昔日赴鄉試之士子過此，咸翹首而望，以占中否？苟窺全豹，定能衣錦而歸；否則必將名落孫山矣！』余始知畫山之成勝蹟，蓋有此背景也。嘗考縣志所載：『清兩廣總督阮元磨崖刻「清灘石壁圖」，知縣富芳刻「畫山馬圖」等字於其上。』若彼殆曾全見畫山之九馬乎？此種傳說，亦殊荒謬無稽矣！嗣又北行，數渡桂江至浪石，轉向西北行，又渡江數次，至草坪，已入桂林之境。陽朔縣志曾載草坪附近有冠巖、繡山巖之勝，故抵草坪後，即寓鄉公所內，詢諸所內諸君，承二委員伴余前往。渡江行里許，卽至冠巖。巖形同破甕，水石竊曲，自岩口而下，黝黑莫辨，燭之，有泉側瀉，流澌巖中，洞側附近居民，皆汲水於此。彼等熟諳地勢，咸能摸索上下。離洞後，渡江下行，至繡山巖，俗名大巖。巖前頗爲寬廣，溪水一曲，流注江中，水自洞中出，可通小舟，據壁間遊客所題：洞內廣闊，巖石怪異。惟此時，適值冬令，江水涸退，小舟不能自江面逕入洞內，未獲一覽，殊爲可惜。旋返鄉公所。

## 一六八 桂林道中

一月三日，天雨，早餐後，離草坪，沿桂江東岸北行，約十里，經三灘團，又十里至下福村，沿途風雨，較昨尤甚，衣襦盡濕。村旁有窰，柴火甚熾，挑夫停行，至窰側取煖，余亦隨往，以烘濕衣。火窰上置有三鍋，余詢挑夫：『

此密何用？』挑夫云：『此卽熬糖密也。』余卽至廠內參觀，首至壓蔗場，中作圓碾形，中有圓石柱二，徑長約一尺五、六寸，高約二尺餘，上下各通木椿，兩柱緊靠，其上連以長柄，以二牛曳之而轉。一人執蔗插入柱內，卽壓扁而汁出，柱下接以竹管，管通至一小池，汁入池中，一人則以大水杓舀入桶中，桶滿乃傾入一鍋內，鍋凡三口，視熬煉之程度而分。最後之鍋，爲糖之將成者，有人以捧攪之，糖熟則急以兩耳貫有長棍之小鍋，舀入其旁缸中，並有人疾攪之，稍冷，傾於蓆上，蓆陳大案上，刮之使平，俟冷，乃上架切成方塊，卽成普通黃糖。市上所售之糖有蔗痕者，蓋由此也。余略與工人等閑談，仍回窰下烘衣，水氣瀾漫，佈余眼鏡上，如在蒸鍋之中，又恍若初進澡堂者然。時有二工人來與余攀談，少頃廠主亦至，且贈余以新煉之糖一塊，以試其味，余辭之，伊再三強之，且叩余姓名，余出名刺與之，並囑挑夫啓行，前進約二、三十武，後方忽有聲呼余曰：『且停！』回顧之，乃廠主也。伊手中攜一大包疾奔而來，遞交余手，並云供余途中食用，余堅辭不獲，乃檢所攜預定路線圖及沿途各縣調查表各一份報之。嗣經福地、坦平、足西雀、西家灣、南村，直至大墟，逕往大墟區公所，稍憩後，余詢以虎頭巖所在，承所中派一嚮導偕余同往，行三里卽至巖前，有寺，冷落無人，佛像亦毀，巖中有洞，頗爲幽邃，擰電洞而視，電光微弱不可見，幸巖前有稻草，亟取燃之，稍進有一小峽，再進則地勢低凹，行約數武，無路可通，惟此地陰森濕潤，寒氣逼人，在雨季時，當有水潞焉，旋返區公所，是夕卽宿於此。



一月四日，天陰。早餐後，沿桂大公路路基往西北行，約十里，路側有石灰窰，濃烟蔽空，途爲之掩。嗣經花橋至桂林，寓居王輔街可園旅社。午飯後，逕至十字街師專駐桂辦事處，往謁純煖叔。時煖叔正在辦公室中，猝見余至，甚爲欣喜；蓋彼此已遠別數載矣！稍頃，族兄良驥亦來，嗣進晚餐。餐後，煖叔囑余遷至彼處，談至九時，始返可園。

一月五日，清晨，余尙未起牀，良驥兄來，因卽起。早飯後，結清旅賬，雇夫遷居辦事處西廂房中。驥兄復導余赴各處參觀，後至省立第三高中校內，始知老友潘君民訐，殷君德饒亦在此執教。傾談甚歡。入晚，驥兄邀余與潘、殷二君至其寓所晚餐，盡歡而出。旋承潘、殷兩君約余次日午刻至校中聚宴，余以彼此俱係老友，未便推辭，因卽領之。

一月六日，上午十一時，應潘、殷二君之邀約，逕至三高中校赴宴。席間又得識該校教員廖君伯華、陳君竺同等數人。廖君，湖南長沙人，對於余旅行經過，詢問頗詳。陳君，浙之溫州人，聞余曾經旅行浙省，詢余溫州情況，余將所有印象曆舉以告。陳君聞言，謬讚不置；且願伴余遊覽桂林名勝，余當稱謝再三。飯後，回辦事處，將余在桂林印就之賀年片分寄沿途各界。

## 一六九 桂林的七星巖與獨秀峯

一月七日，天微雨，晨七時許，廣西省立第三高級中學教員陳竺同君來寓，邀遊七星巖，稍停，即相偕出發。道經貢門街，入一粉麵館，略進點心。後至第三高中校，並由陳君邀校中教員廖伯華君，同出水東門，過永濟浮橋，橋壁建於宋初而毀於宋末；明正德四年，造舟五十艘，兩岸植鐵柱四株，中貫以鐵鍊二條，各長百餘丈；至明末復燬，厥後入清迭爲修建，同治年間，曾移下關，旋以民病涉，仍復原址，至今交通稱便。嗣經花橋折，向左行里許，卽至七星巖，再斜往上行，抵棲霞寺，（一稱爲七星觀）稍憩於寺中，有守者二人延坐獻茗，詢余等擬遊何洞？蓋洞有大小之分，須另備特殊火炬，由守者導往，小洞須出資四、五角，而大洞則倍增也。陳君昔嘗遊過小洞，商於余，余謂「既來此間，當盡興一遊，無問大小。」守者笑曰：「此間遊客，多盡小洞而止，大洞恐迷道也。」余囑渠無多言，速備火炬，稍頃，招待執火炬出，視之，係以直徑及寸之竹管製成，中盛煤油，捻紙作芯，旋從左側入洞，下行轉灣二次，寬敞有光，前有深壑，築牆以護，其間建有樓閣，可資遊憩。後又折至右側而入，洞初較暗，行數武，經一門，其前有光，乃白鶴洞也。洞中四壁巖石結成各種怪異之形，雄偉可觀。出洞再前，有碧虛亭，亭前遺有彭玉麟梅花畫碑。又沿山右前行，卽至棲霞洞側，洞口高敞而明朗，入其中，下數

十級，左側有石崖橫出，高可十丈，乳石環拱如屏；唐人祀老子於其上，再下數武，仰首見有石鯉魚，橫於洞頂，作跳躍狀，活動如生，導者指曰：『此鯉魚跳龍門也。』左行漸暗漸黑，導者乃燃火炬，稍上，左側有半石欄，下臨幽杳不測之深壑，余素自詡爲膽大，然身臨其側，亦爲之目瞪口呆而魄悸也。再前進，於黑暗世界中，或陟或降，時而跨越關隘，時而橫度小溝，才于於環抱山麓之峽，蹀躞乎下臨絕壑之地，約行里餘，由左側斜上入大洞，穹窿尤大，於其中繞一大彎，可一里，復轉入小洞，傍右偃偻而行，經二石門，見東方發白，有澗水橫貫其中，莫知其所來，亦莫知其所往；蓋一伏流而入於江者也。上跨石梁，度梁出洞，精神爲之一爽，余等沉悶洞中，歷時太久，至此豁然開朗，一吸新鮮空氣，咸以爲快！計自半石欄經大洞至此，長凡三里許；兩旁所陳，多奇形怪狀，皆係石乳結成，導遊者擇其要而指點之：或爲鶴，或爲鳳，或爲獅，或爲象，或爲龍，蛇，或爲鯨，鯉，且有如佛如僧，如牀，如几，如楹柱，如田池，以及其他鳥獸、蟲、魚、人物等形者，皆鬼斧神工，形情畢肖，尤以其中曬網、梳篦、海水浴金等山爲特奇。導者以炬油將罄，催余等速返，乃循原路，直出洞外，而此奇境，遂於余等目中再度逝去。此爲桂林八景中之『棲霞真境』，誠名實相符也。既至寺中，酬以油資，小憩，崑返縣城。陳、廖兩君力邀余至渠等家中午餐，蓋兩君同住在一處也。午餐後，赴縣政府，適縣長已往大墟，當由祕書某君接見，余申明來意後，並請代填調查表格。

一月八日，天雨。上午九時餘，余以獨秀山係桂林著名勝景，且在皇城之內，離寓甚邇，乃來此數日，均未登臨，雖朝夕可於街頭眺之，然廬山真面究覺生疏；故決冒雨獨往。離寓後，取道十字街，後庫街，拱門街而入皇城，逕至中山公園，園內培植花木，頗爲繁茂，而亭臺樓閣，亦正在鳩工修葺中。行數十武，卽抵獨秀山麓，麓有巖名『讀書』，相傳顏延在此讀書，故名。巖上建有樓閣，自遠望之，形勢頗爲宏壯；但一至其中，則頽毀幾盡，登閣之梯亦已折斷，不能上。嗣沿山麓而行，至一洞，上題『太平巖』三字，洞內地勢稍有傾斜，蹀躞而進，前有微光，內有方石數塊，成一線狀；且距離各相等。惟高低大小不甚一致，石間泥砂滿地。余視之，頗似人工鑿成者，初猶莫解，繼思或係洞中水盛時備供遊人之跨越也，直前，則出洞口，旋折返西行數武，登山。山勢陡峻，磴道蜿蜒，有如『之』字。道側靠巖之處，均護以士敏土欄杆，而磴道石上，亦鑿成凹紋，且係新補者，蓋防遊人往來之顛仆也。由此可見當地人士對於修理勝蹟，便利遊客之周到完備矣。半山有亭，名小憇亭，余至此亦遵亭所寓之意而小憇其中。嗣再沿磴道迤邐而上，至山頂，亭閣五六，胥隨巖石高下凹凸轉側爲之，余遍遊其中，俯瞰城郭諸勝，惜因微雨濛濛，減色不少。山麓四圍屋舍人獸，均渺小如鴿籠如螻蟻，而中山公園之花木，無異盆栽。至於山間樹枝，則葉落枝枯，饒有嶺北風味。余意若在春日遊此，其蒼翠秀麗，必更有可觀。在此皇城之內，屹然聳立，山名獨秀，固甚確切也。余眺覽盡興，循唯一之原路下山，至山麓折往北行，繞經山

後，至月牙池，靠山一旁，道路頗窄狹，西端山下有獨秀泉，注入池中，上跨一曲折之石橋，仰視高峯，帽爲之落，山南石壁刻有一大『壽』字，傳爲慈禧太后御筆，其旁刻有『紫袍金帶』四字，亦極雄偉，轉至池之東北岸，遙見對面壁間刻有『碧血淚痕』四字，據土人云：數月前口軍官之妾，因失戀，竟萌短見，來此登峯墜崖殞命；有心人特刻此數字以留紀念。云。余聆此一段情場慘史，不禁感慨系之！嗣由後貢門而出，繞道回寓，午後四時，桂林民國日報記者關承高君來訪，關君，維容人，沉默寡言，絲毫無浮薄習氣，余一見而知爲誠摯多情者，此種朋友，實屬不可多得。

## 一七〇 良豐之遊

一月九日，上午十時，廣西省立師範專科學校校長楊君東蓀，秘書鍾君緯，組教員朱君少希等自良豐來，數君皆吾舊友，久別重逢，傾談甚久，午後楊君等返校邀余同往，余以尙有俗事待辦，期以異日。

一月十日，上午十時，接楊校長自良豐來函，約余於十二日至該校講演，並遊良豐勝蹟，且言已牌示全校學生，囑余勿却，余以師專乃廣西省最高學府之一，且其校舍建於良豐第一勝景之西林公園中，爲考察當地文化及欣賞佳景起見，故甚樂往，當即復刺，允如期蒞校。

一月十一日，聞桂山中學有縣志出售，余往購得一部，惟係舊本，題名『臨桂縣志』。是日即參閱志書，跬步未離。

一月十二日，下午四時，登師專校車，向良豐進發，因連日天雨，道途溼滑，車行不甚穩，頗抱杞憂。憑窗外視，天降微雪，但未及地，即融成雨，回顧堯山，山巔略有積雪，皚皚有光，抵良豐，車稍憩，再行三四里，即抵西林公園，由程君璞如引至羅君季虛處。程、羅二君，亦余之舊友也，相見之下，互吐別情，旋楊鍾、朱三君亦至。晚飯後，與羅君圍爐談至深夜始寢。

一月十三日，早飯後，鍾君偕余遊西林公園。園之前有一小溪，水深多潭，時有遊鱗浮沉其間。右側有山，其下有洞，洞中岩石，秀麗結構奇特，經此可通山後園中各種建築，大部式樣古雅，一小部則係中西合璧；參差其內，別饒佳趣。景色清雅，令人胸懷舒暢，如入世外桃源。繼入校舍參觀，至澡堂，堂仿東洋式，佈置頗精。其餘寢室、教室、禮堂以及消費社等，余均巡禮一番，可稱空氣新鮮，光線充足，設備頗爲完善。繼憩於朱君之室，圍爐閒話，談及當地特產，承朱君贈余以紅豆數粒。紅豆，即相思子也。朱君以此贈余，殆欲令余長相憶乎？一笑。下午一時，至禮堂，向甲組學生報告余沿途經過情形，凡四小時之久，始結束用膳。

一月十四日，下午一時，向乙組學生講演，蓋全校人數頗多，禮堂不敷全坐，故分甲、乙二組。余講演內容

與昨略同；惟因應該校師生之請，故對於旅行閩西經過情形，報告特詳。

一月十五日，乘校中專車，過返桂林。

## 一七一 風洞山虞山與伏波山

一月十八日，天陰。上午十時，余以陳君竺同與余性甚相投，亦一好遊山涉水者，日昨曾自願導余往遊桂林附近諸勝，乃逕至陳君寓所甫入門，見賓客盈室，余此時已略知其必有事矣。而陳君見余至，亦知余無他，因即告余以故，余乃辭謝而出，獨往遊風洞山。出陳君寓所北行，途經大寺，自此再往北行，越一小山，至風洞山麓，有寺翼然，四周大樹參天，極爲清雅。寺側絕壁如削，山石層層橫斷如疊綵，故又稱爲疊綵山。壁下立有瞿忠宣、張忠烈二公殉難紀念碑，自此右方斜上可入寺中。時各處正加修葺，木石塞道，鋸鑿之聲，不絕於耳。覓徑行至寺後，經一大洞，左行數武至風洞口，疾風逆人，不能整冠，持帽與風搏鬪而入。壁間昔人題咏極多，迨至彼端洞口，壁上有佛像殘迹。出洞後，沿磴右上，又有一洞，洞分兩層，下層稍宏曠，上層祀真武神。旁出一小洞，可容二三人坐，有惡少年以粉筆題其壁曰『摩登戀愛處』。嗣出至山後，有亭建於山腰，牆壁多已坍塌，僅存四楹，勉可坐憩。其旁擱置木料頗多，想係預備重新葺造耳。小憩，循原路而至寺內，踱步甫在修葺

之亭閣中，左曲右折，亦殊別致。下山後，繞道經北門街，出北門，往訪虞山。山位於縣北一里許，距山約十數武。平陽之地有舜祠，規模偉壯，前有三門，惟皆嚴扃，余不得其門而入，徒於宮牆外窺望而已。再往前進，竹木夾道，幽雅宜人，因風吹盪，諸響紛陳。道右有門，上題『南薰』二字，傍壁行十餘武，拾級而上，左側有亭，卽南薰亭也。亭右有閣，扶梯以上，薰風拂衣，俚雅題詞，四壁塗滿。亭外密竹千竿，疾風過處，竹莖磨擦，砉然有聲。其上枝葉，亦颯颯作響。亭後巖石凹進，中供佛像，有門阻隔，無緣瞻仰。殆卽所謂『韶音洞』歟？稍憇之後，卽循原道入城，由北門街經就日門街，上登城垣，向伏波山前進。既至山前，上有一洞，中住窶民三、四，別無他路可通。洞下臨城脚，後瀕桂江，城垣至此，阻於山，不可復進。余乃折下城內，沿山麓而進。其上巖石，懸空突出，傾圮堪虞。既而抵山之他側，又有城垣，拾級而上，仍不能登山。乃復從原道下城，出城門，靠垣有建築一座，上懸『第十九師後方醫院』之橫匾。始知今之後方醫院卽昔之伏波祠也。余逕入內，至傳達處，投名刺入祠。宇輝皇樓閣競爽，依抱地勢，曲折廻環，宛轉達於半山。余數登磴道，且幾歷廳院，始至其上。磴道止於山腰，其上削壁峻石，無法再登，余盡可能攀行之地，以及可能進出之祠院，皆遍遊之。嗣卽照原途下山。據縣志云：『山瀕江一岸，有還珠洞，穿鑿洞透，戶牖傍出，中垂二石，瑩潔如磨，一去地僅一綫許，全洞可容二十榻，但無他道可入，非舟莫達。』余眺河中，並無舟舸可渡，遂未竟往，乃卽返寓。



## 一七二 月牙巖龍隱洞與象鼻山

一月二十日，上午十時，出水東門，經永濟浮橋，至花橋，遠望月牙山，巖外亭閣翼然。過橋後，右行，傍月牙山麓，漸登山，磴道頗仄，百餘武，卽抵月牙巖下。翠竹植其前，澗水流其下，再登石磴數十級，崖石平整，形如初月，而巖之名，至此乃符。從梵室入洞，石壁三面，瓊花四出，廣容百人，高覆七級浮圖，不假雕琢，惟壁間頗多不規則之題詞，甚不雅觀。折返洞外，下山，傍小東江南下，纔抵龍隱洞。洞口高約七八十尺，寬約二十尺，純係石灰岩質分化而成。洞口有潭，潭水澄清，深不見底，人不能進。繞洞側南行十餘丈，至洞之南口，中係泥砂，可步行入內，惟只能及洞之半，卽爲深潭所阻。仰視洞頂，作脊椎形，有如龍脊印泥然。長亦竟洞，兩壁題咏頗多，竟使壁無完石。如在春水盛時，則全洞南北可以通舟。嗣沿山脚行十餘丈，自左側登山，拾磴凡數十級，卽抵龍隱巖。巖高約四五十尺，深廣各六十餘尺，可容數百人，中有佛堂，就巖之勢而成，不復加蓋。洞中亦有小寶塔一，隱於佛堂之後，稍憩，自巖而下，渡小東江，江水不深，有高石置其中，石之距離大體相等，遊人往來可跨越其上，毋須涉水。嗣往西行，至桂江岸，買舟西渡，至文昌門外，沿陽江北岸西行，過大橋，折而南，經桂林苗圃，余入內略事參觀，後卽逕至象鼻山。山形酷肖巨象，胸腹鼻臀俱全，繞其南麓，尋小徑而上，十餘武抵一洞。

不甚寬，惟高逾人頭數尺，曲折以行，見前有光，抵一處，忽寬廣如室，有二丐橫臥吸食鴉片，余觀其儀容，猙獰可畏，念此間來往人稀，苟合而謀我，將何以禦之，但力持鎮靜，因急出袋中煙匣，故作討火，乘間各畀一枝，彼等見余，慷慨施煙，百尺竿頭，進而討錢，余乃各給少許銅元，且以手拍袋中，以示身邊並無多錢，因即釋然而前。洞又逼窄，僅可通人，中有二處，復須低頭而過，既出洞口，身在山外，復循原路折返而出，再抵山麓，沿麓而前，至象鼻處，逆風阻人，如至風洞山前，該處山石自山前突出，垂至水面，中則豁然洞穿，作半圓規形，名曰「水月洞」。自遠望之，儼然一象鼻也。洞頂高數十尺，甚爲圓潤，下爲一深潭，踞石觀魚，如坐捲蓬，大橋之下，余欣賞其間，幾至樂不思返，盡興後，乃由文昌門入城，緣東城脚，至奎星樓，折往西北行，回至十字街寓所。

### 一七三 桂林其他諸勝蹟

1. 堯山 在縣城水東門外十五里，高出羣山，連岡磅礴，長竟數百里，附近諸山皆石，惟此積土而成，自縣城望之，形如覆釜，每風雨將至，先有白雲起其中，冥濛漸合，飄灑隨及，嚴冬時，縣屬各地下雪，每未至地，即復化爲雨，而此山獨白，八景名爲「堯山冬雪」。縣城附近居民，每以山之白與否，卜隔宿所下者爲雪或雨云。

2. 中隱山 在城西麗澤門外里許。唐寶歷間，給事中李渤開置亭臺，種植花木；下有池沼；上有朝陽（一名老君洞）、夕陽、南華、北牖、嘉蓮、白雀等洞；洞皆有水，不異鑿出，稱爲「隱山六洞」。風景清幽，水石俱佳。唐吳武陵、韋宗卿、宋范成大、祝穆、明張鳴鳳、胡直、鄺露等，俱有詳記。其西有西山，三峯連屬，曰石魚，曰觀音，曰西峯，爲桂林八景之一；名曰「西峯時照」。昔人題咏亦多。

3. 訾家洲 在縣城東對河桂江中。古爲訾家所居故名。唐元和十二年，御史中丞斐行立建亭其上；柳

宗元爲記刻石。今俱廢。洲每經大水，不曾淹沒，故又稱爲「浮洲」。爲桂林八景之一；名曰「訾洲煙雨」。

4. 開元寺 在文昌門外右邊。創建於隋，歷李唐而迄五代，廢興靡常，莫之考證。宋改爲寧壽寺；元順帝

嘗書賜「圓覺」二大字。明洪武二年，燬於火；十六年重修；正德十六年，靖江王復修之。清順治十五年，乾隆五十七年，光緒十二年，歷代官民俱爲之重修，規模宏敞，殿宇靚清。

5. 榕樹樓 卽古南門城樓；在城西麗澤門內西湖之北岸。相傳：「唐時築城，於南門植榕樹一株，歲久根跨門外，盤錯至地，若天成焉。明洪武八年，展南城，凡舊基皆毀，而此門與樓獨存，相沿至今。」云。

6. 拱極樓 在縣城北門外三里。其地爲近城要害，明時，羣蠻肆虐，遠近騷然。官民因築臺於其地，建樓其上，名曰拱極樓。樓之旁創造營宇數百楹，以居召募之死士八百人，以禦之。始得無事。

7. 西湖莊 在榕樹樓外西湖之西岸。臨川李宜民建。

8. 明吏、兵、工三部尙書贈太子少保屠楷墓 在城西始安嶺南古瑤山麓。徐養正爲作神道碑銘。

9. 明建極殿大學士贈太保呂調陽墓 在城北關外蔣家嶺。張居正爲作墓誌銘。

10. 明兵部尙書張同敞墓 在城東六里竹橋村。

## 一七四 桂林縣概況

桂林地居廣西省之東北部，跨桂江上游東、西兩岸，北接靈川，西連百壽，西北鄰義寧，東之北界灌陽，東之南界恭城，南之東界陽朔，南之西界永福，東西距一百七十舊里，南北距九十二舊里。全縣面積凡二千一百一十六方公里弱。縣城偏於縣境之北部，瀕桂江上游之西岸。

考縣境在禹貢爲荊州地；秦屬長沙郡（今普通多以爲縣屬在秦爲桂林郡，其實秦之桂林郡，僅包括今平樂、蒼梧、桂平、邕寧、柳州一帶，特訂正於此，希讀者注意）；漢武帝元鼎六年，始置始安縣，屬零陵郡。東漢爲始安侯國，屬荊州零陵郡。三國初，隸蜀，後入吳，爲始安郡治，隸荊州。晉隸廣州。宋齊隸湘州。梁陳隸桂州。唐貞觀八年，更始安縣名爲臨桂縣。五代爲桂州治。宋高宗時，升桂州爲靜江府，隸廣南西路。元爲靜江路治，隸

廣西行中書省。明爲桂林府治，隸廣西布政使司。清因之。民國成立，廢府，改臨桂縣爲桂林縣。

縣屬層巒四塞，川谷異限；一日之間，常具四時之氣。此龔茂良所謂：『日中常有四時天』者也。地無瘴癘，但苦霖雨，自春徂冬，十僅一霽；故地濕而物易腐，屋棟常爲蟻蛀。夏秋酷暑，多蚊蚋，尤不可耐。秋冬多大風，發時亦拔木飛瓦，晝夜不息。俗傳：『朝作一日止，暮作七日止；夜半作則彌旬始息』云。嚴冬歲歲得雪，然每未至地，已復化爲雨矣。大抵夏天最高氣溫，約達華氏寒暑表九十八度；冬天最低氣溫，約達華氏表三十二度。平均雨量，以春末及夏季爲最多；秋冬兩季較少。

縣屬住民，除漢族外，尙有瑤族；但未經確切調查，約計不過五百人；至漢族人數，據最近調查：『全縣有男一十七萬三千零二十四丁，有女一十四萬八千四百七十五口；男女合計共三十二萬一千四百九十九人。城區住民，有男五萬零三十四丁，有女四萬二千九百五十一口；男女合計共九萬二千九百八十五人。』

縣屬農產物，以稻穀、豆類、植物油、麥子、芋頭、紅薯等爲大宗；松、杉、竹、木、粟米、玉米、荸薺、甘蔗等次之；再次爲瓜、蔬、筍、果及薏苡等。稻穀，有糯、秈二種；各有早、晚之分。外有一種晚收者，名曰種禾，比糯不黏，比秈香輒。又有一種旱禾，種於畚田山地。豆類，有黃豆、綠豆、白豆、黎豆、陳豆等數種；黃豆有山豆（春種於山）、田豆（於

秋收後種於禾稿根。二種。綠豆多種於山地；五、六月間，市民常以之煮粥鬻於市，用以解暑。白豆最宜於山地，俗名飯豆、黎豆，一名狸豆，又名虎豆；以豆係黑色，有毛露筋如虎、狸之爪也——俗謂之爲狗爪豆。陳豆卽蠶豆，以海寧陳元龍攜種遺民，民始得之，故名。植物油，有茶油、桐油、花生油、麻油、菜油（不可食，但供燃燈）棉花子油（亦可食，但不佳）等六種。麥子，兼大、小、蕎三種；大、小麥所製之麵，甲於嶺南，粵東多仰給焉。蕎麥，俗呼爲三角麥、粟米，有狗尾粟、鴨脚粟二種。玉米，俗名「包米」，有糯、秈二種。瓜、蔬，以白菜、油菜、大芥、芥蘭、蕓菜、苦瓜、辣椒、茄子等爲主要。白菜縣產者，色、味俱佳。油菜縣屬最盛，每至春末，黃花徧於四野。大芥卽蕪菁，又名蔓菁，一名諸葛菜，縣產極繁。芥蘭又名隔蘭，縣種最佳。蕓菜卽薺菜，縣產有水、旱二種，水中者佳。苦瓜、辣椒，縣屬男婦，皆極嗜之；與吾鄉同。茄有紫、白二種，白者較佳。筍，有筐竹筍、大竹筍、苦竹筍、筋竹筍、孝順筍等數種。要之四時皆有，惟八月無；土人以茭白代之，名爲茭筍。筋竹筍俗名敲打筍，以土人多擊碎煮食，故名。果，有橘、柑、橙、柚、鈎櫞子、梨、梅、楊梅、桃、李、栗、葡萄、黃皮果、枇杷、倒捻子等多種。鈎櫞子形如瓜，皮似橙而帶金色，極芬香；肉甚厚而味極淡，白如茱萸，女工競雕鏤花鳥，漬以蜂蜜，點以臙脂，擅巧麗，無與爲比。梨有消梨、雪梨二種；各有黃皮、青皮之分——以青皮爲勝。又有鵝梨，形如鵝卵，亦佳。李種不一，惟臙脂李與硃砂李最爲珍品。栗有板栗（又名大栗）、旋栗（又名錐栗）、茅栗等三種。葡萄有紫、青、水晶三種。縣屬家畜，六畜並飼；再益以貓、

鴨、鵝、鶻之類；但皆爲農家副業，並無專事畜牧者。聞近有人提倡養蜂，且組織專社研究，一時當地人士，頗感興趣。云縣屬礦產，西鄉之郭家塘有錳礦，現已有公司開採；年產鑛石約七百二十萬斤；約值港洋二十餘萬圓。若增加人工或機器開採，當不止此數。西鄉界牌墟之官莊村，產鉛鑛，尚在試探中。其餘東鄉大墟之熊村，亦產鉛鑛；西鄉兩江墟之盤洞村產硃砂礦；雖經發現，但因缺乏資本，尙未開採。工業品，以土布、三花酒、洋襪、篋子、牙刷、草帽、草蓆等爲大宗；但無統計。

縣屬交通，水路有桂江自靈川迤邐而來，經縣城東，曲折東南流，經柘木、大墟、三灘、草坪而入陽朔縣境。自縣城至草坪墟，長約六十餘舊里；可航載重數萬斤之民船。當夏季水盛時，有小輪船自梧州上溯，經昭平、平樂、陽朔而抵縣城。至若縣城以上，經靈川而至興安，可通湘水、實南北水路交通之要道也。西部有白石水源出義寧縣北之丁嶺下，縱貫義寧全屬；曲折南流入縣境，經渡頭、兩江二墟至蘇橋，合邊江，再南流經永福、雒容二屬，入於柳江。自渡頭墟以下，在縣屬者，長約五十餘舊里，可航載重萬斤之蓬船。其餘各水，均不通航。陸路有桂荔、桂黃、桂永三公路，皆已通車。桂荔公路，由縣城南經太和、良豐、老山底而入陽朔，以至荔浦，全長二百四十舊里；在縣屬者約八十餘里。桂黃公路，由縣城北入靈川，再經興安、全縣以至黃沙河，全長三百二十舊里；在縣屬者，長僅一十餘里。桂永公路，由縣城西經二塘、秧塘二墟以至兩江，折而南經蘇橋以至永福；

全長一百一十舊里，在縣屬者，約八十舊里。此外更有由良豐起南至六塘及由良豐西至會仙之二支路，各長約二十里，亦已通車。至於東與灌陽，西與百壽，東南與恭城，西北與義寧各縣之交通，則仍係古道。郵政於縣城水東門街設有二等郵局一所；於大墟、兩江、六塘、蘇橋、良豐等五墟，各設有郵寄代辦所一所；於頭塘、二塘、四塘、大中、熊村、山口等墟，則各設有郵務信櫃。電政於縣城鳳凰街設有二等電報局一所。其電線分爲三路：東北經興安、全縣以入湖南；東南經平樂、昭平以下梧州；西南經永福、中渡以達柳、邕、龍、色等處。長途電話局，設於縣城正陽門城樓上；而於荔浦、平樂二縣，各設支局一所；全州、興安、陽朔、源頭、八步等五處，則各設通訊處一所。

縣城舊爲廣西之省會，乃文物薈萃之區。歷代英才出此者不少；如唐之趙觀文，宋之黃齊，石安民，明之王溥、侯禮、包裕、呂調陽等，尤其著者也。現在縣屬高等教育，有廣西省立師範專科學校一所，設在良豐墟西林公園中。中等教育，有省立第三高中、省立第三初中、省立第二女中、桂林縣立桂山中學、桂林私立三民初中等五校，俱設於縣城。小學教育，有完全小學四十六所，高級小學一所，初級小學二百八十八所，分佈於城廂及各區鄉。報社，有桂林民國日報社一家，設於縣城中山街十二號；日出兩大張。公園，除西林公園已歸師範專科學校外，有中山公園一處，設於縣治皇城內；兼山（獨秀峯）、水（月牙池）、巖（讀書巖、太平巖）、洞



(雪洞)亭(小憇亭、望月亭、大觀亭等)閣(奎星閣)之勝。圖書館有二：一為廣西省立第一圖書館，設於皇城東偏，創始於前清宣統元年，原僅名「圖書館」，民國十五年，改今名。館中藏書頗多，管理方法，尙稱謹嚴而便利，並設有巡迴文庫，便市民借閱圖書。一為桂林縣教育圖書館，設在院前街教育會前門運動場所，有廣西省立第三公共體育場一處，設在縣城東偏右營衙門舊址。娛樂場所，有明星影畫院、明珠電影院、三都戲院及定桂舞臺等四家。明星影畫院，設在王輔坪關帝廟內，其影片多由湖南方面轉運而來。明珠電影院，設在美仁里慈善會內，其影片多由廣東方面轉運而來。書業，有典雅公司、大成書局、文南書局、商務圖書館、翰文書局、石渠書屋等多家，分佈於城內十字街及後庫街一帶。

## 一七五 桂林的特產

1. 黃蓮芽 叢生石上，形如椿芽，出亦同時。味苦澀，而清永能回甘，不亞湘產。或醃食，或曝乾，淪以代茗，皆佳。

2. 雷公矢 春月雷雨後，草土間生苔衣，色青；貧人采食如木耳，名曰「雷公矢」。亦勾漏葛仙米之類也。

3. 地蠶 卽白蘘荷根，形如小蠶。桂人喜雜薑、梅、紫蘇等，以鹽漬之，味極甘脆。

4. 木芙蓉 秋深開花，似水芙蓉，彼既謝，此乃繼之，冬深而罷。其別種有三醉芙蓉與添色芙蓉二種。三醉芙蓉，其色一日三換——初將紅，曰「初醉」，次淺紅，曰「二醉」，暮則深紅，爲「三醉」。添色芙蓉，其色一日一變——初日白花，次日稍紅，又次日則呈深紅色。

5. 曼陀羅花 大葉白花，結實如茄子而徧生小刺。歹人采乾而末之，置人飲食內，能使人醉悶，從而擊其僣以走，蓋醉人草也。

6. 睡草 一名醉草，見之則令人欲睡。

7. 百子蓮 其莖似蓮，其花似玉簪，一莖數十，蕊色碧。

8. 獨腳蓮 草如黃蓮根而極大，專治癰疽腫毒。持入藥肆中，諸藥香氣盡消，以此爲真。三脚或五脚者次之。

9. 相思子 樹高丈餘，白色，葉如槐葉，花如皂莢花，莢似扁豆莢，子亦如扁豆而色鮮紅，俗名紅豆。有唐以來，詩人多詠之。

10. 零陵香 春暮開花，結子卽可割，薰以煙火而陰乾之。相傳在嶺南不香，出嶺則香，謂之「零陵香」。

者，以縣地舊屬零陵郡也。

11. 交趾鴨 大於常鴨，喙紅，腰粗而尾細，羽白而掌翠。

12. 黃雀 出太平墟，形小於雀，色正黃，當麥熟時，累百爲羣，飛集麥田中，土人設法黏得之，味極珍，可糟

醃餉遠。

13. 角雞 出金帶江，頭有肉角。

14. 竹魚 出桂江中，狀如青魚，色如竹色，青翠可愛，味如鱖魚。

15. 鰕魚 亦出桂江，肉白而豐，味似鰕而鬆美，與竹魚同爲嶺南珍品。

16. 水晶蝦 產於榕樹樓塘，通體明徹，味極珍。

17. 神龜 一名「神屋」，大如拳而色如金，上甲兩邊如鋸齒，爪甚利，能緣木。

18. 蚊妹 俗名「墨蚊子」，最小而毒，趙炯名之曰「蚊妹」，而爲之解曰：「無蚊之聲，無蚊之麗，如墨

之膏，如鍼之芒，撲之難著，扇之不颺，及其黏於皮膚，如麥刺，如桃毛，既癢而痛，指不可撓，撓之愈腫，法無可消，或怒而捫之，但見墨瀋，雖明者不能察其翼吻。」可謂善於名狀矣。

19. 滑石 出搖峒中，有白、黑二種，在土時，其爛如泥，出土遇風則堅，白者如玉，黑者如蒼玉，他處頗愛重。

之本草稱爲「桂州滑石」。

20. 石燕 峭壁上石，墳起若瘤，刷之，中有子石，形如燕，分雌雄，微磨平其腹，置醋內，能宛轉相就。

## 一七六 桂林的風俗

縣屬風氣清淑，性多敏捷，俗好奢靡而愛講體面，尤以城區爲甚。服飾，在昔不尚綺羅，今鄉村猶重布服，城市則土布與綢緞並行，稱各人之財力而爲奢儉。飲食，以米爲主，鄉農多以紅薯、芋頭等雜糧與米混食，但求果腹，宴會止於雞、豚，凡有饋遺，以檳榔爲先。城市住民，平時以米、蔬、肉、魚爲常品，宴會則惟山珍海味是尚矣。住屋，大半用磚瓦，楹、柱或用木，或用竹。外此則茅檐、土壁，古風猶存也。在昔民性好謠，有荆楚之風，土人謂造謠爲「翻染缸」，言不造則染色不鮮明也。今電報交馳，消息靈通，此風漸熄。

婚禮重親迎：婿親至女家行奠雁禮畢，先回，母始送女至婿家——兄弟亦往送。二家俱有儂相，女至婿家，有女儂接待，女及門，抱瓶跨鞍而入，以紅氈二領，循環貼地而行，謂之倒氈。卽日廟見，次日偕婿至女家，徧謁戚黨，謂之「回門」。至著童養媳及入贅之事，以四鄉爲較多。鄉民嫁女，有附近男女均可隨喜轎送親至男家吃酒兩餐之風，有多至二、三十桌者。惟近已逐漸減少矣。遇婚嫁大禮，必曰「出得我的門，進得他的門」。

「方敢舉辦——因此，貧寒之家，有男四十，女三十，尙未有室家者，喪葬亦然。又惑於風水，至有將父母遺骸停厝百年不葬者。後歷次經官清理，一時開元寺、虞山廟等處，獲安土者數千具。今此風已漸稀矣。」

節序：元宵游龍，謂不游將有亢旱及瘟疫等災。後以兩廟之牌燈，斫打釀成人命，地方官始禁止牌燈，而龍燈至今猶存。清明祭墓，供烏米飯。端午划龍船，船以一大樹剝中爲之，長約十餘丈。但求中材，可以不問主人，任意斬伐。懸雙袖於舟尾，謂爲「公龍」，而指他舟爲「母龍」。自四月至六月，廟中之鼓，日夜不絕聲。用款多由勒捐而來——或按人丁，或按田畝，蓋亦以乾旱、瘟疫爲嚇詐地也。賽船之日，衣服、旗幟，嶄然一新。船舷每坐十六人，或二十人，一齊戒途。兩岸觀者如堵，有上前者，則喝采鼓掌以助之。落後之舟，垂頭喪氣，只得約以異日。於是結深仇，打衆架，姪不認叔，甥不念舅，婿不識翁，彼叔與舅，或翁亦祇知廟界而不計其他。一旦釁起，兩廟之人，死傷無數，比「爭水口」更有甚焉。所謂「爭水口」者何，卽如數村同恃一水源，而水之來，有先、有後，當天旱之日，此欲塞之而彼欲開之，每釀鬥毆。今打倒神權，扒龍船之風已漸熄，而爭水口之事，尙難免也。十月初一日祭先，製紙衣往墓前焚化，謂之「送寒衣」。十一月冬至節蒸糗，餘與各處略同。

一月二十二日，清晨，辭別純煖叔至南門外，趁桂，全長途汽車，煖叔堅送余至車站，車開，猶時時向車揮手，余亦愴然若有所失。車沿城西北疾行，憑窗遠矚，則桂林諸山如獨秀峯、伏波山、七星山、舜山等屹立平陽，有如巨筍，僅堯山一峯塊然立於十餘里外，山巔積雪未融，皚皚如銀。車行五十五里，卽抵靈川縣城，寓居車站對面客棧中。晚飯後，至車站，訪站長，站長張君華延談甚歡，並導余遊覽全市。靈川縣城甚小，民家不過數十，生意亦甚蕭條，惟旅館則鱗次櫛比，遍於市中。約略計之，凡二十餘家，胥皆簡陋異常，按當地戶口比例，則旅棧之多，幾佔總額之半，此爲余出發以來所罕見者也。蓋此地往昔當全縣桂林交通之要衝，來往小商多以此爲歇足地，而客棧遂應運而興焉。繼續至南郊，眺賞山景，張君遙指四方之山告余曰：「某也爲北障山，某也爲西峯山，某也爲文筆山……」且將各山之勝景爲余略述之。

## 一七八 靈川縣概況

靈川地居廣西省之東北部，爲桂林北方之藩籬。義寧障其西，興安環其北，西北一小部連龍勝，東南一小部接灌陽。全縣面積凡一千四百零三公里強。縣治位於桂江之西岸，南距桂林縣城約五十五里。

考縣境在禹貢爲荊州地，秦屬長沙郡，西漢爲始安縣地，屬零陵郡，東漢屬始安侯國，三國爲始安縣地。

屬始安郡。兩晉因之；隸廣州。劉宋屬始建國；隸湘州。齊復爲始安郡。梁隸桂州。陳、隋因之。唐龍朔二年，始置靈川縣；屬桂州總管府。五代因之。宋屬靜江府。元屬靜江路。明清屬桂州府。民國初年，屬桂林道。十七年，廢道制，直隸於廣西省政府。

縣屬氣候，霜、雪以時；古稱爲宜人之境。然久晴則易熱，頻雨則驟寒；雖在盛夏，隆冬，風氣輒變。四境少澗水；惟春、夏多雨，水泉不竭，有秋實賴焉。秋、冬二季多風，風氣舒暢，故瘴癘不作。立春前後，雷乃發聲；冬煖則桃李早花，玄鳥時至，候鳥以社爲節——春社後，羣鳥北征；有鳩與鶴鶉等，乘風而來，人多捕之。秋社時復歸於南。農家於季春刈大、小麥；禾始秧，小滿始栽。立秋早稻熟，始播蕎麥。霜降晚稻熟，孟冬蕎麥熟，始播大、小麥。冬隙治石爲灰，以糞田疇而殺莠稗，故曰「水耕火耨」。年中氣溫，夏天最高約達華氏寒暑表九十餘度；冬天最低約達華氏寒暑表三十度。雨量以春、夏二季爲較多；秋、冬兩季較少。

縣屬住民，有漢、獯、猺三族。據最近調查：「全縣有男七萬一千九百三十六丁，有女六萬四千二百零二口；男女合計共一十三萬六千一百三十八人。」漢族約占全縣人口總數百分之九十七，而強、獯人多居於舊六、七兩區。生活概況，大抵與獯族相同；風俗則與土人無甚差異。在前清時已有讀書入庠者；今則與漢族同受學校教育，習與漢處，互通婚姻，漸同化於漢族矣。其人口約占全縣總數百分之一。五而弱，獯人散居

於舊一、六、七等區之東江、西江、流風江、淦江、各山嶺；有平地、頂板、高山、過山之別。習俗古樸，椎髻跣足，青衣短褲，婦女圍桶裙，繫彩帶，亦有著袴者。殷實之戶，則耳套金，銀大環，髻插大簪，長簪，均築土覆茅以居。喪事不開弔祭，婚姻不乘輿，性喜獵獸，涉溪越嶺，較他族爲矯健。其人口與獠人相埒——約占全縣總數百分之五而弱。

縣屬土地生產，以稻穀、豆類爲大宗；麥、粟、薯、芋、竹、木、老蒜、白菓等次之；玉蜀黍、花生、甘蔗、菜蔬、茶葉、藥材、瓜、果等更次之。稻穀計達三十餘種，大別爲黏、糯二類；年產米共約三十餘萬石。外有特產之九里香、種禾糯、三百粒等，則均爲附屬品，且係少數。豆類有黃豆、藤豆、墨豆、醬色豆等四種，均爲主要糧食。自給而外，多半輸出桂林、平樂等地，而以梧州爲尾閭。麥兼大、小、蕎三種，粟有糝粟與狗尾粟二種。竹、木多產於舊一、六、七三區，均係天然林。桂林方面所用之竹、木，多取給於斯；且遠銷至梧州以下。老蒜、白菓，皆爲縣屬之特產。惟出產額無定數。蔬菜，除通產外，特產白合、冬筍、香菰、草菰、田蕈、豬嘴蕈等。茶葉，有潞江、社江、東江、西江、流風江之別。均樹高五、六尺，葉綠，幹赤，產於深山峻嶺中。種植之法：先鋤鬆地皮，量四周距離六尺許栽一株，按時剷草，卽以草培壅其根。採取時，先折嫩葉，作爲芽茶；次折細枝帶葉，作爲條茶。茶之色、香、品，均紅茶中之中上者；年產約萬斤以上，銷至武漢，價值每百斤約值銀四十圓左右。藥材，常產約計百餘種；特產有弔蘭和仙桃草二種。仙



桃草，一名麥稈草，葉綠，花紅，高三、四寸，在處暑、白露兩節間，花上產生細包，包內有蟲，色黃，取以焙乾，研末，醫治毆傷，有起死回生之功，或於有蟲時，併取其草連根，陰乾，研末，每服一、二錢，用開水送下，雖傷重垂危，亦立見奇效。特產於舊一、六兩區豆田中。縣屬家畜，獸類以豕爲大宗，牛、羊次之，馬及貓、犬則居少數。豕年產約一十萬零五、六千頭；牛約二萬頭；羊約五千頭。近年此種畜牧價值日起銷路亦旺，每年收入當在五十萬圓以上。禽類以雞、鶩爲最多，鵝、鵪甚少。雞年產約三、四十萬隻；鶩約一、二十萬隻；鵝、鵪則不過數千隻而已。近年此種畜牧需要亦較多。此外特產野獸有山羊、跳石羊、箭豬、挖田豬、黃鸞狸、果子狸、水獺、竹鼠等；野禽有金雞、雪鳥、灰掃（冠有長翎，價最昂）等；魚介有風魚、狗魚（產於舊一、七兩區之山穴中）、山翠（卽山瑞）、穿山甲（產於各區山嶺中，以上四者，均產量少而價值昂）、筍殼斑和團箕梗（以上二者皆蛇名）等。

縣屬礦產，金屬有銀、銅、鐵、錫、銻等五種；非金屬有煤炭、青石、石灰石、白泥、紅泥等數種。銀產於舊一區之銀鑛山、銀岡山及舊七區之中流峯一帶。銅產於舊五區之三、四段。鐵有黃鐵鑛和青鐵鑛兩種。黃鐵鑛產於舊七區之西邊村後背嶺，產額極富；成分亦佳；現經有湘人福秦林設廠用土法熔冶。青鐵鑛產於舊七區之小馬江一帶。錫產於舊六區四段之東江寨。銻產於舊七區之百水山及舟村側土嶺。煤炭產於舊二區之追大泔及舊七區湯家村之金牛裏土嶺。青石與灰石，各區皆有，而青石一項，尤以舊一區之鯉魚巖，舊二、六兩

區之平樂山及舊三區之老虎巖所產者爲最有名，白泥產於舊七區之竹林、板屋等處，紅泥則產於舊七區之大橋鐵涿，此外特產有石燕，形如小燕，產於舊一、五兩區河旁石崖中，於春夏間取藏，遇有腳陰病，熱而砭之，甚效。

縣屬交通，水路有桂江，上游至靈河口，與興安接界；下游至泗洲灣，與桂林接界。夏期水量，深者八、九尺，淺則二、三尺；冬期水量，深者七、八尺，淺則一、二尺。沿岸著名村鎮，有大麵墟、大河墟等。航行帆船，有小扒船、大肚船、五艙船（以上三者載重各約百擔以上），小肚船、三艙船（以上二者載重各約五十餘擔）等數種。此外有龍巖江，用竹或木編筏，運輸箱、紙等貨物至桂林，計每一方丈載重一千斤以上。陸路有桂黃公路，由桂林來，經縣城、河口而入興安，經過縣屬約六十餘里。郵政於縣城及潭下墟，各設有郵寄代辦所一所。縣屬文化程度，學校教育，有完全小學九所，高級小學二所，初級小學一百一十八所。社會教育，有縣立民衆教育館一所，怡園及公共體育場各一處。縣屬城市，無專營書業者，學校需用書籍，概往桂林採辦。

## 一七九 靈川的勝蹟

1. 北障山 距城北約十五里，高數百丈，重巒疊嶂，綿亙數十里，爲縣北屏障，故名。每春鳥北歸，至此嶺

阻風，廻旋不能度，諺云：『鳥飛不過靈川』蓋即指此也。山頂寒，先見雪，晴霽燦然。舊志八景，名曰『障峯霽雪』。

2. 堯山 距縣治東南約四十五里，積土巍峨磅礴，周度數十里，高約千丈，爲桂林諸山之冠。春夏雲氣常覆其頂，冬候初寒，積雪瑩然。縣境包其西北，桂林載其東南，以天賜田分界。田在山腰，約數畝，以祀堯，因名天子田，後訛爲天賜田。上有堯帝廟、唐軒轅道士白雲觀、白鹿禪師庵。從前舊曆二月初八，香火極盛，遠近雲集。舊志八景，名曰『堯嶺晴雲』。

3. 西峯山 距城三里許，後峯高聳，左右兩峯分峙，山腹平坦，形如交椅，中建威靈顯震廟及壽佛殿。有石龍長十餘丈，從山腰盤旋至殿後，塔鎮其上。殿之東南數十步，有潮泉，方廣二尺，與廟中池通，每日三漲三落。漲時寺池爲滿，落則隨消。舊志八景名曰『潮泉三漲』亦曰『西峯夕照』。

4. 文筆山 距城東北約十里，由北障山下脈平行至銀江濱，千秋峽西岸，一峯筆立。舊志八景，名曰『筆峽千秋』亦曰『千秋文筆』。

5. 龍巖山 在縣西四十里許，高數十丈，形如覆鐘，跨龍巖江上，洞其腹，長約半里，寬約五十丈，高約二三十丈。光線由前後射入，上下明澈。水由東、西、流風三江來，深不可測。相傳：『在唐龍朔二年，山忽晦冥者七

晝夜於大雷雨中，土人彷彿見有女神帥五龍出山腹，天霽而巖成。』云。宋、元以來，騷人墨客泛舟於其間，題詠者頗多。舊志八景，名曰『靈谷龍升。』

6. 棲鳳巖 亦曰瑞雲巖，在縣東南一百里，峻拔可愛，水泉環繞，相傳『唐初有鳳棲於此』，故名。舊八景，名曰『書巖鳳瑞。』

7. 半雲山 距城西約二十五里，高二、三百丈，綿延至二十五、六里，中有潭嶺、大嶺、小嶺、米珠嶺、午食嶺諸峯。

8. 金峯山 距城西約三十五里，高百餘丈，橫亘四里許，諸峯環峙，中有金山院、仙人泉。昔時僧人通竹汲水以飲，亂離時，鄉人設砦其間，爲避難之所，有「小桃源」之稱。

9. 景風閣 在城東一里許，大象山陰，枕山面流，翼以軒檻，古樹參天，碧潭印月，爲縣城第一名勝。

10. 基隆山 距縣西約七十里，高三、四百丈，勢甚巍峨，山脈連引，延袤數百里，北接龍勝之丁嶺，西連桂林之石門塘，山頂極寒，六月可著棉。

11. 侯山 一名猴山，距城西南約六十里，高約千丈，綿亘四十餘里，巍然壁立，若公侯端冠之狀，故名。上有西子樹，絕頂有金鉤巖，攀援曲折而上，俯視諸山，殆若培塿然。

12. 黃蓮巖 在縣東二十里黃蘭村南。昔山臨池，中建有寺。寺前有樓，可以覽江流之勝。樓左有水月洞，前臨深潭，洞外林深菁密，異常幽邃，爲縣中天然名勝。

13. 飛水巖 在縣東四十里深山中。左右嶂峰夾擁，中半豁開一洞，寬約三尺，結有小庵數間。瀑布下蓋巖中，如晶簾下垂。僧人以竹引水作茶，甚甘冽。洞之左有石門，門外古木攢聳，日午常陰，乃消夏之佳地也。

14. 燕子巖 在縣西七十里玉屏山之腹。山橫亘里許，高五十餘丈，巖寬約三十餘丈，深長約半里。結屋其間，爲天然避暑勝地。相傳：『清初有明裔落難於此，題壁有「恨我不生百姓家」之句』云。

15. 安南都護歐陽普讚墓 在聖壽寺北。相傳：『掘地時，過夜卽填平如舊，既而再掘復平不已。時有効役者宿其所，夜聞鬼卒相語曰：「若以青布運土投江，則我等無能爲矣。」及明，主吏聞宿者言，如言投之，竟不復填』云。今墳所掘處，猶存石人、石柱及松楸百餘株焉。

## 一八〇 靈川的風俗

縣屬俗尙儉樸，民性耐勞。服飾、知識階級多著長衫、鞋襪，普通農工，則惟短衣、草鞋而已。有產階級之婦女，妝飾亦如桂林。向來尙天足，從未有纏足者。勞動婦女，則頭束青巾，衣長及膝，俱著褲，無圍裙者。樸儉亦猶

男子飲食，亦均從節儉，日食三餐或二餐。大抵早午餐皆米，芋或米薯參半，晚則啜粥，鮮有盡粒食者。住屋富者則磚牆瓦蓋，並施以油漆。貧者則泥冲草房，僅蔽風雨而已。

縣屬婚俗，男子屆結婚之期，於先日詣女家致親迎禮。歸受客賀，卽夕遍拜姻族尊長畢，戚屬推坐中堂，兩小童傍坐左右，謂之「伴郎」。以姻長及媒陪之，衆賓列宴兩傍，酒半，相士贊唱賀詞，侑以鼓吹，謂之「賀郎」。女家亦如之，謂之「坐花堂」。但座客皆女，嫁者坐不終席耳。次日，男家以輿仗鼓吹迎親，嫁者拜辭父母，兄或弟負之登輿，男女親屬亦肩與隨，送至男家。新郎冠服，俟立堂上，兩童伴立如前，男女僕延送客於別廳，令巫向彩輿祓禳，以氈氍藉地，僕娘扶新婦入房，坐吉方，相士唱導新郎，伴童秉燭相隨入房，挑取繡巾（卽新人掩面之巾）畢，夫婦同出交拜，訖，入室行合巹禮，以團箕置食器會食，謂之「吃團圓飯」。男女僕引送賓客謁見主人，入夜，親朋入洞房，閱鋪陳，新婦各奉以茶，謂之「鬧房」。次早，新婦靚裝見舅姑，奉茶水。卽午，新婦偕壻至女家，拜其父母，謂之「回門」。壻先日往者則婦獨回。女家鼓吹迎賀，次日，女族以金花、紅綾加壻，餞以糕、果、糯圓，仍用男女送客伴歸。三日，新婦入廚，作羹奉親，謂之「下廚」。後數日，女家接女歸寧，謂之「接洗衣」。

喪俗，當親病危時，移寢於室，藉之藁席，子婦環侍，氣絕，舉家環哭，已而沐浴更衣，含以金玉或米，扶坐椅。

上，環拜之。仍置於地，覆以衾，用布作枕，銳其兩頭，置棺頭部，別以棉褥藉棺，昇尸入。家人各以經著衣物，塞尸兩旁及兩足間，巾、梳、鞋、襪之物，咸一具焉。上覆以衾，闔棺時，以一橫木隔棺蓋，不使全閉，蓋冀其或活也。村鄰爲之停舂杵，罷針工二日。越日大斂，姊、妹、女、壻等，聞報奔視，助其乏。孝子以巾拭尸，斂用豆腐並石灰或漆塗棺，蓋口，乃覆加鐵箱，擇日成服。村人弔者以夜臨，設靈幃，安靈屋，陳五獸芻靈，三日三奠食。戚友來弔，孝子孝婦於苦次稽顙答哭。凡助賻者，待以酒饌，酬以素帛。發引之日，孝子靈冠蘆杖，負旛捧主，匍匐前導，婦女哭於後。環宅一週，謂之「謝宅」。戚友奠餞於路前，或執紼而行。既葬，三朝覆土，小祥焚靈，服終詣墓告祭。

節序，立春之日，俗尚焚通宵燭，陳春糕，燃爆迎春，農挑春糞，婦挑春水，忌春三日。農村有舞獅、遊龍之戲，互相比賽。二月初八日，爲花朝節（他處皆尚十五，惟此尚初八）。從前婦女往往成羣結隊，入廟進香，今寺廟多改作學校，故此風亦漸熄。清明節，沿戶插柳，作糯粉團及蒸粉肉相餉遺。三日內徧上各墓，貼紙錢，插彩旗爲誌。端午節，沿戶插艾，以稻草灰水漬糯米，裹以竹葉作錠形或三角形，貯釜中，濟以水火，使之熟極，取以相餉，謂之「送子」。女孩兒製香包以相遺，食長壽麵，飲雄黃酒，並以雄黃漬徧灑各處。醫家多於是日採藥，蟾蜍爲之匿跡。近河村落，多有龍舟競賽之舉，競爭頗熱烈。中元節，除各祠舉行秋祭外，各戶均以紅紙書已故祖考妣於其堂，應時食物，更迭獻之。越數日，復以紙封金銀錠、冥錢，作包焚送之，並以紙櫃、餠、粽等送親友。

之新逝者，謂之「送封節」。中秋節，俗有陳瓜果、燒柚香以祀月者。重陽節，知識分子多有爲菊酒登高之宴。十月十五日，爲下元節，各戶炊糲搗製爲圓，有女新嫁者，於此節送之，謂之「送十月」。

## 一八一 過大溶江

一月二十四日，晨八時，至靈川車站登桂，全長途汽車向興安前進，經小溶江口，至大溶江，該地地名亦稱「大溶江」，蓋地以江名也。有居民數十家，稍憩後，隨汽車渡江，河身廣闊，水亦頗深，帆檣往來，宛然如畫。余對於湘灘源流問題，甚爲注意，故較他河尤爲關心，詢之土人：「上水船舶可通何處？」據云：「可通城坪。」余聞此語，對「湘灘同源」之說，更生疑竇，既渡，復登車，經石馬坪、蓮塘、嚴關口，直抵興安縣城，寓於中山路某旅社。午餐後，至縣政府投刺而入，適秘書余君明尊自室中出，余君與余原係舊交，猝見余至，笑口爲開，當卽迎入室內，問余「行李來否？」余答：「已置諸旅店中。」旋由余君引余至丁君鐸華處，丁君乃余之表兄也，余以飄泊四方，多年未見，傾談甚歡，在談話中，余、丁二君同時責余「不應寄寓旅店。」余曰：「驥兄爲此間縣長，兄等爲此間職員，瓜田、李下，聊避嫌疑而已，無他意也。」言畢，相與一笑，旋丁君伴余同至旅店，雇人搬運行李，卒遷寓縣政府內，以承審員吳炳文君另有住處，特令余鳩估之。安排既定，縣府諸友咸來詢余



沿途經過，余亦叩以別後情狀，皆言之甚詳，並託余君爲余覓借縣志。

## 一八二 興安的穿巖與乳洞巖

一月二十六日，天晴，上午十一時，余祕書及其夫人與丁、吳、朱諸君偕余同作穿巖之遊。出縣府，北向入公路，越湘桂運河大橋，折往西行，沿途談笑風生，前進約四里許，兩山夾道，人行峽中，左山之麓，蓋有茅廠，其上有燒灰窯一，石工鑿石，硤然有聲；右山之腰，有一精雅墳墓，仰望形勢雄偉，規模頗巨。出峽後，過一小山，道路甚爲迂曲，再數里，卽抵穿巖山前。稍上有一山門，係用亂石砌成，爲入巖之要道。度此下行，約十餘武，一溪澗橫於其前，上有橋可跨，澗之兩端，各通一洞，左洞較小，澗水封至半洞，人不能入，右洞洞口巖石崢嶸，垂乳奇特，景色秀雅。時余君夫婦緩步在後，猶未登至山門，吳君忽囑余等各匿石後，以待後來者之尋覓。稍頃，余君夫婦至，不見余等踪影，甫驚疑間，而吳君已忍俊不禁，余等以事已敗露，亦同聲一笑。嗣遊賞於溪澗之岸，溪水深而色碧，魚蝦浮沉，歷歷可見。縣志載有「居民以木十餘丈扎藥入左洞內毒魚，其魚舉連類而出。」蓋亦捕魚術之別樹一幟者。余與朱君自右洞而入，其盡處有竅，土透天光，匍伏以出，竟至山外，繞經山門，返至溪邊，渡溪上小橋，直趨穿巖巖口，極廣，高達十餘丈，若山之空其中者。古老石乳，遍懸巖中，巖內右上方，四

進一洞，余等繞至巖側而上，兩旁乳石突出，成鳥獸等形。壁間有記載修葺穿巖寺宇之碑石數方。嗣越穿巖而上，至寺中，寺僧備茶點相待，余等亦出所攜糖果食之。祕書余君素好談諧，與寺僧會語，極盡幽默，時引余等捧腹略遊寺中，即循原路而返。中途經來時之山峽，余思攀登右山謁墓，但無道路可上，余乃孑身攀藤附葛以登，不料既至墓地，却無甚奇特之處。旋下山追及同伴，逕返縣城。

一月二十七日，天晴。上午十時，向許永賢堂購得縣志一部。下午二時，蕭隊長來室談間，余詢其分水塘之所在，渠答：『離此僅三四里，君如去，願偕往。』余等遂欣然就道。甫出縣府，丁君後招問余何往，余告之，渠謂請於五時前趕歸將府，屆時有要事相商也。出城後，東南行，經飛來石，天平石而至鱗嘴，其前即爲分水塘。沿途經蕭君一一指點，工程頗巨，余熟察之，乃悉該水分流之法，且憬然而悟彼『湘灑同源』之說，誠荒謬無稽也。返城後，丁君偕余至酒店，始知所謂要事者如此。俄而衆賓咸集，舉觴盡歡。飯後回縣府，余君來詢：『明日將往乳洞巖一遊否？』余曰：『然。』余君曰：『巖距城十餘里，余等擬雇肩輿以代步，君意何如？』余以此次周遊全國，雖非完全步行，中間曾利用一部分交通利器，但無論如何決不乘輦，乃力持異議，堅主步行，結果以同遊者事實之限制決定備馬二匹，一供余君自騎，一供其餘諸人輪流騎行。入晚余參考縣志，作湘

桂運河的歷史與地理一文。

一月二十八日，天陰。上午九時，余明尊君夫婦以不擅步行，分乘轎馬。此外同行者尚有吳君炳文、朱君月秋、田君乃登等一行數人，牽馬一匹，以備途中輪流換騎，並備特製火炬三枝，置於轎兜中。出縣府向乳洞巖進發，沿途轎馬喧闐，頗爲熱鬧。十五里至乳洞巖，停輿下馬，逕往巖中。巖分上、中、下三洞，余等首至下洞。洞中軒敞虛明，泉沿石壁流出，窈然深黑，噴激有聲。水上有龍田，溝塍如鑿，規模之大，石塍之高，可推爲余沿途所見之最。時田水已涸，據田君乃登云：『一屆春夏二季，每稜中常滿貯清水。』其旁有洞，不甚高大，褦衣伏行可入，中有溝坑，前爲石阻，其上穴徑只尺許，余蛇行爬越而出。余君等見余自洞出，笑謔余爲『爬行大王』。爲之一笑。嗣至寺中，稍憩，略進所攜食物。由寺之後門登山，逕遊上洞。山石陡峻，磴道宛轉，抵洞門，下行十武，地頗平整，舉炬再入，壁間石乳紛垂，古老奇特，形狀怪異。洞底凹凸頗大，漸進漸高，有泉自壁間滴瀉，兩旁石乳，結成楹、柱、神龕等形，亦有結晶之乳，石返映黃白光彩，而名爲金銀沙者。後登一處，有一大池，蕩貯水殆滿，但不甚深，自淺處涉過，則亂石錯綜，莫辨方向。又進，尋得一徑，見前露微光，知達洞口，迨出而視，仍係原洞口，蓋余等已繞一大彎也。余以外間盛傳洞之深達七八里，且通山後，遂重遊洞內，但覓之殆遍，未得任何出路。而田、朱二君，則擇乳石玲瓏雅秀者而擊取之，余亦拾得數塊，始相偕離洞下山，重入寺中休憩。余以上下二洞俱已遊過，惟未遊中洞，似覺可惜。乃與田、朱二君偕遊中洞，中洞地勢爽塏，內有石柱、石室、石牀等。又

有石佛數尊，係就洞中石筍雕琢而成。出洞後，與同行諸君一同返城。此外尚有下諸勝蹟：

1. 鳴玉洞 距乳洞巖西南里許；去渠岸不遠。洞門雖狹，內極深邃；有石乳下懸；又有石牀、石筍、石盤諸狀，泉聲琮瑋。

2. 巖關 在縣西南十七里。兩山對峙，中爲通道，勢極險隘；石壁上刻有『巖關』二大字。其南二十里，卽秦城，爲楚、粵咽喉。

3. 草聖巖 在縣西十五里。有寺；以唐僧雲嶠善草書故名。內有雲嶠書堂及滌硯池。巖之東有穴，圓如月，名月山。

4. 雙乳山 在縣北十五里。兩山並峙，危峯峻巖；下圓上尖，宛如雙乳。春日飛泉噴瀑，萬頃烟波。右有虎巖，幽邃深入，可通壑。巖中亭臺樓閣，一如削成；昔時避兵恆賴之。山下有乳巖，水花飛出如雪，秋冬不涸。每雲霧繚繞，多有異魚出沒水中；可溉田千餘頃。

5. 螺螄山 在縣北十五里。平陽矗起，蹲立江中。石壁陡峭，上銳下廣；盤旋而上，形似螺螄。

6. 無比山 在縣東十五里。脈出狀元峯；豐隆峻拔，上列三臺，盤踞數十里。羣山無有並其高廣者。山頂爲龍蟠山，有石洞，其門數重。遊者秉炬而入，中多乳石；斜貫一溪，名靈水溪。相傳『溪中有魚，皆修尾四尺，丹

其腹，人莫敢捕，否則必有風雷」云。

7. 孔明臺 在縣西北十里，古名鹿城。上有兩層城垣。其山南盼小溶江，北望板山，歷歷在目。相傳「孔明曾於此立營。山上有古樹三株，俗以爲鐵樹，刀斧不能入，有強鑿者，風雷暴至」云。

8. 狀元峯 在縣東南二十里。羣峯疊起，聯綴如珠。中一峯銳聳，秀出雲表，端如冠冕，尖如文筆。宋侍郎唐則家其下，原名九星山，鄉人以則父子相繼登第，因改名狀元山。

9. 錦繡峽 在縣東三十里。自莫州而下，夾岸十餘里，兩壁高峯，中通一澗，紆迴曲折，瀑布懸崖，離奇錯落。春來萬紫千紅，掩映山谷，落花流水，香氣襲人，最稱幽勝。

10. 九龍峯 在縣東二十五里。錦繡峽東嶺，連岡疊嶂，盤旋突兀，矯若游龍。上有彌羅宮，宮室壯麗，甲於通邑。山麓有坊匾曰「臨源第一名山」。興安舊志云：「山中有八景。」

11. 船山 在縣東五十里。莫川九塊田，與全州接界。山嶺岩嶢，中有山如船，樓檣俱備。船下巖洞深邃，流水潏潏，潭內產巨魚，或垂釣得之，有重百餘斤者。下有長興巖。

12. 石門巖 在縣北二十五里。巖口石柱如樞，內可容千餘人。右有石鼓，左有石鐘，稍入有臺，毫下一石靴，再入有深潭，潭邊二石龍，望之儼然。又有石田數塊，泉流溶溶，石笋二枝，高丈餘，骨如玉，肌如冰，石盆一對，

狀如荔枝，興邑巖中勝況，以此爲最。

13. 寶峯巖 在縣北二十五里。壁立凌霄，與萬歲牌山相犄角。山下有巖，幽豁深邃；中有石田清泉，半壁有巖，巖口石如魚鱗，痕跡宛然。山後形如觀音坐蒲；前人建觀音庵；庵前一泉，秋冬不絕。

14. 萬歲牌山 在縣北三十里。一山聳峙，高數十丈，腰結一座，座上一石牌，離山三尺許，高二丈有奇，寬八、九尺，有端冕凝旒之象。里許有白面山，將軍山，環拱俯伏。里人有「白面將軍朝萬歲」之語，可謂奇甲通邑。

15. 呂公巖 在縣北三十餘里。軒豁明敞，四面玲瓏；頂上一小孔，日光透射。洞左一池，寬可半畝，深不盈尺，水清澈寒冽。池中有小石巖，其深莫測，里有釣魚者，以長竿繫繩投巖中，往往得修尾魚，無算。中有方石，高二尺餘，如棹。洞中夏涼冬溫，遊者心賞。

16. 三清巖 在縣北梅村。乾隆間，夏旱，村人迎三清神於巖前祈雨，既得雨，祀神像於此，遂以名巖。巖洞幽邃；內有石柱巍峨，名金剛杵；有臺曰祥雲。巖下深淵莫測；泉出流澗二十餘里。

17. 石馬坪 在縣西四十里。相傳「宋楊文廣被困柳州時，其妹提師解救，經由此地，留有石馬三匹於此」云。

18. 秦城 在縣西南四十里之點燈山。秦戍五嶺時，築以限越；今遺址尙存。

19. 立鼇峯 在縣南六十里宅美村右。一山逆水，沿江而上，狀類立鼇。原有書院，今已圯。

20. 穿山 在縣南六十里。山半有穴穿透，望之若鏡。

21. 六峒山 在縣西百餘里。東界黃柏江，北界全州，西延西界融江，南界川江。內有三江、三殿、三地；漢、

雜處，產茶紙有名。

22. 貓兒山 以山形似貓，故名。在縣西百里，居六峒源頭，高出雲表，爲附近各縣諸山之冠。右望桂林，左盼全州，歷歷如畫，但常蓄霧，非大晴不見。上有靈峯寺，極頂有三仙石，可觀日出沒。山中多產黃連及觀音竹。

### 一八三 湘桂運河的歷史與地理

湘桂運河，古稱「靈渠」，又名「灘水」。俗以其具有三十六陡，且非陡無以資其用，名曰陡河。東起興安縣城東南四里之分水塘（古名漢潭，自鑿湘桂運河後，多稱爲分水潭。元、明以後，又多稱今名矣。）西南至文家村，入大溶江，長約六十里。肇鑿於秦監史祿，繼疏於漢將馬援，以便運餉。唐寶歷初，觀察使李渤立斗門十八以通漕，尋又廢。咸通九年，刺史魚孟威以石爲鐵隄，亘四十里，植大木爲斗門，至十八重，乃通巨舟。至

宋初，計使邊詡復修之。嘉祐四年，提刑李師中兼領河渠事，重開發，近縣夫千四百人，作三十四日始成。紹興二十九年，以臣僚言，令廣西轉運司措置修復，俾通漕運。乾道間，廣南西路安撫司李浩，紹熙甲寅年，帥臣朱晞顏，相繼疏治，民賴其利。元至正十三年，山水暴漲，隄圯陡潰，渠流大涸，嶺南廣西道肅政廉訪副使也兒吉尼復飭修，鑿陡復舊，漕溉悉利。明洪武二十九年，命御史嚴震直浚渠五千餘丈，築漢潭及龍母祠土堤五十餘丈，又增高中江石堤，建陡閘三十有六，鑿去灘石之礙舟者，漕運悉通。成化間，洪水薦至，渠堤大壞，郡守羅珦修復。清康熙二十五年，巡撫范成勳修補。五十三年，巡撫陳元龍重修。雍正九年，總督鄂爾泰、巡撫金鉉續修。乾隆十一年，巡撫鄂昌奉旨勸修，飭邑令楊仲興疏導水關上下河道四百四十七丈有奇。十九年，總督楊應琚重修。嘉慶五年，巡撫謝啓昆，二十四年，巡撫趙慎畛，相繼捐修。道光十三年，知縣張運昭重修。光緒十一年，山洪暴漲，分水壩及南北陡堤，崩潰幾盡，漕溉爲之壅絕，官民疏請重修。因鑿堤舊址填淤，改置下游三十丈外，鑿嘴整結甚堅，下以亂石圍之，堤身高而固。其大小天平，壘石如魚鱗形，勻排密布，銜接處膠以灰泥外，復緣以巨石，並修北陡三，南陡十九，隄五，更添修滑石、鸞塘、牛角三陡，以利舟行。十三年，夏秋之交，河水汎濫，新增滑石等三陡及大小天平，間有崩坍，知事陳鳳樓督理修復。

計全河自秦史祿肇鑿至今，歷代疏修，共達二十餘次。東則遮湘水之故道，而改趨花橋，以至大西門，復



入於湘，西南則鑿渠五十餘里以通大溶江。工程之鉅，用費之多，大江以南，無與倫比。其功用，以鑼嘴、天平石、鑼隄三者爲最，歷代興修，亦多趨重於此。蓋三者缺一，則湘水無涓滴入桂矣。茲將三者略述於後：

1. 鑼嘴 在分水塘，創建於史祿，迎海陽江水，壘石爲壇，前銳如鑼，析湘之流而注之大溶江。歷代俱因秦舊蹟而修復之，相沿至今。

2. 天平石 自鑼嘴分水下流，築天平石以障之，使海陽江水不復入故道，而從運河分流。在東北者爲大天平石，在西南者爲小天平石。

3. 鑼隄 自分水塘下起，東北至花橋共三里，西南至夏營，共十里，俱用石砌，以防潰決之虞。

## 一八四 湘灘同源辯

余少讀水經注，有『湘灘同源』之說，竊嘗疑之。夫水之性，乃就下者也。古語曰：『兩山之間，必有川焉。』何哉？以山高川低，水性就下也。陰山與北嶺二山脈間之水，皆入於黃河；北嶺與南嶺二山脈間之水，皆入於長江；南嶺與勾漏二山脈間之水，則入於珠江。是故導源於此數山脈間之水，不入於黃河，則入於長江；不入於長江，則入於珠江；豈有一源而分流二江者哉？故對於『湘灘同源』之說，滋疑實甚！以質之師，師亦唯

唯否否，莫敢或斷。信之，則實與物理相違；不信，則志籍具載，從無反駁之者。故中心對此，莫能釋然。厥後復讀史記，有『秦攻百越，使監祿鑿渠』之語，意必鑿湘灘二水間之陸地，引湘水而注於灘源；好事者更從而神之，著之於經，繪之於圖，乃以『湘灘同源』稱之也。然猶未敢以此自是焉。

民國二十三年一月，旅次興安，實地考察湘灘二水之源流及其趨勢，始知在事實上根本即無有所謂『灘水』者；有之，惟湘桂運河與桂江耳。湘桂運河，古名『靈渠』，俗稱曰『陡河』，即水經注之所謂爲『灘水』者。而湘桂兩江，各有其源，未容張冠而李戴也。湘水源出興安縣東南九十里之海陽山（註一）與水經及水道提綱等書所載，尙相符合。惟桂江之源，實出自興安縣西北之貓兒山間，經梯子嶺至三地，順下三殿，納左右諸流，名曰『六峒江』。至承平（一作城坪），即可通民船；再下司門前一帶，又與黃柏江、華江、川江、富江諸水合，直趨大溶（註二）名曰『大溶江』。水勢頗大，與由分水塘分來之靈渠一衣帶水，兩相比較，有如大巫之與小巫，乃志籍相傳，桂江之源，俱舍此而就彼，甚矣其惑也！

查湘水源出海陽山後，曲折北流，納左右諸溪，至漢潭，名曰『海陽江』。再經興安縣城東，折向東北流，納桐木江水，入全縣界，始名『湘江』。斜貫全縣東部，納烈建、咸屏、羅灌、宜鄉諸水而出湖南，實係一主流，並無分派之水。自秦攻百越，使監軍史祿鑿通海陽江與大溶江間之陸地，名曰『始安橋』者，並築鑼嘴、天平

石、鑄隄等工程，遮海陽江之流而分其水注入大溶江。從此大溶江中，始有海陽江水之降臨。否則海陽江水必無涓滴滲入大溶江也。乃查禮作灘水異源辯，根據水經注之錯誤而得一結論曰：『是湘灘一水出一山，同源而分流，明矣。』又釋「湘」、「灘」字義曰：『「湘」者，相合而同派也；「灘」者，分離而別流也。言一水同源下流而分支也。』斯誠所謂『詖詞莠說』淆亂是非者，誠不可以不辯。

古之人最重迷信，遇事多禱而祝之。考灘水之所由名，或於史祿鑿渠之後，祝其水相分離，冀其不專入於湘而以「灘」名之；并非如查禮所云『「湘」者相合而同派，「灘」者分離而別流』之謂也。且「灘水」之名，其初不過指靈渠一段而言，後以附和者衆，喧賓奪主，乃漸致大溶江以至整個之桂江亦以「灘」名；使後之人益茫然莫辨而人云亦云矣。

且海陽江與大溶江間之陸地，自經史祿鑿後，因地勢高低不齊之故，仍未可一勞而永逸也；觀於歷代之迭加疏濬補葺，工程之艱鉅，費用之浩繁，在大江以南，無與倫比。不然，海陽江之流，雖經史祿鑿通，時至今日，亦早無涓滴入大溶江矣。而查禮自敝修復靈渠一段，亦有『聞靈渠水道壅塞，鑄隄陡門多傾敗，行將疏山采石，急籌修復』之語。試問湘灘一水，果係同源而分流，又安用史祿鑿渠與築鑄嘴、鑄隄及天平石等爲哉？史祿既鑿矣，築矣，又安用歷代爲之迭加疏濬補葺哉？更何必勞查氏「疏山采石，急籌修復」耶？其所

以必須鑿築，疏濬補葺，急籌修復者，以靈渠實係一人工開鑿之運河，而非同源分流也。豈查氏未之知耶？

查氏又云：「靈渠之鑿，由漢潭導水，開全義山（即始安嶠）足，過縣西南，盤紆六十里，更受大溶江水，匯而南下……」是則查氏並非不知靈渠係由人工鑿成者；知之而故昧之，且猶謂其「同源分流」而自相矛盾如此，亦未免太泥古而欺世矣。至若「灘江發源於雙女井」之說，本不足據；然黃海之所以指為灘源者，亦以靈渠實由人工開鑿而成，鏵嘴、天平石、鏵隄等偉大工程及海陽江之故道（註三）等，均赫然在目，故亦不信有「湘灘同源」之說；但一時未克尋到真正之灘源，而於饑不擇食之中，任指雙女井之水，謂為灘水之源，致遭查氏之奚落，然能獨創「灘水異源」之說而不盲從古人，較之泥古與食古不化者，似又勝一籌矣。今而後，余以為「灘水」之名，在事實上應即根本取消，以「灘水」之廣義所代稱之桂江，應即稱為「桂江」；以「灘水」之狹義所代稱之靈渠，應即改稱為「湘桂運河」。如此對於自然與人工，庶幾不相混淆；而所謂湘灘同源與否，亦可不辯而自明矣。

註一：海陽山原名陽海山，宋以後多誤作海陽山，今從通稱。

註二：「大溶」地方，原名「大溶江」，茲因地名與江名二者兼述，恐相混誤，特簡稱爲「大溶」。

註三：海陽江之故道，今名中江，俗稱爲渡頭江。自築鏵嘴、天平石、鏵隄等工程，改移海陽江水道。

後，此江仍爲節制容受海陽江水之吐納所，故赫然猶存。

## 一八五 興安縣概況

興安地居廣西省之東北部；據湘、桂二江之上源。西接龍勝，南連靈川，東南鄰灌陽，北部毗連全縣，西北與湖南之城步縣接界。東、西距二百二十舊里；南、北距一百一十二舊里。面積凡三千二百零一方公里。弱縣城位於湘桂運河之南岸；西南距靈川縣城約八十舊里。

考縣境在禹貢爲荊州之域。春秋時爲越地。戰國時，服於楚。秦爲長沙郡地。西漢爲始安縣地，屬零陵郡。東漢爲零陵郡始安侯國地。三國吳爲始安郡始安縣地。兩晉因之。劉宋改始安郡爲始建國。齊復改爲始安郡。梁、陳及隋皆因之。唐武德四年，始析始安縣地置臨源縣，屬桂林。大曆三年，改名全義縣。五代晉開運三年，楚馬氏置溇州於縣，改縣名曰德昌；後入南漢。宋乾德初，廢溇州，復縣名爲全義，屬桂州。太平興國二年，始改縣名爲興安，屬靖江府。元屬靖江路。明屬桂林府。清因之。民國初屬桂林道；十七年，廢道制，直隸廣西省政府。縣屬氣候，雖無瘴而苦淫雨；自春徂冬，十僅一霽；故地濕而物易腐；夏秋酷暑時，多蚊蚋，尤不可耐。三四月時，四山多霧；初至者每苦腹悶，似脹而不脹，似痛而不痛；相傳云「嚼檳榔可解」。嚴冬時，亦一再見雪，但

不甚多。高山之頂，且有積至一、二旬不化者。大抵夏天最高氣溫，可達華氏寒暑表九十八度；冬天最低氣溫，可達華氏寒暑表二十八度。雨量，以舊曆四、五兩月爲最多；九、十兩月爲最少。

全縣住民，有漢、獠二族。據最近調查：『全縣有男九萬零九百六十八丁，有女六萬九千七百六十口；男女合計共一十六萬零七百二十八人。內獠男計占三千四百四十九丁，獠女占三千一百七十一口；獠男、女合計共六千六百二十人。』城區（首善鎮）住民，男女合計共六千四百五十五人。

縣屬土地生產，以稻穀、豆、麥、包粟、薯、芋、竹、木、桐油、香菰、白果等爲大宗；次爲花生、茶油、茶葉、菸葉、生漆、棕皮等，再次爲棉花、蔬類、果類，以及其他各種雜糧等。稻穀大別爲糯、粳二種，年產共約六十四萬二千餘石；除自給外，每年尙可輸出二十餘萬石，供給外縣。豆有黃、白、黑、綠、青、赤等六種；而以黃豆爲最多。麥兼大、小、蕎三種。

竹、木多產於舊六、五兩區之各大山嶺中，每年運輸桂林及湖南等處，收入總數，常在十萬圓左右。竹類計達二十種；除通產外，有斑竹（出貓兒山）、方竹、李竹、白竹、赤竹、燕竹、桃竹等。竹之副產如明筍、竹紙等，產額亦不少，亦爲出口大宗。木類以松、杉爲最多。沿江各處則多柳林，爲天蠶絲之生產地；每年獲利亦甚鉅。桐、茶油亦多產於舊六、五兩區；而六峒茶葉尤爲有名。蔬類除通產外，有香菌、松菌、木耳、石耳（以出莫川者爲

最佳)等果類除通產及白果外,有棗子和逃軍糧等。其他各種雜糧,如黃粟(卽狗尾粟)、穄子(卽鴨脚粟)、高粱、薏苡、芝麻等,在縣屬亦產之,但不甚多。縣屬家畜,有馬、牛、豬、羊、貓、犬、雞、鴨、鵝等;但不甚繁殖。此外有畜天蠶、養蜜蜂和放蠟蟲者;故縣屬天蠶絲、蜂蜜、黃白蠟等產額亦多;而天蠶絲一項,且爲出口之大宗。縣屬礦產,舊四區之唐家市產煤礦,分碎煤及塊煤二種;礦區甚廣,成色頗佳;地方人民自行開採,已百年於茲矣。凡燒石灰及炕明筍者,多用以代柴。又舊六區之埠頭溪產銀礦,曾經湘人某開採,嗣因資少而失敗。

此外特產,製造物有百合粉(出五排一帶)、花類有夾竹桃;草類有火肚(毒魚立死)、藥類有鹿茸、石燕、黃連、黃柏、史君子等;獸類有野牛、山羊、竹鼠、山狗等;魚類有狗崽魚(出沐水,巨口四足)、乳穴魚(四足,修尾,丹腹,人莫敢犯)、鱖魚(四足,有角,聲如小兒)等。

縣屬地勢高亢,山水交錯;湘、桂二水,源於是焉。湘水源出於興、靈交界之海陽山(原名陽海山,宋以後多誤作海陽山;今從通稱)自南徂北,名曰海陽江(原名陽海江,宋以後多誤作海陽江,今從通稱)桂水源出於縣屬西北貓兒山之梯子嶺,自北徂南,名曰六峒江。兩江幹流相距,最狹處約五十里;秦監史祿鑿而通之,稱爲靈渠(俗名陡河);蓋卽今運河之類也。自是而後,歷代俱曾爲之修濬,以利漕運;而湘、桂二省水路之交通,亦於是乎賴焉。迄今自花橋地方起,至隔江背止,三十六陡猶存;行舟時,用以堵水,可行載重萬斤。

之民船；過此則北通全、永、衡、湘，南通靈、桂、平、梧，甚爲利便。如無陡堵水，或有陡而壞，則猶獲石田而無所用之也；故歷代多修治之。此外自大溶江口上溯至承平，長約三十里，亦可通行小舟。至其餘各小江，皆水淺流急，僅可供灌溉而無舟楫之利矣。陸路交通，有桂黃公路，自縣南與靈交界之河口入境，經大溶江、嚴關口而至縣城，再由縣城北經唐家司而至興，全交界之界首出境，長約九十里；早已通車。又有興田縣道，自縣城南經林家村、土橋村、神仙田、高上田、高田墟、廟脚而通靈川境，長約六十里，工事已竣，亦可通車。郵政於縣城設有三等郵局一所；於六峒及大溶江二處，各設有郵寄代辦所一所；昇平一處，則設有郵務信櫃。電政於縣城設有三等電報局一所；南下桂林以通兩粵，北上全州以入湖南。

縣屬文化程度，識字人數，不過十分之二、三而已。學校教育，計有縣立初中一所；完全小學十一所；初級小學一百二十二所。社會教育，有興安縣立民衆教育館一所；內分閱覽、康樂等部，設備尙稱完全。書業有唐文德堂及許永賢堂二家；設於新開之中山馬路。

## 一八六 興安的風俗

縣屬城、鄉異俗，今昔殊風。據舊志載：『俗敦儉樸，鮮有爭鬪事。』又曰：『民務農而簡訟，士知禮而崇文，



「今則好訟好鬪之風，徧及士民，稍不遂意，輒鼓衆劫持，攻擊官府。城市人民，好讀書，習商業，亦有習農圃者，惟風氣浮薄，近於奢詐。鄉村人民，多務農業，暑雨祁寒，不辭勞苦，惟習俗粗野，近於鄙吝。至於峻訟刁頑，苞苴舞文，尤爲城鄉之通病。服飾，大概布帛，飲食，以稻米爲主；包粟、豆、麥、薯、芋等雜糧爲輔。住屋，以磚屋爲最多；草屋甚少。」

婚俗，不論財；禮物以雞、酒、鹽、茶、檳榔爲必需。此外一豬一羊爲「逼禮」。蓋謂逼近婚期而行之禮也。女家妝奩，中產以上，競尙豐美。子女多者多趨重童養媳，期省婚費。招贅之風，惟小姓人家有之——就中以南區爲較多，而潯人尤甚。大族名門，則絕不容許。喪葬，俱從文公家禮，惟款宴弔客，似過於豐盛。重作佛事，迷信堪輿，未葬前，每通宵擊鼓唱孝歌，謂之「鬧喪」。富家鳩石工修墳，競尙宏麗，動輒費數千百金，否則人必非議之。

節序，二月二日，俗傳爲土地誕日，各家具牲醴慶祝。三月三日，男女採薺菜花。四月八日爲佛誕日，不用牛犁田，以樹葉染造糯米煮飯供祖，並分送親戚，名爲「烏飯」。蓋卽古之青精飯也。五月朔日，男女簪石榴花，祈眼明。六月，早禾熟，用寅卯日作新米飯，祀先嘗新。七月七日曝衣，書五更汲井華水或河水貯之，以備酒漿、藥餌，名曰「七夕水」。經歲不壞。處子陳瓜果乞巧。中元尙十二、十三、十四等三日。十月朔日，具酒、殺，以紙

爲衣焚墓上，曰「送寒衣」。每年三月三日、六月六日、十月十日（或立冬日）各家祭田土穀神，乃古人報賽田祖之意。

縣屬舊五、六兩區，每逢六、七月間，有「開漁」之風。在未開之先，由首事數人用佈告式通知各村，屆時則十村、八村，無論男女、老、幼，均齊出打漁，數日不返。結果常發生被溺、亡命及鬪毆等事件。現正在嚴禁中。

## 一八七 興安五排及各邊隘的民族

興安西北隅越城區屬之五排，原係苗疆岡巒叢集，谿谷錯雜，地勢高峻，氣候凜冽，山多田少，林密泉清。其間住民，有漢、獠兩族。漢族分爲土著與客籍兩種，多住於低窪之地，或山腰平窩之處，結廬成村。獠族有盤、狗頭、摸、獠三種，多居於山嶺幽僻之地及溪源深處，其居低平之處者絕少。

土著有楊、潘、歐陽、李等姓，係在明初由江右避兵湖南綏寧、靖州，轉徙武岡、城步之蓬洞、欄牛、浮成、咸宜、橫嶺等五洞，與該處土苗雜處聯姻，故其語言、風俗、習慣等，多與之同化。至明中葉，復因遊獵而移居此間。或有由山左轉徙來此多代者，如唐、侯等姓是也。土著純屬農民，不慣習工商。其性樸直，其俗簡率，習勞耐苦，勤於墾殖。其男子猶不失漢人本色，惟婦女之簪環，較漢俗爲大而較獠俗則小，椎髻芒鞋，最耐勞苦。富者習尙

銀飾，新婦尤徧飾銀索、銀花。男女俱種田、種山，屆時歌謠互答，樂而忘倦。客籍多在清代自湘、贛二省先後遷來，就中以自新化、安化、益陽、衡陽、湘鄉、溆浦、吉安等縣而來者爲較久，自祁陽、邵陽、零陵、新寧、寧鄉等縣而來者次之。統號爲客家。該地文化，多由其灌輸而來。其有從靈川、東安而來者，則多與土著同化矣。

盤猿，一名板猿，相傳係盤古氏支別後裔，其婦人頭多喜頂板篷，故名。性質樸野而具有團結力，並規定自治條例。遇有同種放蠱、放邪毒及害人畜、稼、竹、木者，會集同團查核，如係屬實，卽活埋之。犯罪以輕重等差爲懲罰之標準。凡事多不經官府，不受羈縻；官府亦視同化外，求其毋滋擾漢族而已。第其族知識簡陋，心性橫蠻，僅以種山、遊獵爲生，故多爲漢人所不齒，惟交易往來，或幫作田工，則亦有所取資焉。其人勤儉異常，無論祁寒暑雨，俱著芒鞋，胼胝皸瘃，不憚勞苦。其無業者，率入深山以打蕨粳、覓草藥、養蜜蜂爲生活。服飾，男子與漢人尙無大異，衣服頭巾，多尙青黑而較短，其布多係自行染造，不退色且能經久。貧者則襤褸不堪，藉糞草以爲被褥，其苦況有不忍言者。婦人頭戴角篷，耳垂大環，衣長襟直下，紐釦或用銀牌，以紅紫絲線繡滿邊幅。出外做客，則腰臂繫滿花樣巾帶，以多爲榮。髮膠以蠟，經數月，則以火熔化而梳洗之。女子則戴花線帽，種種形狀，甚爲希奇。婚俗，娶婦者少，招贅者多，蓋以娶婦則大宴三日，所費不資，招贅則可減省種種用費也。凡撫女贅婿，無異親生。贅入所生之子女，卽從母姓。平時最喜唱歌，男女戀愛自由，不講倫紀，相習成風，不以爲

怪。

狗頭獠，相傳爲槃瓠之後，用布纏頭如狗狀，多住於李家水一帶，其族在童年時代，即用桐油斲其脚板，故其皮特厚，當吠獵時，躡捷非常。

獠，云亦槃瓠之後，多住於孟山、金坑、矮嶺一帶，其男丁耐苦任勞，尤善開墾，其婦女不穿下衣，惟裹布裙，婦長而女短。

總之，客、土、獠諸族之間，各自爲婚——不與他族通婚媾，故其界限謹嚴，惟近來文化胥同，漸有化除畛域之機矣。

## 一八八 不是『兄弟』是『小姪』

一月二十九日，天晴，清晨即進早餐，準備啓程赴全甫，欲出發，歐陽繩武君來訪，相見之下，伊即申述：聞王科長轉述余口頭發表『湘灘異源』之論，甚爲佩服，余以恐誤車行，略談即別，承縣府諸君及歐陽君等一行偕送余至車站，俄而車開，臨別均各依依，車經唐家市，至距界首約三、四里地之丁字路口，折往右行，直至界首，界首爲興安、全縣分界之處，前臨湘江，汽車加油於此，稍憩後，折回原路，行三、四里，回至丁字路口，循

興全公路正道前駛，再經烈水橋、咸水橋、赤塘舖、覺山、魯班橋、飛鸞橋、沿磐石山麓而至全縣城，寓於建安路交通旅社。午後，至縣政府，調查當地情形。

一月三十日，上午，至全縣修志局借閱縣志，由該局編纂胡君藝林接見。胡君年約五旬左右，寒暄之餘，叩余『全縣有否相識之人士？』余曰：『惟在八年前，當余肄業北平中國大學時，有同級生胡琦君，云係全縣人，與余頗相契，且曾留余以永久通信處。厥後，余因萍踪靡定，浪跡四方，音問遂絕；然余對伊印象頗深，不識先生亦知此人否？』胡君笑曰：『此小子也！』余聞之，不覺一驚：『是卽先生之少君耶！現在何地？』答：『現爲荔浦縣立中學校長，君曾往該地否？』余對曰：『兄弟……小姪此次係沿撫河而上，未經荔浦，因事前不知琦兄在荔浦也，否則當往一訪矣。』嗣卽申明來意，欲向該局借閱縣志，但於談話中兩次皆先自稱曰『兄弟』，然後改稱曰『小姪』，不覺爲之赧然。既知對朋友之尊長應自稱曰『小姪』，而不應自稱曰『兄弟』，然而屢犯之者，以余自旅行以來對各方接洽，習稱『兄弟』二字故也。胡先生觀余狀，頻頻點首，且詢余『現住何處？』並力邀余搬入局內，余辭謝而出。午後，余以事外出，胡老先生曾來旅社探視，且留名刺，附言邀余晚餐而去。余歸棧後，約四時許，修志局又遣人求催，余乃隨之抵局。胡老先生按當地讌客風俗，盛筵相待，且有數人作陪。飯後，又堅請余遷寓局內，余以盛情難却，允之。

一月三十一日，上午十時，胡老先生遣人來社搬運行李，余乃結清旅費，遷寓修志局中。午後，郵差送一函至，拆視之，乃歐陽繩武君寄來之信，措詞甚爲謙抑，且附『灑江源流辯』一文，囑余修改寄回。余爲之略易數字，卽付郵，旋即參閱縣志。

## 一八九 全縣的湘山及其他勝蹟

二月二日，天陰。上午十時，出修志局，西經四排樓大街，折而北，穿小巷，循桂黃公路西行，一里餘至相山寺，入門，過一庭院，有亂石自地中突出，大小不等，昔人依其勢，刻有各種鳥獸、蟲、魚之形，然以歷時悠久，及遊人之不加護惜，多已毀壞。寺凡數進，前殿有四大金剛象，威武偉壯，赫然可畏。更進，入正殿，其後有一高塔，矗立雲表，達十餘級，繞至塔後登山，東有雲歸庵，西北行數十武，抵一巖，俯入數丈，不甚軒敞，名曰『轉身』。再往西行，有洗鉢巖，縣志載其泉『頗甘冽』，但與事實不甚符合，豈水味亦有變遷耶？本日因無嚮導，略遊後，卽自山西而下，入公路，西行里許，抵磐石山麓，下臨深潭，澄澈無底，上依峽壁千尋，公路至此，鑿石而過，壁罅中有磐泉，一綫潺潺，甘冷沁齒，下則鑿井以瀦，上題『玉髓泉』三字。水色頗清，惟多敗葉砂泥，留積其中，蓋附近鄉民，多以此爲澆洗地也。泉西石壁有洞，乞丐假以爲住宿之所，壁間題刻，因修公路多被毀損，今僅存

少許，旋返，折循上碼頭至寺門前，有一木牌坊，上書『湘山古寺』，蓋卽湘山寺之前門而爲公路所截斷者。嗣卽返寓，午飯後，往遊柳山。據縣志載：『柳山，舊名北山，在城北二里，峰巒秀麗，以宋刺史柳開曾築室讀書於此，因名柳山。』余乃由建安路經公共體育場、聖廟西側，逕往北行，登舊城垣，垣已頽圯可下，再進至桂黃公路，北行二里，抵柳山之麓，山麓有寺，毀廢不堪，入破門，凜然虞傾，鳥糞獸污，狼藉遍地。據縣志云：『建有清湘書院、柳侯祠、率性堂、及甲峯、寸月、熙熙、俟賢、極高明、仰高、咏歸、靜觀、育德諸亭。』余四處尋覓，渺不可得，頗疑之意，此或非柳山，然向北遙望，附近並無高山，可當此勝。惟前有樹林，深處微露屋舍，余急趨而視，亦不過民家數椽而已，並無亭閣祠堂之迹。乃敗興而歸，詢諸局內友人，據答：『柳山空負盛名，無甚特殊景色，而亭閣堂祠，均已早廢。』云。余聆悉之餘，深感沿途所見『有名無勝，有勝無名』之地不鮮，而柳山殆亦其中之一。『有名無勝』者，按柳山爲全縣第一勝蹟，縣志載述，曲盡其妙，而余一遊之後，所得如此，其餘勝蹟概可知矣。另據調查參考所得，尙有下列諸地，特摘記於此，蓋所以留供後來者之參證云爾。

### 1. 讀書巖

在城東門，渡江北行五里許，一山虎踞，俗呼爲黃獅灣。山左側有巖，口甚宏敞，倒懸石筍數十，一渠橫流，由左側石竇出，由右側石竇入，莫擇源委。渠上有石橋，過橋層級而進，洞益闊而高朗，懸石如蓋，四面石罅玲瓏，日光射入，晶瑩透徹，相傳蔣少傳、蔣侍郎及陳都諫等，俱曾讀書於此。

2. 碧巖 一名漱玉巖，在城北十五里，廣如大廈，深數百丈，飛泉上噴，曲水下瀠，內有石田，石米等，皆極形似，旁有小洞，秉燭可入，漸入漸高，傲。

3. 龍隱巖 在城西十四里，石燕岡左，高傲如屋，凝乳若纓絡，石崖有鱗甲痕，又有石如神龜、獅子狀，壁有『龍雲巖』三篆字。

4. 合江 在縣東合江門外完山下，湘水、灌水、羅水，至此合流入湘，故名合江。

5. 羅水 有三源：一曰萬鄉，一曰寨墟，一曰大會，三水至流藍埠合流，始名羅水，東南流，過飛鸞橋，又東經盤石下，循城而東，至合江，入湘水。萬鄉水，源出西延界，寨墟關水，源出覆釜，大帽二山麓，大會關水，源出覆

釜山左，觀音山並右，哪咤山下。

6. 虎潛巖 在城西十七里許，石壁蹲踞如虎，洞門在半山上，瀑水奔注，有『水簾洞天』四大篆字，石版擊之作磬聲，其內曲折幽邃，伏流爲潭者三，相距各半里，皆黢黢如墨，深不可測。

7. 碧井 一名康泉，在城西二十五里柴灣村後，瀦水清深，數丈猶見底，廣不半畝，湧如湯拂，盛夏寒冽異常，魚類驟入之，常爲之僵，早不寸減，溉田甚多。

8. 虞帝嶺 在城西二十八里官道旁，相傳：『虞帝南巡至其上。』山巔有行宮故址。



9. 望母巖 在臺山路副使張祐爲孝子唐儼書，俗呼爲唐孝子巖。清郡守顧璘方沆曾入訪，留詩刻石。

10. 龍巖 有二：一在城北五十里大路下，外險中空，可容千人，下有深潭，涼風颼颼，自水面透出，可避兵名「小桃源」。一在城北六十里，多奇石，其中軒朗，有二洞至深曲，有泉極清冽，四時不涸。

11. 潛山 在縣城南四十五里，山下有希仙洞，大清、小清二水從此出焉，溉田甚廣。山有拜臺、釣磯諸勝，左畔有波斯巖，寒漪湛然，前後有龍潭二，泉竇通漳井，崖多紀遊刻石。

12. 覆釜山 在縣城西北八十里，以形似而名，爲縣屬第一大高山，遠近諸峯，視若培塿，衡山山脈，於此發軔，上有七十二峯，高險峭拔，山頂有天門，產掃階竹，高僅尺許，葉密而枝小，又產芎藭、魔芋，寨墟水出其左麓，大會水出其右麓，山西有捨身巖、懸崖險巖，至者莫敢俯視。

13. 飛鸞橋 在城西五里，跨洪巖渡，宋建，元、明、清三代，俱曾繼續建修，規模頗雄偉，來往詩人，多題詠之。民國十五年冬，燬於火，長虹灰燼，巨礫猶存，旋由桂全公路局架設木橋，迄無上蓋，無復曩昔之景象矣。

14. 咸水橋 在城西六十里，明成化時建，清雍正及嘉慶初，俱曾重修。民國十六年，桂全公路局於其上游復建新橋，以通汽車，亦名咸水。

15. 湘源縣故城 在城西七里，隋改洮陽置此，即今拓橋。五代時，馬氏徙縣，改曰清湘，於縣置全州；宋、元

皆因之，明洪武初，城廢。

16. 洮陽縣故城 在縣城北三十五里，即今改州灘。漢置，屬零陵郡。隋開皇九年廢。

17. 石燕岡 在城西北萬鄉羅水之側，產石燕，以苦酒磨之，旋轉盤上。

## 一九〇 全縣概況

全縣地居廣西省之東北角，東方大部跨湘水上流東南和西北兩岸；西部據資水之上源，東北二面，俱界湖南（東界湖南之零陵縣，東之南一小部分接湖南之道縣，北之東界湖南之東安縣，北之西界湖南之新寧縣，西北界湖南之城步縣）；東南接灌陽，西南鄰興安，東西相距一百五十餘舊里，南北相距一百四十餘舊里。全縣面積凡三千二百零四方公里弱。縣城瀕於湘江上游之西岸及其支流羅水口之北岸，西南距興安縣城約一百三十舊里；距桂林縣城約二百六十五舊里，東北距湖南之永州城一百五十舊里。

考縣境在禹貢爲荊州之城，春秋時爲楚南境，秦爲長沙郡地。漢置洮陽縣，屬零陵郡。三國兩晉皆因之；劉宋屬零陵國，齊、梁、陳三朝皆屬零陵郡。隋平陳，改置湘源縣，屬永州。煬帝初廢永州，復屬零陵郡。唐復改零陵郡爲永州。石晉天福中，馬希範奏置全州，治於縣，改縣名爲清湘。宋因之，隸荆湖南路。元至元十四年六月，

設全州路總管府。大德元年，升爲全寧府。明洪武元年，改全州府。九年，裁清湘縣，廢府爲州。隸湖廣永州府。二十八年，改隸廣西桂林府。——全地至此始與湖南脫離關係。清因之。民國初，改州爲縣，屬桂林道。十七年，直隸廣西省政府。

縣屬東部，居湘水上游，地據高爽，風氣清淑，水土平和，瘴癘不作，寒暑常得其平，節候與湘南、江浙相類。昔人所謂『氣候同中州』者也。冷熱適中之時，約占全年三分之二。三月先煥，六、七兩月方熱，十月後始寒，然不甚厲。惟五、六月間，常多暴雨而盛漲。入冬多晴，蟄蟲每蠕蠕然動，霜雪之降，常在隆冬，偶遇大雪，多在臘底。春初，惟七月秋燥，有時甚於三伏；正月春寒，有時甚於窮冬。俗有『冷無過正月，熱無過七月』之諺。熱時最高氣溫，約達華氏寒暑表九十四度；冷時最低氣溫，約達華氏表三十度。雨量，以仲春至仲夏間爲最多；霉澆衣物，蒸潤穢礎，屋不百年而書無五紀。以季秋至仲冬間爲最少。縣屬西部西延地方，據資水上游，地勢較高，且多峻嶺，故氣候較寒。入春則瘴霧瀾漫，雨日恆多。自夏至以至處暑，空氣雖稍乾燥，然亦不甚炎熱。自白露以至霜降，茅花盛開之時，最易成疫。入冬則天氣早寒，每屆冬至前後，卽霜雪疊降，冷冽異常，甚至河水成冰，舟楫難行，來春方能融化。與東部判然不同。其氣溫，夏天最高僅華氏寒暑表八十餘度；冬天最低可達華氏表二十度。

縣屬住民，有漢、獠、三族。漢族多遷自湘、贛二省，獠二族，多居於縣屬西南二部，各以種別，不相雜處。其人口，約占全縣人口總數四十分之一。民性與漢族不甚相遠，今且逐漸同化矣。據最近調查：「全縣住民，有男二十一萬八千四百三十八丁，有女一十四萬七千零零七口；男女合計共三十六萬五千四百四十五人。城區住民男占六千六百二十六丁，女占四千八百八十五口；男女共占一萬一千五百一十一人。」

縣屬農產物，以稻穀爲最大宗；豆、麥、棉花爲次大宗；次爲落花生、玉蜀黍、番薯、芋頭、芝麻、高粱等；再次爲菸葉、甘蔗、粟米、薏米、竹、木、蔬、果等。稻穀種類極多，細分之，達六十餘種。以時言之，有早禾（一名黏禾）與晚禾（一名秈禾，卽晚稻）之分；以質言之，又各有糯與非糯之別。每年出產總額約二百餘萬石，除自給外，年可輸出七、八十萬石，供給四鄰。出產之富，甲於全省。故廣西各縣，多患米穀出關；惟縣屬則反是。因餘穀積滯，無從銷售，勢必價落，落則農民大受損失，無法彌補也。豆有黃、黑、青、綠、赤、飯、蠶、豌豆等數種，年產共約二萬餘石。麥有大、小、燕、蕎等四種，年產共約一萬數千石。落花生，俗名人參豆、玉蜀黍，俗名玉米。粟米，有大粟、小粟、穆子等三種。薏米，一名六穀米。竹、木，各區皆有天然林；而以西延內之獠山爲尤盛。其中木屬有經時數百年而大至數圍者。特以運輸困難，致令貨棄於地，誠可惜也。縣屬家畜，以雞、鴨爲最繁殖；每年輸出頗多。次爲豬、牛、馬、羊、犬、貓、鵝等。縣屬礦產，蘊藏甚富；已發現者，如縣東南之七寶坑，縣南之泗溪源，縣北之八十里山，俱產金、銀。

等鑛（距縣城各約七、八十里）中部多產鐵鑛；東南部多產磺鑛；至若煤鑛、石灰，各區皆有，但以運輸不便，採法不良；金、銀等鑛，雖經開採，均以無可獲利而罷。清光緒中，據一美國礦師謂：『八十里山之銀鑛，成色甚佳，可與湖南水口山之銀鑛媲美；惜採取不得法』云云。鐵、磺等鑛，用土法採鍊，出貨不佳，故銷路亦不廣。煤礦僅供地方燒石灰之用而已。

縣屬水路交通：東部有湘水，南自興，全交界之界首市入境，東北流，經鳳凰嘴、建安司、羅口、屏山渡、茅埠市而至縣城東南，合灌、羅二水，仍趨東北，經沙子灣、洛家灣、梅塘、黃沙河、廟頭市、柳浦、上廠（桂、湘交界）而出湖南。流經境內長約二百餘里；四時均可通行民船。惟春、夏泛漲，秋、冬乾涸；水深時約八、九尺，涸時僅二、三尺。上游航行小船名「茅篷子」，每船載重約四千餘斤。下游平日航行之船，約三數十隻，以小撥船爲最多；載重自四、五千斤至三、四萬斤不等。灌水通航，由縣城起至全、灌交界之上碼頭止，長約六十餘里；再溯流五十餘里至灌陽縣城，四時亦可通行民船。西部有資水，源出縣西興，全交界之牛塘界山下，曲折北流，經楓木山、油榨坪、土地凹、大埠頭，合市、梅溪口而下湖南，自源頭至桂、湘交界處，長約一百四十里，今可通航之處約六十里；蓋以大埠頭爲終點也。聞諸當地人士言：『若能鑿去土地凹之石，則可通至楓木山，增長航路將及一倍，現正在擬議開鑿之中，不久或可實現』云云。陸路交通，有桂黃公路，自興，全交界之界首入境，經咸水

赤塘鋪、硃塘而至縣城，長約九十五里；再由縣城經太平鋪、沙子灣、雙橋而至桂黃路終點之黃沙河，長約五十五里；久已通車。此外有萬全里道（由縣城經橋渡、龍水、興隆、沙子坪而至縣北之楓木山）、長樂里道（由魯班橋經不頭岡、秦家塘而至寨墟）、恩建里道（由界首渡河經汪家、麻市、楊梅山而至石墟）等，路基雖成，但因經費不敷，橋梁涵洞，尙未修竣，故仍難通行汽車。郵政於縣城內四排樓，設有二等郵局一所；於界首、咸水（卽山棗）、黃沙河、廟頭市、大埠頭（卽西延）、合市（卽合浦坪）、梅溪口等七處，各設有郵寄代辦所一所。電政有三等電報局一所，亦設於縣城內四排樓；南通興安、桂林，北通湖南永州。

縣屬在昔文風甚盛，與桂林媲美；今則迥不如前矣。截至現在，全縣學校教育，有縣立初級中學校一所（在縣政府西邊，原係清湘書院；清光緒末年，改爲縣立高小；民國十八年，乃改爲初中）；完全小學二十所；高級小學二所；初級小學二百三十三所。社會教育，有縣立民衆教育館（設於縣城內建安路東之清湘公園內，成立於一九三三年十一月，內分閱覽、教學、康樂、出版等數部）；清湘公園、公共體育場（在文廟前）各一處。報社，有民衆五日刊社一家。書店，有清湘書局、益興俊、集賢堂、安瀾書局、賽蘭芳等數家。此外據當地人士言：『擬就湘山寺及其附近，改建湘山公園一處；覓一相當場所，建立民衆娛樂場一處。』但俱在擬議中，尙未興工。

## 一九一 全縣的械鬪

縣屬風俗淳樸，民性強悍而質直有古風。一切操作均由男子負擔，婦女惟處理家常瑣事而已。服飾尚樸素，衣多大布，不愛奢華。食料以米、麥爲主，佐以菜蔬。平時與他處無異，冬季則另製一高不盈尺之大空心木桌，置於火爐盆之上，火爐中則置一鼎足之爐，撐以支鍋，鍋中盛菜，熱氣騰騰，家人圍爐而食。如有高客，則於鍋菜中復置一鼎足之小撐以支碗，碗中肴將盡，則易以他碗，如此遞禪，凡七八易，始及於鍋。至若杯、箸、羹匙等，則停歇於空心木桌之邊緣上。此俗頗較他處爲特別。住屋多屬磚屋，鄉村之間，其房屋建築新式美觀者頗多，非他縣可比。茅房則惟結廬山中者間有之。

俗好訴訟而喜械鬪，械鬪之風，以南部爲尤甚——縣中有諺云：『長萬出白米，恩建動刀槍（恩建二鄉，卽今縣屬南部）宜鄉說禮義，富貴落昇鄉。』以此便可知六鄉民情之大概矣。其械鬪裏因，多由地主釀成，因爲地主要爭奪良田與森林及維持其重利盤剝之利益，所以各族地主與地主間及地主與佃農間，常發生利害關係之衝突，再加以宗族觀念，便形成械鬪局勢，爾後不論兩族間或因口角，或因伐竹、木以及爭佔水源及荒山等等，都能變成械鬪。挺身發動者雖係無知農民，但暗中主使者却係少數地主。械鬪時，雙方

集衆至數百人，縣互至一二年之久，攔途截殺，互相襲擊，殺人放火等類慘劇，相繼演出，至足駭人。全民迷信鬼神亦深，病則延巫至家，作法以禳解之。輕者延巫一人，至野外吹角招魂而歸，謂之『小祭解』。重者延巫二、三人，掛神像於中堂，鑼鼓喧闐，手舞足蹈，達旦方罷，謂之『大祭解』。小兒在十六歲以前因病纏綿不愈者，於其生辰延巫至家，用竹作橋，敲鐘誦咒數小時，謂之『度花』。逐年生辰皆如之。至滿十六歲時，必延巫七、八人至家，大鳴鑼鼓，作法三日，謂之『完花愿』。今此風亦漸衰矣。

婚俗，於婚期之前一日過禮。是日女家有迎婿至家筵宴者，謂之『回門』。亦有不回門而過禮與迎娶。即在一日者，然皆不行親迎禮。娶之日，新婦之父、兄、伯、叔，必有送者。一、二人偕至婿家，謂之『送親』。所乘大轎，亦由婿家預備。新婦到時，擇一多子婦人，接引新婦入家祠中，俛新郎先拜天地，次拜宗祖，然後夫婦交拜，謂之『拜堂』。拜堂後，乃拜舅姑。送親之客，必筵宴而後返。客起行時，必至新婦房中看視，謂之『看火房』。新郎於大門外叩拜送行，謂之『拜草』。婿家富者，於客回時必以豬、羊伴送，謂之『解品』。貧者其禮稍薄。是夕，各戚友入新婦房中吃茶，必勸新郎與新婦雙手攙遞，以爲笑樂，謂之『吵洞房』。三朝，新婦將婿家過禮之衣飾，啓篋陳於堂上，請舅姑出，向上再拜，謂之『交啓』。並請舅姑入房檢視陪嫁衣飾，謂之『檢籠』。又有於三日後，婿至女家拜其三黨姻眷者，亦謂之『回門』。——女家必張筵以款之。以上諸事，今已漸從



簡略，然未盡革，且有因喪而扶娶者。

喪俗，死者逝世後三日，成服，設主，設主後，即朝夕上食，至三周年送主入祠後，方罷。初死二「七」內，必訃告戚友，訂期開弔，俾戚友同日致賻，以便招待。遍發頭腰白布，謂之「會客」。及葬，親朋齊集奠送，又各給布帛，並設筵以款之。葬後三朝，親屬男女，齊至墳上，各加以土，謂之「覆土」。有因迷信風水而久停親喪者。

## 一九二 西延地方的風俗

西延，地居全西，山深林密，地頗廣漠。東距縣治約百餘舊里，中有大嶺之隔，風土人情，與東部各區稍異。水陸交通，以出湖南反較至縣屬其他各區爲便，故與湖南往來獨多。氣候較涼，因而五穀成熟亦稍遲，農人自插秧以至收穫，須歷四月餘，視他區收成，常遲一月。特產竹、木兩項，運銷益陽、漢口等處，獲利頗厚。婚俗，男女兩家，憑媒說合，先須訂定首飾、衣服等件，然後書立庚帖，行定親之禮，每屆婚期，男家均須先過聘金於女家——大戶須過大洋一、二百圓，多或三、四百圓；小戶亦須數十圓或百圓不等。女家亦盛備妝奩以陪嫁，有需扛佚百餘名者，甚至送親之客，有在男家住宿五、六晚方歸者。喪俗，每遇喪事，則白衣如雪，富者須購白布數百疋，凡本支親屬及有關係之戚屬，男、婦、大、小，來者除普通頭、腰所披纏之白布外，均須縫給白布長衫，貧

者於其嫡親至戚，亦必設法製給，方可以免物議。其尤甚者，母黨號稱「水源」，有來一、二百人之多者——至少亦有數十人，較量厚薄，騷擾不堪，喪家均須竭誠款待。至其所來禮物，喪家又必估值而倍償之——如值一百圓者，必償還二百圓，再多者仿此類推。否則必釀成不解之膠轕。端節尙十五，小年尙二十九，而以次日爲大年。如臘月係小建，則提前一天——以二十八日爲小年，二十九日爲大年。

## 一九三 別矣廣西

二月三日，天陰。正午十二時，別胡老先生，至交通旅社候車，約一小時，登車啓行。車中除普通乘客外，尙有緝私隊員二人，目光炯炯，常注視車下往來行人。至中途，有商旅肩荷筐篋者十餘人，自公路前方而來，隊員立令司機停車，下車檢查，翻閱幾遍，卒無所獲，似大失望；而車則因此耽誤時間不少。再前進，兩隊員仍沿途注視，未嘗少懈；如此停車檢視，又有二次。至四時餘，始抵黃沙河。余下車後，雇臨時挑夫，步越湘江浮橋，意欲投宿區公所；蓋該區區長與余曾在胡老先生處相識，並請余道經黃沙河時，即寓區公所內也。詎知區公所並不在河東，而在余來時所經之西岸南邊。遂折回河邊，仍越浮橋南行，迨抵區公所，已五時許矣。由區公所委員等接見，並臨時備飯款待。是晚余託區公所代雇挑夫，以便翌日清晨啓程。與所內諸君圍爐坐談，詢

余沿途特殊風俗甚詳，至十一時始就寢。

二月四日，天陰。清晨，區公所特備早餐，余略爲應景，卽辭登程。再渡浮橋，經黃沙街，向東北行，約六七里，道側有茅廠一座，內有團丁數人，似充守望者。渠等見余至，卽詢何往，余答：『往湖南永州。』其中有一團丁似曾相識，伊亦爲余聲明曰：『此君係周遊全國者，昨晚寓於區公所，余嘗見之。』盤問乃已。微此，余必難免一番麻煩矣。余知湘桂接壤之地，當在不遠，又行約百餘武，見前有磚砌圓門一，詢之挑夫，據云：『此關門前也。』過此卽入湖南省境。『既越關門，余已身離廣西，返身回顧，一時雜感叢生。憶余自去歲五月二十二日由廣東欽縣入廣西之上思界，迄今歷時八月有餘，歷程六千三百餘里（步行與利用汽車及輪船，各一千九百餘里，利用民船，四百八十餘里，騎馬五十里，利用腳車四十里）。足跡遍四十縣，以廣西全省九十四縣而論，余雖未及其一半，但余之遊踪分配頗爲均勻。東至蒼梧、昭平，西至恩陽、百色，南至邕寧、貴縣，北至河池、宜山，西南至龍州、上金，西北至凌雲、鳳山，東南至鬱林、北流，東北至桂林、全縣，中央則曾至柳州、象縣。是則余之足跡已遍於廣西之四面八方矣。因此余對於廣西全省之沿革、地勢、山脈、河流、氣候、物產、住民、交通、文化、勝蹟、風俗等項，均有相當之認識；更有許多特殊情形，爲外間出版界所未有記載者。若凌雲、鳳山、東蘭一帶，山嶺重疊，素稱難行；既爲山險之區，復有瘴癘之氣，余孑然一身，出入其間，未受若何頓挫，且曾發現各種奇特

之巖洞，成績雖屬微渺，但增加余之旅行經驗與興趣不少。至若沿途各界之熱烈愛護，與掬情指教，殊足銘感！尤以廣西省黨部，與民政廳雷廳長之特別愛護與援助，以及雲煥君等之竭誠優待，尤令余片刻難忘！興念及此，回顧關門，早已爲山角所遮蔽，僅見遠山數重，企送旅人而已。余不禁喟然歎曰：『別矣！廣西！』

### 撫河河水碧油油（男女對歌）

男：撫河河水碧油油，望見好花水面浮；怎得攜歸天井種，花開解得我心愁。

女：黏穀攪埋糯穀浸，兩種同生亦要禾；到了於今沒話講，事情盡錯在當初。

男：有要緊，十惡冤仇要好番；官府尙和人命案，知心要好用何難。

女：老了纔知書好讀；禾熟就知田好耕；擔鋤去開山邊路，大家都想路好行。

男：秋來八月菊花開，蝴蝶紛紛日夜來；蘭桂二花同時放，兄兄妹妹攜手來。

女：做工仔，着乜來由裝咁光？九月種薯十月挖，幾多根底不用藏。

續前

男：吃魚雀，朝朝來守這條河；來到這河河水濁，吾冲望實這條河。

女：唉！離別了，離別雀兒飛過山。雀兒朝去晚就轉，兄今別去幾時還？

男：唉！歸去了，何時何日得相逢？今日共情無二句，「分手去歸各不空」！

女：高山點燈不怕風；海裏撐船不怕空；祇要我情真實對，傾心相愛不怕窮。

男：共妹講愛不講錢，兩家訂定一百年；日後不論誰先死，奈何橋上等三年。

女：大河水濁撫河清，蝴蝶爲花兄爲情，蝴蝶爲花死於水，兄爲情死吃不成。

男：江邊栽竹竹成林，大船撐郎望遮陰，誰知都是空心竹，沒見有條真實心。

女：蜘蛛結網娥眉月，不得團圓枉了絲；五六月天種芥菜，無心空枉我圍籬。

—— 流行蒼梧 ——

# 全國都會商埠旅行指南

葛綏成  
周白棟

喻守真  
姚鐘聲 編著

精裝一冊 一二元四角

本書爲便利旅行者而作。凡我國水陸交通發達之區，敘述靡遺。茲舉其特色如下：●  
本書材料，皆根據最近最確之調查，依次敘述；語語微實，事事切今，與泛抄成書，  
人云亦云者迥別。●本書每叙一都市，歷舉其地方沿革，街市概況，交通郵電，鐵路  
車站，以及旅館、茶館、公署、銀行、工廠、病院、教會、學校、娛樂場所；古蹟名  
勝等，均經翔實調查，不厭求詳。對於外人租界內之事業及其勢力伸張諸要點，尤加  
注意。●本書附有最新確之詳細地圖二十八幅。中國全圖，及國際關係之重要各圖，  
均用彩色精印。瞭如指掌。卷首並插入寫真銅版三十二幅，尤爲巨觀。本書不僅爲旅  
行者所必備，即各界亦宜人手一編，可增史地學識不少。

中華書局出版

# 著生先城新舒

## 故鄉

一冊  
八角

本書爲書信體之遊記，共分三編：①歸程雜拾，記由南京至湖南淑浦的旅程；②故鄉瑣記，記作者家庭及其故鄉的情形；③資湘漫錄，記資水民船上及長沙之生活。原稿爲作者寫與其友人稱君之書信，故情詞極爲親切；其對於內地社會現象及家庭情形之描述與分析，尤爲精到。作者並在自序中說：『……這其中的瑣細與片斷，大概是現在中國農村家庭與農村社會普遍的一種現象，則此冊或亦可視爲「現代中國」之一部分的真實史料。』故此書實爲富有歷史性的文藝作品。去年摘錄一部分發表於新中華雜誌，很受讀者歡迎。今由作者將全稿整理，並加照片五十餘張，用上等道林紙精印。凡愛好文藝以及研究中國社會問題，農村問題，家庭問題者，均不可不人手一編。

## 蜀遊心影

一冊  
九角

是書爲書信體之遊記，計分三編：第一編寧渝途中，記由南京至重慶途中之情形；第二編渝蓉紀程，記由重慶至成都之見聞；第三編錦城雜拾，記在成都數月間之遊踪及當地之人情風俗。作者旅居成都，係在民國十三、四年之間，其時尙無公路，由重慶至成都須十餘日，且以地方不靖，循小路而行，故能深入內地，洞悉內地之真實情形。在成都半年，遍遊該地之名勝，對於當地教育及社會情形，尤有精確之觀察。作者文筆雋逸，更善攝影，凡文字不能表達者，則以照片輔之，表現當時之社會現象，儼然如生，實爲不可多得之富於社會史料的作品。凡從事社會研究及文學研究者，均不可不讀焉。

# 版出局書華中

# 江亢虎南遊迴想記

江亢虎著 五角

江亢虎博士於民國十二三年間，旅行南洋羣島及各國各屬地，歷星加坡、檳榔嶼、柔佛、仰光、盤谷、西貢、馬尼拉等埠，所至據拾政聞，觀察風俗，尤注意華僑所創辦之實業與教育，歸舟六晝夜間，草迴想記八萬餘言，於國勢凌夷，僑民疾苦，痛乎言之。時序更移，迨已十年，披卷瀏覽，南洋十年前之景色，羅陳目前，不僅作尋常遊記讀也。

# 南洋旅行漫記

梁紹文著 一元二角

本書將當時南洋歷史、地理、僑胞之生活狀況，以及各國殖民政府待遇僑胞之情形，詳述靡遺。並搜集各地之奇風異俗、古蹟、神話，一一詳細紀之。文采斐然，不僅可作遊記讀，實為最富內容之小品文，令人百讀不厭。凡治史地、文學等科者，均有瀏覽之必要。

南

洋

黃栩園編 三角五分

是書為研究南洋之專著，舉凡該地開闢時之歷史、交通、要政、面積、人口、物產、金融、行政、教育、種族、風俗、以及各國殖民政策、華僑狀況，均歸納敘述，有條不紊；且敘述詳盡明晰，讀之可得一般之鳥瞰，洵為研究南洋地理與近代歷史之絕好參考資料；初中學生採作地理科之補充讀物，最為適合。

中華書局出版



# 古今遊記叢鈔

勞亦安編  
十二冊 六元

本編搜集古今遊記之佳者，自漢晉以迄近代，凡四百餘名，文集亦四百餘篇。從海內藏書家，及各處圖書館內之專集、總集、別集中選出，孤本居其多數。纂輯校勘，煞費苦心。凡研究國文與地之學者，讀之，既可見歷代文體之變遷，又可考今昔形勢風景之異同，誠一舉而兩得也。

# 新遊記彙刊

初篇八冊 二元  
續編六冊 二元

本書編次，依現行行政區域為標準，分二十六門。有經過數省，而詳於途中之記述者，另關長途交通實業之全書，於記述名勝之外，凡關於歷史、交通、實業、教育、礦產、動植物、風俗等，靡不詳載。作者均當代人，礦文筆條暢，紀錄翔實；且對於各地之舟車里程，食宿匯兌等項，亦均詳述。其境，如臥遊。指南，閉居時，手此一編，不啻親歷其境，如同臥遊。

## 曲阜泰山遊記

倪錫英著  
一冊八角

本書內容分二部：(一)曲阜之部，(二)泰山之部。山蹟名勝，所無一事不蹟，以所繫人懷想宛生動，筆更遊之逸興，動遠思古之幽情，發允推遊記中之佳著。

